


9 X 21



COMMENTARIJ
COLLEGII
CONIMBRICENSIS
SOCIETATIS IESV.
IN ARISTOTELIS
LOGICAM.

Pars Prima:

NUNC PRIMUM IN LUCEM EDITI,
CUM PRIVILEGIO.



VENETIIS, M. DCVII.

Apud Iacobum Vincentium, & Ricciardum Amadinum.



COMMITTEE
COLLEGE

COMMITTEE

1901

1901

1901

1901

1901

1901

1901

1901



1901

B E N I G N O
L E C T O R I
S A L V T E M.



VANQVAM omnes mortales non solum sua facta atque consilia, sed etiam cogitationes & latètes animi conatus, ad Dei gloriam, ad Reipub. salutem, ad communem denique vitæ institutionē referre decet: tamen maximè ij, qui publicum docendi munus in Academijs & Scholis sustinent, id præstare ex officij ratione coguntur; siquidem hoc nomine illi constituti sunt, vt in gloriâ Dei ætium studia pro virili foveant, & quando ex neglectæ & sine honore iacent, manibus pedibusque id obnixè operam dent, vt amissum decus & debitum honorem ijs restituant, atque ad memoriam posteritatis propagent: quodd ijs extinctis, nec religio stare, nec Respub. florere, nec vlla ciuilis disciplina exempla diuturna perpetuaque

esse queant. ἔτι ἀπόλοιτο δὲ θεῶν εἰκνύδεια δῶρα. id est, Reijcienda Dei non sunt illustria dona. Quia verò tam perfrixtæ frontis sit, qui bonas literas & artes Dei donum esse neget? Quis tantæ vecordiae, vt immensum earum vsum etiam me tacente non intelligat? Prisci homines, qui luce veritatis cœlestis minimè collustrati fuere, tantieas facere, vt eas è Iouis cerebro natas esse dicerent. Hinc plutarchus non immeritò scriptum reliquit: ἡμεῖς ἐκ ἀνθρώπου τίνα παραλάβομεν ἀρετῶν τῶν τεχνῶν, ἀλλὰ τὸν πάσαις ταῖς ἀρεταῖς κεκοσμημένον θεόν; id est, nos non hominem aliquem accepimus repertorem artium, sed omnibus virtutibus ornatum Deum.

Quod cum de omnibus in genere artibus verum sit: tamen ars Dialectica vel maxime familiam ducit, pal-
mamque præ cæteris obtinet tanquam fundamentum,
cui reliquæ omnes scientiæ subiaccunt. Quis enim, vel
THEOLOGVS, vel IVRECONSULTVS, vel
MEDICVS, vel MATHEMATICVS, vel ORA-
TOR, sine instrumento huius artis rem quampiam de-
finire aut videre posset? At vbi definitiones, & diuisio-
nes non sunt, quæ ibi, Deus bonæ, rerum omnium
confusio? quæ veri cum falso permixtio? quod ver-
borum chaos? an non futurum esset, vt hac, ceulu-
cæ, & Sole, sublata, reliquæ & dubiæ & tenebrico-
sæ efficerentur? an non in disputationibus præsertim,
vaga & inconstanti disserendi ratione, instar navis, quæ
nulla gubernatoris arte, sed ventorum impulsu & pro-
cella-

cellarum incursu leuiter aliò atque aliò rapitur, sursum
& deorsum differendo noua atque inaudita leuitare flue-
rent disceptatores?

Iam verò & de illo inter omnes conuenit, quòd
Dialecticis arte sua veritatem inquirat in omnibus, &
contra Sophistas digladietur, eorumque Strophistas
accerrimè oppugnet. Quod commodum nisi homi-
nibus præstaret Dialectica, Sophistæ leptologijs, & fu-
mis suis totam Philosophiam destruerent: τὸ γὰρ ἀλη-
θὲς κατὰληπτόν, τὸ ἔμει ψεύδος ἀκατάληπτόν ἐστι.

Quod si omnia hoc loco profèrre velim, quæ huic ar-
ti laudem conciliant, quæque apud Ciceronem in To-
picas, & Platonem passim in Dialogis extant: dies me-
potius quàm verba deficerent. Itaque vnum hoc ex
innumeris adijcere sufficiet, quod in Glaucone legi-
tur: Dialecticam doctrinis omnibus velut apicem esse
propositam, nec vllam doctrinam vltèrius, aut eminen-
tiorè reperi, sed hic iam omnium doctrinarum esse
finem.

Quæ cum ita sint, qui non summis laudibus extollen-
dos eos esse censeat, qui hanc nobilissimam artem ex-
colant, prouehant, amplificent, exornent?

Cum autem omnium litteratorum calculo & consensu Aristoteles inter omnes sublimi feriat sydera vertice, atque de ipsis Organo Logico verè istud Homeri usurpare possis: *Ἄ ἐπὶ πόταμι καὶ φρέατα πάντα παύει*: (Quis enim vnquam præcepta Dialecticæ conscripsit, quin hinc tanquam ex fonte vberissimo & limpidissimo riuolos suos deduxerit?) Operæ certè præcium fecit COLLEGIVM CONIMBRICENSE, quod succinctis, & exasciatis suis lucubrationibus nunquam satis laudandis, opus istud Logicum, si quisquam alius, maximè illustravit, & viam patefecit, ad expeditam, & planum eius intelligentiam, ita vt cuilibet mediocriter saltem exercitato, inoffenso pede stadium istud decurrendi potestas facta sit. Et si enim multi eruditi uiri de Republ. litteraria præclare meriti sunt, quod omnes neruos ad huius auctoris explanationem doctissimis suis notis intenderint, nec ego de cuiusquam laboribus quicquam imminutum eam: tamen qui ex optimis Aristotelis interpretibus *χρηνόμενοι* collegerint, atque selectiss. quæque in succum & sanguinem suum conuerterint; nodosque intrincatos maiori dexteritate, & iudicij exquisitione dissoluerint, atque in his COMMENTARIIS factum, uix reperiēs. Id quod ex *duo* *libris* & collatione manifestum euadet. Quapropter, cum hi COMMENTARII in manus meas incidissent; tantum Thesaurum non diutius suppressendum, & Philologis inuidendum censui, quin, quo eius fructus ad quam plurimos redundaret, publicis typis euulga-

ri curarem. Tū itaque beneuole Lector, serena hunc
laborem fronte excipe, atque gratus cum tuo maxi-
mè emolumento utere atque fruiere.



Admodum Reverendissimo

Patris et Magistro

Magistro

C O P I A

GLI Eccellen. Sig. Capi dell'Eccelfo Consiglio di X. infraſcritti, hauuta fede dalli Sig. Reformatori del Studio di Padoua, per relation delli doi acciò deputati, cioè del R. Padre Inquistor, & del Circ. Secretario del Senato Zuane Marauagia, che nel libro intitolato Commentarij Collegij Conimbricenfis Societatis Iesu, da essi veduto, & letto non è cosa alcuna contro le leggi, & è degno di Stampa, concedono licentia, che possi esser stampato in questa Città.

Dat. die 25. Nõemb. 1603.

D. Z. Malipiero.

D. N. Contarini.

D. Agust. Na. K.



Capi dell'Eccelfo Conf. di X.

Eccelsi Conf. Decem.

Secret. Bonifacius Antelmo.

COLLEGI CONIMBRICENSIS SOCIETATIS IESV.

PROLEGOMENA

IN VNIVERSAM DIALECTICAM ARISTOTELIS.



De utilitate artis & Auctore.



MINIS ars omnisque doctrina. vt sapienter Arist. 7. lib. Politic. cap. 17. animaduertit, aliquem naturæ defectum corrigere, & emendare nititur, quod ex eo pater, quoniā qui

perfectiorem naturam habent, artium præfidijs minus indigere solent.

Si vero omnes naturæ defectus percurras, nullum fortasse neque frequentiore, neque magis perniciosum reperies errore, aut ignorantia, quæ in veritatis inuestigatione reperitur: Ibi propter veri difficultatem labi facie est, & eo turpius, quo nobiliorem hominis partem, nimirum intellectum hæc ignorantia inuadit. Quare dubium non est quin ea ars inter vtilissimas numeranda sit, quæ huic incommodo ita medeatur, vt qui ea instructus fuerit, nec facile decipi, nec a veritatis cognitione aberrare possit. Eam vero esse dialecticam facile videbit, qui totam doctrinam differendi, hoc est, ignota ex notioribus declarandi ad hanc artem pertinere intelligit.

Hæc enim docet rem vniuersam distribuere in partes, latentem explicare definiendo, obscuram, explanare interpretando, ambiguum primum videre, deinde distinguere, postremo habere regulam, quæ vera & falsa iudicentur,

vt lib. de clar. orat. Cic. docet. Hæc denique multiplici disputandi, & coarguendi ritu efficit, vt nec quis demonstrationis specie deceptus putet se scire, quæ nescit, quem errorem omnium esse maximum hospes Eleatenfis apud Plat. in Sophista docet.

Porro de auctore deligendo, cuius potissimum præceptis Dialecticam comparemus, nō est diu deliberandum. Constat enim inter omnes Arist. in hac arte principē fuisse. Dialecticā. n. quæ a Zenone Eleate obscurum quoddā initium accepit, deinde a posterioribus aucta & amplificata est, opera denique ac ingenio Aristotelis in eam doctrinæ magnitudinem enasit, vt quicquid post eum recentiores adiecerunt, parum momenti præ Aristotelica doctrina habere videatur.

Aristotelem igitur enarraturi, quem hodie iure optimo omnes philosophorum Scholæ sectantur, prius quædam ad totam dialecticam pertinentia replicabimus, quam ipsum a minimis elementis ordientem interpretemur. Ea vero sunt, sitne Dialectica scientia; Quodnam sit eius subiectum; Vtrum sit theoretica scientia an practica; Quæ sit eius necessitas, c. demum in quas partes distribuatque omnia tradita prius generali quadam artium distributione commodius explicabuntur.

DE ARTE, EIVSQVE
distributionibus.

Ars igitur siue scientia, vt plerisque definitur, est multarum de vna re comprehensionum collectio ad finem aliquem utilem vite. Dicitur collectio multarum comprehensionum, idest, multorum utriusque habituum, quibus assentimur conclusionibus artis, quia ars non est vnus tantum habitus, sed collectio multorum. Dicitur, de vna re, idest, de certa aliqua materia, vt Arithmetica de numeris, & Musica de concentibus, quia omnia, quae vnaquaque arte tractantur, ad eandem materiam pertinere debent. Dicitur denique, ad finem aliquem utilem vite, quia artes, quae in perniciem vite humanae inuentae sunt, vt ars venefica, non simpliciter artes, sed cum adiectione artes male appellari debent. Ars igitur sic definita duobus modis diuidi potest: vno quidem, ratione eorum, in quibus versatur: altero, ratione finis, ad quem suapte natura refertur. Priori modo in duo quaedam genera distribuitur; etenim artium aliae in rebus versantur, vt naturalis philosophia; aliae in sermone, vt Dialectica, Grammatica, & Rhetorica, ad quam teste Cic. 1. de orat. historica & poetica reuocantur. Posteriori modo in duos itidem genera ab Aristotele diuiditur, 1. Metaph. cap. primo, in Theoreticam scilicet, & practicam. Theoretica scientia est, cuius finis est sola veritatis cognitio & contemplatio. Practica cuius finis est opus. theoreticam scientiam diuidit Aristoteles, 6. Metaph. cap. primo, in physicam, idest, naturalem, Mathematicam, & Theologiam, idest, Metaphysicam. physica scientia, ad quam Medicina reuocatur, est, quae res corporatas, mutationique subiectas contemplatur, vt animalia, plantas, corpora coelestia, & his similia. Mathematica scientia est, quae magnitudinum, numerorumque naturas, & affectiones declarat: ea vero in quatuor partes potissimum ab antiquis distributa est, in Arithmeticam, quae agit de numeris; in Geometriam, quae de magnitudinibus; in Musicam, quae tonorum numeros atque concentum contemplatur, & denum in Astronomiam, quae rationem astrorum, coelestiumque, quod attinet ad magnitudinem, numerum,

& motum complexa est. Metaph. seu naturalis Theologia est, quae lumine naturali describit de rebus omnibus corpore molis materiarumque expertibus, vt de Deo optimo max. de supremis illis beatisque mentibus. Ceterum alia longe nobilior Theologia singulari Dei beneficio hominibus concessa est, quae non humano ingenio, sed diuino lumine Deum cognoscimus, ad quam magna pars iuris pontificij reuocanda est, ea scilicet, in quam ex his, quae diuina auctoritate nituntur, multa decreta sunt, tum ad mores, tum ad fidei mysteria pertinentia.

Practica deinde diuidenda est in agentem, & efficientem.

Nam cum omnis practica scientia, regulas operandi praescribat, si operatio, quam dirigit, maneat in ipso qui operatur, vt cupere, irasci, timere, & alia id genus, appellatur agens. Si vero in eo qui operatur, non maneat, sed potius in consicienda re aliqua externa posita sit, vt aedificatio, statuae effectio, & similia, dicitur efficiens. Porro agens scientia Ethicam, Oeconomiam, & politicam comprehendit. Ethica, idest, morum scientia est, quae vnumquemque hominem singularium probitatem morum docet; Oeconomica, idest, ratio rei familiaris est, quae rationem regendae familiae continet. politica, idest, ciuilis scientia est, quae gubernationem reipublicae complexitur, ad quam scientia iuris ciuilis, & non exigua pars iuris pontificij reuocanda sunt. Ars vero efficiens omnes operarias, idest, Mechanicas complexitur, quae ad septem fere reduci possunt agriculturam, nemorariam, idest, venandi, aucupandique artem, artem militarem, nauticam, Chirurgiam, lanificium, & fabrillem.

Illud autem praetereundum non est, ex artibus enumeratis, quasdam esse superiores, scilicet, Physicam, Metaphysicam, ac tres agentes paulo ante enumeratas alias inferiores, quae in liberales, & seruales diuidi solent. Liberales dicuntur quatuor mathematicae iam dictae, & tres, quae in sermone versantur: Mechanicae autem, siue, seruales, septem efficiens enumeratae.

Videntur autem priores dictae liberales, vel quod liberum hominem deceant, vel quod magis ad animum pertineant liberam & ingenuam hominis partem. Posteriores vero eo videntur seruales vocatae, vel quod

quod feruorum propriæ videantur, vel quod magis in functione corporis, quod animo subiectum est, posita sint. Possunt autem hæc omnes hoc distinctio comprehendere.

Lingua, tropus, ratio, numerus, tonus, angulus, astra,

Rus, nemus, arma, ratis, vulnere, lana, faber.

Lingua, Grammaticam significat, quod eius munus sit, congruenter, atque emendate loqui: trobus, Rhetoricam, quod eius potissima pars sit elocutio, quæ tropis figurisve continetur: Ratio, Dialecticam, quod rationis operationes perficiat, Numerus, Arithmeticam: Tonus, Musicam: Angulus, Geometriam: Astra denique Astronomiam, Rus, agriculturam indicat, quæ rationem seminandi, plantandi, curamque pecorum, atque apum, & denique totam rei rusticæ rationem complectitur: Nemus, venandi, aucupandique artem significat: arma militarem: ratis, nauticam: Vulnere, Chirurgiam, ad quam Pharmacopolarum ars reducenda est: Lana, eas artes complectitur, quæ in conficiendis vestibus, & calcamentis horumque materijs præparandis versantur, vt tenendi artem, texendi, & similes: Fabri denique nomine vniuersas artes fabriles comprehendimus. Priori versus liberales: posteriori seruales continentur. Hæc de artium diuisione dixisse sit satis. Nunc ad propositas circa Dialecticam quæstiones accedamus.

Vtrum Dialectica sit
Scientia.

Q V A E S T I O
Prima.

NO M E N scientiæ duobus modis usurpatur, vno pro quavis arte: quo pacto ars superius definita est, altero præse ac proprie, nempe pro habitu qui demonstratione gignitur; in qua significatione ab Aristotele accipitur in libris de post. resol. talisque in locis sæpe. Atque in hoc sensu inquirendum est, siue Dialectica scientia, nec ne.

Partem igitur huius quæstionis negantem ita quispiam suadebit: Primo.

Omnis scientia versatur circa certum & definitum subiectum, quo ab alijs distinguatur. Sed dialectica non habet certum subiectum, disputat enim de rebus omnibus vt docet Aristoteles 4. metaph. cap. 2. Et 1. poster. analyt. Cap. octauo, igitur Dialectica non est scientia: Secundo: modus sciendi & scientia distinguuntur. Sed Dialectica est modus sciendi, Ergo non est scientia. Maior probatur ex Aristotele secunda Metaph. cap. 2. dicente, absurdum esse scientiam simul, & scientiæ modum quærere. Minor etiam ostenditur. Nam vt Diuus Thomas & Auerroes exponunt citato loco, Aristoteles nomine modi sciendi Dialecticam intelligit.

Pro solutione huius quæstionis illud adiuuandum est, Dialecticam interdum accipi pro ea parte tantum, quæ hominem ad probabiliter de quaque re proposita differendum instituit, quo pacto solam eam partem comprehendit, quæ Topica appellatur: In qua significatione a multis ita definitur. [Dialectica est methodus, siue, ars rationandi ex probabilibus de quacunque re proposita.] Quæ definitio ex initio topicorum a aristotele desumpta est. Interdum autem sumitur Dialectica, pro ut totam differendi artem complectitur, definiturque, [doctrina differendi, seu incognita ex cognitis oratione patefaciendi,] ut ex initio lib. 1. institutionum Dialecticarum manifestum est. Hoc igitur loco nomine Dialecticæ totam artem intelligimus.

Vna igitur assertione quæstio hæc dissoluetur. Dialectica est uere ac proprie scientia, quæ quidem suaderetur primo: Quia vera scientia nihil est aliud, quam habitus quidam animi demonstratione comparatus. Dialectica uero est huiusmodi. Est igitur dialectica uere scientia. Maior propositio constat ex Aristotele de post. resol. Minor uero probatur, quoniam in dialectica multæ sunt demonstratæ rationes, ut, quod demonstratio generet scientiam, Syllogismus probabilis opinioem, & aliæ huiusmodi, quibus diuersos habitus comparamus: aggregatio uero horum habituum est ipsa Dialectica. Igitur est habitus, seu habituum multitudo demonstrationibus comparata.

A 2 Secundo:

Secundo: Quoniam ea est vera scientia, quæ in certo aliquo subiecto versatur, de quo proprias affectiones per propria principia demonstrat: Dialectica vero ita se habet; Est igitur vera scientia. Maior est manifestæ. Minor quoad priorem partem, ostenditur, quoniam circa modum differendi ex instructo versatur, vt quæstione sequenti docebitur: Quoad posteriorem vero partem confirmatur, quoniam Dialectica demonstrat de modo differendi, quod sit ad docendum accommodatus, eo quod sit oratio, quæ ex cognitis incognita pateant, de diuisione, quod opta sit ad totius rei confusionem explicandam, propterea, quod est oratio, quæ totum in suas partes diuiditur. De definitione essentiali, quod naturæ cognitionem efficiat, quoniam est oratio constans genere & differentia; De argumentatione, quod ad veritatem inquirendam appositæ sit quia est oratio, in qua aliquid ex aliquo concluditur, & de cæteris simili modo, vt in Dialecticæ progressu apud Aristotelem videbitur. Pro solutione vero primæ obiectionis animaduertendum est, Dialecticam pro parte Topica acceptam duobus modis considerari, ut libro quarto, Metaph. lect. quarta docet diuus Thomas: Vno modo quatenus rationem probabiliter differendi de quacunque proposta quæstione, quo modo habet veram rationem scientiæ: Altero prout ratione probabiliter differendi tradita utitur ad probabiliter de quacunque proposita quæstione disputandum, quo pacto a modo scientiæ recedit, hoc est, munere scientiæ non fungitur: atque priori modo vocatur docens, posteriori vtens, accommodatius tamen illa dicetur doctrina, hæc facultas.

Ad prima igitur obiectionem concessa maiore, distinguenda est minor. Si enim intelligatur de Dialectica vtente, concedenda est: Si autem de docente, neganda. Habet enim Dialectica docens certum subiectum, vt paulo post dicemus: Quod vero ait Aristoteles Dialecticam de omnibus rebus disputare, atque adeo non habere certum subiectum, de parte Topica intelligendum est; atque de ipsa non pro vt doctrina, sed pro vt quædam facultas est.

Ad secundam vero neganda est Maior, si significat modum sciendi distingui ab omni scientia, nam Dialectica, quæ vere scien-

tia est, appellatur etiam ab Aristotele modus sciendi, quod varia probandi genera tradat, quibus in reliquis artibus utamur. Dantur enim scientiæ, quæ accuratum certissimumque genus probationum efflagitant, vt Mathematicæ, Aliæ, in quibus hæc probandi ratio minime requiritur. Ex quibus non colligitur, Dialecticam non esse vere scientiam: Cum enim Aristotelis ait, absurdum esse modum sciendi, & scientiam simul querere, nomine scientiæ eam intelligit, quæ modis sciendi non est, innuens his verbis, Dialecticam, quæ modus sciendi est, anre alias scientias addiscendum.

Quodnam sit Dialecticæ subiectum.

QUESTIO SECUNDA.

DE subiecto, circa quod Dialectica versatur, non eodem modo autores sentiunt. Nam Diuus Thomas ens rationis Dialecticæ subiectum constituit, Ammonius demonstrationem, Ægydius Romanus Syllogisum, magnus Albertus, argumentationem, alij denique sciendi, id est, differendi modum. Vt tamen quid dicendum sit statuamus, est in primis animaduertendum, quamquam subiecti vocabulum multas apud Philosophos significatio nes habeat, hoc tamen loco in ea usurpari, quæ significat id, circa quod vnaquæque scientia versatur, seu in cuius consideratione tota artificis cura posita est, quod alij uocant subiectum attributionis.

Porro tres conditiones necessariæ videntur ad scientiæ subiectum, in primis quidem, vt modo aliquo vnum quippiam sit: Neque enim scientia vere vna dicitur, nisi subiectum, circa quod versatur, vnum sit aliquo modo, vt Aristoteles ait primo post. capite vigesimotertio. Deinde vt non solum secundum tuam rationem in ea scientia tractetur, sed etiam reliqua omnia, ad eandem scientiam pertinentia ipsius causa considerentur, aut vt partes subiectæ aut vt partes ad integritatem, id est, naturam eius pertinentes, aut vt eius affectiones, aut alia quadam ratione: Denique vt eam scientiam, cuius subiectum est

se dicitur: a cæteris distinguat, ac separet. Aduertendum est deinde, dialecticæ nomen interdum accipi pro vniuersa differendi arte, quo pacto artem diuidendi, definiendi, & arguendi comprehendit: Nonnunquā vero pro ea tantum parte, quam Aristoteles in libris Dialecticæ, qui ad nos peruenerunt ex instituto traxit, & in qua de sola argumentatione potissimum differuit. At enim de definitione & diuisione, vt peculiare sunt differendi modi, seu vt per se aliquid declarant, Aristot. non egit, sed ea tantum ratione qua ad aliquid confirmandum desumi possunt, quod recte annotauit Magn. Albe. & vt ipse ad initium Porphyrij refert Auicenna & Alpharabius, item Caetanus initio categoriarum Aristotelis, & alij graues auctores. Id autem Aristoteles propterea fecisse dicitur, quia in definitionibus & diuisionibus explicandis minus negotij esse credidit, quam vt sigillatim tractandæ viderentur; vel, quoniam in argumentandi modi duntaxat, quos primus 2. Elenchorum ait, inuenisse, sibi elaborandum esse existimauit.

His ita explicatis, fit prima assertio: Ens rationis non est subiectum artis dialecticæ. Quæ suadet hoc modo: Nam subiectum cuiuscunque artis eam debet a cæteris separare, vt patet ex tertia subiecti conditione. At vero ens rationis non separat Dialecticā a cæteris artibus: Non est igitur ens rationis Dialecticæ subiectum. Minor propositio probatur, quoniam non solum Dialectica, sed Rhetorica etiam, & Grammatica de eritis rationis disputant. Sunt qui respondeant, inter entia rationis esse nonnulla quæ vocibus conueniunt non ex natura rei, sed hominum arbitrio, vt esse nomen, verbum & participium, atque de his Grammaticam agere: Alia vero esse, quæ ita rebus conueniunt, vt ex naturis ipsarum pendeant, vt esse genus, esse speciem, & cætera huiusmodi. Nam esse genus ita conuenit animali, verbi gratia vt ex ipsius natura modo aliquo pendeat: propterea enim animal est genus non autem homo, quoniam animali non repugnat communicari rebus specie differentibus, homini vero repugnat. Dicitur igitur dialecticam, circa ens rationis posteriori modo sumptum versari, atque eodem modo sumptum esse Dialecticæ subiectum. Hæc tamen responsio nulla esse videtur, cum quia Dialectica agit de nomine & ver-

bo, alijsque huiusmodi, quæ ex hominum arbitrio significant, vt patet ex li. de interpretatione: Tum vel maxime, quia Rhetorica multa, entia rationis considerat, quæ non minus ex rerum naturis dependent; quam ea, de quibus dialectica disputat; Alioquin, si præcepta Rhetoricæ non ex rerum naturis, sed ex solo hominum arbitrio penderent: non essent eadem Rhetoricæ præcepta omnibus communia, vt non sunt eadem Grammaticæ, quæ de rebus hisce disputat, quæ pro hominum arbitrio mutari possunt.

Secunda assertio fit; Demonstrationem non esse Dialecticæ subiectum; Quæ suaderi potest; quoniam, vt ex secunda subiecti conditione patet, quod subiectum scientiæ esse dicitur, tale esse debet, vt non solum secundum se consideretur, sed cætera etiam propter illud. At vero non omnia, quæ in dialectica tractantur, propter demonstrationem considerantur, vt constat. Demonstratio igitur non est dialecticæ subiectum.

Tertia assertio fit; Argumentationem esse subiectum dialecticæ, vt eam nobis tradidit Aristoteles. Cum enim de sola argumentatione ex instituto egerit: de reliquis vero, de diuisione, inquam, & definitione, quatenus ad argumentationem utiles sunt, non autem vt peculiare quidam differendi modi existunt perspicuum est, solam argumentationem subiectum esse dialecticæ ab Aristotele traditæ. Vnde fit, vt qui dialecticam ea tantum ex parte, qua ab Aristotele tradita est, considerant, merito asserant, subiectum dialecticæ esse argumentationem, aut syllogismum, ad quem cæteræ omnes argumentandi formæ reuocantur. Atque hoc pacto intelligendus est Scotus initio questionum, quas in Porphyrius edidit, cum ait, syllogismum esse logicæ subiectum.

Quarta assertio fit; Subiectum attributivis totius artis dialecticæ esse modum differendi, cuius sententiæ est Scotus libro prior. questione secunda, vbi affirmat; Instrumentum sciendi, hoc est, differendi, quod diuisionem, definitionem, & argumentationem complectitur, esse subiectum dialecticæ. Potestque hæc sententia suaderi ex his conditionibus, quas ad subiectum scientiæ necessarias esse diximus. Imprimis enim modus differendi est vnius naturæ, cum nam

habeat definitionem. Est enim oratio, qua id quod ignotum est, ex cognitis declaratur: deinde modus differendi non solum secundum vniuersa arte dialectica spectatur, sed propter illum cetera omnia ad dialecticam pertinentia considerantur; denique artem dialecticam a ceteris distinguit & separat, non quod sola ipsa differat, sed quod ipsa tantum doceat, quo pacto differendum sit. deinde quia ut argumentatio est modus differendi, sic & definitio atque diuisio, dialectica igitur cum sit vniuersa differendi doctrina non tantum de argumentatione, sed etiam de diuisione, & definitione, ex instituto agere debet. Postremo id ostenditur ex fine totius dialecticæ: Nam tum dialectica ad intellectus nostri vitia emendanda inuenta sit; is erit proprius dialecticæ finis, quo efficitur, ut intellectus in rebus cognoscendis errorem declinare possit. Cum igitur mentis nostræ vitia in hac cernantur, quod nesciat inuestigare ignota ex rebus notioribus, perspicuum est, proprium, proximum, & adæquatam finem dialecticæ esse, intellectum dirigere, ut errorem facile declinet; Nihil est autem ad hanc rem accommodatius, quam modus differendi, diuisionem, definitionem, & argumentationem complectens; Dubitare igitur nemo potest, quin modus differendi sit proprium & adæquatam dialecticæ subiectum.

Ut autem hec assertio planius intelligatur, sciendum est, tres esse generales differendi modos, diuisionem, scilicet definitionem, & argumentationem, qui alios deinde sub se continent, quod quidem ita colliges; differere generaliter acceptum idem est atque oratione vti, qua ex cognitis incognita declarantur, quomodo accipitur, cum dialectica, vt totam artem complectitur, differendi doctrina esse dicitur. Porro tria sunt, quæ ignorare possumus, aut enim ignoramus, quas partes vnaqueque res sub se contineat; aut quæ sit eius natura, aut denique quid cuique conueniat, aut non conueniat. Ac diuisione quidem, quas partes vnaqueque res sub se complectatur, intelligimus: Definitione, quæ sit rei natura: Argumentatione tandem, quid vnicuique tribuendum, aut non tribuendum sit. Tres igitur sunt generales differendi modi: in quibus tradendis & explicandis vniuersa dialectica posita est.

Sigñe Dialectica Theoretica
Scientia, an practica.

QUESTIO TERTIA.

VIDE TVR dialectica esse theoretica scientia: Nam omnis scientia, quæ rerum naturas inuestigat definiendo, diuidendo, & demonstrando, est theoretica. Dialectica vero, ita se habet, cum modum differendi & vsque partes sitatas definitionibus ac diuisionibus patefaciat: harumque affectiones demonstrando concludat. Est igitur dialectica Theoretica scientia. Quæstio hæc non potest hoc loco satis explicari. Esset enim inquirendum, vnde nam scientia habeat, vt Practica sit, vel Theoretica: Quid etiam sit praxis. Quæ non ad hunc locum, sed ad 6. metaph. libro ex instituto pertinet. Ut tamen, quid de hac re sentiendum sit, breuiter nunc statuamus, animaduertendum est, ex fine cuiusque scientiæ intelligi posse, sitne ipsa in Practicis, aut Theoreticis numeranda. Ea namque scientia est Theoretica, cuius finis est sola veritatis inuestigatio, & contemplatio: Ea vero practica, cuius finis est operatio, siue praxis. duplex autem finis in quavis arte cerni potest, vnus ipsius artis proprius, ad quam ars ipsa ex se refertur, & quem ex sua ratione vendicat. Alter scientiæ peculiaris, quem quisque in scientia comparanda sibi proponit; Exempli causa. Scientia de animo ex se solum refertur ad animi naturam, cuiusque affectiones inquirendas, & contemplandas. Ea nihilominus quispiam addiscere potest, vt cognita animi excellentia, ad recte viuendum alliciat. Simili ratione ars construendi domum ex se ad opus dirigitur, cum regulas operandi præscribat: Potest tamen quispiam huic arti incumbere, vt solam cognitionem construendæ domus assequatur. Igitur scientia intelligitur esse practica, aut Theoretica ex fine, quem ipsa ex sua ratione sibi vendicat. Quare illa scientia dicitur Practica, quæ ex se dirigitur ad opus: Ea vero ex se ad opus dirigitur, quæ regulas, & modum

operand præscribit, qualis est ars construendi domum, & id genus aliarum. Illa item Theoretica dicitur, quæ non ad opus ex se refertur; sed sola contemplatione contenta est. Ea vero ex se ad opus non dirigitur, quæ regulas operandi minime præscribit, sed solum rerum naturas, earumque affectiones inuestigat, atque pertrahit. Unde efficitur, quod non modo ea scientia, quæ de his rebus disputat, quæ a nobis nullo modo agi, efficere possunt; sed etiam ea, quæ cum de re agenda, & efficienda tractat, regulas tamen agendi, aut efficiendi non præscribit, Theoretica dicenda sit: Ea vero practica, quæ de re, vel agenda, vel efficienda disputat, atque regulas operandi præscribit.

His ita breuiter dictis, hæc vna assertionem questio soluetur: Dialectica simpliciter est practica scientia, quæ ita suadet, Ea est practica scientia, quæ ex dirigitur ad opus. At dialectica scientia est huiusmodi. Est igitur practica. Maior propositio ex dictis constat. Minor suadet, nam ea scientia ex se dirigitur ad opus, quæ de ea re differit, quæ a nobis agi aut effici potest, & modo hoc regulas operandi præscribit, vt ex dictis constat; At Dialectica ita se habet Dialectica igitur ex se ad opus dirigitur. minor propositio manifestissima est, cum in Dialectica multa præcepta tradantur diuidendi, definiendi, & arguendi, quæ sunt opera quædam mentis fabricata.

Ex quo argumento intelligi potest, Grammaticam & Rhetoricam practicas esse artes, cum illa congrue, hæc ornate loquendi præcepta ex instituto tradat. Obiectio vero initio proposita facile diluatur: si dicas, Dialecticam diuidendo quidem, definiendo, & demonstrando rerum, de quibus agit, naturas declarare, hæc tamen omnia ad opus referri, nempe vt doceat, tradatque præcepta diuidendi, definiendi, & arguendi. Ita patet, dialecticam esse practica scientiam.

Sitne Dialectica ad omnes scientiarum comparandas necessaria.

QUESTIO QUARTA.

QUOD Dialectica non sit necessaria ad omnes scientias comparandas, hoc modo suaderi potest.

Primo Mathematicæ scientiæ, ius civile, & pontificium sine dialectica acquiruntur: Non est igitur dialectica ad omnes scientias comparandas necessaria.

Secundo, si dialectica esset necessaria, ad quamvis scientiam comparandam, cum ipsa dialectica sit quædam scientia: esset etiam necessaria ad sui acquisitionem, qua propter antequam dialectica comparata sit, erit iam acquisita, quod fieri nequit.

Huius tamen questionis duobus pronuntiatis satisfacimus. Primum sit huiusmodi, Fieri potest, vt sine dialectica habeatur scientia non solum vnius conclusionis, sed etiam multarum, potissimum Geometriæ, & Arithmeticæ, in quibus maior euidencia, quam in cæteris artibus reperitur, Quod ex eo patet; quoniam potest dialecticæ ignarus propositis principiis per se notis, ex quibus conclusiones deducantur, euidenter assentiri; potest item solo lumine naturali euidenter intueri, ex illis principiis hæc conclusiones necessario deduci: Ergo absque vlla dialecticæ cognitione potest quispiam scientiam comparare.

Secundum pronuntiatum: dialectica, ea ratione necessaria est ad alias scientias comparandas, quod absque illa multi errores committantur. Quod suadetur, quoniam cum difficilimum sit etiam in dialectica non parum versatis vitiosas, captiosasque argumentationes ab illis distinguere ac secernere, quæ firmæ sunt, ac recte concluduntur, qui ignarus dialecticæ fuerit facili negotio decipietur, & ad multa incommoda trahetur. Præterea, difficilimum est absque vilo vitio opus quodcumque conficere, nisi adiut instrumenta ad eiusmodi opus consuecundum accommodata: dialectica vero præbet instrumenta ad scientiam quamcumque absque errore comparandam accommodatissima: modos nimirum differendi; dial-

Alia igitur ea ratione ad alias scientias necessaria est. Quod adque illa multi errores facile committantur. In quo sensu intelligendus est Plato: qui necessitatem huius artis in phædro hisce verbis declarat: Magnæ quælibet artes exercitatione Dialecticæ, contemplatione sublimium in natura rerum indigent. Sed de his lib. insit. Dialect. dictum est.

Ad primum igitur obiectionem initio propositam dicendum est, posse quidem Mathematicas scientias solo lumine naturali absque Dialectica comparari: verum non tam facile, nec tam accurate. Ius vero pontificium, & civile absque demonstrandi, siue sciendi methodo minime doceri. Non enim res per causas, & principia comprobantur: Sed pene sola autoritate tenentur. Quam utilis autem sit utriusque iuri Dialectica scientia, docet Cic. in lib. de Clar. orat. ubi Seruius Sulpitium vniuersis inris consultis illius temporis anteponit qui tamen, inquit, nunquam ad talem iuris peritiam peruenisset, nisi Dialecticam addidisset.

Alterum argumentum soluetur, si dicas ad eas tantum scientias Dialecticam necessariam esse, quas antecedere potest: Quare cum se ipsam non possit antecedere, non dicetur ad se ipsam necessaria. Itaque cum Dialectica ad quamcumque scientiam necessaria dicatur, Dialectica ipsa excipienda est.

Nonnullæ Dialecticæ diuisiones.

Superest, ut de diuisione Dialecticæ nonnulla dicamus. Prætermissi igitur hoc loco ea diuisione, quæ Dialectica in partem inueniendi, & iudicandi distribuitur: de qua initio libro de prioribus resolu. commodius dicamus: Solet vniuersa Dialecticæ ars ex parte rerum, quas ex instituto, & potissimum considerat, in tres partes distribui: in eam scilicet, in qua de diuisione, in eam in qua de definitione, & in eam in qua de argumentatione disputatur. Cum enim modus differendi, de quo tanquam de subiecto vniuersa Dialectica differit, tres partes complectatur: Diuisionem scilicet, definitionem & argumentationem: tres etiam Dialecticæ partes esse necesse est.

Quod si quis obieciat, diuisionem, & definitionem reuocari ad argumentationem: & propterea non esse alias Dialecticæ partes esse

situendas, in quibus de ipsis disputetur: præter eam, in qua de argumentatione agitur: occurrendum erit, diuisionem & definitionem duobus modis considerari posse: vno, quatenus per se aliquid declarant: quo pacto non reuocantur ad argumentationem: altero quatenus assumuntur ad aliquid confirmandum; quo modo reuocantur ad argumentationem. Efficitur ergo hinc, ut sit alia tractatio constituenda, quæ doceat usum arguendi ex definitione, & diuisione, præter tractationem de argumentatione: Sed non efficitur propterea ut non sint quædam alix tractationes de diuisione ac definitione constituendæ: in quibus de huiusmodi rebus seorsum agatur: Quam diuisionem secutus est Boetius initio Topicorum Ciceronis.

Secundo loco diuidi potest Dialectica, ut ab Aristotele tradita est, in eam partem, in qua de simplicibus agitur: in eam in qua de propositione: ac denique in eam, in qua de argumentationis structura differitur: propter ne trium, quæ in argumentatione cernuntur, nimirum simplicium vocum, ex quibus ipsa argumentatio remote componitur: Propositionum, ex quibus proxime constat. Et totius structuræ, quæ, ex his partibus efficitur.

Diuiditur quoque Dialectica in illas tres partes, pro ratione trium operationum intellectus: quas ipsa dirigere solet quarum una simplex rei apprehensio: cui voces simplices respondent, de quibus Aristoteles in prædicatorum libris disputat: Altera est compositio, & diuisio, hoc est, affirmatio, aut negatio in mente facta: cui respondent propositiones vocales: de quibus Aristoteles in libro de interpret. differit: Postrema est ratiocinatio mente fabricata: qua ex alijs aliâ concludimus, cui respondet argumentatio vocalis: de qua Aristot. in cæteris libris Dialecticis, qui sequuntur, disputat.

Nos igitur in Aristotelis Dialecticæ narranda eundem ordinem sequemur: quem ipse in ea tradenda seruauit. prius tamen Porphyrii libellum: qui ad Aristote-

lis doctrinam aditum patefacit, interpretabimur.

EXPLANATIONES in librum porphyrij de quinque vocibus.

QVI opus aliquod philosophico more enarrandum suscipiunt; quædam capita; quæ Græci prolegomena appellant, prætermittere consueverunt: ut lectores ad lectionem libri instructiores, promptioresque reddantur. Ea vero sunt, quisnam sit operis autor; quod eius institutum; quæ operis inscriptio; quæ utilitas; ad quam partem philosophiæ sit tractatio referenda: quo loco sit explicanda, quo genere dècendi utatur autor; quæ denique sit operis distributio: Quæ omnia vt ante librorum expositionem utiliter tractari solent: sic a nobis hoc loco minime sunt negligenda.

De autore libri.

Avtoris nomen est Porphyrius Philosophus quidem Platonicus, natione vero phœnix, patria Tyrius, qui tempore aureliani Imp. vt Suidas est autor temporibus etiam Diocletiani vixit.

Hic cum Tyri Longinum philosophum habuisset præceptorem, profectus Romam, æmilium plutini philosophi Platonici discipulum audiuit: docuitque Iamblichum insignem & chrysaorum Romanum patricium, cui hunc libellum nuncupauit. Nam cum eius monitu, quem instituebat, in Siciliam nauigasset; accidit, vt in manus Chrysorij inciderent Aristotelis Categoriz: Quas cum ille propter quarundam vocum obscuritatem omnino intelligere non potuisset, Porphyrio scripsit, vt aliquid mitteret, cuius præsidio Aristotelis prædicamenta non sine fructu legere posset. Cui Porphyrius, vt morem gererent, hunc libellum scripsit; in quo facili dècendi genere, ut introductionem decet eas voces explicauit, quarum ignorantia necesse erat Chrysaorium nullo modo in intelligendo Aristotele progredi potuisse. Verum cum hic autor fidem Christianam impudentissime deseruerit, religionisque Christianæ fuerit hostis inimicissimus, ut Diuus Augustinus scribit libro de ciuitate Dei, capite vigesimo-

terzo, nulla profectio ratione exponendus dèderetur nisi ea, quæ in hunc librum coniecit, magna ex parte, ex Aristotele in Topicis accepisset.

De instituto autoris.

Porphyrij propositum & institutum est, tradere in hoc libello cognitionem harum quinque vocum; [generis] videlicet, Species, differentiz, proprii, accidentis. A quas omnes voces simplices, quæ de multis eadem omnino ratione dicuntur, tanquam ad generalia quædam capita reuocantur. Quare iure optimo porphyrius de his quinque vocibus instruit in hoc introductorio libro disserere: Vt hisce quasi summis capitibus explicatis ad Aristotelis prædicamenta, in quibus infinita rerum & nominum multitudo continetur, imò ad omnes Dialecticæ partes, viam muniret.

De operis inscriptione, & categoriz capitibus.

Inscriptio operis est: Porphyrij Isagoge siue introductio: Quæ in re, quæri potest hoc loco, cur porphyrius hanc tractationem indefinite introductionem appellaret, cum ambigere quisquam possit, cuiusnam operis sit introductio.

Huic quæstioni respondet ammoaius, hunc librum propter excellentiam introductionem appellari; Causa verb est, vel quod ad philosophiam introducat, nec possit quicquam sine cognitione harum vocum in philosophiæ parte vlla pro dignitate versari. Vel quod ad eam scientiam viam patefaciat, quæ ad artes omnes & scientias quæcumque instituit. Recentiores autem spectata harum vocum proprietate; quod, scilicet, de pluribus prædicentur; tractationem hanc de prædicalibus inscripserunt: Alij de quinque vocibus.

De operis vero utilitate ipsum porphyrium paulo post dicentem audiemus.

Refertur autem liber hic ad eam Philosophiæ partem, quæ in sermone versatur: Nam cum Dialectica ea philosophiæ parte, quæ in sermone posita est, continetur; hic autem libellus ad Dialecticam pertineat; ne-

istio est, qui non videat, hunc libellum ad eam philosophię partem, quę in sermone versatur referendam esse.

Quo vero loco hic liber explicandus sit ex his, quę dicta sunt, satis intelligi potest. Est enim liber hic omnibus, quos Aristoteles de Dialectica conscripsit, præferendus, cum eorum omnium aditus quidam sit & veribulum.

Docendi modus in hoc libello mediocriter est, ut ipse Porphyrius in præfatione polli-

ceatur: nam definitionibus, diuisionibus, & exemplis eam declarat. Qui modis satis apertus est, introductionibusque accommodatus.

Tandem distribuitur hic liber in præfationem, & tractationem; Tractatio vero, in eam partem, in qua singule voces seorsim declarantur, & in eam, in qua eas ipsas comparat inter sese, ut videat, quid commune habeant, quid proprium ac peculiare.

PORPHYRII PRAEFATIO.

AD CHRYSORIVM.



CVM necessarium sit, Chrysori, & Aristotelis prædicamentorum doctrinam, quid nam sit genus, cognoscere, quid differentia, quid species, quid propriam, & quid accidens: Et ad definitiones etiam assignandas, atque ad diuisiones, omnino demonstrationesque conficiendas, sit horum vilius contemplatio: Breuibz enitar tibi tradere ea, quę a maioribus nostris de his ipsis suscepimus, quasi ingressum quendam tibi ad hæc omnia demonstrando. Atque ab aliis quidem contemplationibus abstinebo, faciliores autem afferam, quas quidem nunc tibi accommodatas esse coniecto. Continuo an genera quidem & species in rerum sint ratione, an in solis nudis conceptibus collocentur; Et an corporea sint, an expertia corporis; Et utrum separabilia sint, an in ipsis sensibilibus rebus, dicere nunc omittam: Quippe cum altissima sit talis tractatio, & alia maiore indigeat perscrutatione. Ut de ipsis vero ceterisque propositis disserendi modo veteres, horumque maxime Peripatetici tractata vere, recense, nunc atque ostendere tibi conabor.

In præfationem.

TRIA quædam hac præfatione breuiter continentur, in primis auctoris institutum. Deinde huius instituti causę; Denique modus tractandum rerum. Quod ad institutum attinet, ait Porphyrius; se dicturum de genere, differentia, specie, proprio, & accidente: Causam vero, ob quam de his agere instituat, partim esse, quod horum cognitio ad intelligenda Aristotelis prædicamenta necessaria sit, partim quod ad vniuersam diuidendi, definiendi, ac demonstrandi rationem magnam afferat utilitatem; Denique tractandi, siue docendi modum breuem fore, facilemque, ac Peripateticę doctrinę accommodatum.

Causam necessariam sit.] Duobus modis ali-

quid necessarium esse dicitur, altero simpliciter, id scilicet, quod spectata rerum natura, aliter euenire non potest, ut: Deum esse, hominem esse animal, & alia huiusmodi: Altero ex hypothesi, id nimirum, quod natura rerum considerata aliter euenire potest, sed tamen propter causam aliquam externam necessarium esse dicitur. ut diem esse, hominem cibum capere. Hęc enim non sunt simpliciter & suapte natura necessaria, cum & dies possit non esse, & homo cibum non sumere. At si solem ponas in nostro hemisphærio, ex suppositione huius causę efficientis necesse est diē esse: Itemque si ponas hominem diu victurū, ex suppositione huius causę finalis necesse est hominē cibum sumere. Vnde colligitur, quædam esse necessaria ex suppositione causę efficientis, quædam vero ex suppositione finalis.

Cate-

Ceterum ea, quæ necessaria sunt ex suppositione finis, alia sunt necessaria omnino, ut finis acquiratur, quæ dicuntur necessaria ad esse, ut cibis ad vitam diu conservandam (vita enim conservari diu non potest sine cibo.) alia vero sunt necessaria ad esse, ut melius & facilius finis acquiratur, quæ dicuntur necessaria ad bene esse, quo pacto aliquod medicamentum ad sanitatem conservandam, & acquirendam necessaria esse dicuntur. Cognitio igitur quinque vocum necessaria est, non simpliciter, ut satis constat, sed ex suppositione finis, nempe si doctrina Aristotelis capeienda est; necessaria inquam, omnino non tantum, ut melius faciliusve acquiratur prædicamentorum doctrina. Itaque est necessaria ad esse. Quod quidem facile probari potest. Nam Aristoteles in prædicamentis sæpe meminit generis, speciei, & differentie, in singulis etiam prædicamentis proprietates, atque communia singulorum accidentium pertractat. Igitur, ut Aristotelis prædicamenta. Percipiantur, necessaria omnino est harum quinque vocum cognitio. Non est autem idcirco reprehendendus Aristoteles, quod rem necessariam, ut percipiantur prædicamenta a se tradita, pretermiserit, qui in Topicis late differuit de his ipsis, ex quo loco depromendam a præceptoribus voluit qualècunque huiusmodi vocum cognitionem, tradendamque discipulis, qui ad Dialecticam animi adijcerent.

Quidnam genus.] in his vocibus præponendis servat Porphyrius ordinem naturæ. Prius enim eas proponit, quæ rei essentiam declarant, genus, scilicet, differentiam & speciem; posterius autem eas, quæ significant proprietates, & accidentia, nimirum, proprium, & accidens. potest autem hic ordo, quem Porphyrius servavit, ordo originis seu generationis appellari. Est enim persimilis ei, quem natura servat in gignendis perficiendisque rebus. Natura enim primo loco materiam disponit, in quam deinde recipitur forma; Postea vero ex materia & forma emergit totum compositum, quarto loco ex natura compositi oriuntur proprietates; & postremo adueiunt accidentia extranea. Cum igitur genus respondeat materię, differentia formę, species toti composito, proprium proprietatibus, quæ rei naturam sequuntur, & accidens accidentibus; quæ adesse & abesse possunt, patet esse hunc ordinem ei persimilem, quem originis appellamus.

Cumque ad definitiones.] Docet hoc loco, utilem esse quinque vocum cognitionem ad definitiones assignandas, ac omnino ad diuisiones, demonstrationesque conficiendas, hoc est ad diuidendum, definiendum & demonstrandum, atque intelligendum, quippe cum in his tradendis sepe earum. Vocum mentio fiat: Etenim multę definitiones traduntur per genus & differentiam, alie per genus & proprietatem, alie per genus & accidentia, omne autem, quod proprie definitur, aut describitur, est species; Sunt etiam quæ plurimę diuisiones, in quibus hæ voces continentur, Interdum enim genus in species diuiditur, interdum per differentias. Aliquando subiectum in suas proprietates distribuitur, & nonnunquam in accidentia. Denique medium demonstrationis potissima est definitio essentialis, quæ ex genere & differentia constat, per quæ de finitionem passio aliqua seu proprietas de specie demonstratur. Accidentia quoque cognoscenda sunt, ut a demonstratione longe remoucantur. Sed quæret aliquis hoc loco, cur Porphyrius non dixerit, harum quinque vocum cognitionem ad hæc tria esse necessariam quemadmodum ad prædicamenta, cum æque necessaria videatur. Huic quaestioni ut respondeamus, animaduertendum est, alio modo requiri cognitionem prædicabilium ad diuidendum, definiendum & demonstrandum; Et alio ad discenda præcepta recte definiendi, diuidendi, & demonstrandi. Nam ad diuidendum, definiendum, ac demonstrandum utilis tantum est, & non necessaria cognitio prædicabilium, sunt enim hoc tempore diuisiones, de finit, & demonstrationes a plerisque, Geometris, & Arithmeticis, qui harum vocum cognitione non tenentur. Ad vero ad discenda præcepta diuidendi, definiendi, ac demonstrandi necessaria est omnino cognitio prædicabilium, quemadmodum & ad prædicamenta. Nam in tradendis præceptis diuidendi definiendi, demonstrandi, sæpe fit mentio generis, speciei, differentie, proprii & accidentis, ut ex dictis patet.

Intelligendum est præterea, utile duobus modi accipi posse, altero quidem pro eo, quod ad aliquid agendum conducit, non tamen est omnino necessarium ad esse, quo pacto dicimus, equum utilem esse ad iter faciendum. Altero vero pro eo, quod expedit propter aliud, de quo loquitur Aristoteles 8 Eth. c. 2. Siue ad aliud obtinendum necessarium sit, ut dare operam literis si quis euasurus est literatus; Siue non sit necessarium, ut equus ad iter faciendum.

Hic.

His positis dicendum est Porphyrium locutum fuisse de præceptis definiendi, diuidendi, ac demonstrandi, ac quæ necessaria est quinque vniuersaliū cognitio, vt ad Aristotelis prædicamentā; accepisseque vtile secundo modo, non dixisse vero ad vtrumque necessariam esse cognitionem quinque vocum, ne nimis propinqua eiusdem vocabuli repetitione vteretur. Quod vero Porphyrius de arte diuidendi definiendi, ac demonstrandi locutus fuerit, ex contextu græco clarius deducitur, vbi ait vtilem esse harum vocum cognitionem ad ea, quæ de definitione sunt, hoc est, ad præcepta capeßenda, siue ad artem definiendi comparandam, quod simili modo de cæteris intelligendum voluit.

Aduerte tamen hoc loco, id quod porphyrius hætenus docuit de necessitate, ac vtilitate harum quinque vocum, non de sua tractatione dixisse, vt ex contextu satis apertum est, sed de cognitione earundem vocum absolute & simpliciter.

Breuius enitar.] Hoc loco tractandi modum porphyrius proponit, polliceturque, se breuiter, & vt institutionis ratio postulat, quæ a maioribus, præsertim peripateticis dicta sunt, expositurum, prætermittiturque obscuriores quæstiones, easque tractaturum, quæ faciliores sunt, at ad sensum popularem magis accommodatæ.

Cont. nūo an genera.] Enumerat nonnullas ex difficilioribus quæstionibus se prætermittitur polliceturque, quæ quidem de generibus, & speciebus a Metaphysicis excitantur. prima igitur quæstio est, existantne genera, aut species in rerum natura, aut potius mente sola intelligantur, cogitenturque veluti signa, hoc est, vtrum animal commune & homo communis, & item cæteræ res communes, quæ genera, vel species dicuntur, existant in rerum natura, an potius hoc tantum esse habeant, quod cogitentur, intelliganturque. Secunda est, an genera & species, hoc est res communes, quæ genere, & species appellantur, sint corpora, an non corpora. Tertia, an genera, & species existant in his rebus, quæ sensibus percipiuntur, an potius ab ijs separata cohereant. Has quæstiones, prætermittit, porphyrius quoniam ad Metaphysicū pertinent: polliceturque iterum, se de generibus & speciebus, cæterisque vocibus tractaturum eas quæstiones,

quæ faciliores sunt, magisque Dialecticæ accommodatæ, quæque agitatæ fuerunt a Peripateticis qui Aristotelem ducent secuti sunt. Ne tamen auditorum animus tam diu anceps pro trahatur, dicemus, quid ad huiusmodi quæstiones respondendum sit. Neque enim res ita difficilis est, vt mediocriter intelligi non possit, præsertim, si prius nonnulla explicauerimus, quorum cognitio non ad præstationem modo, sed ad reliqua etiam quæ deinceps a Porphyrio dicenda sunt, imo ad omnes Dialecticæ partes admodum necessaria est.

Quid sit vniuersale.

QUESTIO PRIMA.

Quoniam ea, de quibus porphyrius se acturum pollicetur, sunt vniuersalia, ordo tam naturæ, tum etiam doctrinæ postulat, vt inprimis, quid sit vniuersale, hoc loco explicemus. Vniuersale igitur latissima significatione acceptum multas significationes comprehendit. Quædam enim dicuntur vniuersalia efficiendo, quæ scilicet multa efficiunt, quo pacto ait Aristoteles Deum optimum maximum, supernas mentes, & orbis cælestes esse vniuersales causas eorum, quæ gignuntur & intereunt, quæ vniuersalia in causando a recentioribus appellantur. Alia dicuntur vniuersalia in significando, quæ multa significant, siue declarant, quo pacto dicimus cometas esse signa vniuersalia morborum, bellorum, & aliorum effectuum. Quo item modo conceptus quidam, voces, & scripta dicuntur nomina in significando vniuersalia, quoniam multa significant quæ propterea dicuntur vniuersalia in significando. Tertia dicuntur illa, quæ vniuersalia non essendo nuncupantur, sed de his quæstione sequente. Postremo ea, quæ de multis communiter enunciantur, vt homo de singulis hominibus, & leo de singulis leonibus, quæ vniuersalia in prædicando dici consueuerunt. cum autem tot modis vniuersale dicatur, de eo tantum differit Dialecticus, quod de multis communiter enunciat, de quo quidem nunc agere instituius.

Vniuersale igitur, hoc pacto acceptum sic definitur ab Aristotele priori libro de interpretatione cap. 5. [Vniuersale est quod apud

est,

est, ut de multis prædicetur], hoc est, vere affirmetur, ut inprimis reiiciantur, quæ falso, aut negatiue prædicantur in qua definitione tres particulæ continentur, una est, [quod;] altera, [aptum est.] Extrema, [de pluribus.] Quod igitur ad primum attinet verbum, [quod;] iungit in hac definitione aliquid vnum, & nomine, & ratione, ut Aristoteles docet prior. lib. de post. resolut. cap. 3. & 2. cum ait, uniuersale esse unum quid non solum nomine, sed etiam ratione, quia particula excluduntur primo complexa omnia, ut homo candidus, animal rationale, & alia huiusmodi, quæ ratione complexa sunt, quoniam ut sunt complexa, non sunt unum nomine, sed multis verbis continentur. Excluduntur deinde omnia casu equiuoca, ut gallus & similia, quoniam etsi sunt unum nomine, non tamen sunt unum ratione. Excluduntur etiam analogia omnia, ut ens, unum, bonum, sanum, & huiusmodi, quoniam ut nullum est analogum, quod habeat essentiam vere, ac simpliciter vnā, sic nullum quod ratione simpliciter una de pluribus dici possit: Quam ob causam Aristoteles negat ea esse uniuersalia multis in locis, ut 4. Metaph. cap. 2. cum ait, ens, & vnum non esse uniuersalia, & eadem in omnibus; Et 1. Ethic. cap. sexto, his verbis: Cum bonum æque atque ens dicatur constare, non esse commune quicquam vniuersale, ac vnum. Non enim in omnibus prædicamentis, sed in uno tantum differuntur. dicuntur tamen nonnunquam uniuersalia, & genera, ac species, quia sunt veris uniuersalibus similia, præsertim, quæ sunt analogæ proportionem propriam, ut ens, unum, bonum, principium & similia, eo quod ad naturam verorum uniuersalium propius accedant, & interdum illis adeo affinia sint, ut vix ab eis discerni videantur, nec nisi a sapientibus internoscantur.

Hac de causa ait Aristoteles 3. Metaph. cap. 3. & 4. ens, & vnum esse maxime uniuersalia; Et 4. lib. cap. 2. tot esse species unius, quot sunt species entis. Diximus, [præsertim] quæ sunt analogæ proportionem propriam, quia quæ sunt analogæ per attributionem tantum, ut sanum respectum animalis, & medicamenti, aut proportionem non propriam, sed metaphorica, ut ridere comparatione hominis, & prati, rarius uniuersalia dicuntur. Ita patet, analogæ ea tantum ratione dici uniuersalia, quia veris uniuersalia, hoc est, vniuersis

sunt similia. Per eandem definitionis partem lam excluditur, mundus, respublica, domus, nauis, exercitus, & alia huiusmodi, eo quod eorum ratio non sit vna simpliciter, quemadmodum neque essentia. Sunt enim entia per accidens, cum sint cōiunctiones quædam vel naturales, vel artificiosæ multorum entium, ex quibus non resiliat aliqua natura, essentia, cuius ratio sit simpliciter una. Compræhendantur tamen quodammodo, quia ratio eorum est quodammodo vna.

Quod attinet ad secundam definitionis particulam, illud inprimis animaduertendum est, idcirco vniuersale non definiri ab Aristotele per actum prædicandi, sed per aptitudinem, ut prædicetur, quia ut aliquid sit vniuersale, non opus est, ut actu prædicetur de pluribus, sed ut prædicari possit. Nam etiam cum de vno solo, aut etiam de nullo prædicabitur, erit vniuersale, si modo habeat aptitudinem, ut de pluribus prædicetur. Illud etiā in hac particula animaduertendum est, duplicem esse prædicationem, vnā naturalem, alteram non naturalem. Prædicatio naturalis ea est, quæ rerum naturæ congruit. Est autem in primis rerum naturæ consentaneum, ut quilibet res de se ipsa prædicetur, cum nihil omnino verius dicatur de re aliqua, quam ipsamet. Deinde ut id, quod est quasi forma, prædicetur de ea re, quæ velut materia subijcitur. Vnde sic, ut prædicatio naturalis duo genera complectatur, identicam, & directam. prædicatio identica ea est, in qua prædicatum & subiectum sunt idem omnino, hoc est, re & ratione, ut si dicas, Socrates est Socrates, gladius est ens. Ceterum huiusmodi prædicatio quemadmodum cuique est obuia, & ideo artis expertis, sic non iniuria ab artificibus negligi solet. Prædicatio directa est, in qua id quod est quasi forma, prædicatur de ea re, quæ velut materia subijcitur; Quo pacto genera, & differentię, quę in definitione ponuntur, prædicantur, de speciebus, partique ratione species, & differentię indiuiduantes, de indiuiduis. Connotatiua etiam de absolutis, aut minus connotatiuis, hoc eodem prædicationis genere dicuntur, ut album de cygno, & simile de albo. Atque hanc solam prædicationem censet Aristoteles 1. post. capit. 18. nomine prædicationis dignam, eamque vnā in prædicationis capit. de substantia, nomine prædicat-

dicatōis completitur, cum ait; a prima substantia nullam dici prædicationem. Prædicatione non naturalis est, quæ rerum naturæ minime congruit. Ea vero duplex est: Vna contra naturam, altera præter naturam. Prædicatione contra naturam huc indirecta, est, in qua id, quod subiicitur, est veluti forma eius, quod prædicatur: Exempla habebis, si directam inueneris. Præter naturam siue per accidens, est ea, in qua id, quod prædicatur, nec est veluti forma eius, quod subiicitur, nec quod subiicitur, eius, quod prædicatur, sed ambo sunt velut formæ vnus, & eiusdem tertij. Vt si dicas, album est dulce est album. Neque enim dulce est forma albi, vt albi, nec contra album est forma dulcis, vt dulcis; sed ambe sunt formæ vnius cuiusdam communis subiecti, vt lactis, aut seccari. Atque hæc prædicatione, est quasi media inter naturalem & contra naturam.

Cum ergo in definitione dicitur, quod aptum est vt prædicetur, intelligenda est in verbo, Prædicetur, naturalis prædicatione, quæ directam & identicam comprehendit. Proinde hac particula excluduntur omnia, quæ prædicantur, non naturali prædicatione, siue contra naturam dicantur, siue præter naturam, quæ nempe ratione sic prædicantur; Vt homo comparatione scientis & ignari, & album respectu dulcis, & amari.

Quod denique ad tertiam definitionis particulam attinet, cum audis vocem, De pluribus, accipe comparatiuum propositiuum, quasi dictum sit, de multis, Intellige etiam nomine plurium, plura secundum idem commune nomen, quod rem vniuersalem significare dicitur. Hæc de causa Deum Opt. Max. non dicitur esse aliquid vniuersale, quoniam etsi potest de pluribus diuinis nempe tribus prædicari, non tamen tres illæ personæ sunt plures secundum illud nomen Deus, neque enim licet dicere tres personæ diuinæ esse plures Deos. Denique hæc particula excluduntur omnia singularia, quæ ratione prædicantur directe, vt hoc album, de Socrate, vel idem, vt Socrates de se ipso. Nulla enim res singularis est, quæ possit prædicari de pluribus, vt nos vocem, de pluribus, exposuimus, quamquam alio modo prædicari de pluribus possit.

Quæ vero ratione singularia prædicantur non naturali prædicatione, hoc est, contra naturam, vel præter naturam vt Socrates de

hoc albo, aut hoc album, de hoc dulci, per superiorem definitionis particulam reiecta sūt. At vero homo in commune est quippiam vniuersale, eo quod est vniui nomine, & ratione, quod de multis hominibus, vt Socrate & Platone, prædicari potest naturali prædicatione.

Alteram vniuersalis definitionem tradit Aristoteles lib. 7. Metaph. cap. 13. hoc modo; Vniuersale est, quod aptum est, ut in pluribus insit, nimirum per modum alicuius identitatis. Quæ definitio ex superiore plane colligitur. Nam cum nihil vere affirmetur de aliquo, nisi aliquo modo sit idem cum eo, (tunc enim aliquid affirmamus, cum dicimus, id quod subiicitur, esse id, quod prædicatur, ut si quis dicat, Socrates est homo, Socrates est candidus,) efficitur, ut si vniuersale est aptum, ut de pluribus vere affirmetur, necessario etiam sit aptum, ut in pluribus insit, per modum alicuius identitatis, alioquin de pluribus vere affirmari non posset. Ex quibus patet, hanc definitionem ea ratione differre a priori, quod prior tradatur per effectum, posterior per causam. Nam quia Socrates est homo, ideoque vere affirmamus Socratem esse hominem; Et sic res habet in ætèreis, iuxta illud per vulgatum dictum Aristotelis in prædicamentis cap. quinto, & 11. [Quæ res est, aut non est, ideoque oratio vera, aut falsa dicitur.

Posterior igitur vniuersalis definitio cum solo uerbo, [Insit,] differat a superiori, sic intelligenda est, ac si apertius dicas; Vniuersale est, quod secundum idem nomen, eandemque rationem aptum est, ut secundum naturam insit in pluribus, quæ plura dicantur secundum appellationem eius nominis, quod rem vniuersalem significare dicitur; Insit, inquam, per modum identitatis, siue ea sit essentialis, quo pacto homo est idem cum Socrate, siue accidentaria, quo pacto candidum est idem cum cygno. Quid autem sit huiusmodi identitas, non opus est hoc loco curiosius inuelligare, satis sit, ab effectu eam intelligere, & describere hoc modo, illud est idem cum aliquo, quod de eo vere affirmatur, quo pacto se habet homo ad Socratem, & candidum ad cygnum.

Sed queret aliquis hoc loco, quidnam in utraque vniuersalis definitione potissimum definatur, utrum ipsa vniuersalis relatio, an res quæ vniuersalis denominatur, an
for-

fortasse aliud quippiam præter hæc : Ad hanc dubitationem dicendum est, in traditis definitionibus definiri uniuersalis relationem in concreto signatam, non tamē per ea, quæ essentialia sunt, sed per suum fundamentum quod latius cap. de genere dicemus.

Sintne vniuersalia res, an nomina duntaxat.

QVÆSTIO SECVNDA.

Secundo loco inuestigandum est, vtrum vniuersalia sint nomina ipsa, an vero res, quæ nominibus significantur, in quæ quidem questione omnes philosophi consentiunt, tãta esse nomina vniuersalia, quæ eadem ratione de multis rebus dicantur, vt sunt vox homo, vox leo &c. Verum magna existit controuersia, num præter nomina vniuersalia ponēdæ sint res vniuersales, quæ nominibus vniuersalibus proxime significantur, an sola nomina dicantur vniuersalia, quod æque multas res singulares proxime significant, exempli causa, vtrum præter vocem homo & etur homo communis, qui proxime voce hominis significetur, an vero non detur homo communis, sed sola vox homo dicatur homo vniuersalis, cuius æque atque proxime singulis hominēs significet, & ita in cæteris.

Hæc igitur in tres feruntur sententiæ duæ extremae, & vna quasi media, quæ & vera est, & aristotelica. Prima creditur Platonis, qui ab Aristot. sæpissime dicitur, asseruisse, nomina vniuersalia rerum corporearum signare quasdam res vniuersales separatas a rebus singulis, æternas, atque immutabiles. Quas Ideas vocabat, verbis causa hanc vocem, homo signare hominem communem sciunctum a singulis hominibus, & hanc vocem, leo, signare leonem communem separatum a singulis leonibus, & sic cætera. Quas ideas, si vera sunt, quæ aristoteles refert, dicebat plato esse essentias, quidditate seu rerum singulariū. Rursum vero, quæ potissimum ductus videtur, vt hæc ideas esse putaret, hæc fuit, quoniam alioqui de rebus corporeis, materiae constitutibus nulla potest haberi scientia; nam nulla res mutabilis cadit sub scientiam, (alias mutare, mutaretur scientia, quod fieri non potest.) Sed omnis res corporea, seu materia cō-

stans mutabilis est; Ergo nulla cadit sub scientiam. Atqui constat, scientiam de rebus corporeis haberi, vt de homine; Ergo oportet earum naturas separatas existere, atque adeo corruptioni non subiectas, vt de his possit esse scientia.

Hæc tamen sententia, quæ a multis creditur esse platonis, vt alio loco dicendum est, adeo absurda est, vt impugnatione egere non videatur.

Paucis tamen sic refelli potest: Nullum singulare potest esse cōmune pluribus, sed idea, verbi gratia hominis, si separata existeret, res quædam singularis esset. Ergo non posset esse communis multis, atque adeo neque vniuersalis maior pater, quia idem singulare, quod de pluribus dici non potest.

Præterea multo interiora sunt vnicuique rei ea, quæ ad essentiam eius pertinent, quam eius accidentia, vt apertissimum est. At quia accidentia rerum corporearum existunt in eis ipsis; Ergo maiori cum ratione existunt in eis vniuersalia, quæ ad essentias earum pertinent, quare non sunt ab eisdem separata; Alibi tamen hæc res diligentius tractabitur.

Altera opinio est quorundam philosophorum, qui quia nominibus multum tribuunt, nominales appellantur; Hæc trantur, nomina vniuersalia num significare rem aliquam communem a rebus singularibus separatam, vt superior opinio docebat, nec in rebus singularibus existentem; Quapropter sola nomina esse vniuersalia, quæ æque & immediate significant multa singularia, vt vocem homo singulos homines, & leo singulos leones. Itaque dicūt, sola nomina, ea præsertim, quæ sunt in mente, esse genera, species, differentias propria & accidentia; Ea sola ad æquale definiri; De his solis fieri primo, & ad æquale demonstrationes, & alia pleraque, quæ ex his consequuntur.

Hanc tamen opinionem fusius explicant nominales. Hæc opinio fuit olim Heracliti & sectato: um eius, vt Plato in fine Cratyli refert, itemque Anaxilthenis, Epicureorum, & antiquorum quorum, quorundam Scholasticorum, quia Magn. Albert. & d. Thomas nominales appellantur. Verum Guilielmus Oecamus Scotti discipulus, quia horum sectam iam pene consequitam exsuscitauit, atque instaurauit inceptor huius viæ apud recentiores appellatur est, & quasi caput nominalium haberi cœpit. Hic igitur multis rationibus suam.

ne, homo, quæ omnibus æque cōueniūt, & aliquo modo à singulis distinguitur, quam dicimus naturam uniuersalem, potest etiam hæc eadem huius pronuntiati pars ex Aristotele pluribus argumentis confirmari. Nam priori de interpreta. cap. 5. ait, rerum quasdam esse singulares, quasdam uniuersales, quo nihil dici potuit apertius contra Nominalium sententiam. Deinde primo lib. de poster. resolut. cap. 2. docet uniuersalia esse notiora singularibus itemque uniuersalia intellectu cognosci, ut singularia sensu; & cap. 7. eiusdem libri, neque definitionem, neque demonstrationem esse de singularibus, sed de uniuersalibus, quæ eadem docet esse perpetuo. Hæc autem, ut perspicuum est, non de nominibus dicuntur sed de rebus. Præterea lib. 7. cap. 13. & cæteris, disputans Aristoteles cum Platone, non reprehendit hominem, quod posuerit res uniuersales, sed quia eas posuerit à singularibus separatas; cum reuera in singularibus existant. Vbi si Aristoteles credidisset, sola nomina esse uniuersalia, non ita sane Platonem obiurgasset, quippe cum nomina uniuersalia non existant in rebus singularibus, quas significant: sed potius sint ab iisdem separata. Quo fit, ut Aristoteles ea disputatione Nominales simul cum Platone impugnaverit.

Alterum pronuntiatum est huiusmodi: Res uerius, quam nomina uniuersalis rationem participant. Quod ex priori uniuersalis definitione, facile suadetur. nam prædicari est uere & affirmatiue de aliquo enunciarī; sed in prædicationibus uoces non enunciatūr de uocibus; Ergo res sunt, quæ de uocibus enunciantur, ac proinde, quæ uerius quam uoces prædicantur. minor probatur, quia alias falsæ essent propositiones hæc: Socrates est homo, homo est animal.

Constat enim uocem, Socrates, non esse uocem animal, & ita in cæteris. Multo autem planius hoc ipsum suaderi potest ex posteriori uniuersalis definitione. nam uniuersale altera definitione dicitur id, quod aptum est, ut in pluribus insit, per modum identitatis; nomina uero inesse non possunt per modum identitatis in ijs rebus, quarum comparatione dicuntur uniuersalia, nisi ratione rerum quas significāt,

igitur iuxta posteriorem definitionem, nõ dicuntur nomina uniuersalia; nisi ratione rerum uniuersalium.

Reliquum est, ut soluamus rationes primæ, ac secundæ opiniones. Ad argumentum ergo pro opinione Platonis, dicendum est, ex eo quod Ideas tollamus, non sequi, scientiam haberi posse de rebus corporeis. Et ad rationem, quæ id confirmabatur respondetur distinctione maioris. Si enim sensus fit res mutabiles per accedens non cadere sub scientiam, neganda est maior. Si uero intelligat res mutabiles per se non cadere sub scientias, concedenda est; Hoc enim differunt indiuidua, uerbi causa; Socrates, hic leo, a naturis communibus uerbi gratia, homine, leone, quod illa per se primum generantur, corrumpuntur, & denique reliquis alterationibus subiiciuntur, ut alio loco dicemus: Hec uero nullum horum per se primo habet, sed ratione suorum indiuiduorum: Atque adeo nõ est, cur de his scientia haberi non possit.

Ut autem respōdeamus ad rationem Nominalium: animaduertendum est, omnia, quæ in rerum natura existunt, esse singularia, alio tamen atque alio modo. Quædam enim sunt singularia per se, quædam per accidens. Singularia per se ea sunt, quæ ex differentijs indiuiduantibus constitutur, ut Socrates, & Plato, & ut uno uerbo dicam omnia quæ primo, & immediate nominibus singularibus signantur. Singularia per accidens ea sunt, quæ ex differentijs indiuiduantibus minime constituuntur, ut homo animal, & quæcunque primo, & immediate nominibus uniuersalibus signantur. hæc enim singularia non sunt, nisi ratione singularium per se, in quibus existunt. Lamero ea, quæ per se sunt singularia, neque ut existunt in rerum natura, neque, ut concipiuntur ab intellectu, neque alia quamvis ratione possunt esse uniuersalia; Quæ uero singularia sunt per accidens, est, ut existunt in rebus per se singularibus, non sunt uniuersalia, sunt tamen alia ratione talia, ut nempe intellectui modo quodam obijciuntur, ut questione quarta manifestum fiet. His ergo positis, respondetur ad obiectionem distinctionis antecedentis. Si enim nomine singularis intelligatur singulare per se, concedendum erit antecedens, sed neganda consequentia, ut

B planum

planum est; Si vero intelligatur singulare siue per se, siue per accidens, omnino negandum est antecedens.

Neque enim est incommodum, ut eadē res simul sit singularis per accidens, & vniuersalis esse possit. Ad probationem vero eiusdem antecedentis respondendum est, rem, quæ est singularis per se, non posse esse unam in multis, at vero, quæ est singularis per accidens, posse esse vnā in multis. atque adeo vniuersalem. Quod autem ostēdi videbatur, omnem rem esse singularem, probat duntaxat omne id, quod in rerum natura existit, esse singulare, vel per se, vel certe per accidens.

Ad confirmationem vero est Aristotele desumptam dicendum est, in 7. lib. Metaph. non ideo Aristotelem dixisse, genera, & species primarum substantiarum non esse substantias, quia crediderit eas esse nomina, sed in eo sensu id protulisse, quo illa a platonē substantiæ dicebantur, hoc est, non esse substantias a rebus singulis separatas, ut Plato assererat.

Ad alteram confirmationem dicendum est, Aristotelem eo loco nihil aliud voluisse, quam secundas substantias, hoc est, nomina secundarum substantiarum signare quale aliquid, quemadmodum eodem loco docuit, primas substantias, id est, nomina primarum substantiarum signare hoc aliquid.

Vtrum res sint vniuersales nulla interueniente intellectu actione, nec ac.

QVÆSTIO TERTIA.

Pars affirmatiua huius quæstionis sic potest in primis suaderi. Primo, vniuersale est id quod aptum est esse ita multis; Atqui homo, verbi causa ante operationem intellectus est aptus, ut sit in multis; Ergo ante operationem intellectus est vniuersalis. Maior patet, cum ea sit definitio vniuersalis.

Minor vero probatur, quia homini, quatenus homo est non repugnat, ut sit in multis (alioquin nullo modo in multis esse posset, & proinde nunquam esset vniuersalis.) Habet ergo homo, quatenus homo non repugnantiam, ut in multis insit, & ex consequenti aptitudinem, quæ nihil aliud est, quam hæc non repugnantia. Id autē quod

res sibi vindicat, quatenus talis conuenit ei absque operatione intellectus ergo homo ante operationem intellectus est aptus, ut in multis insit.

Secundo, id quod est vnum in multis, est vniuersale, sed homo ante quamcunque in intellectu operationem est vnum, nam omne ens est vnum; & præterea est in multis, ut in Socrate, & Platone; Igitur seclusa operatione intellectus est vniuersalis.

Tertio, scūs, quo res est in multis, conuenit rebus, ut homini, & animali, ante operationem intellectus; Ergo aptitudo ad eiusmodi actum ante intellectus operationem eisdem conuenit. Sed quæ habent huiusmodi aptitudinem sunt vniuersalia, ut ex definitione vniuersali, colligi potest; Ergo res ante intellectus operationem sunt vniuersales.

Ut huic quæstioni faciamus satis, in primis animaduertendum est, eam non excitari de rebus, quæ primo, & immediate signantur, per nomina singularia, nam cum res huiusmodi sint per se singulares, ut superius diximus, nec ante, nec post quamcunque intellectus operationem vniuersales esse poterunt. Excitatur ergo de rebus primo, & immediate per nomina vniuersalia signatis, ut de homine, & animali. Animaduertendum est deinde ex Cajetano in libro de ente, & essentia, cap. 4. in re vniuersali tria reperiri, vnum est vniuersalis, quæ est relatio quædam rationis, quæ vniuersale ad particulare refertur, & quam solam formaliter significat, in concreto, ut candidum solum candorem formaliter significat, concretè.

Alterum est fundamentum vniuersalitatis, nēpe aptitudo siue non repugnantia, quæ ret apte sunt, ut in pluribus insint. Postremum est res, quæ denominantur vniuersalis, ut homo, animal, atque huiusmodi res vocari solet res substricta vniuersalitati, neque signatur formaliter nomine vniuersalis sed tamen connotatur, quæ vasto corpus quod est candidum, non igitur formaliter nomine candidi, sed tantum connotatur, & innuitur tanquam subiectum candoris. Porro ea, quæ dicuntur substricta vniuersalitati, denominantur vniuersalia, formaliter quidem ab ipsa vniuersalitate, ab aptitudine vero non nisi, ut a fundamento; quæadmodum res dicuntur similes, formaliter

liter quidē ab ipsa similitudine; qualitate vero tanquā a similitudinis fundamēto.

Tertio loco intelligendum est, res easdē nominibus communibus proximē signatis tribus modis spectari posse; vno quidem, quatenus coniunctæ sunt cum differentijs indiuidentibus, cum quibus in rerum natura contractæ existunt; Secundo quatenus absque differentijs contrahentibus per aliam quam ipsarum similitudinem intellectui offeruntur, & representantur: Tertio secundum earum naturas, hoc est, nulla habita ratione coniunctionis differentiarum, aut representationis absque illis, seu, quod idem est, pro ut præscindunt ab existentia siue reali, siue obiectiua. Illud porro certissimum est, res primo modo acceptas non posse de multis prædicari, quæ namque aptitudinem habent, ut de multis prædicentur, ea necesse est determinata esse ad multa. At res, ut differentijs indiuiduantibus est contracta, ad vnum tantum determinata est; Ut natura humana existens in Socrate, est determinata ad Socratem, quoniam per Socratis differentiam informata est, & contracta. Ergo rebus primo modo acceptis non potest conuenire hæc aptitudo. qua dicantur aptæ, ut de multis prædicentur aut in multis infint. Verum de qua aptitudine hæc ratio intelligenda sit, in solutione argumentorum patebit. Illud etiam certissimum est, rebus secundo modo consideratis aptitudinem hanc accommodari. Nam propterea rebus primo modo spectatis non conuenit, quoniam ea ratione sunt vni tantum ad dictæ. Cum igitur res secundo modo spectatæ, his differentijs sint liberatæ, cum absque his represententur, reliquum est, ut res secundo modo sumptæ huiusmodi aptitudinem sibi vendicent. Controuersia igitur tota est vtrum res tertio modo acceptæ, ut nimirum præscindunt ab existentia siue reali, siue obiectiua, habeant aptitudinem, ut de multis prædicentur. Atque hunc sensum efficit quæstio hoc loco excitata, quam alius etiam sensus esse possit, vtrum huiusmodi rebus conueniat relatio vniuersalis ante intellectus operationem.

Quarto loco animaduertendum est, cum hæc aptitudine, qua res aptæ sunt, ut in multis infint, coniunctam esse necessario aliam aptitudinē, qua res vniuersales aptæ sunt,

ut de multis prædicentur, quæ aptitudo cum sit quasi proprietas illius prioris, ita ad eam affecta est, ut aut vtraque, aut neutra ab intellectus operatione pendeat.

Quapropter quicquid de illa in hac quæstione dictum fuerit, de hac etiam dictum esse intelligendum est; Quod autem hæc aptitudines diuersæ sint, ex eo patet, quia actus earum distinguuntur: Actus enim prioris est esse in pluribus, ut hominem in Socrate, & Platone, per modum identitatis; Actus autem posterioris est prædicari de pluribus, qui in illo priori fundatur. His ita explicatis, tribus assertionibus huic quæstioni satis faciendum est.

Prima est huiusmodi: Res ante intellectus operationem, non sunt vniuersalitate affectæ, in qua quidem nemo est qui dissenciat. Cum enim vniuersalitas sit relatio quædam rationis, quam res beneficio intellectus consequuntur, ut omnes fatentur; constat res ante intellectus operationem non esse vniuersalitate affectas.

Secunda assertio: Rebus tertio modo acceptis ante intellectus operationem conuenit aptitudo, quæ non excludit determinationem ad vnum, quæ aptitudo remota, siue remotum fundamentum vniuersalis dicitur. Probatnr primo hæc assertio, quia res tertio modo sumptæ sunt in multis ante operationem intellectus; Ergo ante operationem intellectus habent aptitudinem, ut sint in multis. Consequentiam manifesta est, cum sit ab actu ad aptitudinem, sicut, homo est albus, ergo habet aptitudinem, ut albus. Secundo, quia res tertio modo sumptæ, ut scilicet præscindunt ab existentia siue reali siue obiectiua, non habent repugnantiam, ut sint in multis. Ergo habent non repugnantiam, quæ nihil est aliud quam aptitudo. Consequentia est optima, ut latius patebit in solutione ad primum.

Tercia assertio. Rebus tertio modo sumptis non conuenit ante operationem intellectus ille aptitudo, quæ est proximum fundamentum vniuersalitatis. Quæ assertio suadetur hoc modo. Aptitudo, quæ proximum vniuersalitatis fundamentum dicitur, aptitudo est excludens determinationem ad vnum (quæ quidem appellari potest aptitudo præscindens.) Hæc autem non conuenit rebus ante operationem intel-

tellectus. Rebus igitur ante operationem intellectus non conuenit ea aptitudo quæ proximè fundamentum vniuersalitatis dicenda est. maior ostenditur quoniam singulare, vt tale, est determinati ad vnum, vniuersale igitur cum opponatur singulari, ita est aptum esse in multis, vt excludat determinationem ad vnum: Ergo fundamentum vniuersalitatis debet esse aptitudo præscindens. Minor etiam probatur, quoniam etsi rebus tertio modo sumptis absque intellectus operatione conueniat aptitudo, vt in multis insit, non tamen ita conuenit, vt eo modo sumptæ excludant determinationem ad vnum, quod conuenit rebus secundo modo spectatis, vt nempe sine differentijs inferiori in mente representantur: Aptitudo igitur, quæ fundamentum est vniuersalitatis, rebus non conuenit ante operationem intellectus. Vt autem ad argumenta initio proposita respondeamus animaduertendum est, duobus modis posse accipi particulam, [per se], altero, vt [per se] idem valeat, quod propter suam essentiam, quo pacto nulla res sibi vendicat per se aliquo attributum, nisi illud, aut ad essentiam pertineat; aut ex ea prefluat: Hoc modo videtur Aristoteles verbis per se, in lib. post. resol. cap. 4. cum ait, omnem demonstrationem consistere ex ijs, quæ sunt per se: At vero altero ita, vt illud [per se] idem valeat, quod non per aliud, quo pacto idem ait. 1. Metaphysicæ singularia, vt Socratem, & Calliam, agere aliquid per se, aut pati: Vniuersalia vero, vt animal, agere aut pati per accidens, vt per Socratem, aut Calliam: Quæ eadem distinctio intelligi debet in verbis quatenus tale est secundum se, & in cæteris eiusdem significationis, atque acceptis his particulis in priori significatione rarissimum est id, quod ait Aristoteles 1. de post. resol. nempe quicquid alicui conuenit quatenus tale est, seu per se, conuenire etiam omnibus sub eo contentis.

Ad primum igitur argumentum concessa maiore, neganda est minor, & ad probationem dicendum est, hanc consequentiam esse bonam: Homo non habet repugnantiam, vt sit in multis, ergo habet non repugnantiam vt in multis insit: At vero addita illa reduplicacione, quatenus homo est, distinguendam esse: Nam si illud, quatenus homo sumitur ita, vt idem valeat, quod per

se, priori significatione superius explicata, vitiosa est consequentia, quemadmodum si diceret homo non est per se albus, ergo est per se non albus, (vbi plane vides antecedens verum, & consequens falsum) si vero illud, [quatenus homo,] sumatur posteriori significatione, [per se,] quemadmodum si dicas, non per se aliud, bona est conclusio, recteque colligitur, hominem habere, ante intellectus operationem, aptitudinem, non tamen illam, quæ est vniuersalitatis fundamentum, vt patet ex tertia assertione; Quæ propter res non sunt vniuersales ante operationem intellectus.

Pro solutione secundi argumenti notandum est; duplicem esse unitatem, alteram transcendentem, alteram vero quæ præcisionis dicitur. Vnitas transcendens est, quæ rebus omnibus, quatenus entia sunt, conuenit. Vnitas autem præcisionis est, quam tunc res habet, quando in mente per aliquam ipsarum similitudinem, absque differentijs inferiorum representatur. Quædo enim natura, quæ diuisa, & multiplicata erat ratione differentiarum, cum quibus in suis inferioribus coniuncta est, absque illis intellectui representatur, indiuisa relinquitur, & ex consequenti vna. Illud. n. quod per multas differentias diuisum non est, quæ ratione sic diuisum non est, vnum appellamus, hac vnitate præcisionis. Dicitur autem huiusmodi diuisio vnitas præcisionis, quoniam fit ab intellectu præscindente naturam ab huiusmodi differentijs. duplex autem est discrimen inter huiusmodi unitates, alterum, quod illa rebus omnibus absque intellectus operatione conuenit: (Hæc vero non nisi per operationem intellectus in solis naturis vniuersalibus reperitur) Alterum est, quod illa cum ipsa natura in indiuisis multiplicata reperitur, vt docet Caietanus in Tho. lib. de ente, & essentia c. 4. Hæc vero excludit multiplicationem numericalem.

His præhabitis ad secundum argumentum, concessa maiore, distinguenda est minor. Si enim intelligat, hominem esse vni ante operationem intellectus unitate præcisionis neganda est minor: Si uero loquatur de unitate transcendente, concedenda. Hæc tamen non sufficit, ut aliud fit vniuersale, cum non excludat determinationem ad vnum ut patet ex dictis.

Ad tertium argumentum dicendum est, vt rebus conuenient actus, ita & aptitudinem ad talem actum. Quapropter quia res ante operationem intellectus est in multis, non tamen eo pacto, vt sit vna vnitatem præcisionis, quæ ad naturam vniuersalem requiritur. His accedit, quod natura ante intellectus operationem non habet aptitudinem illam præcipientem, quam in tertia assertionem proximum vniuersalitatis fundamentum esse docuimus.

Quo pacto res fiant vniuersales actione intellectus.

QVÆSTIO QVARTA.

QVONIAM res, quæ nominibus communibus proxime significantur, non nisi beneficio intellectus vniuersales adduntur, vt superiori questione docuimus, necessarium est, vt, quo pacto id sit, hoc loco explicemus. Est igitur in primis animaduertendum, res eas de quibus superior questio excitata est, non nisi singulares existere in rerum natura, (existunt enim cum differentiis indiuiduantibus coniunctæ.) ac proinde non ante vniuersales esse posse quam ab ijs differentiis exsoluantur, & quasi liberentur. Detracta enim differentia indiuiduante, quæ naturam hominis in Platone existentem propriam soli Platoni esse faciebat, necesse est, vt ea natura indifferens ad plura indiuidua vniuersalique relinquantur.

Deinde intelligendum est, abstrahere, vt ipsum vocabulum declarat, nihil aliud esse, quam separare aliquid ab aliquo, cum quo est coniunctum. Est autem duplex separatio vnius ab altero, vna sit re ipsa, ita vt post separationem vtrumque seorsum relinquantur, vt cum aurum è terra, & pisces è fluuio extrahuntur. Altera sit cognitione, quæ duplex est; altera cum negamus vnum de altero, vt si quis dicat candorem non esse in niue; altera, cum percipimus vnum non habitatione alterius, aut cum vnum representantur, altero non representato; vt si quis animo concipiat niuem, non concipiendo interim, quod frigida sit, aut si intellectui natura niuis representetur, non re-

presentato candore.

Itaque triplex est abstractio, vna realis, altera negationis, tertia præcisionis seu præcise perceptionis, seu representationis. Naturæ igitur vniuersales abstrahuntur a differentiis indiuiduantibus, aut etiam a differentiis rerum minus vniuersalium, quibus contractæ sunt, non abstractione reali, nec negationis, sed præcisionis: non quidem reali, quoniam alioquin darentur vniuersalia illa, Platoni ab Aristotele ascripta; quorum supra mentionem fecimus, quæ quidem nullo pacto dari possunt; Nec etiam negationis, quoniam hæc semper est falsa, cum neget id esse coniunctum cum altero, quod reuera coniunctum est: abstrahuntur ergo abstractione præcindente, quoniam res vniuersales non pendent secundum suas essentias a particularibus, nec proinde ab ipsarum differentiis, per quas vltinio constituuntur, vt apertum est. Quapropter percipi possunt, atque representari, non perceptis, nec representatis simul particularibus, aut differentiis, quod quidem est abstrahi ab ipsis abstractione præcisionis, quæ conceptio non est falsa; Cum enim res communes ita percipiuntur, non iudicantur aliter existere, atque existunt (intellectus enim hoc conceptionis genere nihil affirmat, aut negat.) quæ coniunctæ existunt concipiuntur quidem, sed non coniunctæ, quemadmodum ex eo, quod oculus in lacte videat candorem, non percepta dulcedine, non sequitur, candorem non esse in lacte, cum dulcedine coniunctum.

Tertio loco animaduertendum est; tria in nobis esse virium siue potentiarum genera, quibus res ipsas agnoscimus, sensus externos, qui satis vulgati sunt; Sensus internos, quos nomine phantasie hoc loco comprehendere possumus, & intellectum. Cæterum his virtutibus nihil cognoscimus (vt est fere omnium philosophorum sententia) nisi prius quædam earum rerum, quæ cognoscendæ sunt; similitudines recipimus, quæ tum qualitates, tum species intentionales vocantur: sensibiles, aut intelligibiles, in sensibus quidem, sensibiles; in intellectu, intelligibiles, quæque in sensibus internis peculiaris nomine idola, sine phantasmata, hoc est, visa, & spectra nuncupantur.

Quarto loco animaduertendum est ex Aristo. 3. de anima, cap. 3. duplicem esse in-

ellectum: agentem unum, alterum patientem. munus agentis est, simul cum phantasmate species intelligibiles producere. Patientis uero est, eas in se recipere, ac per eas intelligere. Cum enim phantasmata in parte corporea recipiantur, nempe in quadam cerebri parte, ut Physici ostendunt, ubi residet phantasia, ac proinde crasse cuiusdam, & imperfecte naturę sunt: Species uero intelligibiles, cum intellectu recipiatur, qualitates quędam sint spirituales, & ex consequente illis nobiliores; efficitur, ut phantasmata sola non possint species intelligibiles in intellectu producere, quippe cum nullum agens minus nobile possit absque alterius pręsidio effectum se nobiliorem producere.

Hęc igitur de causa ab Aristotele, ceterisque philosophis ponitur intellectus agens cui hoc munus dederunt, ubi phantasmata inuaret in productione speciei intelligibilis. Porro intellectus agens, & phantasma nunquam producant speciem intelligibilem rerum singularium, sed solum uniuersalium, ut est sententia D. Thom. ut in lib. 3. de anima latius explicandum est. Idcirco autem non producant species intelligibiles rerum singularium: (cum tamen phantasmata similitudinesque in sensibus externis receptę res ipsas singulares ostendant) quoniam uidetur animę nostrę nobilitati obfistere, quod rerum singularium permanentes species quemadmodum sensus recipiat: Est enim concedendum: tot species rerum singularium ad intelligendum esse necessarias, quot sunt indiuidua earum rerum, quę in sensum cadunt, quod imperfectionem denotat. Quo enim intellectus præstantior est: eo per pauciores species, plura percipere potest. magis ergo consentaneum est animi nostri dignitati, ut solas habeat species rerum uniuersalium permanentes, quibus non solum uniuersalia, sed singularia intelligere queat, ut animaduertit Ferrariensis 1. contra gentes cap. 6.

His tamen nihil obstat, quod intellectus rerum singularium proprios conceptus habeant: cum non sint permanentes qualitates: sed tam diu durent, quam diu res ipsę singulares, ab intellectu percipiuntur.

Pręterea cum intellectus humanus medium locum habeat: inter angelicum intellectum, & sensum, atque angelicus intelle-

ctus tales similitudines habeat: quę res uniuersales, & singulares seorsim declarent, sensus uero eas percipiat, quibus res tantum singulares significantur, reliquum est, ut in intellectus noster eas tantum similitudines ex rebus accipiat, quę solas res uniuersales ostendunt.

Cum igitur hęc ita se habeant, facile erit intueri, quoniam pacto res, quę per accidens singulares existant, ut homo, animal uniuersales efficiantur. In primis enim necesse est, ut eius natura, quę uniuersalis facienda est, per aliquod indiuiduum alicui externo sensui occurrat, & in eo aliquam sui speciem imprimat. Deinde, ut huiusmodi sensus interiori denunciet, quid perceperit, producendo nimirum in phantasiā, per speciem acceptam a re externa aliam quandam speciem internam phantasmate eiusdem rei. Postea intellectus agens, quasi per fulgidum lumen cum phantasmate cum currit ad productionem speciei intelligibilis in intellectu passibilem; non multo secus, atque lumen solis cum colore obiecto producit in aspectum, seu potentiam uidentis similitudinem rei, quam uidemus. Species uero intelligibilis, quę hoc modo imprimitur intellectui, cum præcipue ab intellectu agente producta sit, & recepta in intellectu passibilem, ex nobilitate harum causarum habet, ut repręsentet sine differentijs indiuiduantibus rem illam eandem, quam phantasma crasso modo ostendebat; atque hoc modo species in sua abstracta relinquitur.

Reliquę uero naturę superiores beneficio intellectus patientis a suis particularibus abstrahuntur. Cum enim intellectus patientis informatus similitudinibus specierum infimarum, ipsarum species inter se comparat, elicit conceptum alicuius attributi, quod prædictis speciebus commune sit, ut si homo communis, & equus communis apprehendantur ab intellectu. Deinde eisdem comparatis inter se, (quia adhuc quod homo sit tale quoddam animal nimirum rationis particeps: equus uero sit tale aliud animal, nempe rationis expers, relinquuntur differentię, quibus illi differunt) efformetur conceptus animalis, in quo conueniunt; tunc abstrahetur animal ab homine, & ab equo, atque adeo a ceteris animalibus. Iam enim tales conceptus animalis reprę-

representabit animal sine differentij: specificis, quibus in hominem, & equum diuiditur: eodemque modo res habet in abstractendis alijs rebus, magis vniuersalibus, ac minus vniuersalibus.

Animaduertendum est tamen, aliquando abstractionem vniuersalem nō fieri per comparisonem multorum singularium, siue minus vniuersalium; ex vno enim singulari potest abstrahi vniuersale: & ex vno minus vniuersali aliquando magis vniuersale: Verbi gratia, a solo Socrate potest homo abstrahi, & a solo homine animal, & a solo animali, viuens, & sic res habet in cæteris. Cum enim representato Socrate in intellectu possimus concipere ipsum esse hunc hominem, relicto hoc, quod sit hic, poterimus formare purum conceptum hominis: eodemque modo cum representato homine communi in mente possimus concipere, ipsum esse animal rationis particeps, poterimus formare purum conceptum animalis, vnde non ideo diximus, abstractionem fieri per comparisonem inferiorum, quia semper ita fiat, sed quia frequentius ita fieri soleat; Nunquam tamen certo, & ex vi huius abstractionis, quæ non fit per comparisonem, intelligimus abstraxisse nos naturam magis vniuersalem a minus vniuersali: nam sit nulla essent animalia præter homines, & quis ex conceptu communi hominis formaret conceptum animalis, neuiquam hac ratione sciret abstraxisse se ab homine etiam naturam communiorē; siquidem, ex vi talis abstractionis, merito dubitare posset; num animalis natura esset superior homine, an reciprocaretur cū homine; Quo circa primi illi, & rudes adhuc Philosophi; qui nullas substantias, præter corporeas, arbitrabantur; etsi abstraherant a substantia corporea conceptum substantiæ; tamen non credebant, sed abstraxisse conceptum communioris naturæ; sed ex illi habant substantiam, & corpus reciprocari inter se.

Illud etiam sciendum est, quod etiam si prima rerum abstractio, per aliquem conceptum fiat, quem intellectus facta comparisonem inter res particulares formare potuit tamen deinceps continuatur per speciem intelligibilem, quam conceptio in intellectu relinquit. Post conceptum enim cuiuscunque rei species quædam intelligibiles

in intellectu passibili relinquantur, quæ res eodem modo representant, quod conceptus signabantur; id quod 3. lib. de anima copiosius dicitur.

Res igitur per speciem intelligibilem, vel conceptum representata, quoniam a differentijs indiuiduatis. aut etiā specificis, quibus ad inferiora determinata erat, liberata est, & abstracta, præter abstractionem ipsam consecuta est in primis vnitatem præcisionis, deinde indeterminationem, per quam aptitudo, quam ante operationem in intellectu sibi vendicabat proximam vniuersalitatis fundamentum, effecta est; postremo relationem vniuersalem, quæ ad omnia particularia refertur, vbi consecutione quadam in rebus particularibus, relatio particularis resultat, eadem scilicet actione, quæ res vniuersalitatem consecuta est: Quemadmodum, cum res vna efficitur candida; vna eademque actione fit, vt non solum ipsa, sed cæteræ res, quæ candidæ iam erant, relationem similitudinis consequantur.

Quo pacto prima, & secunda intentio inter sese distinguantur.

QVÆSTIO QVINTA.

QUIA sepe in hac materia, & in reliquis, ad differentiam pertinentibus, fit mentio primæ, & secundæ intentionis: vtile fuerit, si quidnam sint, & quomodo inter se distinguantur, semel dixerimus.

Intentio igitur, quæ ex vi nominis nittur, nihil aliud est, quam quidam conatus, & aggressio, quæ primum quidem, ac præcipue accipitur pro actu; quo mens ipsa in aliquid intenditur, & quasi fertur, deinde vero pro ipsa re, in quam mens ipsa intendit. Quo pacto apud morales Philosophos, tum actus, quo voluntas fertur in finem, tum et ipse finis intentio nominatur. Solemus enim obiecta ex actibus, qui in ea feruntur nominare, vnde fit, vt duplex dicatur intentio vna formalis, & altera obiecta. Formalis intentio est ipsa actus, quo mens tendit in rem obiectam: Obiectiva autem est ipsa res obiecta, vt obiecta est. Verum relicta nunc

intentione voluntatis, quoniam ad morales philosophos pertinet, intentionem intellectus, quæ nostri instituti est, qualis sit, breuiter declarabimus.

Intentio intellectus, quæ Græcè *ἔννοια*, Latine notio, & conceptus appellatur, præcipue quidem dicitur conceptus, quo intellectus rem sibi obiectam percipit, qualis est is, quo cælum percipio: Deinde vero dicitur ipsa res obiecta, qualis est ipsum cælum, quod percipitur: At primus quidem conceptus dicitur formalis, posterior autem obiectiuus. Quamquam vero intentionis, & notionis vocabula præcipue, & magis proprie pro conceptu formali accipiuntur, cum tamen hoc loco intentio, notiove in primam, & secundam diuidatur, pro obiectiuo usurpari solet.

Prima intentio est, quicquid conuenit rebus veris, non tamen, quæ mente concipiuntur; aut alio modo ab intellectu tractatur: quo pacto conuenit Socrati, quod sit homo, quod Philosophus, quod cæcus, quod non lapis & alia huiusmodi; vnde fit, vt nomina harum rerum dicantur nomina primæ intentionis.

Secunda intentio est, quicquid conuenit rebus veris, quæ mente apprehenduntur, aut aliquo alio modo in mente tractantur: quo pacto conuenit homini comuni, esse vnum vnitate præcisionis: esse speciem, prædicari de Socrate, & similia. Vnde fit, vt nomina, quibus hæc attributa significantur, dicantur nomina secundæ intentionis. Quamquam vero signenta, vt Sphynx, Chimæra, & huiusmodi alia, nec sint primæ intentionis, nec secundæ: cum nec sint res veræ, nec rebus veris conueniant possunt tamen ad primas intentiones quodammodo reuocari: quia etsi non sint res veræ, nec illis, seclusa operatione intellectus, continentur tamen finguntur esse veræ. Illud tamen non est prætereundum hoc loco: Secundus intentiones non solum conuenire rebus: vt obijciuntur operationibus intellectus, sed etiam, ut obijciuntur habitibus. Nec enim animal ea tantum ratione dicitur vnum unitate præcisionis, & genus quatenus obijciuntur conceptioni simpliciter, quæ est actus intellectus: sed etiam quatenus obijciuntur speciei intelligibili, quæ est habitus eiusdem potentie; Quapropter diximus in definitione secundæ intentionis,

[aut aliquo alio modo in mente tractantur:] Cum ergo ex illis pateat, quod sit intentio, & quot modis dicatur: relinquatur manifestum, quomodo prima, & secunda intentio inter se distinguantur.

Sed quæret aliquis, verum prima intentio reciprocetur cum ente reali: & secunda intentio cum ente rationis; ad quæ quæstionem respondebimus, si prius, quid ens reale, & quid ens rationis sit, paucis explicauerimus. Igitur ens reale est ens, cuius existentia non pendet ab operatione intellectus: vt Angelus, homo, lapis. Nomine entis excluduntur negationes, vt non lapis cetera, & huiusmodi alia, quandoquidem negationes, quatenus tales sunt, nullo pacto sunt entia, vt Caietanus animaduertit lib. de ente, & essentia c. 1. & 2. par. q. 48. cap. 2. Cum autem additur, [Cuius existentia non pendet ab operatione intellectus], excluduntur entia ficta sive commenticia, & quæ rationis appellantur, vt Chimæra, centaurus, prædicatum, & subiectum, & alia id genus.

Hæc enim nomina, etsi latissime accepto entis vocabulo, entia vocantur, eorum tamen existentia, quæ ipsa formaliter, hoc est, quatenus talia sunt, existere possunt, ab operatione intellectus pendet. Nam cum hæc non possint formaliter existere in rerum natura: efficiuntur, vt non possint existere, nisi obiectiue in intellectu.

Vnde fit, vt quoad suam qualemcumque existentiam ab operatione intellectus pendeant. Diximus, [quæ ipsa formaliter existere possunt:] Quia non dubium est, quin alia ratione possint existere reali existentia: ut chimæra, quoad partes suas, hoc est, quoad caput leonis, utrem capræ, & caudam draconis: & prædicatum, quoad rem ipsam, quæ denominatur prædicatum, cuiusmodi est animal.

Verum obijciat aliquis: multa esse entia realia, quorum existentia pendet ab operatione intellectus: ut actus omnes, & habitus intellectus, imo & omnes tum actus, tum habitus, voluntatis, atque adeo omnia, quæ arte, ac voluntate fiunt: Hæc enim omnia supponunt aliquam intellectus operationem; Quare non recte explicatum fuisse ens reale. Occurrendum est tamen, dependentiam ab operatione intellectus non esse hoc loco accipiendam pro dependentia effectiua,

festiua, sed obiectiua: nec enim ita negamus existentiam entium realium pendere ab operatione intellectus, quasi nullum ens reale fiat operatione aliqua intellectus, aut eam supponat: Id enim falsum esset, ut obiectio aperte ostendit, sed idcirco id dicimus quoniam ut res aliqua realiter existat, non opus est, ut illa obijciatur intellectui, quasi nullam aliam existentiam habere possit, quam quod intellectui obijciatur.

Distinguantur autem entia rationis a rebus commenticijs, primo, quia res commenticiæ finguntur compositæ ex ijs, quæ copulari non possunt; entia uero rationis minime, ut patet ex supra suppositis exemplis: Deinde, quia entia rationis dicuntur de rebus ueris, & quæ existunt in rerum natura: Res autem commentitiæ nequaquam. dici mus enim animal esse prædicatur, & hominem subiectum, cum tamen nihil sit in rerum natura, quod uere dicatur Chimera, aut aliquid huiusmodi. Atq; hoc est, quod aiunt dialectici, entia rationis habere fundamentum in rerum natura; res autem commentitias nequaquam.

Hinc colligi potest hæc entium rationis descriptio: entia rationis sunt, quæ etsi quo ad suam existentiam, ab intellectu pendet, tamen de rebus ueris dici possunt. per partem scilicet, [enim,] excluduntur negationes: cum autem additur esse talia, [ut eorum existentia pendeat ab operatione intellectus,] excluduntur entia realia. Cum denique adiungitur, [ut de rebus ueris dici possint,] excluduntur entia ficta. patet igitur quæ sint entia realia, & rationis.

His igitur explicatis ad dubitationem propositam respondendum est duabus conclusionibus. Prima est, omnia entia realia sunt primæ intentionis: non tamen omnes primæ intentiones sunt entia realia. Prior pars conclusionis probata est ex supra dictis. Posterior probatur, quoniam priuationes, & negationes, ut cæcitas, & non lapsus sunt primæ intentiones: cum conueniant rebus ueris, siue operatione intellectus, & tamen non sunt entia realia: Ergo non omnes primæ intentiones sunt entia realia. Secunda conclusio: Etsi multæ secundæ intentiones sint entia rationis, ut patet ex secundarum intentionum explicatione: non tamen omnia entia rationis sunt secundæ intentiones. Nam relationes dei creatis, &

conseruantis, ad creaturam, quæ creatur, & conseruatur; Itemque relatio vnionis diuini uerbi ad naturam humanam ita sunt entia rationis, ut non sint secundæ intentiones. Quod etiam sint entia rationis, patet, quia sunt relationes, quæ Deo optimo maximo non ex æternitate conueniunt: At relationes, quæ Deo ita conueniunt non possunt esse reales. Quod uero non sint secundæ intentiones, ex ipsa explicatione secundæ intentionis intelligi potest: nam secundæ intentiones conueniunt rebus, quia ab intellectu apprehenduntur, aut modo alio in mente tractantur: At dictæ relationes non ideo conueniunt Deo: quia Deus intellectu obijciatur: sed potius quia creat, & conseruat, quamquam non existant hæ relationes, nisi cum mente apprehenduntur. Dictum est in secunda conclusione, [etsi multæ secundæ intentiones,] quia non omnes secundæ intentiones sunt entia rationis; nam unitas præcisionis est secunda intentio, cum conueniat rebus ueris, propter earum aliquam apprehensionem: & tamen non est ens rationis, cum sit negatio quædam. Ex dictis autem colligere possumus, quædam esse secundas intentiones, ut ex secundarum intentionum explicatio manifestum est.

Virum Porphyrius recte enumerauerit species uniuersales.

QVÆSTIO SEXTA.

IN hac questione duo sunt inuestiganda; Alterum, sintne plura paucioraue uniuersalia, quam illa a Porphyrio enumerata: Alterum utrum hæc eadem sint quinque species uniuersales. Quod attinet ad primum, uidentur pauciora uniuersalia, quam Pater Porphyrius enumerauit. Nam tot sunt uniuersalia, quot prædicabilia (siquidem uniuersale, & prædicabile reciprocantur.) Pauciora autem sunt prædicabilia: Ergo pauciora sunt uniuersalia. Minor propositio ostenditur, quoniam prædicabile, & prædicatum idem uidentur esse, prædicata autem quatuor tantum traduntur ab Aristotele 1. lib. Topicorum, c. 3. proprium uidelicet, definitio, genus & accidens.

Quod

Quod plura sint hoc pacto suaderi potest. Primo, definitio est quoddam prædicabile, cum numeretur ab aristotele inter prædicata 1. Topic. c. 5.

At ea non numeratur hoc loco inter prædicabilia: igitur plura sunt prædicabilia, & ex consequenti vniuersalia, quam quæ Porphyrius hoc loc. recensuit.

Tertio, quidam homo, & cætera huiusmodi, quæ vaga indiuidua appellantur, sunt vniuersalia, comparata cum indiuiduis certis, ac præfinitis, vt cum Socrate, & Platone. Id quod ex definitione vniuersalis perspicuum videtur: At vaga indiuidua non continentur sub aliquo eorum, quæ a Porphyrio numerantur: (nec enim quidam homo est genus, vt patet, nec species, quia alio qui sub homine, qui species infima est, aliqua species contineretur: Nec differentia, nec proprium, nec accidens, vt apertum est) plura igitur sunt vniuersalia, quam quæ Porphyrius recensuit.

Quod vero attinet ad secundum, non videtur genus, & cætera quatuor esse species vniuersales, quod ita suadetur: Nullum genus continetur sub sua specie, sed vniuersale continetur sub genere, quod est quædam ipfius species (dicimus enim, vniuersale est genus ad quinque species.) Ergo genus non est species vniuersalis.

Secundo, vniuersale non potest esse vniuocum ad ea, quæ a Porphyrio numerantur; Igitur non potest esse eorum verum genus. Consecutio patet, quia omne vniuersale, atque adco genus debet esse vnum nomen, & ratione, & ex consequenti vniuocum vt ex prima quæstione manifestum est. Antecedens probatur, quia ad substantias, & accidentia nihil est vniuocum: sed vniuersale comprehendit substantias, & accidentia: Ergo vniuersale non potest esse vniuocum. Quod tamen nec plura, nec pauciora sint vniuersalia, quam quæ Porphyrius numerauit, communis Philosophorum consensio approbat: ex quorum etiam communi sententia hæc eadem videntur dici, veræ species vniuersales, cum nihil videatur vniuersali deesse, quo minus verum sit eorum genus.

Vt priorem quæstionis partem explicemus: animaduertendum est, duplici sensu quæri posse, vtrum pauciores, pluresve sint species vniuersales, quâ quas Porphyrius

numerauit: Vno ita, vt quærat, vtrum hæc ita sub vniuersali contineantur, ut neque supra hæc, neque infra alias collocentur; Aliter ita, ut quærat, vtrum vniuersale adequate diuidatur in genus, & cætera quatuor: siue vtrum alix sint species vniuersales superiores, aut inferiores, siue nullæ præter has. Posterior igitur sensus, vt est magis proprius, sic solus hoc loco tractandus est: Quod ut fiat, operæ precium erit, afferre eas differentias, quibus vniuersale distrihui solet: ut ex comparatione earum intellegamus: diuisionem vniuersalis in quinque species a Porphyrio propositas esse adæquatam. Vniuersalia igitur quatuor diuisionibus diuidi solent, habita ratione modi prædicandi: In primis diuiduntur in ea, quæ prædicantur in quæstione, quid est, & in ea, quæ in quæstione quale est: Deinde in ea, quæ prædicantur essentiali prædicatione, & in ea, quæ accidentaria: Tertio loco in ea, quæ prædicantur necessario, & in ea, quæ non necessario: denique in ea, quæ prædicantur complete, aut incomplete; aut neque complete, neque in complete.

Ea dicuntur prædicari complete, quæ explicite seu plane, & formaliter dicunt totam essentiam communem indiuiduorum, de quibus prædicantur: ut homo, comparatione singulorum hominum. Ea uero incomplete, quæ explicite dicunt partem, siue per modum materiæ, ut animal, siue per modum formæ, ut rationale. Ea denique, nec complete, nec incomplete, quæ nec totam essentiam, nec partem eius dicunt simpliciter, ut risus capax, & album comparatione Socratis, platonis, & aliorum. Quæ quidem diuisione utuntur M. Albertus, Scotus, & egidij Boetius, & alij.

His positis, facile colligitur numerus species vniuersalis, hoc modo: vniuersalia, aut prædicantur in quæstione [quid est:] aut in quæstione [quale est:] Si in quæstione quid est: aut prædicantur complete, aut incomplete: Si incomplete, sunt genera, si complete, sunt species: Si uero prædicantur in quæstione quale est, aut prædicantur essentiali prædicatione, aut accidentali: Si essentiali, sunt differentix; Si accidentali, aut prædicantur necessario, aut non necessario, siue contingenter. Si necessario sunt propria, si non necessario, sunt accidentia.

Idem numerus colligitur ordine conuerso,

nerfo, hoc pacto: Quicquid uniuersale est, aut prædicatur necessario, aut non necessario: Si non necessario, est accidens: Si necessario, aut prædicatur essentiali prædicatione, aut accidentaria: Si accidentaria, est proprium: Si essentiali, aut prædicatur in questione quid est, aut in questione quale est. Si in questione quale est, est differentia: Si vero in questione quid est, aut prædicatur complete, aut incomplete: Si complete, est species: Si incomplete, est genus. Ita patet, recte enumerari a Porphyrio species uniuersales: in quas nimirum uniuersale ad quatuor diuisione distribuitur: Siue alie uniuersalis species superiores, aut inferiores dentur: Siue præter eas nullæ omnino reperiantur. Nec tamen credas, has esse veras uniuersalium differentias, cum nulla harum detur, quæ extra has species non reperitur. Nam & rebus non uniuocis conueniunt, & complexis, & alijs permixtis, quæ uniuersalia non sunt. Potius ergo sunt conditiones ad fundamenta huiusmodi relationum pertinentes.

Quod attinet ad alteram questionis partem; dicendum est, uniuersale esse genus generis, & cæterorum quatuor uniuersalium: ut existimabit hoc loco Scorus. Id quod ex eo probari potest: quia uniuersale dicitur de illis uniuersalibus nomine, & ratione, & ex consequenti uniuoce: Vnde cum non sit species respectu eorum, nec differentia, nec proprium, nec accidens, ut perspicuum est, erit igitur genus. Solæ autem illa quinque dici species infimæ; potestque id suaderi ita: Ex diuersis modis, quibus res insunt in multis, aut de ipsæ prædicantur, colliguntur diuersæ species uniuersales; Sed hi modi, ut dictum est supra, sunt quinque tantum; Ergo quinque tantum sunt species uniuersales, quanquam hi modi non sunt uere uniuersalium differentie, ut dictum est, sed conditiones quædam fundamentorum, tamen ex istis licet colligere uniuersalium inter se se distinctionem. Cæterum hæc non sunt curiosius persequenda: Est enim Dialecticis valde perniciosum, in his relationibus diligentius inuestigandum tempus conterere: quæ nihil aliud utilitatis afferunt: quam ut eo studio a uera rerum scientia impediatur. Restat, ut argumenta initio proposita diluamus.

Ad primum respondetur, negando mino-

rem, & ad eius probationem neganda est maior; Neque enim sunt idem, cum latius pateat prædicatum, quam prædicabile. Nam Porphyrius quoniam hanc tractationem ad Aristotelis prædicamenta scripsit, in quibus solæ simplices, & incomplexæ voces collocantur: Ideo nomine prædicabilis id solum complexus est: quod uniuoce, & incomplexè prædicari potest. Aristoteles uero, quia eius institutum erat agere de præcipuis prædicatis questionum Dialecticarum, siue simplicia sint, siue complexa, nomine prædicati etiam ea quæ complexè prædicantur, intellexit: Quare non mirum est, si definitionem inter prædicata admittat. Cæterum cur Aristoteles lo co citato non fecerit mentionem speciei, nec differentie, causa fuit, quia noluit, ut utraque ad genus reuocaretur, eo quod ex ipsædem locis, quæstio generis, possint quæstiones speciei, & differentie tractari.

Ad secundum neganda est maior, ut patet ex his, quæ modo diximus: Licet enim definitio sit prædicatum: non tamen prædicabile censeri debet, cum sit quoddam complexum.

Ad tertium dicendum est, nec quandam hominem, nec aliud indiuiduum uagum esse uniuersale, in primis, quia quidam homo & alia huiusmodi sign. sicat composita quædam ex naturis communibus, & aliquibus differentijs contrahentibus indeterminare: Vnde cum differentie contrahentes non conueniant uniuoce, efficitur, ut nullum in indiuiduum uagum prædicetur uniuoce. Deinde quoniam indiuiduum uagum ex modo significandi suo est complexum quoddam: non quidem complexione solius uocis, facile enim imponi potest una simplex ad illud ipsum significandum; Sed complexione cõceptus apprehendens multa particularia per disfunctionem; Nam huic uoci, quidam homo, respondet in mente huiusmodi complexio, hic homo, aut ille, & sic cætera. Ex his igitur patet solutio argumenti negando maiorem, nam cum particularia unum quid, & nomine, & ratione, quæ in definitione uniuersalis intelligitur, excludat omnia complexa, & analogica: qualia sunt indiuidua uaga, ut dictum est, efficitur, ut nulli indiuiduo uago conueniat definitio uniuersalis.

Ad quartum dicendum est, non esse in-

commo-

commodum, quod genus accidentaria subiectione sub sua specie contineatur, quo modo uniuersale sub genere continetur. Hæc enim prædicatione, uniuersale est genus, non est essentialis; sed accidentalis. Nā si esset essentialis, omnia uniuersalia essent genera: quippe cum omnia, quæ dicuntur essentiali prædicatione de superioribus, dicantur etiam de inferioribus. Quod autem assertur, absurdum esse, genus sub sua specie contineri, de essentiali continentia, non de accidentali, siue denominatiua. dictum esse intelligendum est.

Ad ultimum dicendum est, uniuersale respectum substantiarum, & accidentium quæ uniuersalia denominantur, esse accidens, atque uniuocum non essentiali sed accidentarium; Non esse autem incommodum dari uniuocum accidentarium ad substantias, & accidentia.

Vtrum uniuersale sit subiectum huius libri.

QUESTIO SEPTIMA.

HAtenus de uniuersali, deque ipsius distributione egimus, nunc, sitne huius libelli subiectum, uideamus. Quod igitur non sit, multis argumentis uidetur ostendi.

Primo, quia id est subiectum cuiusque tractationis, quod in ea præcipue tractatur: Sed in hoc libro nulla sic a Porphyrio mentio uniuersalis: Ergo non est subiectum.

Secundo, si esset huius tractationis subiectum, distingueret eam tum a reliquis partibus logicæ, tum ab alijs scientijs; sed non distinguit, ergo non est subiectum. Maior ex dictis colligitur. Minor probatur, nam, & in Topicis agitur de genere, differentia proprio, & accidente; Et 1. Metaph. potissimum, cap. 13. & sequenti; differit Aristoteles de uniuersalibus, unde nos posteriorem uniuersalis definitionem accepimus.

Quinetiam omnes scientiæ de uniuersalibus agunt, ut idem sæpe docet, ut primo post. & 2. de anima, c. 5.

Tertio, quia subiectum cuiusque tractationis debet habere proprietatem aliquam, quæ de ipso demonstretur, ut est commune Dialecticorum proloquium: Uniuersale au-

tem nullam uidetur habere huiusmodi proprietatem. non est igitur huius libelli subiectum. Minor ostenditur: Nam quod dici solet, prædicabile reciprocari cum uniuersali, ut proprietatem cum subiecto, non uidetur uerum: Si enim prædicabile esset proprium uniuersalis, contineretur sub proprio, quod est quarta species uniuersalis, minus late patet uniuersali (latius enim patet superiora, quam inferiora.) Ergo etiā prædicabile minus late patebit, ac proinde non reciprocabit cum illo.

Dicendum est nihilominus, uniuersale esse se huius libelli peculiare subiectum.

Primo, quia cum tractatio aliqua ex instituto, & adæquate agit de omnibus speciebus alicuius generis, tum genus illud est subiectum talis tractationis, ut in alijs inductione perspicui potest: Hic autem liber agit ex instituto de omnibus speciebus uniuersalis, idque adæquate neque enim ex instituto agit de genere, quo genere aut principio generationis nec de prædicamentorum ordinibus, nec de indiuiduo, aut alijs huiusmodi, sed ea de causa, ut explicet uniuersalis species, ut ex progressu libri manifestum est: Est igitur uniuersale huius tractationis subiectum.

Secundo quia tres illæ conditiones subiecti, quas supra notauimus, cum de Dialecticæ subiecto ageremus, conueniunt uniuersali cum hac tractatione comparato: In primis enim uniuersale est unum quippiā, cum una definitione explicari possit, ut ex supra dictis patet: secundo omnia quæ in hoc libro traduntur ad uniuersale facile reuocantur, uel ut partes subiectæ. uel aliquo alio modo: Denique consideratio uniuersalis, & specterum eius, quæ in hoc libello traditur, distinguit hanc tractationem a ceteris omnibus, siquidem nulla est alia, quæ eodem prorsus modo de his differat, ut ex dicendis perspicuum fiet.

Ad primum igitur argumentum pro parte negante adductum, concessa maiori neganda est minor; Nam cum ea parte de genere ait Porphyrius, [eorum, quæ prædicantur, quædam de uno, quædam de pluribus prædicantur,] aperte definitio uniuersalis traditur, quippe cum uniuersale definiatur, esse id, quod de pluribus prædicari potest. Quod idem, in comparandis inter se uniuersalibus, fecit, ca. ultimo, cum docuisset, hoc

com

commune esse omnibus, vt de pluribus prædicentur.

Ad secundum concessi maiori, negatur minor, & ad eius probationem dicendum est, omnibus scientiis hoc commune esse, vt agant de rebus, quæ vniuersales denominantur; Peculiare autem esse dialectico, vt de rebus agat, quatenus prædicabiles sunt: aut etiam quatenus habent relationem vniuersalem. Hoc autem interesse inter tractationem Topicam, & Porphyrianam: quod in illa agitur de genere, & cæteris, quæ enumerantur in argumento, quatenus sunt partes questionis Dialecticæ; Hoc autem loco absolute, qua etiam ratione hæc tractatio distinguitur a prædicamentorum tractatione: in qua prædicabilia non explicantur, sed in ordines quosdam rediguntur.

Ad tertium, in primis quidem posset negari maior. Neque enim opus est, vt subiectum cuiuscunque tractationis habeat proprietatem, quæ de ipso demonstretur, quando tractatio ipsa demonstratiua non est: qualis est hæc Porphyriana. Sufficit enim habere tres illas condiciones, quas tradidimus supra. Sed, vt demus, prædicabile esse proprium vniuersalis, respondetur ad argumentum, negando minorem, & ad eius probationem, distinguenda est maior. Si enim sit sensus, quod prædicabile continetur sub proprio, quasi inferius sub superiori essentia: neganda est maior. Sin autem sit sensus, quod continetur sub proprio, tanquam fundamentum aliquod sub sua intentione, sicut animal sub genere, concessa maiore, & minore, neganda est conclusio. Solum enim colligit, proprium, quod quædam vniuersalis speciem constituit, non reciprocari cum vniuersali.

Quo nam modo ad quæstiones
a Porphyrio excitatas respondendum sit.

Q V A E S T I O
O H I A.

SVPEREST vt dicamus, quonam modo ad eas quæstiones respondendum sit, quas Porphyrius in præfatione huius

libri excitauit, nec tamen soluit: Ex his enim quæ dicta sunt iam facile expediri possunt. Est tamen primo animaduertendum, duobus modis aliquid esse posse in intellectu; vno, vt accidens in subiecto, siue subiectiue, vt dici solet; Quo pacto scientiæ, artes, species intelligibiles, formales conceptus rerum, & omnes alij habitus, & actus intellectus in ipso existunt, quantum intellectus non est proprie subiectum, sed animus interueniens intellectui: Altero, vt cognitum in cognoscente, siue quod dicitur, obiectiue: quo pacto quicquid actu, aut habitu cognoscitur, ab intellectu, dicitur in intellectu existere. Atque hunc modum existendi in intellectu, qui omnibus entibus, & non entibus communis est, vocant philosophi esse in conceptibus.

Animaduertendum est secundo, eorum quæ obiectiue sunt in intellectu, siue in conceptibus, quædam esse in solis nudis, quæ conceptibus, quæ nec formaliter, siue quatenus talia sunt existere in rerum natura possunt, nec de rebus existentibus in rerum natura prædicari, qualia sunt, Cæcitas, Chimæra, & cætera fœmenta. Ea vero dicuntur non esse in solis nudis, quæ conceptibus, quæ aut formaliter existere possunt in rerum natura, aut de rebus in rerum natura existentibus prædicari. Quo genere continentur in primis entia realia: deinde negationes, quæ velut inherent entibus rebus, vt cæcitas, ignorantia, & huiusmodi alia: Tercio loco continentur entia rationis, vt esse prædicatum, & subiectum, & alia id genus. Mirum positis sciendum est, quæstiones a Porphyrio excitatas non esse intelligendas de generibus, & speciebus substantiarum materiæ experientis, quales sunt Angeli, quandoquidem huiusmodi substantiæ, nec materia constant, nec sub sensum cadunt: Nec etiam esse intelligendas de accidentibus sensibilibus, quia planum est, nec ipsi, nec ipsorum genera aut species, esse corpora, siue materia constare, quo pacto corporis vocabulum accipit Porphyrius, cum in 2. quæstione quæ sit, essentia genera, & species corpora, aut corporis experientia. Intelliguntur ergo hæc quæstiones de generibus, & speciebus earum substantiarum, quæ sensibus percipiuntur,

tur, ut hominum, equorum, lapidum, & aliorum, quæ sub sensum cadunt, tum quia de his erat controuersia inter Aristotelm, & Platonem, deque his solis loquitur aristoteles, cum aduersus Platonem de hac ipsa re disputat, tum quia de his solis excitantur a porphyrio duæ posteriores quæstiones. Perspicuum autem est has tres quæstiones de iisdem generibus, & speciebus a porphyrio fuisse excitatas, id quod ex contextu patet.

Ad has igitur quæstiones a Porphyrio excitatas responderet Plato: Ad primam quidem, naturas communes esse in rerum natura sine differentijs indiuiduantibus, eo nempe modo, quo ab intellectu concipiuntur ab inferioribus abstractæ. At secundam vero, genera, & species huiusmodi rerum esse formas quasdam omnis materix, & mutationis expertes, ut supra diximus. Ad tertiam denique, genera & species rerum sensibilem esse ab eis seiuncta. Verum cum superius hanc Platonis sententiam reiecerimus, soluendæ sunt hæ quæstiones

iuxta Aristotelis doctrinam. Ad primam igitur dicendū est, res vniuersales, quæ de-nominantur genera, aut species, non esse in solis nudisque conceptibus, sed esse in rerum natura, coniunctas tamen differentijs indiuiduantibus, ac prouinde singulares per accidens, etsi ab intellectu absque huiusmodi differentijs concipi possint. Ad reliquas duas quæstiones respondendum est similiter, huiusmodi genera, & species esse corpora siue materia constantia, existereque in his rebus, quæ sensu percipi possunt. Ex his, quæ hæcenus diximus, intelliges, quænam a recentioribus appellantur vniuersalia ante multa, in multis, & post multa vniuersalia. Namque ante multa, si qua darentur, essent idæ Platonis. Vniuersalia in multis sunt res ipsæ, quæ iuxta aristotelis sententiam vniuersales nominantur. Vniuersale post multa est secunda vniuersalis intentio, quam aliqua intellectus operatio antecedere debet. Atque hæc de præfatione, deque toto vniuersalium genere dicenda esse videbantur.

C A P V T P R I M V M D E G E N E R E.



*V*idetur itaque, neque species dici simpliciter. Dicitur enim genus, & aliquorum hominum aggregatio, qui quidem ad vnum quippiam, & inter se habeant respectum; Quæ significatione Pelopidarum dicitur genus; quod quidem ex respectu qui est ab vno, id est, Pelope, & multitudine eorum, quæ inter se eam habent coniunctionem, quæ ab illo profluxit, sic est nuncupatum, ut ab alijs generibus sit seiunctum. Dicitur ab alio genus vniuscuiusque principium ortus, tam ab eo qui genuit, quam a loco in quo est quippiam ortus. Sic enim Orestem quidem a Tantalò, Hylum autem ab Hercule dicimus genus habere. Et rursum, Pin-darum quidem Thebanum, Platonem autem Atheniensem dicimus esse. Patria namque principium est generationis cuiusque, perinde ac pater. Hoc autem significatum in promptu esse videtur. Pelopida namque dicuntur, qui genere descendunt a Pelope, & Cæcropida, qui a Cæcrope, & horum quoque propinqui. Atque prius sane genus est nuncupata ortus origo cuiusque, postea vero, & multitudo eorum qui ab vno principio. seu Pelope fluxerunt. Quod quidem a cæteris seiungentes, ac separantes totum aggregatum, Pelopidarum diximus genus. Alio modo dicitur genus id, sub quo species collocatur, fortasse accepta similitudine a prioribus vocabuli eius significatis. Nam & principium quo Idam eorum quæ sub se habet, ge-

nus tale est. Et præterea videtur multitudinem omnem amplecti, quam scilicet infra sese continet. His igitur tribus modis dicitur genus. De tertio vero genere Philosophorum est sermo, quod & describimus: Genus id esse dicentes, quod de pluribus specie differentiibus, hoc ipso quid est, prædicatur, ut animal. Eorum enim quæ prædicantur, alia de vno solo dicuntur, ut indiui tua, veluti Socrates, & hic, & hoc: Alia de pluribus prædicantur, ut genera, species, differentiæ, propria, & accidentia communiter, sed non cuiuspiam proprie. Atque genus est, exempli causa animal, species, homo, differentia, rationale, proprium, risibile, accedens, album, nigrum, sedere. Genus igitur ab hisce quidem quæ de vno solo dicuntur, hoc sane differt, quod ipsum de pluribus prædicatur. Ab his autem quæ de pluribus prædicantur, hisce differe videtur atque a specie quidem hoc. Species enim etsi de pluribus prædicatur, non tamen de pluribus specie sed numero differentiibus prædicatur. Homo namque qui quidem est species, de Socrate & Platone dicitur, qui non specie, sed numero differunt. At animal quod est genus, de boue, equo, atque homine prædicatur, quæ & specie, non solum numero differunt. A proprio vero hoc. Nam proprium quidem de vna specie, cuius est proprium, & de indiuiuis hisce quæ sunt sub illa specie, prædicatur, ut risibile de homine solo & de singulis hominibus dicitur. Genus autem non de vna specie, sed de pluribus differentiibus prædicatur. A differentia quoque, & communibus accidentibus hoc: Etenim differentiæ, & communia accidentia quanquam de pluribus dicuntur ac differentiibus specie, non tamen ab ipso potius quale est, hæc dicimus prædicari. Interrogantibus enim aliquibus, quid sit illud de quo prædicatur hæc, genus respondemus, differentias autem & accidentia non respondemus. Non enim hoc ipso quid est, prædicatur de subiecto, sed hoc ipso quale quid est. Interrogati namque quale quid est homo, rationale dicimus. Et quale quid est coruus, dicimus nigrum, quorum rationale quidem est differentia, nigrum autem accedens. Sed cum quid est homo interrogamur, animal respondemus, quod quidem est hominis genus. Quare hoc quidem, de pluribus inquam dici, genus ab indiuiuis quæ de vno solo prædicantur, seiungit, hoc vero differentiibus inquam specie, ab hisce quæ non ut genera, sed ut species, aut propria prædicantur, ipsum distinguit. Illud autem, hoc inquam ipso quid est prædicari, a differentiis ipsum communibusve accidentibus, separat, quæ non hoc ipso sane quid est, sed hoc ipso quale est, aut quomodo sese habet quodque eorum de quibus dicuntur prædicari suapte natura solent. Nihil ergo superfluum descriptio dicta conceptus generis continet, neque quicquam excludit quod ad naturam generis spectat.

Absoluta præfatione aggreditur, nunc Porphyrius tractationem ipsam, atque priori loco partem eam, in qua scorsim de singulis vocibus discit: In qua quidem a generis explanatione initium sumit, quod res, quæ genera dicuntur, res alias, quæ a cæteris vniuersalibus denominantur co naturæ ordine antecedant, quem superius, ordinem naturæ originisve appellauimus. Duas vero partes continet hoc caput, in quarum

priori afferuntur tres generis significationes, & inter se comparantur. In posteriori omittis prima & secunda, tertia, quæ propria philosophorum est, ad sequentem disputationem assumitur, & descriptio ea, quæ de genere a Philosophis traditur, late exponitur.

[Videtur itaque neque species dici simpliciter.] Verbum, [simpliciter,] quatuor modis vsurpatur. Nam interdum idem significat,

gnificat, ac si diceretur, sine additione, quo pacto verum hominem, hominem simpliciter esse asserimus: pictum autem non esse hominem simpliciter, sed cum additione pictum hominem dicimus: Interdum significat idem, atque dictio, vniuersum, quo pacto saepe Arist. ait, vt simpliciter dicam, hoc est, vt vniuersim de omnibus dicam. Interdum etiam significat id, cui adiungitur, accipi pro minus præstanti significato, quo pacto dicimus, bruta simpliciter esse animalia, quasi nullam præterea perfectionem habeant, quam quod sint animalia, in qua significatione docet Porphyrius c. de differ. communis & proprias differentias simpliciter differentias veteribus appellatas fuisse, differentias autem maxime proprias, & differentias specificas. Interdum significat idem ac si diceretur, vniuoce, id est vno modo, in qua significatione verbum, simpliciter, opponitur verbo multipliciter accipi, apud Arist. idem est, atque æquiuoce, vel secundum plures significationes. Eo enim saepe videtur Aristoteles ad significandam ambiguitatem vocabulorum, vt cum ad initium quarti libri Metaph. asserit, ens multipliciter dici, igitur verbum simpliciter in quarta significatione, accipiendum est hoc loco, quasi dixerit Porphyrius, nomina generis & speciei non esse vniuoce, sed multiplicia siue æquiuoce. Vtetur autem verbo, videtur, modestæ causa, non autem quodam ambigat, generis & speciei nomina æquiuoce siue multiplicia esse.

Dicitur enim genus. Cum dixerit Porphyrius generis & speciei nomina æquiuoce esse, memor eius præcepti, quo Aristoteles 6. Topic. c. 2. & 5. iubet, vt quæ ambigua sunt, initio statim distinguantur. (Omnia enim fieri non potest, vt ea, quæ ambigua sunt, quisquam pertrahat; nisi prius eorum ambiguitas declaretur.) Ostendit nunc generis ambiguitatem, ipsumque distinguit in tres quasdam significationes, quæ huic loco magis conuenire videbantur. Genus igitur prima significatione acceptum nihil aliud est, quam quædam hominum multitudo, in qua cernitur duplex respectus, alter ad communem, siue progenitorem, siue patriam, ex quo respectu totius multitudinis nomen ducitur: Alter ipsorum hominum inter sese, quo nimirum dicuntur consanguinei, aut (vt ita dicam) conterranei; in

qua significatione Heraclidarum multitudo dicitur genus. Quo modo habet duos respectus, alterum ad Herculem, a quo huiusmodi multitudo tanquam a principio generationis profluit; alterum vero inter sese. Eodem modo Atheniensem multitudinem, quæ ad Athenis ortum habet, dicitur genus, id est quæ multitudine Lusitanorum, quorum communis patria est Lusitania. Hac significatione utitur Virgilius dicens:

*Italiam quæro patriam, & genus ab Io
ue summo*

Illud tamen perspicuum sit, non proprie dici hac generis significatione genus Pythagoreorum, genus Platoniorum, & similia, quoniam in hac generis significatione non habetur ratio de ea hominum multitudine, quæ ab aliquo duxit originem, quod attinet ad philosophandi, aut viuendi rationem, sed quod attinet ad initium naturalis generationis. Putant nonnulli, iuxta sententiam Porphyrii hoc loco, non recte hac significatione dici genus hominum aut Adamitarum, quod non distinguatur ab alijs generibus hominum, cum nullum aliud præterea relinquatur. Sed non videtur tanto opere necessaria hæc conditio, dicimus enim saepe, quædam genus hominum existerit: Satis ergo est, ut distinguatur a generibus earum rerum, quæ non sunt homines, vt a brutorum generibus, aut quod genus unum ab alio distinguatur veluti totum a sua parte, quemadmodum genus Adamitarum distinguitur a genere Heraclidarum, cum alterum in altero contineatur, neque oppositum videtur Porphyrius signasse.

Dicitur & alio modo. Secunda significatio est, qua genus accipitur pro primo ortus & generationis cuiusque hominis; quod vel a parentibus, vel a patria ducitur; hoc est, pro eo quod a genitoribus, aut a patria per generationem accipitur. Id enim recte dicitur. Principium generationis quia aut est materia; aut qualitas aliqua, quæ ad generationem concurrat. Hæc generis significatione dicere solemus, Orastem Agamemnonis filium a Tantalos aeo, & Hylum ad Hercule patre duxisse genus; & rursum Pin-darum Poetam a Rhebis, Phronemque ab Athenis. Itaque nec progenitores, nec patria hæc generis significatione proprie com-

prehenduntur; sed ipsum principium, ortus generationis, producit a progenitoribus aut a patria, id quod, satis indicant exempla Porphyrij: Neque enim ait, Tantulum esse genus Orestidis, aut Herculeum Hyli, aut Pindari thebas, aut Platonis Athenas: Sed Oresten duxisse genus a Tantalo, & sic cetera. Quod vero subdit, patriam esse principii generationis cuiusque, perinde ac patrem. Ex quibus uerbis colligi videtur & patrem & patriam dici posse genus hac significatione.) Sic accipiendum est, quasi dicat, perinde ut a parte, sic an patria principium generationis ducit, ut nimirum sensum sit causalis. Qd autem patria dicitur, aliquid conferre ijs, quae ab ea genus ducunt non ratione solius loci, intelligendum est sed aliquid efficiunt in re quae generatur. Si tamen latius haec generis significatio accipitur, ita nimirum, ut quo quis principium, causae generationis dicatur genus, non dubium est, quin eo progenitores etiam & patriam comprehendat: Quo pacto probabilius est, Virgilium accepisse nomen generis, cum dicit;

*Tantum vos tenuit generis fiducia
vestri?*

Et Ouidium his verbis:

Nam genus, & proavos, & quae non fecimus ipsi.

Vix ea nostra puto, &c.

Hoc autem significatum.] Comparat has duas generis significationes inter se, docetque, posteriorem esse usu frequentiore. & ordine rei naturae, tum appellationis priorum, nec immerito. Nam propterea tota eol lectio genus appellatur, quod ab aliquo progenitore aut a patria orta sit.

Alio modo dicitur.] Tertiam addit generis significationem huius loci propriam quae genus dicitur id, sub quo species collocat, siue id, cui subijciuntur species, ut animal: etenim animal subijciit homo, qui quidem est species.

Huic definitioni nonnullae conditiones adiungendae sunt, ut cetera omnia quae hac generis significatione non comprehenduntur, reijciatur, nempe ut verbum, id, pro uere uo & nomine & ratione accipitur, per quam particulam excluduntur complexa omnia, & equiuoca, analogae, & entia per accidens, quia nihil horum est unum, nomen & ratione. Verba sunt, [Subijci, intellige de subiectione in

qone, [quid est,] ut innuere ut Porphyrius c. seq. cum sic speciem definit: Species est id quod subijciatur generi, & de quo genus in quaestione, quid est, praedicetur. hac particula reijciuntur indidua, species, & cetera omnia uniuersalia, quia eis, quatenus talia sunt, nulla subijciatur species in qone, quid est.

Quaeri solet hoc loco, siue ista generis explicatio definitio rei, an nomen? Cui quod respondendum est, ex insituto quidem auctor non esse rei, sed nomen. Porphyrius n. in hac priori parte nihil aliud agere instituit, quam tradere quasdam generi significationes, quarum tertia hac definitione exposuit: Quod si ipsam per se orationem attendas, non dubium est, quin ea sit definitio rei, cum res ipsa generis vocabulo signata hac ofone explicet.

Neque enim ullum est incommodum asserere, unam eandemque definitionem esse simul rei & nominis, quandoquidem omnes definitiones, quibus rei natura explicatur, causa etiam exponendae significationis vocabuli asserri possunt, ut in institutionibus dialecticis dicitur lib. 1. c. 2.

Fortasse accepta similitudine. Verisimile est id Porphyrius hoc loco suspicari, nomen scilicet generis indicum fuisse rei, quae sub se continet species, propter eius, cum generibus primo & secundo modo dictis, similitudinem. Ut enim genus secundo modo principium est eorum hominum, qui ab ipso fluxerunt, sic etiam res, quae sub se continet species, principium est constituens multas species. Ut etiam genus primo modo multitudinem omnem complexitur ab aliquo principio deductam: Sic etiam genus tertio modo dictum multitudinem, quae ipsi subiecta est, comprehendit. Est tamen latissime patens discrimen inter hanc tertiam significationem, & superiores duas. Nam genus secundo modo dictum non dicitur vere de hominibus, quorum est principium & origo: At genus tertio modo dictum de speciebus, quarum est genus, verissime dicitur.

Deinde genus primo modo dictum cum sit ipsa hominum multitudo, constituitur & quasi componitur ex singulis hominibus, quos comprehendit: At genus tertio modo dictum suas species ita complexitur, ut ex ijs minime componatur.

His igitur tribus modis dicitur genus.] In posteriore parte huius capitis missa facit Porphyrius

rius prioris duās genetis acceptiones, quoniam ad oratores potius, Poetas, & Historicos pertinent. Genus ergo hoc modo dictū, de quo futura est disputatio, ex sententia veterum Philosophorum, ad hunc modum describit. Genus est, quod de pluribus specie differentibus in questione, quid est, prædicatur; Vt animal: Quam descriptionē tradiderat etiam Aristoteles 1. Topicor. capite 4. Cæterum quoniam Porphyrius has particulas vsque ad finem huius capitis eodem ordine, quo proposuit sunt, persequitur: Illud tantum hoc loco admonendum erit, particulam, [prædicatur,] et si actum significet, secundum aptitudinem, accipendam esse, quasi dictum sit, quod aptum est, ut prædicetur. Quomodo autem hæc ipsa verba, & illa, [de pluribus,] intelligenda sint, ex his, quæ in explicanda priori definitione vniuersalis diximus percipiri potest. Illa vero, [in questione quid est,] partim ab autore, partim a nobis ad finem capituli exponuntur.

Eorum enim quæ prædicantur.] Ut ostendat traditam descriptionem cum genere concurrere, partesque eius excludere omnia, quæ nomine rei, quæ definitur, non continentur, hanc proponit diuisionem sibi vsui futuram: Eorum, quæ prædicantur, quædam de vno solo dicuntur, quædam de pluribus: In qua verbum, [prædicari] idem valet, quod vere & affirmatiue eodem nomine eademque omnino ratione, & secundum naturam enuncitari, ut patet ex his, quæ in exponenda priori definitione vniuersalis diximus. Itaque priori membro comprehenduntur omnia & sola indiuidua, posteriori omnia & sola vniuersalia, quippe cum in priori describantur indiuidua in posteriori vniuersalia. Quo fit, ut cum Porphyrius subdit ea, quæ prædicantur de pluribus, prædicari ut genera, species, differentias, propria, & accidentia, non utatur particula, Vt, ad afferenda vnda exempla, sed ad numeranda omnia membra vniuersalis.

Et accidentia communia.] Duobus modis possunt hæc verba exponi, vno ut significet Porphyrius, se non loqui de accidentibus singularibus, ut de hoc albo, sed de vniuersalibus, ut de albo. Altero, ut dicat, se non accipere nomen accidentis pro accidente proprio, quod nimirum necessario rei conuenit, quale est, aptum esse ad capeffendas

disciplinas, sed pro accidente communi, quod videlicet adesse & abesse potest sine rei subiectæ interitu.

Genus igitur ab hisce.] Incipit ostendere, traditam generis descriptionem cum genere recurrere. Cum igitur in eius tres sint partes, prima, (quod prædicatur de pluribus;) Altera, (differentibus specie;) Tertia, in questione quid est; per primam excludit indiuidua, quæ etiam excluduntur reliqua omnia, quæ non sunt vniuersalia, ut potest esse plexa, & inuoca, analogæ, & alia huiusmodi: Per secundam excludit species, & propria specialia, quæ sicut vna specie infima recipiuntur, quoniam hæc non prædicantur de pluribus specie differentibus; per tertiā excludit differentias generales, & accidentia generalia, quoniam hæc non prædicantur in questione, (quid est,) sed in questione (quale est;) Per quam etiam possumus excludere differentias speciales, & accidentia quædam, quæ vni tantum speciei infimæ conueniunt, & propria generalia, quorum Porphyrius non meminit hoc loco; Verū hæc paulo post latius explicabuntur.

Interrogantibus enim.] His verbis docet Porphyrius, id prædicari in questione quid est, quod apte redditur, cum quid res sit queritur, quod reperies apud Aristotelem eo loco, vnde ille, definitionem generis desumpsit; Id autem prædicari in questione, (quid est,) quod apte responderetur, cum qualis res sit queritur, quod etiam docet Aristoteles 5. Metaph. ca. 14. Cur autem quædam apte reddantur, cum, quid res sit, alia, cum qualis res sit queritur, inferius docebimus.

Quare hoc quidem.] paucis colligit, quæ fufius dixerat, quod loco verba illa, (aut quomodo se habet quoddam eorum de quibus dicitur,) videntur referenda ad accidentia, quæ possunt separari a subiectis potissimum ad ea, quæ constituent in motu, aut in comparatione ad alias res: Nam sanè esse, ægram, vigilare, dormire, ambulare, lætari, tristari, amicum esse, inimicum, iacere, stare, & similia magis proprie redduntur, cum queritur, quomodo se res habeat, quam cum queritur, qualis nam sit. Itaque etiam huiusmodi accidentia reddi possunt, cum queritur, qualis res sit, quemadmodum & reliqua omnia communia & propria (id quod Porphyrius paulo superius aperte significauit, cum genus a differentia & communibus acciden-

tibus

tibus separavit.) Aptius tamen reddentur, cū quis rogauerit, quomodo se res habeat, alij aliter exponunt, sed hic sensus perfectus est, quā plane videtur colligi ex initio capituli de differentia, vbi Porphyrius explicans differentiationem communem vulgaremve, quæ re ipsa separari a subiecto potest, sic ait: [Et semper hæc differentia in ijs est sane dignificatis, quæ consistunt in hisce, quæ cum interrogamus quomodo res sese habet assignari reddique solet. Idemque colligitur ex postrema generis comparatione tradita c. 1.

Nihil ergo superfluum.) Colligit in descriptione generis a se tradita nihil superesse, nihil desiderari, quo loco verba contextus hunc habent sensum, nihil plus, minusve contrahet, quam verus intellectus, seu notio generis, hoc est, quam vera natura generis intellecta contineat. Magis accommodata ad verba Græca ita diceretur, in descriptione igitur, qua generis notio explicata est nihil abundat, aut desideratur.

Quidnam generis definitione explicetur.

QUESTIO PRIMA.

VT descriptio generis a Porphyrio tradita plane intelligatur, inuestigandum est primo loco, utrum in ipsa definiatur secunda generis intentio, siue notio, ut Porphyrius affirmat: an vero res intentione subiectæ, an potius tota complexio, ex re & intentione. Quod enim tota complexio definiatur, hisce argumentis sua detur. primum, in definitione tradita definitur genus: At genus cum sit concretum quid accidentarium, non videtur sola secunda intentio, nec sola res subiecta intentioni, sed tota complexio ex re, & intentione, quemadmodum candidum non videtur esse solus candor, nec sola res, cui candor inest, sed tota complexio ex re & candore: Igitur tota complexio ex re & secunda intentione generis definitur.

Secundo, ais dialectica, ut est commune dialecticorum prolequium, non agit de secundis intentibus, nisi adiunctis primis; prima autem intentiones sunt res subiectæ seu substratæ: Tota igitur complexio ex intentione & re substrata dicitur hæc loco definiti.

Tertio, quod vero res notioni subiectæ definiatur, hac ratione videtur ostendi: Id definitur vnaquaque definitione, cui de finitio conuenit: At rei subiectæ notioni generis, ut animalis, & cæteris huiusmodi conuenit tradita generis definitio: Res igitur subiecta notioni definitur. Minor propositio ex eo videtur perspicua, quia res omnes, quæ notioni generis subiiciuntur, prædicantur de pluribus differentibus specie, in quæ, quid est, ut asinus de homine & bestia.

Quarto, quod autem sola generis notio siue secunda intentio definiatur, ex eo videtur ostendi: Quia in omnibus definitionibus explicatur id, quod nomen definiti significat. Sed nomine generis sola notio generis significatur: ea igitur sola est, quæ in definitionibus generis explicatur. Quæstio hæc, quæ occasione extremorum huius capituli agitata est, ut aditum aperiat ad intelligendum non solum, quid in tradita generis descriptione, sed etiam quid cæterorū vniuersalium definitionibus atque adeo aliarum multarū rerum definiatur: ita hoc loco minime fuit prætermittenda. Ut igitur hæc quæstio dissoluitur quatuor assertionibus videtur explicanda.

Prima assertio: tota complexio ex re, & notione non definitur descriptione tradita in primis, quia complexio ex re & notione est ens per accidens, ut homo albus, nullum vero ens per accidens definiri potest, ut Aristoteles sæpe docet, nisi pluribus complicatis definitionibus, ut homo albus definitionibus hominis; & albi, quo pacto perspicuum est non definiiri genus hoc loco. Secundo, quia tota complexio, ex animalis verbi gratia & notione generis, non prædicatur in quæstione quid est, de speciebus animalis, ut de homine, & bestia; ergo toti complexioni non competit definitio: Antecedens probatur, illa complexio non est de essentia verbi causa, hominis vel bestie, ergo non potest de illis in quid prædicari.

Secunda assertio: Nec res subiecta notioni generis definitur tradita definitione: imprimis quia tradita generis definitio non explicat simpliciter, ac absolute naturā alicuius peculiaris rei substratæ, ut animalis, ut plantæ, nec itē alicuius rei cōis, quæ has omnes sub se contineat, ut apertum est. Deinde, quia agere de rebus substratis, quo ad naturas earum, partim spectat ad physicum partim

tū ad metaph. p. artem ad mathem. partim ad alios artifices, vt perspicuum est.

Tertia assertio: Nec ipsa generis notio, hoc est, relatio generis abstracte significata, absolute, ac simpliciter definit tradita generis definitione: pōt tñ eius definitio ex definitione generis elici. Prior pars probatur, quia definitio hoc in primis habere debet, vt simpliciter, ac in vniuersū conueniat ei quod definitur; Sed generis definitio nō conuenit hoc modo notioni generis abstracte acceptæ, nempe ipsi, vt sic dicā, generitati. Ergo intentio generis abstracte accepta non definitur descriptione generis.

Minor probatur, quia non est simpliciter vera hæc enunciatio, omnis generitas prædicatur de pluribus differentibus specie in quæstione, quid est, quandoquidem generitas animalis nō sic prædicatur nec de rebus subiectis animalis, vt apertissimum est, nec de inferioribus intentionibus, siue notionibus, cum sit indiuiduū; Ergo generis definitio non cōuenit simpliciter, ac vniuersim generis intentioni abstracte acceptæ, siue generitati. Deinde, quia nec generitas est ratio, sine causa, cur res, quæ genera denominantur, aptæ sint ut prædicentur, cum generitas hanc aptitudinem vt proprium fundamentum supponat: imo vero nec si esset ratio, id satis esse, ut definitur tradita generis definitione, quemadmodum nemo diceret, hæc esse definitionem dialecticæ, dialecticus est discerendi artifex. Quare nec illa est definitio generitatis, genus est quod prædicatur &c. Posterior pars assertionis ex eo patet, quia ex illa definitione generis facile colligi potest hæc generitatis definitio, generitas est id, quod vnum nomine, & ratione refertur ad nulla specie differentia, de quibus in quæstione quid est prædicari potest: Quæ simpliciter & vniuersè omnibus intentionibus generis conuenit, quemadmodum ex illa definitione dialectici nullo negotio elici potest hæc definitio, dialectica est ars discerendi.

Quarta assertio: id quod simpliciter & absolute in definitione generis definitur est notio generis concrete significata, id est, affectum generitate, vt tale est. Sic enim explicari potest hoc nomen genus, quemadmodum album non est aliud, quam affectum albedine, quatenus affectus est albedine. Hæc assertio probatur in primis ex ipso modo si-

gnificandi huius uominis, genus. nec enim significat intentionem abstracte, sed concrete, connotando scilicet subiectum siue rem substratā. Secundo, quia intentioni generis hoc modo acceptæ conuenit definitio generis; Etenim affectum generitate est unū nomine & ratione, quod est aptum, ut prædicetur de pluribus differentibus specie in quæstione, quid est. Quamquam hac definitione notio generis explicetur nō per ea, quæ ad essentiam eius pertinent, sed per suum fundamentum, siue proprietatem ipsius, hoc est per certam quandam aptitudinē, in qua fundatur. Quo genere definitionum in explicandis re lat s sepe uti solēmus; quemadmodum facilius intelliges, quæ nam dicantur similia; Si dicas ea esse, quæ in eadē qualitate conueniunt, quā si dicas, esse illa, quæ ad sibi similia referuntur. Denique, quia eo dem modo res habet in cæteris concretis. Nam cū candidum, v.g. definitur, non dicitur definiti res cādida, ut nix, aut aliquid aliud cui candor inhereat; nec item ipse candor, quasi abstracte acceptus: Sed candor concrete sumptus, hoc est, affectus cādore quatenus tale est: atque eo modo intelliges, quid definitur quauis alia definitione vniuersalium.

Supereā vt argumenta initio proposita diluamus.

Ad primum respondetur concessa maiore, distinguendo minorem: Si enim sit sensus, genus non significare solam intentionem abstracte, sicut albedo significat solam albedinem, concedenda est. Si vero sit sensus, significare solam intentionem, concrete tamen, seu quod idem est, connotando fundamentum, in quo reperitur, neganda est minor. Nam nomina concreta accidentaria formaliter quidem sola accidentia significant, verbi causa, candidum solam qualitatem dicit, vt Aristoteles docet cap. 5. prædicamentorum, connotat tamen subiecta, in quibus sunt. Quare genus non est complexum aliquod ex intentione & fundamento, sed solam intentionem significat, non abstracte tamen, sed connotando fundamentum, scilicet animal in quo est; Et ideo definitum huius definitionis, est intentio concrete sumpta.

ad secundum concessa maiore & minore neganda est conclusio. Solum enim probatur hoc argumēto secundam intentionē generis defini nō abstracte, sed cōcrete significatam,

Ecceam, seu, vt adiuncta est prima intentioni, scilicet animali, quod est verissimum. Logicum enim agere de secundis intentionibus adiunctis primis nihil est aliud, quam agere de secundis intentionibus concretis significatis, vt diximus.

Ad tertium neganda est maior; de niue enim, & papyro prædicatur definitio albi; nec tamen niue aut papyrus definitione albi definitur. Oportet ergo sic dicere, id definitur quauis definitione, cui primum conuenit definitio, seu cuius natura in tali definitione explicatur. Quo sane modo non conuenit definitio generis rebus substratis secundum se sumptis: cum ipsarum natura definitione generis nullo pacto declaratur. conuenit autem notioni generis concrete significata.

Quartum argumentum nihil contra assertionem, quam tuemur, colligit, modo intelligatur concludere, notionem generis definiti concretè acceptam: quo pacto nomen generis, quod concretum est, significatur.

Sicet recte tradita definitio generis.

QUÆSTIO SECUNDA.

Secundo loco circa traditam generis definitionem videndum est, rectene id explicet, quod in ea definitur diximus. Quod vt expendamus, percurrere sunt tres illæ partes definitionis, quod prædicatur de pluribus, differentibus specie, & in questione quid est: Nulla enim uidetur bene posita. Inprimis enim, aut Porphyrius voluit subaudiendum esse in particula, quod, ipsum vniuersale, quasi genus definiti, aut minime. Si voluit esse subaudiendum, vt nimirum sic habeat; genus est vniuersale, quod prædicatur de pluribus, &c. Duo incommoda sequuntur: Vnum est, quod bis collocatur vniuersale in eadem definitione, quippe cum idem sit, vniuersale, atque id, quod prædicatur de pluribus: Aliud est, quod inepte reiecerit indiuidua per particulam, de pluribus. Nam si vniuersale subaudiatur in particula, quod, prius utiq; per ipsum vniuersale reiciunt indiuidua: Si vero noluit esse subaudiendum, hoc incommodum videtur sequi, non solum non definiti genus hæc de-

finitione, sed nec describi quidem. Nam tota hæc oratio, quod prædicatur de pluribus differentibus specie in questione quid est, si nihil aliud subaudiatur, solam fundamenti generis proprietatem significat: Sola autem proprietate nulla res definitur aut describitur.

Secundo, contra secundam definitionis partem sic obijci potest: Aut illud, differentibus specie, accipitur per indiuiduis, quæ continentur sub diuersis speciebus, vt Alexander, & Bucephalus: Aut pro ipsis speciebus diuersis, cuiusmodi sunt homo & equus. Si pro indiuiduis, sit, vt genus definatur per indiuidua, quod non videtur dicendum cum genus, quæ genus est, per species definiti debeat, vt Porphyrius ait capite sequenti. Si vero pro speciebus, illud efficitur, vt species differant specie, & ex cōsequenti se ipsis: Quod Aristoteles plane videtur negare lib. 10. Metaph. ca. 5. cum docent, hoc inter esse inter diuersum & differentem, quod diuersum potest esse se ipso diuersum; quod differens aliquo alio oporteat esse differens: Ergo pro nullo horum accipi potest, atq; adeo non recte posita est in definitione generis: pars illa, differentibus specie.

Præterea nec Tertia pars definitionis recte videtur constituta. Nam genus est velut forma & qualitas suarum specierum. Id autem quod se habet vt forma & qualitas alicuius rei, videtur prædicari de ea in questione quale est. Non igitur dicendum fuit, genus esse id, quod prædicatur de pluribus differentibus specie in questione, quid est, sed potius in questione, quale est.

Maiores propositio partium asseritur ab Aristotele 2. Physic. cap. 3. cum docet, genus & differentiam esse quasi formas definiti; partium in prædicamentis cap. 2. de substantia, cum ait, genera & species substantiarum significare quale quid. Dicendum est tamen, recte traditam esse definitionem generis, quod ex eo patet, quia prima eius pars, vt potest, quod prædicatur de pluribus, pro genere definiti ponit. His enim verbis definit vniuersale, quod est genus generis & cæterorum vniuersalium. Deinde adduntur duæ differentie, quæ propriam generis naturam, quæ a cæteris vniuersalibus distinguitur, declarant. Verum animaduertendum est, in hac definitione prius intelligendum esse extremam partem, quam mediam, quasi dictum

dictum sit. Genus est quod predicatur de pluribus: questione quid est, iisque differentibus specie. Nam in omnibus definitio nibus hoc obseruandum est; vt prius intelligantur differentia, sit separant definitum a rebus, a quibus magis distat, quam ab ijs, a quibus minus distinguitur. Quare cum magis distet a differentia, proprio, & accidente, quam a specie, vt perspicuum est; Et per partem illam, in questione, quid est, a differentia, proprio, & accidente separari possit: A specie autem per illam, differentibus specie; Non dubium esse debet, quin prius intelligenda sit pars illa, [in questione quid est,] quam illa, [differentibus specie.] Hoc igitur ordine constituta definitione per primam particulam reijciuntur indiuidua, & alia omnia, quæ non sunt vniuersalia, per secundam differentie propria & accidentia, a quibus genus plus differt, quam a specie; per tertiam denique excluduntur species.

Aliter tamen Porphyrius vsus fuit partibus definitionis in reijciendis cæteris vniuersalibus. Nam eundem ordinem intelligentiæ in eis tenuit, quo illæ scriptæ sunt ab Aristotele, quapropter coactus est prius separare genus a specie, cum qua maiorem habet affinitatem. Quod autem Porphyrius eundem ordinem intelligentiæ in partibus definitionis tenuerit, quo illæ ab Aristotele ascriptæ sunt, ex eo manifestum est, quia per particulam, [differentibus specie,] separauit genus a proprio; Quod utiq; superuacuum esset, si prius intellexisset partem illam, [in questione quid est,] quæ propria cum accidentibus & differentiis plenissime reijciuntur. Accedit, quod in separando genere a differentia non meminit proprii generalis, nec differentie, nec accidentis specialis, vt in expositione contextus diximus: Quæ tamen omnia per particulam illam, [in questione quid est,] cum accidentibus & differentibus generalibus potuit reijcere.

Superest vt argumenta initio proposita diluamus. Ad primum igitur concessa maiore dicendum est ad minorem, Porphyrium noluisse vniuersale subintelligi in illa particula, [quod.] Nam tota illa oratio, [quod predicatur de pluribus,] loco vniuersalis posita est, id quod satis indicauit Porphyrius, cum per eam separauit

genus a singularibus; quæ plane opponuntur vniuersalibus. Vnde sit, vt non oporteat, sub illa particula, quod, ipsum vniuersale intelligere. Cum autem obijciatur: nisi vniuersale subaudiatur, totam definitionem generis significare solam quandam proprietatem fundamenti generis, occurrendum est, in illa particula, [quod,] subaudiendum esse vnum aliquid nomine & ratione, vt diximus in exponenda priori definitione vniuersalis quod latius patet vniuersali, atque adeo est quasi remotum genus ipsius generis sic definiti: Quare nihil obstat, quo minus oratio, quæ genia definitur, sit quædam eius fundamenti descriptio.

Ad secundum respondetur concessa maiori, dicendum esse ad minorem, nomine differentium specie intelligenda esse hoc loco non solum ea, quæ collocantur sub diuersis speciebus, sed etiam ipsas diuersas species. nam genus vt genus est, tum ad species, tum ad indiuidua refertur, vt capite de specie docebimus. quod autem obijciatur, species non posse differre specie, eo quod Aristotelis sententia, id, quod differt, alio quodam differas; Facile soluitur, quoniam species non ideo dicuntur specie differre, quasi per aliquam speciem distinguantur, sed quoniam distinguuntur vel naturæ, vel differentia speciem vltimo constituyente, quod quidem non solum indiuidua, quæ sub diuersis speciebus collocantur, sed etiam speciebus ipsis accommodatur.

Ad tertium, concessa maiori neganda est minor; Non enim quicquid est forma, & quasi qualitas, respectu alicuius predicatur de illo in questione, quale est, sed illud tantum quod ita est forma, vt more forme & qualitatibus predicetur. Genus autem censetur quasi forma, quia suis speciebus, & indiuiduis perfectionem quandam confert. (Næ forme proprium est, vt perfectionem aliquam tribuat.) Dicitur etiam genus quale quid, tum quia est forma vt diximus, tum quia est vniuersale, quæ de re latius c. 5. predicamentorum. Quia tamen more forme & qualitates non dicitur; ideo non in quale, sed in quid predicatur, quod vt intelligas, explicandum est hoc loco, quænam predicetur in questione. [quid est,] & quænam in questione, [quale est.] Ea predicantur in questione quid est, ut ex contextu dicimus.

discimus, quæ apte respondetur, cum quid res si queritur. Ea vero in quæstione, quale est, quæ apte redduntur, cum qualis res sit petitur. Porro illa redduntur apte, cū quid res sit queritur, quæ more substantiæ de re proposita dicuntur. Substantia n. proprie dicitur quid, vt sæpe docet Aristoteles. Illa vero redduntur apte cum quales res sint petitur, quæ more qualitatis de re proposita enuntiantur. Qualitas enim est, quæ res proprie dicitur quales. Est autem propria substantiæ conditio, vt nulli subiecto innitatur. Qualitatis autem, vt suapte natura inheret subiecto; hoc enim etsi omnibus accidentibus conuenit: aptius tamen tribuitur qualitati, vt accidenti cæteris clariori. Ex his efficitur, vt prædicata, quæ ita de re proposita enuntiantur, vt nec ei adnitatur, nec alicui prædicato essentiali eius, prædicetur: nec substantiæ; Quæ vero aut ipsi rei, de qua dicuntur adherent, aut, vt ita dicam, adiacent, aut certe alicui prædicato essentiali eiusdem, prædicentur more qualitatis. Exempli causa, animal prædicatur de homine more substantiæ, quia nec adiacet homi-

ni, nec alicui prædicato essentiali hominis; At vero album & rationale, prædicentur de homine more qualitatis, quoniam esse album adiacet ipsi homini, de quo dicitur, rationale autem, etsi adiacet homini, adiacet tamē animali, quod est essentialē hominis prædicatum. Illud autem dicitur alteri adherere, vel adiacere, quod ipsum contrahit ad constitutionem alicuius compositi vel per se, vel per accidens, vt album contrahit hominem ad constitutionem hominis album, qui est ens per accidens; Rationale vero contrahit animal ad constitutionem hominis, qui est ens per se. Ita patet quænam apte respondeantur, cum quid res sit queritur; Quæ item, cum, quale sit, ac proinde quæ prædicentur in quæstione quid est, & in quæstione quale est. Vt ergo ad propositum reuertamur, concedendum est, genus esse quasi formam & qualitatem suarum specierum; sed negandum est, illud prædicari de iisdem in quæstione quale est, eo quod non prædicetur de suis inferioribus more qualitatis, hoc est, quasi adiacens illis, aut alicui prædicato essentiali ipsorum, vt nunc ostēdimus.

CAPVT SECVNDVM DE SPECIE.

BIBLIOTECA NAZIONALE
ROMA
DEP. MANUSCR.



Species autem dicitur quidem & de vniuersiusque forma, qua significatione dictum est, prima species digna est imperio. Dicitur autem & de eo quod sub assignato genere collocatur. Qua significatione hominem quidem speciem animalis dicere consueuimus, quod quidem est genus. Album autem speciem coloris & triangulum speciem figuræ.

Quod si genus assignantes, mentionem fecimus speciei, genus id est dicentes, quod de pluribus differentibus specie hoc ipso quid est prædicatur, & nunc id esse dicimus speciem, quod sub assignato genere collocatur; Sciendum est, cum & genus alicuius sit genus, & species alicuius sit species, vtriusque inquam vtrumque in amborum etiam rationibus ambobus vti necessarium esse. Assignant igitur speciem & hoc modo. Species est id quod subicitur generi. Et, de qua genus hoc ipso quid est prædicatur. Insuper hoc etiam pacto, species est id, quod de pluribus differentibus numero, hoc ipso quid est, prædicatur. Verum hæc quidem assignatio ipsius erit specialissima species, & quæ tantummodo species est, ceteræ vero & hisce competent, quæ non specialissima sunt. Atque id quod dicimus, hoc pacto fuerit manifestum. In vnoquoque prædicamento quadam sunt generalissima genera, & quædam species: si n. species. Et inter hæc media quædam sunt, quæ genera eadem, speciesque dicuntur. Est autem

id quidem generalissimum genus supra quod nullum omninogenus transcendit. Specialissima vero species ea, sub qua nulla prorsus alia species collocatur. At inter hæc, generalissimum inquam genus, speciemque specialissimam, sunt alia quæ genera sunt eadem, speciesque. Non respectu tamen eiusdem, sed diversorum. Explicetur autem id quod diximus vno in predicamento, dilucidumque fiat hoc pacto. Substantia est quoddam & ipsa genus, ut patet. Atque sub ipsa quid est corpus. Sub corpore vero corpus est, animatum, sub quo animal cadit. Sub quo rursus est animal, particeps rationis, sub quo homo cadit, sub quo Socrates, Plato, singulique homines collocantur.

S V B S T A N T I A.

Corporea,	Corpus,	Incorporea,
	Animatum,	Non animatum.
Sensibile,		Non sensibile.
Animal,		
Rationale,		Irrationale.
Socrates, Plato.		Leo, affinis.

Horum igitur substantia quidem genus generalissimum est, solumque genus. Homo vero specialissima species, & species solum. At corpus species quidem est substantię, genus autem corporis animati. Animatum vero corpus, species quidem est corporis. Genus autem animatis, rursus animal species quidem est animati, genus autem animalis participis rationis. Hoc est species quid est animalis participis rationis. Genus autem hominum singulorum non est, sed species solum. Atque omnino id omne quod est ante indiuidua, & de ipsis sine vno medio predicatur, species erit duntaxat, & nullo modo generis rationem subibit. Ut igitur substantia, quid supremum est, propterea quod nihil est ante ipsam, genus est generalissimum, ut diximus. Sic & homo, quia species est, sub qua nulla species prorsus, neque quicquam eorum quæ diuidi possunt in species, collocantur, sed indiuiduorum species est, (indiuiduum. n. est Socrates, Plato, atque hoc aliam.) species erit, profecto solum, ac vltima species, specialissimaque species, ut diximus. Media vero, species quidem eorum, erunt, quæ sunt ante ipsa, genera autem eorum quæ sub ipsa collocata. Quare hæc quidem, duos habent respectus: Vnum ad ea quæ antecedunt, quo species illorum esse dicuntur. Alterum ad ea quæ sequuntur, quo illorum genera esse dicuntur. Extrema vero vñ habent duntaxat, generalissimum enim genus ad ea quidem quæ sunt, sub collocata respectu habet, est n. genus, ut patet. Ad superiora vero nullum habet respectu, n. si supremum sit genus, & ut principium primum, atque ut diximus id, supra quod nullum inueniri genus omnino potest. Specialissima quoque species vnum habet respectu. Habet n. ad superiora, quorum species dicitur. At vero non diuersum habet, sed indiuiduorum species dicitur. Atque indiuiduorum quidem species dicitur, ut continens ipsa superiorum autem rursus species appellatur, ut continetur ab illis. Dissimulant igitur; Genus generalissimum est, quod genus est, & non species. Et rursus, supra quod nullum aliud omnino genus transcendit. Speciem vero specialissimam hoc pacto; specie specialissima est, quæ species est, & non genus. Et rursus, quæ alias in species vllis diuidi nequit, Et insuper, quæ de pluribus differentiis numero, hoc ipso quid est, predicatur. Media vere, subalterna genera speciesque appellant, atque nunquamque ipsa-

rum speciem genusque ponunt, non respectu tamen eiusdem, sed diuersorum. Ea enim quæ ante speciem specialissimam sunt usque ad generalissimum genus genere, & species subalterna dicuntur ut Agamemnon, Atrides, & Pelopides, & Tantalides ac tandem ultimo Iouis. Verum ita familijs quidem ad vnum, velut Ionem pluramque principium ipsum reducitur. In generibus autem & speciebus non ita res sese habere videtur. Non enim ipsam ens vnum est omnium genus commune, nec vniuersa generis sunt eiusdem, supremo genere, vno, ut Aristoteles inquit. Sed ponantur, ut in prædicamentis, prima genera decem, quasi principia decem prima. Et si quispiam omnia entia appelleret æquiuoce, ut dicit, & non vniuocè nuncupabit. Nam si ipsum ens communium omnium genus esset, vniuocè vniuersa profectò entia dicerentur. Cum autem sint decem prima, communicatio nomen tantum est, non & ratione ea quæ ad nomen accommodatur. Genera igitur sunt generalissima decem. Species autem specialissimæ, sunt quidem in numero quodam, at non infinito. Individua autem quæ sub specialissimis collocantur, sunt infinita. Quapropter descendere a generalissimis usque ad specialissimas species Plato iubebat, ibique stare. Descendere vero per media, differentijs specificis diuidentes. Infinita autem omittere, neque enim cadere sub scientiam possunt. Cum igitur ad specialissimas descendimus species, transeamus per multitudinem diuidendo necesse est, at cum ad generalissima ascendimus genera, in vnum multitudinem ipsam congregamus oportet. Species enim in vnam naturam congregat multa, & magis etiam genus, particularia vero ac singularia, in multitudinem ipsum vnum contra diuideri semper videntur; Speciei namque communicatione, complures homines vnus sunt homo: at vnus atque communis, ipsis particularibus plures. Singulares namque semper est diuisum, ipsum vero commune, collectum, atque minus est effectum suapte natura. Assignatio autem genere atque specie, quidnam vtrumque ipsorum sit, quorum quidem genus est vnum, species vero plures (diuisionemque generis species in plures semper, efficitur) genus quidem semper de specie prædicatur, omniaque omnino supra de inferis semper dicuntur. Species vero neque de propinqua sibi genere, neque de illo supero prædicatur: non enim conuertitur. Nam aut paria de paribus, ut hinnibile de equo, aut maiora de minoribus, ut animal de homine, prædicentur oportet, minora vero de maioribus non oportet. Non enim animal esse dixeris, ut hominem animal esse dices. Atque de quibus species prædicatur, de his & speciei genus, & genus etiam generis usque ad generalissimum necessario prædicabitur. Nam si verum est dicere Platonem hominem, & hominem animal, & animal substantiam esse, verum est & Socratem, & animal dicere atque substantiam. Cum igitur supra semper de inferis prædicentur species, quidem de individuo, genus autem de specie, ac individuo, & generalissimum genus de genere, vel de generibus, si plura media superalternaque sint, & specie, atque individuo prædicabitur. Generalissimum enim de generibus, & speciebus ac indiuiduis omnibus prædicatur. Genus autem, quod est ante specialissimam speciem de vniuersis specialissimis ac indiuiduis dicitur, & species ea quæ est solum species, de omnibus indiuiduis prædicatur, & indiuiduum de vno solo particulari, indiuiduum autem dicitur Socrates, & hoc album, atque hic accedens, filius

Sophronis si solus ipse Socrates sit. Individua igitur ex eo talia dicuntur, quia ex proprietatibus, quodque constat quarum idem aggregatum nunquam in alio fiet Socratis namque proprietates nullo in alio particulari eadem fient. Hominis tamē communis proprietates eadem in pluribus, imo vero in omnibus particularibus hominibus ut homines sunt fiunt atque inveniuntur. Individuum igitur a specie, & species a genere continetur, genus enim est quoddam totum, individuum autem pars at species totum est, ac etiam pars, sed ut pars quidem ad aliud. Ut totum autem nō ad aliud dicitur, sed in alijs, totum enim in ipsis partibus est. De genere igitur atque specie, & quidnam sit generalissimum genus, & quid specialissima species, & quae sint eadem genera speciesve, quae praeterea sint individua, & quot mo lii genus speciesve dicantur, satis iam explicauimus.

SI ordo naturae, quem porphyrius in proponendis quinque uocibus secutus est, in ipsa etiam tractatione seruandus esset, proculdubio, post generis tractationem, de differentia agendum foret. Ceterum ordo naturae interdum consulto praetermittitur, ut doctrinae ordo seruetur, qui quidem totus in eo cernitur, ut accommodatissime explicentur ea, de quibus agendum est. Hae igitur de causa porphyrius prius de specie, quam de differentia disputat. Nam cum gentis & species mutuo referantur; ac proinde accurata alterius cognitio, a perfecta alterius cognitione pendeat, necessarium fuit, ut post generis explanationem, tractatio speciei proximo sequeretur. Memor igitur porphyrius eius, quod dixerat ad initium capituli de genere, nec genus, nec speciem dici simpliciter, duas in primis speciei acceptiones ad initium huius capituli refert, missis interim alijs plerisque, quae ad propositum minime conducunt. Deinde reiecta priori acceptione, posteriorem iterum declarat, simulque assert definitionem speciei, quae est secundae speciei uniuersalis. Tercio loco, ut ea, quae de specie dixerat, clariora fiant, multis de praedicamentorum dispositione commemorat, tandemque de indiuiduis non nulla subiicit.

[Species autem dicitur.] Prior speciei acceptio est, quae species pulchritudinem significat corporis, nimirum quandam aptitudinem membrorum cum coloris quaedam suauitate, ut Cicero definit libro quarto Tuscul. q. Hae significatione dictum est illud, praestantissima corporis forma digna est imperio, hoc est praestantissima corporis forma digna est, ut ei, cui illa con-

tigit, imperium deferatur, idque non sine causa dici solet, quia dignitas corporis praestantis animi plerumque indicium est. Hanc porro speciei significationem inter alias, quae ad hanc artem non pertinent, tetigit Porphyrius, non solum ut ostenderet, speciei uocabulum alio, atque alio modo usurpari, sed etiam, ut aliquid afferret, cui similis esset species, de qua futura, est disputatio. Ut enim extrema forma rudem corporis molem informat; Sic etiam species de qua hoc loco agendum est, generis confusioni, & imperfectioni ornatum addit.

Dicitur autem & c.] Adiungit posteriorem speciei significationem Philosophorum propriam, quam hac definitione tradit: Species est id, quod sub genere collocatur, seu quod idem ualeat, id quod generi subiicitur.

Quod si genus assignantes.) Obijceret aliquis porphyrie, nitiosa illum reciprocatione usum fuisse. Superius namque definiat genus per speciem, nunc autem uicissim speciem per genus definit. Cui objectioni respondet, hanc reciprocā definitiōem rationem non esse uitiosā, sed potius necessariā in his rebus, quarum natura in mutuo respectu consistit, cuiusmodi sunt genera, & species.

Assignant igitur speciem.) Expositis duabus speciei significationibus, posteriorem iterum declarat hac definitione; Species est id, quod subiicitur generi, & de quo genus in quaestione, quid est praedicatur. Neque enim his uerbis proponuntur duae definitiones, ut nonnulli uolunt. Nam cum porphyrius ait assignant igitur speciem & hoc modo, aperte significat se asserre aliam

aliam speciei definitionem ab ea, quam obiter in tradenda posteriori speciei significatione, attulerat, quod tamen falsum esset, si verba illa, quæ proxime sequuntur, nempe, quod subiicitur generi, quasi vna integra definitio ponerentur, siquidem eadem prorsus definitione fuerat posterior speciei significatio explicata. Idem enim est, sub genere collocari, atque generi subiici. Includit ergo hæc definitio superiorem, & addit verba illa, & de qua genus in quaestione quid est prædicatur, ut explicetur, quo pacto species subiiciatur generi. Cum enim ea, quæ subiiciuntur rebus vniuersalibus, aut in quaestione, quale est, aut in quaestione, quid est, subiiciantur, hæc verba addita declarant uerbum, subiici, in hac definitione, posteriori modo esse intelligendum.

In super hoc etiam pacto.] Tertio loco assertor Porphyrius definitionem speciei, pro ut est secunda species uniuersalis.

Hactenus enim solam speciem subiicibilem definiuit, quæ quidem sub uniuersali, tanquam species sub genere nequaquam continetur. Est igitur definitio huiusmodi: Species est id, quod de pluribus differenteribus numero in quaestione quid est prædicatur. Est etiam aliud discrimen inter hanc & superiores definitiones, quod ille præscribantur omnibus speciebus, siue infimis, siue medijs: hæc autem solis infimis conuenit.

Atque quod dicimus.] Hanc diximus esse tertiam huius capituli partem; in qua quidem, ut Porphyrius doceat, quid intersit inter speciem mediam, & infimam, late in explicanda prædicamentorum expositione spatietur. Hoc loco multa dicuntur de genere, quæ ad perfectam generis cognitionem desiderari poterant. Res perspicue proponitur in contextu.

In unoquoque prædicamento] Hoc est, in singulis prædicamentis sunt singula genera summa: Nec enim in unoquoque prædicamento sunt multa genera summa, ut ipse autor inferius docet, cum ait: Genera igitur sunt generalissima decem. Porro cum hoc loco tres tantum partes cuiusque prædicamenti numerentur, genus summum species medix, & infimæ, non exiimes reiici a prædicamentis indiuidua, cum ea proprie hac in recta serie sub spe-

ciebus infimis ponantur: sed ideo credo non esse hoc loco sextam mentionem indiuiduorum, quia hoc loco non traditur partitio prædicamentorum in omnes partes, ex quibus quodque eorum conficitur, sed in eas tantum, quæ generis aut speciei subiicibilis, ut utriusque naturam participant. Hoc enim satis erat, ad intelligendum discrimen, non solum inter species medias, & infimas: quod autor hoc loco explicare instituit: sed etiam inter genera summa & media, quod oportune hoc loco incidit.

Animatum corpus.] Vtitur definitione loco definiti, quod sæpe fit cum nomina non suppetunt: Nos hoc genus possumus appellare uiuens. Idem porro mox facit, cum utitur hac oratione animal particeps rationis, loco uocabuli eius generis, quod ille putat medium esse inter animal & hominem.

Sub quo rursus animal est particeps.] Quod Porphyrius hic ait, animal rationis particeps esse specie animalis, & genus hominis, fuit opinio plat. in Timæo, itemque Stoicorum & fere Ethnicorum Philosophorum, existimantium, non modo celos, & astra, sed & quædam alia numina esse animalia rationalia: quæ tamen ea ratione ab hominibus differrent, quod essent immortalia: De qua lege Calcidium in Timæo platonis, & Apulei librum de Deo Socratis. Hæc tamen sententia longe a ueritate aberrat: cuius impugnatio ad alium locum spectat. Qua propter inter animal, & hominem nullum genus medium collocandum est: Porius autem inter corpus, & animatum corpus unum quoddam genus ponendum est, nempe corpus corruptioni obnoxium. Corpus enim duas species complectitur, nimirum corpus corruptioni subiectum, & corpus corruptionis expers, quorum illud genus est corporis animati seu uiuentis, ut alio in loco ostenditur.

Indiuiduum enim est Socrates.] Quasi dicat: Quod enim sub homine nulla sit species aut genus, sed sola indiuidua, hinc perspicuum fit, quoniam sub homine non collocatur nisi Socrates, & plato, hoc album, uerbi causa, Alcibiades & alia indiuidua hominis. Accipien. hoc albū pro re subiecta ut pro Alcibiade, aut quouis alio homine.

Quare

Quare hæc quidem.] Colligit ex his, quæ dixerat, res subiectas, quæ genera intermedia nominantur, habere duos respectus: Ea vero, quæ extrema, hoc est genera summa vel infimæ species appellantur, vnum tantum. Vbi non de quibusvis respectibus loquitur: sed tantum de respectibus generis speciei: Alios namque complures reperis & in generibus & speciebus cuiusque prædicamenti. Animal igitur, quod quidem est species intermedia, duos habet respectus, unum speciei, alterum generis substantia vero solius generis, homo autem solius speciei. [Ad inferiora vero non.] quod autor hic ait, rem, quæ est species infima, non habere ad inferiora respectum diuersum ab eo, quo respicit suum genus, & falsum videtur, & ipsi autori repugnans: Homo enim, exempli causa respicit animal, veluti species sub eo continetur: Socratem vero, & quemlibet alium hominem ex singulis, vt continens eos, id quod etiam ipse autor statim subdit: Satis autem patet hos respectus esse diuersos. Verum nec falsum, aliquid docet Porphyrius hoc loco: nec secum pugnat: Quia non loquitur de quibusvis respectibus, sed solum de respectibus generis & speciei: ut proxime admonuimus. Species autem infima non respicit inferiora, vt genus, sed ut species. Hoc autem modo exponendum esse contextum, ipse autor aperte significat, cum ex eo probat speciem infimam non habere respectum ad inferiora diuersum ab eo, quo respicit superiora, quoniam, ut ait indiuiduorum etiam species dicitur.

Definiunt igitur. Tradit duas definitiones generis summi, tres speciei infimæ (que omnes apertissimæ) & quandam explanationem intermediorum, quæ vicissim, diuersorumque respectu sunt genera, & species: Id quod exemplo cuiusdam familiaræ explicat, in qua Iupiter comparatus cum Tanta lo, Pelope, Atreo, & Agamemnone, sic est pater, vt non sit filius, contra vero Agamemnon cum iisdem collatus ita est filius, non sit pater; tres tamen illi intermedij sunt & filij, & patres. Filij priorum patres posteriorum. Sic igitur res, quæ genus summum est, unum tantum habet respectum generis, quæ autem species infima, solius speciei. Media vero, quæ inter huiusmodi extrema interiectæ sunt, & ge-

nera & species habentur; Species superiorum, genera inferiorum. Itaque licet hoc modo intermedia vtunque definiri: Intermedia sunt, quæ diuersorum respectu species sunt, & genera. Item hoc modo: Quæ cum species sint in species itidem diuidi possunt. Hæc vero a dialecticis, & genera subalterna, & species subalternæ appellari solent.

Verum in familijs.] Multæ sæpè familiaræ ad vnum caput & principium reducuntur, vt familia Agamemnonis, Pelopis, & Tantalij, & rursus familia Pyrrhi, Achilij, Pelei, & æacij, ad vnum hominem patrem Tantalij & æacij, ex quibus reliqui ordine progeniti sunt. ne quis igitur similitudine familiarum proposita fallatur: Credens eodem modo genera, & species, quæ in diuersis prædicamentis ponuntur, ad vnum commune genus referri posse; docet Porphyrius, non omnino eodem modo se rem habere in prædicamentis, ac in familijs: eo quod nullum genus reperiri possit, quod multis prædicamentis commune sit.

Non enim ipsum ens.] Probat nullum genus dari posse, quod idem commune sit omnibus prædicamentis: ex quo perspicuum fiet id, quod proxime dictum est nullum genus posse reperiri, quod multis prædicamentis commune sit: Quæ enim rationes illud probant, ad hoc etiam concludendum valent. Probatio hæc est: Ens quod maximè videri posset commune genus omnium rerum, quæ in prædicamentis ponuntur, non est earum genus: Ergo nullum omnino datur. Antecedens probat in primis autoritate Aristotelis: qui ob eam causam constituit in prædicamentis decem. prima genera, quasi decem principia omnium rerum, quæ in prædicamentis ponuntur: quod plane viderit, non esse ens earum omnium commune genus. Deinde hac ratione: Si ens esset commune genus omnium de omnibus vtique rebus vniuocè predicaretur: At si quis omnia entia dicat esse entia, prædicatio erit æquiuoca, & non uniuoca: Igitur ens non est commune genus omnium. Maior propositio perspicua est ex definitione generis, & confirmari potest ex 4. lib. Topic. cap. 3. vbi sic ait Aristoteles; Vniuocum enim genus & species, minorem probat tum ex Aristotele, vt colligitur ex initio quarti lib. 1. & 12. Metaph. cum

eum ait: Et prima ac summa genera, &c. Hinc enim fit, ut prædicamenta non conueniant in ente nomine, & ratione, sed nomine tantum, quod proinde æquiuocè. Verum hac de re alibi diligentius agendum est. Illud tamen prætereundum non est, hoc loco decem prima genera appellari prima principia, quia sunt prima prædicata uniuoca & essentialia rerum omnium, quæ ponuntur in prædicamentis.

Genera igitur sunt generalissima decem. Docet quid sentiendum sit de numero generum summorum, specierum infimarum, & indiuiduorum. Ait ergo, genera summa esse decem, ut dictum est. Species vero infimas, quæ nempe actu existunt, comprehendendi certo aliquo numero, verum nobis incognito; At indiuidua, quæ nempe actu sunt, esse infinita: Quod quidem ita intelligi: non esse quidem re vera infinita, ut Philosophi docent: sed tantam esse indiuiduorum multitudinem, ut si cum speciebus compararetur, non in merito infinita esse videatur; quod Porphyrius confirmat autoritate Platonis. Præcipit enim in Phædo: ut is, qui scientiam de rebus consecutus est, eo usque diuidat genera summa in species, per differentias specierum effectrices, dum ad infimas species veniat: Indiuidua vero idcirco relinquenda esse, quia cum infinita sint, sub scientiam cadere non possunt.

Cum igitur ad specialissimas. J Docet, quid in descensu, de quo proxime locutus est, quidque in ascensu illi contrario accidat: Atque in descensu semper ex vno fieri multa; in ascensu vero ex multis vnum: Id quod suadet ex terminis, finibusque ascensus & descensus. Etenim terminus ascensus est vna natura: in qua particularia conueniunt: Eius vero descensus sunt ipsa multa particularia, siue species sint, siue indiuidua, in quibus natura distributa cernitur: Et quoniam plura particularia in genere, quam in eius specie conueniunt, idcirco ait Porphyrius, genus magis congregare, hoc est, plura in vnam naturam colligere, quam eius speciem: Hoc tamen esse commune cuique naturæ communi, ut colligat, & in vnum conueniat multitudinem eam, quam sub se continet, in inferioribus vero distributa reperitur. Id ostendit Porphy. in specie infima, ut in homine,

specie quippe communicatione, ut ipse ait cōplures homines vnus sunt homo, at vnus atque communis ipsis particularibus plures, quasi dicat: plures homines sunt vnus homo, non quidem absolute, sed, ut ipse ait educatione speciei, seu, quod idem est, vnus homo in specie. Quod duobus modis exponi potest: vno, quasi dicat Porphyrius, multos homines esse idem specie in homine: Altero, ac si diceret, multos homines esse vnum in homine, qui est species: At vero vnus acque communis est, plures non absolute ac simpliciter, sed cum hac adiectione, [ipsis particularibus,] seu in ipsis particularibus, in quibus nimirum cernitur contrarius & multiplicatus per differentias:

Assignatio vero genere. J Quoniam, gratia explicandi simul generis & speciei, multa hæcenus de prædicamentorum dispositione docuit: tradit duo documenta, quibus prædicatione generis, & speciei de his, quæ in eodem prædicamento ponuntur, explicatur. Vnum est omnia genera de suis speciebus, deque omnibus inferioribus prædicari; Species autem de suis generibus minime. Hoc probat, quia genus latius patet, quam species: vs ex definitionibus vtriusque, ex diuisione generis in species perspicuum est; sola autem maiora de minoribus (hoc est, communiora de minus communibus) aut paria de paribus prædicantur. Adde tamen, Porphyrium, in hac probatione, de ea sola prædicatione loqui: quæ prædicatum de toto subiecto dicitur: Ex quo fit, ut hæc prædicationes, homo est Grammaticus: animal est rationis particeps, & alias, huiusmodi, non numerentur hoc loco inter prædicationes: quia nec Grammaticum esse vniuersè dicitur de homine, nec rationis particeps de animali. Alterum documentum est. De quibus prædicatur species, de iisdem prædicatur omnia superiora genera. Hoc pronuntiatur (quod videtur de sumptum ex Aristotele, in ante prædicamentis cap. 3. probat Porphyrius ex priori parte superioris documentum.

Et indiuiduum de vno solo. J In extrema capitis parte agit Porphyrius de indiuiduo, quia sæpe eius meminit, nec satis explicauit: tum etiam, quia indiuiduum omnibus vniuersalibus cōmuniter subiicitur, tū vel maxime, quia species, quæ ratione est species

vniversalis, per respectum ad sola indiuidua definita est. Qua de causa eius explicatio non fuit longius differenda: Indiuiduum ergo definitur id, quod de vno solo particulari prædicatur. Quod autem Aristoteles ait in prædicamentis ca. 5. primam substantiam (quæ inter indiuidua numeratur) de nulla re prædicari, intelligendum est, prædicatione directâ, seu naturali, vel artificiali. Nam identica prædicatione, quæ initio naturalem, & artis expertem diximus, dubium non est, quin prima quælibet substantia prædicari possit.

Indiuiduum autem dicitur.) Inuit tribus modis nominari posse indiuidua. Vno quidem, nominibus propriis, vt Socratis aut Platonis: Altero, periphrasi nominum communium, & pronominum demonstrationum, vt cum dicimus, hic homo, hoc albam, quo pacto appellata indiuidua dicuntur indiuidua ex demonstratione. Tertio periphrasi alicuius orationis, quæ propter aliquam hypothesim vni tantum rei conuenit, qualis est, Sophronisci filius. Hac enim oratione solus Socrates significatur: modo alius non fit Sophronisci filius, quam Socrates, atque hoc pacto signata indiuidua dicuntur indiuidua ex hypothesi.

Indiuidua igitur.) ostendit ab adiunctis hæc omnia merito dici indiuidua, quia vnumquodque eorum constant seu potius insignitum est quadam proprietatum accidentiumve coniunctione, quæ eadem in aliam rem minime conuenit, vnde licet colligere alteram indiuidui definitionem in hunc modum; (Indiuiduum, est cuius omnes simul proprietates in multi, inueniri possunt.

Indiuiduum igitur a specie.) confert indiuiduum cum specie ac genere comparatione partium & totius, atque genus esse totum, indiuiduum partem, speciem vero & totum, & partem, totum respectu indiuidui, partem respectu generis: Loquitur autem non de toto essentiali, & parte integrâ te aut essentiali, sed de toto vniversali, & parte subiectâ, vnde potest colligi hæc tertia indiuidui definitio. (Indiuiduum est id quod subicitur speciei in quæstione quid est.

De genere igitur.) Epilogus est eorum, quæ de genere & specie, tum seorsim, tum etiam promiscue disseruit, nec præterit indiuidua, quæ ex extremo loco explicata sunt.

Vtrum in definitione generis necessatio sit ponenda species, & vicissim genus in definitione speciei.

QVÆSTIO PRIMÆ.

Cum speciei vocabulum in tres significationes hoc capite distinguatur, in formam corporis externam, in speciem subijcibilem, & in prædicabilem: de sola specie subijcibili in hac quæstione sermo instituitur. de hac enim sola intelligitur id, quod porphyrius ait necesse esse, vt in definitione generis ponatur species, & vicissim, genus in definitione speciei.

Pars igitur negatiua quæstionis in primis ita potest confirmari: Relatiua non per alia, quam correlatiua adæquata, videntur definienda; Species autem non est generis correlatiuum adæquatum; Igitur non necessario in definitione generis ponenda est species minor propositio ita suadet. Genus non solum ad speciem, sed etiam ad indiuidua refertur. Species igitur non est adæquatum generis correlatiuum.

Secundo, si genus, & species sese mutuo definirent, propterea quod mutuo referuntur, traderentur definitiones per æque notata, aut æque incognita; Etenim talia esse dicuntur, quæcunque mutuo se respiciunt. Hoc autem pugnat cum ea definiendi lege, quam tradit Aristot. 6. Top. cap. 3. vbi ait, quicquid definitur, per notiora esse definiendum; Non igitur genus & species mutuo sese definire debent.

Tertio, si genus species mutuo se definirent, sequeretur idem collocari posse in definitione sui: Consequens est falsum & plane repræhenditur ab Aristot. loco citato.

Quod autem id sequeretur, facile est ostendere. Vt enim philosophus ibidem ait loco cuiusque nominis in definitione positum est adhibere eius definitionem.

Quo dato cum species dicatur esse id, quod subicitur generi, posita loco generis definitione ipsius generis sic habet definitio: Species est id, quod subicitur ei, quod prædicatur de pluribus diff. rentibus specie in quæstione, (quid est.) quo pacto iam

exprimitur species, in definitione speciei.

Tota huius questionis difficultas in duobus quasi punctis posita est; Vno scilicet adæquatum correlatiuum necessario ponendum definitione relatiui. Altero, quod nam sit primum & adæquatum correlatiuum generis. Vt autem hæc & planius tractentur, illud ante intelligendum est, quid intersit inter primum siue immediatum correlatiuum, & adæquatum. Primum & immediatum est illud, quod totam terminat relationem relatiui, non interueniens alterius, quo pacto maius est correlatiuum minoris, & actus potentie. Adæquatum vero est illud, præter quod nihil est aliud; quod terminet relationem relatiui; Quo etiam pacto maius est correlatiuum minoris, cum nihil terminet relationem minoris nisi maius. Non tamen hoc pacto actus est correlatiuum potentie habentis obiectum, quia etiam obiectum terminat relationem potentie, quanquam, vt multi ferunt, actus sit correlatiuum adæquatum potentie non habentis obiectum, qualis est materia respectu forme.

Nunc efficitur, vt non omne primum immediatumque correlatiuum sit adæquatum, nec omne adæquatum sit primum. Nec actus potentie videndi est primum & non adæquatum, cum obiectum etiam terminet relationem, potentie videndi. Contra vero actus materie, ut analogice complectitur actum substantialem, & accidentalem, si multorum opinionem spectes, est adæquatum correlatiuum materie, sed non primum, quia non totum immediate terminat habitudinem materie sed actus substantialis immediate, accidentarius autem immediate & interuentu substantialis. Quanquam autem de adæquato correlatiuo materie non pauci ita sentiant; res tamen a nobis hoc loco tanquam exemplum duntaxat allata sit. Neque enim hac de re quicquam in præsentia statuimus. Dabitur aliquando locus questioni dirimendæ.

Quod ergo attinet ad priorem difficultatis partem dicendum est, non necesse esse, ut in definitione relatiui ponatur adæquatum correlatiuum, sed primum. Prior pars huius assertionis patet, quia in definitione pure potentie, que est materia (& si ponamus superiorem sententiam de adæ-

quato materie correlatiuo veram esse) nõ necesse est, ponere actum, ut analogice dicatur de forma substantiali & accidentaria, sed satis est si ponatur substantialis.

posterior pars probatur. Quia omne correlatiuum debet definiri per primum aut adæquatum correlatiuum. Quamuis autem ita possit definiri per primum, ut non definiatur per adæquatum, ut ex confirmatione superioris partis perspicuum est; tamen non potest definiri per adæquatum, nisi simul definiatur per primum. Quod autem non possit definiri per adæquatum, nisi simul definiatur per primum, ex eo patet: quia adæquatum correlatiuum uel est adæquatum simul & primum, ut maius respectu minoris; & minus respectu maioris; uel adæquatum, & non primum ut actus, quantum iuxta prædictum multorum opinionem dicitur de forma substantiali & accidentaria respectu materie. Quando autem non est primum, semper accipitur analogice & præcipue pro primario, ut inductione patet. Vnde fit, ut etiam tunc relatiuum definiatur per primum correlatiuum. Vnde Arist. 6. Top. cap. 4. omnibus Philosophis consentientibus, affirmat, peccare eum, qui in definitione relatorum, nõ adhibet ea, ad quæ illa primo referuntur.

Quod vero attinet ad posteriorem difficultatis partem tres sese offerunt sententie, duæ omnino contrariæ & quasi extreme. Prima opinio est Leuamedsum dicentium, speciem non solum esse primum, sed etiam adæquatum correlatiuum generis, proinde res quæ sunt genera, ut animal & plantam, non referri ad indiuidua relatione generis, sed alia quadam relatione diuersa specie a respectu generis, ex qua constituitur species quædam innominata uniuersali, quæ necessario addenda est quinque vulgatis speciebus, ut diuisio uniuersalis adæquata sit. Verum hæc opinio, quæ ex parte asserit, speciem esse adæquatum generis correlatiuum, facile refellitur. In primis definitione generis. nam, cum genus, quatenus genus est definiatur per respectum ad omnia differentia specie, de quibus predicatur in questione, (quid est;) In his autem non solum numerentur diuerse species, sed etiam indiuidua diuersum specierum eiusdem generis; efficitur, ut genus, quia ratione genus est, non solum

solum referatur ad speciem, sed etiam ad indiuidua. Deinde ex diuisione vniuersalis, siquidē & Porphyrius, & Aristot. & omnes alij veteres philosophi existimarunt, se ad quate diuidere vniuersale in quinque; vulgatas species, nec vllum vniuersale crediderunt prædicari in questione. [quid est] nisi prædicatione generis, aut speciei. Quo fit vt ponere aliam speciem vniuersalis, cuius prædicatione res, quæ dicitur genera, prædicetur de suis indiuiduis, vt superior opinio docet, omnino veterum sententia repugnet.

Altera opinio, est aliorum quorundam qui a Louanienfibus referuntur, dicentium speciem nec esse adæquatum correlatiuum generis, nec primum seu immediatum sed necessario dandum esse aliquid commune vniucum speciei & indiuiduo, quod vocant subijcibile, seu particulare in questione, [quid est] incòplete, ad quod primum, & ad quate referatur genus. Hoc enim commune est speciei & indiuiduo, quod vtrumque subijciatur generi in questione, [quid est] incòplete; quo pacto correlatiua aliorum vniuersaliū non subijciuntur suis vniuersalibus. Sed nec huiusmodi sententia, quam quā probabilis sit, videtur amplectenda, quæ ex parte negat, speciem esse primum immediate generis correlatiuum, primo quidē quia si aliquid commune vniucum speciei, & indiuiduo esset primum correlatiuum generis: non esset necesse definire genus per speciem, imo vero vitiosum esset hoc definitionis genus, quandoquidē nullum relatiuum definiendum est per solum secundarium correlatiuum, quemadmodum patet in cōe non est definiendus per hunc filium.

Cum ergo Porphyrius aperte docuerit: se necesse esse còpulum, & definisse genus per speciem (id quod ceteri omnes alicuius notæ Philosophi faciendum fuisset sentiuit, atque adeo plane exequuntur, nunquam aliter genus, quam per speciem definientes perficitur, vt nullo modo videatur negandum, speciem esse primum generis correlatiuum.

Deinde, quia si genus refertur primo ad aliquid commune speciei & indiuiduo: cum genus ponatur species infima vniuersalis: erit etiam commune illud species infima particularis seu subijcibilis. Nā si relatiuum est species infima, necesse est, vt primum eius correlatiuum sit species infima: Iam vero si species, & indiuiduum, cum nō

sint res singulares, sed communes, conueniunt in quadam specie infima: erunt composita per accidens (nam sub species infima sola indiuidua continentur, aut composita per accidens) quod quanquam huius opinionis auctores fateantur: non tamen videtur concedendum. Videtur enim Porphyrius non minus credidisse, speciem esse còpositum per se, quam genus: quod per ipsam necessariū definiendum docuit. Tertia igitur opinio, quæ & omnium grauium Philosophorum est, & a nobis amplectenda, hac assertionem continetur: Species non est adæquatum generis correlatiuum, sed primum & immediatum. Hæc assertio in primis probata, relinquatur impugnatione primæ ac secundæ opinionis. Deinde probatur hoc argumento: Natura eius, quod denominatur genus, vt animalis natura, primo est in speciebus, remotè autem in indiuiduis, siquidem genera per suas species sunt in indiuiduis. Genus igitur, quia genus est, proximè respicit speciem, remotè autem indiuidua. Ex quo fit consequens, vt species non sit adæquatum generis correlatiuum sed primum & immediatum.

At obijcies primo in hunc modum: species, & indiuidua, quatenus ad genus referuntur, hac ratione vniucòe conueniunt: quod vtrumque subijciatur generi, in questione quid est incòplete. Genus igitur primo respicit illud commune vniucum; remotè vero speciem & indiuiduum; Quare species non est primum generis correlatiuum. Secundo, vt genus refertur ad speciem & indiuiduum: Sic etiam species & indiuiduum, cum sint correlatiua generis referuntur ad genus. Aut igitur hæc referuntur ad genus eadē numero relatione: aut diuersi numero; atqui non referuntur eadē numero, quia eadem numero relatione non potest esse in diuersis numero fundamentis; Ergo referuntur diuersis relationibus. Iā vero si referuntur diuersis relationibus, aut huiusmodi relationes differunt solo numero, aut etiam specie. Non possunt autem specie differre, quoniam alioqui duo incòmoda colligi videntur alterū, quod vni specie relatum, quale est genus, referretur ad diuersa specie correlata, contra illud Aristotelis pronuntiatum: Quot modis dicitur vnum oppositorū, totidem dicitur alterū, quo vititur 1. lib. Top. c. 13.

Alterum,

Alterum, quod pari ratione genus proximum remotum diuersis specie relationibus ad speciem infimam referretur: Quippe cum genus remotum interueniente proximo specie infimam respicit, ergo relatio speciei, & indiuidui ad genus differunt solo numero, & ex consequenti conueniunt in quadam communi specie; ad quam primo & immediate terminatur relatio generis.

Hæ tamen obiectiones ita diluuntur: prior quidem, negando antecedens, quia commune illud, in quo conueniunt species, & indiuiduum, quatenus ad genus referuntur, non est vniuocum, sed analogum. Nam subijci generi per seipsum, quo pacto species subijciatur, & subijci eidem generi per aliud, quo pacto subijciuntur indiuidua, non conueniunt vniuocæ, sed analogice, in eo, quod est, subijci generi: Quemadmodum substat contrarijs per se ipsum, siue immediate, quomodo quantitas substat albedini & nigredini; Et substat contrarijs per aliud siue mediate, quo substantia albedini, & nigredini subijciatur, non conueniunt vniuocæ, sed analogice, in eo, quod est substat contrarijs, id quod in prædicamentis cap. de substantia apertum erit.

Posteriori autem obiectioni occures si dixeris, speciem, & indiuiduum referri ad genus diuersis specie relationibus: nec incommodum esse id, quod priori loco colligebatur, vnum, scilicet, specie relatum referri ad duo correlata specie diuersa, modo ad unum referatur proxime, ad alterum remote, quo pacto potentia referatur ad actum & obiectum. Illud enim Aristotelis pronuntiatum in his tantum intelligendum est, quæ primo & immediate opponuntur: Alioquin colligere, visum corporis esse duplicem, quia duplex est eius correlatiuum, actus, videlicet, & obiectum: Vere tamen colligimus visum, vt complectitur visum corporis & animi duplicem esse, quia actus videndi duplex est, alter, qui organo corporis perficitur, alter, qui solius animi functione. Alterum vero incommodum nequaquam colligitur: non enim est vtriusque paratio, quia indiuiduum nihil potest respicere relatione subijcibilis inæplete nisi interueniente specie, & genus remotum potest aliquid respicere relatione generis non interueniente proximo, nempe speciebus, in quas immediate diuiditur.

His ita constitutis, perspicuum est, quid ad questionem principalem respondendum sit: Cum enim prius ostenderimus, non necesse esse, vt in definitione relatiui ponatur adequatum correlatiuum: sed primum & immediatum, nisi cum accidit, ut idem sit adequatum, quod immediatum: Tum autem planum fecerimus, primum & immediatum correlatiuum generis esse speciem: Reliquum est, vt colligamus, necessario genus ponendum esse in definitione speciei, & speciem in definitione generis, vt Porphyrio initio capitis asseruit. Ex his patet solutio ad primum argumentum initio questionis positum negando, scilicet maiorem, quæ nisi intelligatur de correlatiuo adequato, quod idem sit primum, falsa est, ut patet ex his, quæ diximus.

Vt autem secundum diluamus, attendendum est, non proprie dici solere, alterum de duobus relatis sese mutuo respicientibus definiri per alterum, sed potius dicendum esse, definiri ad alterum, vt scire docuit M. Albertus in tractatione eorum quæ sunt ad aliquid, cap. 9. Nec enim proprie dicimus res definiri, nisi per ea, quæ definitio modo aliquo notiora sunt, vt per genus, & differentiam, aut per genus, & proprietatem, collectionemve aliquam propriam communium accidentium. Ad ea, quæ mutuo sese respiciunt, non hoc pacto sese inuicem definiunt, quia neutrum ponitur in definitione alterius, vt genus definiri, aut differentia aut proprium, aut accedens, sed solum, vt terminus eius relationis, quæ definitione explicatur. Ad secundum igitur argumentum neganda est maior. Nam unum relatiuum definitur per suum genus, & differentiam, quæ notiora sunt ipso; non definitur autem proprie per correlatiuum, sed ad correlatiuum: Non oportet vero, ut id, ad quod aliquid definitur sic notius sit, nimirum per genus & differentia) definito, uel per ea, quæ loco eorum collocantur.

Ad tertium concedendum est, loco cuiusque nominis in definitione positi adhiberi posse definitionem rei, quæ significat, modo iam adhibita non sit: Nec est incommodum in relatiuis, quod idem ponatur in definitione sui, sed solum in absolutis:

Nec enim ponitur relatiuum in definitione sui, vt seipsum delectet, id enim vitiosum esset, sed vt appareat, ad quid referatur eius correlatiuum. Diximus, (modo iam adhibita noo sit) quia si ita dicas: species est id, quod subijcitur ei, quod de specie predicatur, in quaestione, (quid est,) Non licebit iterum loco nominis speciei adhibere speciei definitionem, quia iam posita est. poteris et hoc modo argumentu solvere, negauit do scilicet maiorem, & ad eius probationem dicendum esse illud Aristotelis dictum.

Loco cuiusque nominis in definitione positus adhiberi posse definitionem rei, quam significat, in rebus tantum absolutis, non in relatiuis esse intelligendam.

Vtrum definitiones species recte a Porphyrio traditae sint.

QUESTIO SECVNDA.

Non videntur recte a porphyrio traditae tres illae species definitionis, quas initio capitis attulit. primum quia duae priores indiuiduis conuenire videntur, quandoquidem non solum species, sed indiuidua etiam subijciuntur generi in quaestione, quid est. Quod si dicas, subaudiendum esse particulam (proxime;) indiuidua vero non collocari proxime sub genere, sic adhuc urgebimus. Indiuidua generis, vt hoc animal, proxime sub genere collocantur, non tamen sunt species, sunt igitur vitiose traditae definitiones. Maior propositio ostenditur, quoniam vt hic homo se habet ad hominem, sic etiam hoc animal ad animal: At hic homo proxime subijcitur homini, ergo & hoc animal animali, deinde si particula, proxime, subaudienda est illud sequitur, definitionem speciei non conuenire homini respectu substantiae, quippe cum ei non subijciatur proxime & ex consequenti hominem non esse speciem substantiae, quod nemo dixerit. non videntur ergo duae priores speciei definitiones recte a Porphyrio traditae.

Secundo, tertia quoque definitio vitiosa videntur. Nam genus praedicatur in quaestione, quid est, de pluribus numero dis-

sentibus, vt animal de alexandro & Bucephalo, sed haec est definitio speciei: Ergo haec definitio conuenit generi.

Denique multis rebus, quae non sunt species, conueniunt traditae definitiones, igitur non recte traditae sunt. A necedens sua desunt hoc modo: Anima subijcitur in quaestione, quid est, cuidam generi, nempe formae substantiali, vt docet aristoteles in lib. de anima, materia item rerum, quae gignuntur & intereunt, praedicatur in quaestione, quid est, de hac & illa materia, quae solo numero differunt, sed anima, & materia non videntur esse species. Ergo conuenit alijs. Minor probatur, quoniam alioqui, cum ex anima & materia constent multae rerum animatarum species, dandum erit, ex duabus speciebus constare alias species, quod negat porphyrius extremo cap. huius lib. Multis ergo rebus, quae non videntur species, conueniunt traditae definitiones.

Vt tamen intelligas recte traditas esse a Porphyrio definitiones speciei, aduerte in primis speciei vocabulum aequiuocum esse, non solum ad formam corporis, externamque speciem, de qua differunt philosophi, de quibus analogice dicitur: sed etiam ad eas species, in quas philosophorum species prima diuisione distribuitur. Diuiditur enim primum a philosophis in eam, quae praedicatur, & in eam, quae subijcitur, quarum comparatione speciei vocabulum est casu aequiuocum, quia huiusmodi species sola nominis communione conueniunt Recentiores dialectici priorem vocant praedicabilem, posteriorem subijcibilem.

Animaduertendum est etiam, speciem subijcibilem diuidi in speciem mediam & infimam, non quidem vt genus in species, sed potius in composita per accident, atque inter species subijcibiles solas infimas esse praedicabiles. Nam cum species mediae, quae ratione praedicantur, sint genera, infimae vero, quia infra se nullam habent speciem, non possunt esse genera respectu inferiorum, hoc est, indiuiduorum, necesse est, vt alia quadam relatione ad ea referantur, quam quidem significat speciei vocabulum.

Dicendum est igitur, recte traditae esse definitiones speciei, si modo priores duae speciei subijcibili assignentur. Tertia vero speciei praedicabili. Nam in duabus prioribus, quae pro hac una eademque habenda sunt:

sunt: species dicitur ad, quod subijcitur generi in quæstione, (quid est:) loco generis ponitur particula, (quod) qua innuit aliquid vnum nomine & ratione ut in definitione vniuersalis, quo fit, ut hac definitionis parte excludantur complexa, & cætera omnia, quæ per eandem particulam in definitione vniuersalis, rejiciebamus. Reliqua verba loco differentiarum habentur nimirum, subijcitur generi i quæstione (quid est,) scilicet proxime, quæ particulam subaudi re oportet. ceterum cum dicitur, quod subijcitur, accipiendi sunt hæc verba, quasi dicas, quod apertum est, ut subijciatur uere, a se & secundum naturam, quo pacto uerbi, prædicitur expositum est in priori definitione vniuersalis: Vnde fit, ut particula, subijcitur, excludantur oia vniuersalia, quæ ratione vniuersalia sunt, eo, quod nulla res vniuersalis, quatenus vniuersalis, est, subijciatur, sed prædicetur.

excluduntur etiam differentiarum quæ ratione quodammodo subijciuntur generi, eo quod non subijciuntur illi secundum naturam, sed contra naturam, ut rationis participes animalis: Cum de genere, excluduntur subiecta, quæ naturali prædicatione subijciuntur prædicatis, quæ non sunt genera. Quo pacto se habent cygnus & papyrus respectu albi. Cui additur, in quæstione quid est, excluduntur ea, quæ naturaliter subijciuntur quibusdam prædicatis, quæ sunt illa quidem genera sed tamen non eorum, sed aliorum subiectorum, quo pacto comparantur cygnus, & corvus cum colorato. Cum denique adijcitur, proxime, excluduntur indiuidua, quæ etsi subijciuntur generi in quæstione, quid est, non tamen subijciuntur proxime, sed interuentu speciei. Patet igitur recte traditas esse duas priores species definitiones.

In tertia uero definitione, quæ sic habet: (Species est, quod prædicatur de pluribus differentibus numero in quæstione quid est; loco generis ponitur, quod prædicatur de pluribus,) quæ uerba eodem modo exponenda sunt, quo in definitione generis intelligenda esse diximus, proinde eadem hic excluduntur, quæ ibi. Quod autem additur, in quæstione quid est, excludit differentias, proprias, & accidentias, ut in eadem generis definitione. Illa denique particula, differentibus numero excluduntur genera omnia, modo subaudiuntur particule, pro-

xime, & solo, ut definitio sic habeat. Species est, quod de pluribus solo numero differentibus in quæstione quid est proxime prædicatur.

Superest ut argumenta initio proposita diluamus ad primum dicendum est, Solutionem ibi traditam esse bonam, ut patet ex dictis, & ad priorem impugnationem neganda est maior. Deinde ad eius probationem neganda est etiam maior. Nam diuersa ratio est; Quamquam enim par sit in utraque oratione uerborum collocatio, in rebus tamen significatis dispar ratio est, cum illud, hic, significet differentiam, quæ proxime diuidet hominem, illud autem, hoc, differentiam, quæ remote atque interuentu speciei diuidit animal, utpote aliquam ex ijs, quæ proxime diuidunt speciem, ac proinde hoc animal designat aliquod certum indiuiduum animalis, inter quod tamen & ipsum animal mediat species. Ad id uero, quod posteriori loco contra eandem expositionem obijciitur, dicendum est, etiam respectu substantiæ homini conuenire definitionem speciei, Nam & si substantiæ non subijciatur homo proxime, tamen quatenus substantiæ subijcitur, necessario habet ut subijciatur proxime alicui generi inferiori, ut animalis, quandoquidem species eadem relatione ad remotum, & proximum genus refertur nec potest generi remoto subijci, quia sub proximo aliquo continetur. Item definitio intelligenda est, ut illud dicatur species respectu omnium, quibus subijciatur in quæstione quid est, quod proxime sub aliquo genere collocatur.

Ad secundum concessa maiori neganda est minor. Illa enim non est tota definitio speciei, quoniam addenda sunt particule, proxime, & solo, ut diximus. Genus autem non prædicatur proxime de differentibus solo numero.

Ad tertium respondet Caietanus negando consequens, & ad eius probationem negat, animam uel materiam esse speciem, imo nec vniuersalia; Dicit enim nihil esse propriè vniuersale, nisi prædicetur de pluribus rebus naturæ complete, hoc est, quæ per se ponatur in aliquo prædicamento, ut de pluribus animalibus, & hominibus, de pluribus quantitatibus aut qualitatibus, & cæteris huiusmodi, quæ per se ponuntur in prædicamentis. Quare in definitione uni-

uerſalis nomine plurium intelligendas eſſe; ait res naturæ completæ quo pacto deſinitio non accommodatur materiæ, formæ & reliquis huiusmodi, quia materia nõ poſſet prædicari in reſto, niſi de hac & de illa materia; que ſententia incompleta, & ſimiliter anima. Itaq; affirmat nec formam ſubſtantialem eſſe proprie genus, nec animam aut materiam reſu, quæ gignuntur & intereunt eſſe proprie ſpeciem, quia non prædicatur de rebus naturæ completæ. Hæc autem ſolutio hoc vno argumento ſatis reſutatur; quoniam par ratio eſt in rebus vniuerſalibus atq; in his, quæ ſubijciuntur vniuerſalibus, ſed res incompletæ naturæ ſunt vniuerſales, vt differentia, igitur, & res, quæ ſubijciuntur huiusmodi vniuerſalibus poſſunt eſſe naturæ incompletæ. Quapropter materia verum, quæ gignuntur, intereunt, erit vere ſpecies materiæ, & forma vere genus animæ, & ita in cæteris. In forma igitur ad argumentum, negatur antecedens, & ad eius probationem conſeſſa maiore, neganda eſt minor. Ad probationem vero minoris dicendum eſt, quod porphyrius ait, ex duabus ſpeciebus nunquam effici tertiam, non vniuerſe intelligendum eſſe, ſed in his tantum ſpeciebus, quæ ſunt naturæ completæ, qualis non eſt anima, nec materia.

Vtrum indiuiduum recte definitum ſit à Porphyrio.

QVÆSTIO TERTIA.

Illud in primis in hac quaſtione aduerſus porphyrium occurrit, quod fruſtra indiuiduum deſinierit. Nam ſola vniuerſalia deſiniri poſſunt, vt primo poſt. 1. & 7. cap. 7. & 7. Metaph. & ſæpe Ariſtoteles, & cæteri Phyloſophi docent; Indiuiduum autem nõ eſt vniuerſale, cum de pluribus prædicari non poſſit; Ergo non poſſet Indiuiduum deſiniri.

Secundo, Eſto demus indiuiduum ratione aliqua poſſe deſiniri, non videtur tamen recte à porphyrio deſinitum, quia indiuiduum eſt negatiuum quid idem. enim valet, ac ſi dicas, id quod diuidi non poſſet igitur per negationem deſiniri debuit, quo quidem pacto non videtur à Porphyrio de

ſiniri, ſic enim ait; Indiuiduum eſt, quod de vno ſolo prædicatur, vbi nulla talis negationis mentio fit.

Tertio, quidam homo non prædicatur de uno ſolo, ſed de pluribus, quod idem in cæteris apertum eſt; Non omnibus ergo in diuiduis conuenit indiuidui deſinitio. Maior probatur ex Ariſtotele cap. de ſubſtantia dicente, quænam hominem, & quendâ equum eſſe primas ſubſtantias, prima autem ſubſtantia res indiuidua eſt, ut cap. de ſubſtantia videbitur.

Quarto, Nulli indiuiduo videtur indiuidui deſinitio accommodari. Nam Socrates, & hoc album ſunt indiuidua, vt perſpicuum eſt: At neutrum prædicatur de vno ſolo, ſed de multis, Socrates enim prædicatur de hoc albo & de ſeiſo, itemque hoc album de ſeiſo & de Socrate, quæ quidẽ ſunt plura non ſolum numero, ſed etiam ſpecie ac genere: Igitur nec Socrati nec huic albo conuenit tradita indiuidui deſinitio, quod idem in cæteris eodem modo oſtendi poſſeſt. Poſtremo videtur indiuidui deſinitio conuenire rebus non indiuiduis. Nam Sol, Luna, Mercurius prædicantur de vno ſolo, nec tamen ſunt Indiuidua ſed vniuerſalia (alioqui non tractarentur à phyloſophis, qui de ſolis rebus vniuerſalibus diſſerunt.) Igitur tradita deſinitio indiuidui conuenit rebus non indiuiduis.

Dicendum eſt tamen, indiuiduum etiam deſinitione explicari poſſe, & apte à Porphyrio fuiſſe deſinitum, quod vt pateat, ani maduertendum eſt, hanc uocem, Indiuiduum, eſſe nomen connotatiuum, quemadmodum uniuerſale, preindeq; aliud ſignificare, aliud connotare: Connota enim rem quæ dicitur Indiuidua: vt Socratem, Platonem, ſignificat vero, (ſi præcipuum eius ſignificationem, quod ad dialecticũ attinet, ſpectes) notionem quandam ſue relationem, quæ res indiuidua ad vnum reſertur, de quo tantum prædicari poſſet. Cæterum ſi conſideres, vnde indiuidui nomen deſumptum eſt, idem ſignificat, ac ſi dicas, quod diuidi non poſſet in partes ſubiectas. Quæ ſignificatione indiuidui nomen eſt negatiuum, quippe cum negationem quandam diuiſionis in partes ſubiectas ſignificet; Et e tertia huius nominis ſignificatione, quæ ſignificat notionem qua res indiuidua ſubiici poſſet ſpectei inſimæ.

Hic positus perspicuum erit, recte definitum esse indiuiduum a Porphyrio definitionibus, quas in contextu annotauimus. prima enim, quæ aperte proponitur hoc modo, (indiuiduum est, quod de vno solo prædicatur,) primam præcipuam quæ rei indiuiduæ notionem aperte explicat. Secunda vero, quam in expositione contextus diximus ex verbis sequentibus elici, nempe, indiuiduum est, cuius omnes simul proprietates in pluribus rebus inueniri non possunt, optime exponit a signo eam indiuidui significationem, quam secundo loco numerauimus. Tertia denique, quam docuimus hoc modo colligi posse ex illis verbis, (indiuiduum igitur ab specie continetur,) indiuiduum est, quod subijcitur speciei infimæ in quæstione quid est,) recte declarat eam notionem rei indiuiduæ, cuius tertio loco meminimus. Cum ergo his tribus definitionibus aperte explicentur tres indiuiduæ significationes, quas diximus, planum est indiuiduum recte fuisse a Porphyrio definitum.

Superest, ut ad argumenta initio proposita respondeamus: ad primum concessa maiori distinguenda est minor. Si enim intelligatur de indiuiduo denominatiue, vel de re singulari, ut Platone, quæ denominatur indiuidua, concedenda est: sin autem intelligatur de indiuiduo formaliter sumpto, neganda est. In his enim indiuidui definitionibus non definitur res aliqua, quæ indiuidua cognominetur. seu in prima & tertia definitur utraque indiuidui intentio, in secunda vero ea indiuidui negatio, a qua indiuidui nomen desumptum est, quæ quasi forma quædam sunt respectu suorum inferiorum de quibus dicuntur.

Ad secundum respondetur negando antecedens, si indiuiduum formaliter, id est, pro secunda intentione suuatur, sic enim quædam relatio positiua est.

Ad tertium respondetur negando maiorem. Nam id, quod primo significatur his verbis, (quidam homo,) non est vere indiuiduum sed indiuiduum vagum, ut vocant, quemadmodum, quidam equus, & quicquid significatur nomine communi adiuncto signo particulari, ut significet in determinate aliquam differentiam indiuiduantem, quæ natura communis contrahatur, itaque id, quod significatur hac voce, (quidam homo,)

non est prima substantia; sed id cui attribuitur significatum, ut Potrus, qui dicitur quidam homo. At vero cum hoc loco definitur indiuiduum, ea sola indiuidui nomine comprehenduntur, quæ vere sunt indiuidua, ut Socrates, hic equus & similia determinata, & præfinita. Ad probationem maioris dicendum est, quod Aristoteles ait, quendam hominem & quendam equum esse primas substantias, non sic accipiendū esse, quasi doceat, quendam hominem toto ambitu suæ significationis esse vnā primam substantiam, & quendam equum aliam; sed ita quasi apertius dicat, res, quæ dicuntur quidem homo, & quidam equus, ut Alexander, & Bucephalus, esse primas substantias.

Ad quartum concessa maiore, neganda est minor, & ad probationem dicendum, Socratem non prædicari de hoc albo secundum naturam, quo tamen pacto prædicatio in hoc libro intelligitur, ut supra diximus; Hoc vero album prædicari quidem de se ipso, & de Socrate secundum naturam. Ceterum non vnde pluribus, quæ dicantur plura secundum idem nomen, quod de pluribus affirmari dicitur; Nec enim dicitur hoc album de se ipso & de Socrate, ut de pluribus albis; Quo tamen modo prædicatio de pluribus hoc loco intelligitur, quare tam Socrates, quam hoc album de vno solo dicitur ea prædicatione, quam hic intellexit Porphyrius.

Ad quintum respondetur negando maiorem; nam sol non tantum prædicatur de hoc solo existēte in rerum natura, sed etiam de pluribus, quæ potestate diuina fieri possunt. Sol enim non significat primo hunc de signatum solem, quem cernimus, sed solem absolute, nulla differentia indiuiduante constitutum, sub quo dubium non est, quin multi soles cogitari possint diuina potestate procreabiles. Idem dicendum est de Luna, Mercurio, & ceteris huiusmodi.



CAPVT TERTIVM

DE DIFFERENTIA.



Differentia autem communiter, proprie & propriissime dicitur. Differre namque quippiam communiter dicitur, cum diuersitate quouis modo aut a seipso, aut ab alio differt. Et semper hac differentia in ijs est sanè diuersitatibus, quæ consistunt in hisce, quæ, cum interrogamus quomodo res sese habet, assignari reddique solent. Proprie vero aliqua differre dicuntur, cum inseparabili differunt accidente. At inseparabile accidens est, cernulus oculorum color, aut simitas, aut cicatrix callo ex vulnere in lutto. At propriissime quippiam a quopiam differre dicitur, cum specifica differentia differt, quemadmodum homo ab equo specifica differentia differt, rationalis qualitate, omnis igitur vniuersaliter differentia diuersum f. cit aditur & t. Sed communiter quidem & proprie differentia, diuersum per accidens faciunt, propriissime vero diuersum per se: Quod quidem & aliud dicitur. Ille simpliciter differentia, hæc specifica nuncupantur. Animal namque differt ex rationalis aditur & t., aliud sanè, ac animalis speciem fuit. Motus autem a diuersum diuersum a quiescente tantummodo fecit. Quare illa quidem aliud hac vero diuersum tantummodo fecit. Iuxta eas igitur quæ faciunt aliud, diuisiones generum in species fiunt, & diffinitiones etiam assignantur, quæ quidem ex genere, talibus re differentijs constant. Eceteris vero diuersitates per accedens tantum emergunt eius, quo de qualiter sese habet interrogatur. Rursus igitur a principio, differentias diuidentes, differentiarum alias separabiles, alias inseparabiles, dicimus esse. Moueri namque, atque quiescere, & valere, ac egrotare, & quæ sunt similis generis, separabilia sunt: Aquilinum autem esse, vel simum, & rationale, & irrationale, inseparabilia sunt. Inseparabilium rursus alias per se alias per accidens esse. Rationale namque, & mortale, & susceptiuum esse scientia, per se homini competunt: At aquilinum esse vel simum, per accidens, & non per se competit. Quæ igitur per se competunt, in substantiæ ratione sumuntur, & aliud faciunt. Quæ vero per accidens, diuersum, vt diximus. Et hæc quidem etsi inseparabiles sunt, intentionem remissionem vè suscipiunt. Simum enim esse, aut coloratum, intenditur atq; remittitur. Ille vero non suscipiunt. Neque enim genus magis minus vè de eo cuius est genus dicitur, neque generis differentia, quibus in species genera diuidantur. Hæc namque sunt, quæ cuiusque rationem constituunt. At vniuscuiusq; ratio vna est, eadè quæ neq; intentionem, neq; remissionem vllim suscipiens. Aquilinum autem esse, vel simum, vel aliquo modo coloratum, & intenditur, & remittitur. Cum igitur tres species differentia considerentur, & aliæ quidem sunt separabiles, aliæ inseparabiles: Et rursus, inseparabilium aliæ per se sint, aliæ vero per accidens. Rursus differentiarum per se, aliæ sunt eæ, per quas in species diuidimus genera, aliæ per quas eæ quæ sunt diuisa constituunt. Vtuti differentia per se animalis hæc sunt omnes, ani-

matum,

matum, sensitiuum, rationale ac irrationale, & mortale & immortale. Atque animati quidem & sensitiui differentie, constitutae sunt substantiae animalis, est enim animal substantia animata sensitiua. Mortalis vero ac immortalis, rationalis & irrationalis, animalis differentiae diuisivae. Per has enim in species genera diuiduntur. Verum haec quae sunt generum diuisivae, constitutivae sunt specierum, nam animal per rationale ac irrationale, & per mortale rursus ac immortale diuiditur. Sed mortalis quidem rationalisve differentiae constitutivae sunt hominis. Rationalis vero ac immortalis, Deorum. Irrationalis autem atque mortalis, animalium expertum rationis. Sic & substantia suprema per differentias diuiditur animati atque inanimati, item sensitiui & non sensitiui. Ac differentiae quidem animati, & sensitiui una cum substantia sumptae animal consicere: Animati autem atque insensibilis, plantam. Cum igitur eadem differentiae partim constitutivae sint, partim diuisivae universae specificae nuncupantur. Atque his opus est maxime ad generum diuisiones, & ad diffinitiones consiciendas. Sed non illis alijs, quas separabile esse, aut inseparabiles diximus. Has itaque diffinientes, differentias inquirunt, eam esse, quae species genus excedit. Homo namque plus quam animal habet rationale atque mortale: Animal enim nihil istorum est. (Vnde enim differentias species haberent.) Neque vero omnes oppositas habet. (Idem enim opposita nimirum haberet.) Sed recensant, potentia quidem omnes eas differentias habet, quae sub se sunt, actu autem nullam atque hoc pacto neque ex non existentibus quicquam fit, neque circa idem opposita simul erunt. Diffiniunt ipsas & hoc pacto, differentia est id, quod de pluribus & differentibus specie & hoc ipso quale quid est pergitur. Rationale enim & mortale de homine, hoc ipso quale quid est homo, sed non hoc ipso quid est pergitur. Nam si interrogabimur, quid est homo? accommodatè dicemus, animal. At si quale animal est interrogabimur, rationale mortaleque accommodatè si ne respondendum. Nam cum res a materia formaque consistat, aut ex talibus similitudine rationis, ut statua ex are quidem, ut ex materia constat, ex figura autem ut ex forma. Sic & homo communis, qui quidem, ut ex materia constat, ex figura autem ut ex forma. Sic & homo communis, qui quidem est species, ex genere & differentia constat, similitudinem rationis subuenientibus cum materia atque forma. Totum autem hoc animal rationale, mortale, est homo, & ibi est statuta. Describunt tales differentias & hoc modo. Differentia est, id, quod suapte natura ea, quae sunt sub eodem genere separata, rationale enim ac irrationale, equum & hominem separat, quae sub eodem, ut patet, genere, quod quidem est animal, collocantur. Insuper & hoc modo assignant. Differentia est id, quo singula differunt. Homo enim & equus genere quidem non differunt. (Et nos enim animalia sumus, & ea quae sunt expertia rationis) sed additum rationale, nos ab illis seiuunxit. Exactius autem ea quae ad differentiam pertinent pertractantes, differentiam inquirunt non quoduis eorum esse, quae separant ea, quae sub eodem genere, collocantur. Sed id quod ad substantiam rationemque confert, & quod pars eius est rei, cuius differentia dicitur esse. Non autem aptum ad navigandum esse, hominis est differentia, etsi eius proprium est. Dicere namque possumus animalium, alia esse apta, alia non esse apta ad navigandum, hominem a ceteris seiuungentes. At aptum esse ad navigandum ad sub-

stantiam sane non confert, neq; pars est ipsius, sed aptitudo solam. Propterea quod non est tale, quales sunt hæc differentie, quas specificas appellamus. Erunt igitur et specificæ differentia, quæ diuersam faciunt speciem, & quæ in ratione sumuntur. Atque de differentia quidem hæc satis sint dicta.

Differit iam porphyrius de differentia, in qua explicanda tria differentiarum genera primum recenset, eademq; inter se comparat; deinde quandã aliam differentiz diuisionem pertractat: Deniq; eam differentiam, de qua hoc loco potissimum habetur ratio multis definitionibus explicat.

Differentia autem cõiter.] Triplicẽ aut esse differentiam, cõem seu uulgarem, propriam & maxime propriam. Differentia cõis est forma accidentaria, & reipsa separabilis, quæ aliquid a seipso in alio, atq; alio tempore, aut ab alia re differt, ut uirũ esse puerum, sedere, stare, Propria differentia est forma accidentaria, reipsa inseparabilis, quæ aliquid a se ipso in alio atq; alio tempore, aut ab alia re differt, ut habere cicatricem, quæ iã callum obduxit, esse discipline capax. Differentia maxime propria, quæ est specifica dicitur, id est, speciem efficiens, est forma inseparabilis omnino, quæ aliquid ab aliquo essentiali discrimine differt, seu quæ speciem constituit, ut esse corporeum, esse rationis particeps, Quæ diuisio non est distributio inuicem, sed analogi, quandoq; uidem differentia primum dicitur de maxime propria, secundo loco de propria, extremo de communi.

Omnis igitur.] Comparat tria proposita differentiarũ genera, docetq; earum tum cõtionem, tum etiam pleraque discrimina. Cõtio est, quod omnis differentia adiuncta alicui rei, facit eam diuersim, hoc est, differentem, Vnde colligi potest hæc generalis definitio differentia: [Differentia est forma, quæ res a se in alio atque alio tempore aut ab alia re differt,] Quæ definitioem post contextus enarratione examinabimus.

Sed communiter quidem.] Primum discrimen est, quod communes, tum etiam propriæ differentia accidentale discrimen efficiunt: id quidem accidit, quoniam non pertinent ad essentiam rei. Quæ autem dicitur maxime propriæ efficiunt intimum, & essentialẽ, quo res differens non solum utcumque diuersa dicitur, seu ab alia differens, sed etiam omnino alia, id quod sã eue-

nit, quia huiusmodi differentia ad essentiam rerum differentiarum pertinent.

Illæ simpliciter differentia.] Alterum discrimen est, quod differentia, quæ maxime propriæ dicuntur, quæque aliud habent specificæ vocantur, cõmunes vero, & propriæ solo communi nomine differentia nũcupantur, quod discrimen ita est intelligendum, quasi planius dicat porphyrius, differentia communem & propriam nõ fuisse veteribus proprias ac peculiaribus nominibus appellatas, at eas, quæ ad tertium genus pertinent, iam olim dictas fuisse específicas quãdoquidem ipse fuit, qui primus differentia cõis, propriæ & maxime propriæ appellationem inuexit, ut patet ex verbis, dicitur, quod initio capitis videtur. Quo loco cernis vocabulum differentia simpliciter prolatum, aliquando pro imperfectioribus significatis, hoc est, pro communibus ac propriis differentiis apud Philosophos usurpari, quoniam cum nomen aliquod plura significet, quorum vnum est perfectius, non semper accipitur pro perfectiori, sed interdum etiam pro imperfectiori: Exemplum habes in verbo, viuens, & in uerbo, animal: Illud enim cum significet animam & plantam pro solo animali, quod perfectius est, uulgo accipitur hoc autem cum significet hominem, & bestiam, contra pro solo bestiis, quæ sunt animalia minus perfecta, sæpe numero usurpatur, quæ de re diximus in cap. de genere.

Iuxta eas igitur.] Tertium discrimen est, quod diuisiones generum in species atque definitiones, nimirum essentialia, differentiis maxime propriis conficiuntur, nõ autem communibus, aut propriis: Quia tamen differentiarum, quæ maxime propriæ dicuntur, summa inopia laboramus cogimur fere in omnibus tum diuisionibus generum, tum etiam definitionibus specierum, loco earum, propriis uti aut etiam cõmunibus.

Rursus igitur.] In hac altera parte capitũ tractat Porphyrius longiorẽ quandam differentia diuisionem, quam ita orditur:

Diffe-

Differentiarum quædam separari possunt, nempe reip[s]a, quædam non possunt ita separari: priori membro comprehendit communes, vt moneri, quiescere, ualere & ægrotare: Posteriores vocauit proprias, & maxime proprias, vt esse cæsum, esse disciplinæ aut rationis capax.

Inseparabilem rursus.] Persequitur captam diuisionem, subdiuidens posterius membrum, hoc est, differentias, quæ separari non possunt, in differentias per se, & per accedens. Vocat autem differentis per se, eas, quas superius specificas, seu specierum esse strictes nominauit: per accedens vero eas, quas appellauit proprias. Porro cum duobus modis fieri possit, vt aliquid alicui per se conueniat (quod docet Arist. 1. post. c. 4.) Vno, si ad eius essentiam pertineat, quo pacto tum animal, tum rationis particeps conueniunt homini; Altero si ex eius essentia quasi profluat, quomodo homini conuenit, quod sit disciplinæ capax: Priori tanto modo verba illa, per se, hoc loco accipienda sunt. Itaque sensus diuisionis est, quasdam differentias. Inseparabiles pertinere ad essentiam rerum, quarum sunt differentię, alias minime.

Mortale & susceptiuum esse.) Hoc loco obseruandum est illud, quod dici solet, exemplorum non est requirenda veritas; nam nec mortale est differentia, quæ animal diuidat, nec capax esse scientiæ est differentia, quæ hominis essentiam constituit: cum sit vis quædam siue potentia, quæ naturam hominis consequitur. Verum Porphyrius credidit, priorem esse speciem, diuisionem quæ a malis, qua in re cum plerisque veteribus erant: posteriorem vero arguit exempli tantum causa, non quod speciem esse putauerit; Exempla enim, vt docet Aristoteles 1. prior. capit. 3. non semper adhibentur, vt ita esse credatur; sed vt res intelligantur.

Quæ igitur per se.] Triplex discrimen constituit inter differentias per se; & per accedens. Vnum quod illæ necessario assumentur in definitionibus essentialibus earum rerum, quarum sunt differentię, hæc minime. Alterum, quod illæ faciunt aliud, hoc est, essentialiter differre, hæc nequaquam. Tertium quod illæ nec magis nec minus admittantur in his mirum iectus, quarum sunt differentię, hæc uero intenduntur & remittuntur.

In quo discrimine duo notandi sunt. Vnum est, apud Dialecticum, qui non tam de rerum naturis, quam de prædicatione disputat; idem esse intendi, & remitti, atque prædicari cum ad verbis [magis & minus;] Quod enim philosophus, qui de rebus esset, ait, rationale nec intendi in homine, nec remitti; Dialecticus his aduerbijs pronuntiat; Homo non dicitur magis minusve rationalis, & quod ille dicit, calorem intendi ac remitti in igne, id Dialecticus hæc oratione significat, ignis dicitur magis, ac minus calidus. Alterum est, sic esse hoc discrimen intelligendum, vt dicamus, differentijs per se, qua ratione tales sunt, repugnare intentionem ac remissionem, ac proinde nullam magis minusve admittere; Differentijs autem per accedens quatenus eius modi sunt, nec intentionem repugnare, nec remissionem, quamquam quædam sunt, quæ suis naturis, intentionem remissionemque accipere non possunt: quales plurimum relationes, tum figuræ, tum etiam proprietates, vt esse rationale, esse disciplinæ capax.

Neque enim genus.] Duabus rationibus probat, differentias per se non admittere magis, aut minus in specie, quam constituit prior ratio. Genus non admittit magis aut minus in specie, quam constituit; Ergo nec differentia per se, est enim par ratio in vtrisque cum differentię, atque atque genus ad essentiam speciei pertineat.

Hæc namque sunt.] Posterior ratio, quæ ponuntur in essentiali definitione, nec intentionem, nec remissionem accipit, in re quæ definitur: Atqui differentię ponuntur in essentiali definitione speciei; Ergo non intenduntur nec remittuntur in specie. Maiorem non pouit Porphyrius, verum ex eo probat, quia essentia rei est vna eademque vt tradit Aristot. 8. metaph. c. 3. Hoc est, vno eodemque modo se habet respectu rei, cuius est essentia, nec intentionem, nec remissionem suscipit: Ergo nec essentialis differentia intentionem aut remissionem suscipit. Si enim differentia, qua essentia constituit, intentionem aut remissionem patiatur: necesse est, essentiam intentionem & remissionem pati, cum omnis varietas causæ internæ, cuiusmodi est differentia, in effectum, vt est rei essentia, redundet. His duabus rationibus Porphyrij potest addi tertia, in huiusmodi; quicquid recipit magis ac minus

nus in re aliqua, est accidens eius: Differentia vero non est accidens speciei, quam constituit: Non recipit igitur in ea magis aut minus. Illud interim animaduerte: non esse negandum, differentias per se eorum accidentium, quæ magis & minus admittunt in subiectis, quibus in hærent, in ipsodem quoque subiecti eandem varietatem vendicare. Nam cum albedo, exempli causa, intenditur & res mittitur in aqua, necessario efficitur ut differentia, quæ albedinis naturam constituit, v.g. disgregatorium visus, (si subponamus, hanc esse differentiam specificam albedinis) eidem intentioni remissionique sit subiecta; Quod idem de cæteris huiusmodi dictum intellige.

Aquilinum autem esse.) Ostendit quibusdam exemplis, differentiam per accidens intendi ac remitti posse, ut esse finium aut coloratum. Quo loco volunt nonnulli coloratum accipi pro albo aut nigro, eo quod genera intentionem & remissionem non insciunt. dicitur enim aliquid esse magis aut minus album, non tamen magis, aut minus coloratum. Cæterum si id vniuersæ de omnibus generibus intelligant, eorum sententia vera non est: Sunt enim multa genera, quæ cum aduerbijs magis & minus frequentissime dicuntur, ut de homine probus esse, scientem esse, & similia; Dicimus enim magis & minus probus, magis & minus scientem seu doctum. Dicendum est igitur, omnia genera, quorum species admittit magis & minus, ipsa etiam eidem varietati esse subiecta, si non secundum seipsa, ac certe ratione suarum specierum.

Cum igitur tres species.) Ut absoluat totam posteriorum differentiarum diuisionem, repetit in primis priorem, quam in prima capituli parte posuit, tacitis tamen nominibus membrorum diuidentium, quæ species appellantur, hoc est, partes siue membra diuidentia; deinde adiungit ea membra, quæ hæcenus ex posteriori diuisione emergerunt; Posremo subdividit differentiam, per se, quæ in tertia capituli parte varijs definitionibus explicanda est. At ergo, differentiarum per se alias esse, quibus genera in species diuidentur, alias, quibus species constituuntur quæ diuisio ita intelligenda, est ut differentia diuidentes, & constituentes alia sint atque alia, si ad vnum & idem genus referantur. Alijs enim reuera diuiditur vni-

quoque genus, alijs constituitur, ut placet perspicitur in exemplo, quod statim ab autore subiicitur. Nec enim ipsæ differentia diuiditur, a quibus constituitur. Quod si nature diuidentes & constituentes ad idem genus non referantur, non est dicendum, alias esse diuidentes, alias constituentes: Cum omnes diuident aliquid genus, & aliam quam speciem constituunt; sed, omnibus hoc esse commune, ut alia ratione diuidant genus, alia speciem constituant. Potest autem hæc diuisio ad primam & præcipuam differentiarum officia accommodari, hoc pacto: Prima ac præcipua differentiarum genera duo sunt, alterum diuidere genera, alterum consistere species. Prima & præcipua differentia est: quia alia sunt officia differentiarum posteriora, minorisque dignitatis, ut, efficere discrimina inter ea, quæ sub eodem genere collocantur, prædicari de pluribus essentiali prædicatione in questione, [quale est,] & si quid est aliud huiusmodi, quo loco docet, differentias per se dictas fuisse constitutas siue specificas, ab officio constituendi speciem; quia præstantius est constituere speciem, quam diuidere genus, cum hoc ad illud dirigatur, quæ vero porphyrius adiungit, superius dicta sunt.

Hæc itaque desinientes.) Reiectis differentiarum communibus & proprijs: quoniam sub proprio & accidente continentur, earum, quas maxime proprias per se ac specificas appellauit, quæque, ac cæteris vniuersalis speciebus distinguuntur, varias adducit de finit ones a philosophis traditas. Prima est huiusmodi; [differentia est id, quo species suum genus excedit, subaudi excessu essentiali, vel, quod idem est, tanquam parte sui. Hinc cognoscimus proprietates specierum non esse differentiam earum: quia, etsi species excedat genera sua peculiaribus sibi proprietatibus, nulla tamen proprietas pertinet ad essentiam speciei, cuius est proprietas. Contra vero hinc intelligimus, rationis particeps esse differentiam specificam hominis: quia homo hæc parte excedit animal excessu essentiali, quod sit rationis particeps, ut patet ex definitionibus essentialibus utriusque. Traditur autem hæc definitio differentia ab officio constituendi speciem. Quia idem est dicere, differentia est, qua species excedit genus, ac si dicas; Differentia est, quæ adiuncta generi absoluit speciem,

speciem, vt hoc loco Scotus animaduertit.

At obijciat aliquis, hanc definitionem competere alijs a definito, Animal non est differentia, respectu hominis, & tamen animal, respectu hominis, competit hęc definitio: Ergo mala est. Maior est uera. Minor, probatur, animal est id, quo homo excessu essentiali excedit viuens; siquidem animal est de essentia hominis, non autem viuens: Sed hęc est definitio differentię; Ergo competit animali respectu hominis. Respondetur tamen ad argumentum, concessit maiore, negando minorem, & ad eius probationem negatur maior. Nec enim homo excedit viuens per animal, Nam vt Arist. 4. phys. c. 8. quando vnus aliquo excessu excedit alteram, excessus ipse, & res; quę exceditur, ita se debet habere, vt neutrum includat in se aliud; Verbi gratia, homo excedit animal per rationale, res excessu, id est, animal, & ipse excessus, id est rationale ita se habebunt, vt neutrum alterum includat in se. Vt igitur homo excederet viuens per animal, necesse erat, vt nec viuens includeret animal, nec animal viuens, quod tamen secus est, quia animal essentialiter includit viuens. patet igitur, hominem non excedere viuens per animal, ac proinde animal non conuenire illam definitionem: Vnde colliges, nec animam rationalem esse differentiam hominis; quia per illam homo non excedit animal, cum anima (quę pars est animę rationalis) includatur in animali. Ex quibus efficitur, hominem non posse diuidi in animal, & viuens, nec item in animal & animam rationalem, & ex consequenti, hominem non excedere viuens animal; nec excedere animal anima rationali.

Animal enim nihil. Exponit, quoniam modo intelligendum sit, genus non habere eas differentias, quibus a suis speciebus superari dicitur; Explicatio quatuor pronuntiafis continetur. Vnum est, genus neque nullas earum habere, hoc est, neque omnino illis carere; Alterum, nec oppositas habere; perfecte nimirum; Tertium, habere eas potestate; Quartum, nullam habere actu.

Primum pronuntiatum ita probatur, si genus differentias huiusmodi non haberet actu, vel potestate, sequeretur, species ipsas a nullo subiecto materiare suas differentias habere, sed ex hoc sequeretur, differentias fieri ex nihilo, quando producuntur, quod

est falsum; Ergo differentię sunt in genere aliquo modo. Maior probatur; Materia seu subiectum in quo differentię esse possunt, non est aliud quam ipsum genus, si ergo per se non sunt in genere, a nulla igitur materia seu subiecto species habent suas differentias. Minor vero probatur: Nam ideo anima rationalis creatur, quia antequam fieret, nec actu nec potestate erat in materia, ergo si eodem modo differentię nec actu, nec potestate sunt in materia, sequitur eas creari, quando producuntur.

Secundum pronuntiatum ex eo probatur, quia si differentię perfecte essent in genere, cum ille sint oppositę, darentur opposita simul perfecte coherere in eadem re, quod fieri non potest.

Tertium & quartum probatur cum ex philosophorum sententia, tunc etiam ipsę probationibus, quibus superiora duo probata sunt. Hęc enim duo posteriora eo differunt a prioribus, quod aperte proponunt, et quę implicite in illis continebantur, vt satis apertum est. Sed contra hęc statim occurrit huiusmodi obiectio; Animal est actu simul rationis particeps, & rationis expert, utrumque enim verę ac simpliciter affirmamus; ergo genus non potentia tantum; sed actu habet oppositas differentias, quod negat Porphyrius. & ex consequenti, possunt duo opposita perfecte, sine actu simul esse in eadem re, quod ille incommodum esse credit. Quod si dicas, non idem animal esse rationis particeps, & rationis expert, sed aliud particeps, aliud expert: Porphyrium vero putasse, incommodum esse admittete, idem animal habere actu utramque differentiam, in promptu est refutatio. Si enim mihi das, aliud animal specie distinctum, esse rationis particeps, aliud rationis expert, fieri nec esse est, idem & animal genere habere actu utramque differentiam, quandoquidem diuersę species animalium sunt idem animal genere. Hoc autem ipsum putauit Porphyrius esse incommodum: si quidem non de animalibus indiuiduo; nec de aliqua specie animalis; sed de genere loquebatur.

Hęc tamen obiectio sic diluitur a Cassiano: duobus modis intelligi posse, rem eandem habere simul actu duo opposita; Vno, per modum coniunctionis, ita nimirum, ut non includat ea in sua essentia; habeat rati-

meu

men ea secum coniuncta, Altero, per modum inclusionis, ita scilicet, ut ea in sua essentia includat. Cum ergo Porphyrius negat, genus actu habere simul oppositas differentias, non intelligit priori modo, sed posteriori. Nam etsi fieri non potest, ut eadem res numero habeat simul opposita per modum coniunctionis: (Socrates enim non potest esse simul albus & niger, & ita in ceteris) non tamen est dubium, qui in eadem specie aut genere id noluit. Homo enim simul est albus & niger, ut in BELGA & ÆTHYOPE; animal vero simul rationis participes & rationis expers, nempe in homine & bestia. At per modum inclusionis non solum eadem res numero non potest simul actu habere opposita; sed neque eadem genere aut specie.

Definiunt ipsas & hoc pacto. Hæc est secunda differentie definitio, tradita ex officio prædicandi, in qua intelligenda est essentialis prædicatio, hoc modo: [Differentia est, id quod essentiali prædicatione de pluribus, specie differentibus, in questione, quale est, prædicatur.] Vtrum autem omnes specificæ differentie hac definitione comprehendantur, inferius docebimus.

Nam si interrogabimur. Ostendit differentiam prædicari in questione, (quale est) quia apte redditur, cum qualis res sit, quæritur. Quod autem recte reddatur, cum huiusmodi questio proponitur, ex eo collige, quia differentia est veluti, forma & qualitas generis; Quod vero sit forma & qualitas generis, ostendit ex proportionem, quam habet compositio speciei ex genere & differentia, cum compositione rei naturali ex materia & forma, & cum ea compositione, qua res artificiosa ex subiecto naturali & figura conficitur.

Describunt tales differentias. Tradit tertiam definitionem ex quodam officio differentie, quatenus differentia est, quod qui dem est efficere, ut res differant inter se. Cum ergo ait. [Differentia est id, quod sua parte natura ea, quæ sunt sub eodem genere, separat; Verbum separat, sic intellige, ac si dictum sit, differre facit, subaudi etiam (discrimine essentiali,) ut propria & accidentia excludas.

Insuper & hoc modo.] Hæc est quarta definitio, solis verbis differens a superioribus, idemque in ea, quod in illa subau-

diendum est.

Exactius autem ea.) Si superiores definitiones non profundiùs intelligantur, quam ut verba ipsa per se ferunt, nulla est earum, quæ in communes & proprias differentias transferri non possit. Ut igitur propria peculiarisque differentie specificæ explicatio plane atque perspicue tradatur, addit Porphyrius quintam definitionem, quæ defectum superiorum supplere videtur. Ea vero est huiusmodi. (Differentia est id, quod separat ea, quæ sub eodem genere collocantur, & ad substantiam eius pertinet, cuius dicitur differentia, eiusque pars est.) Breuius autem sic repetitur in fine capituli; (Differentia est id quod diversam facit speciem, & in ratione essentiae sumitur.) In qua definitione ponuntur verba, quæ plane ac perspicue significant essentialem excessum, essentialem prædicationem, & essentialia discrimina, quæ nos in superioribus definitionibus supplenda esse dicebamus.

Vtrum generalis definitio differentie, quæ ex contextu collecta est, recte tradita sit.

QUESTIO PRIMA.

UT ea, quæ in hoc capite dicta sunt, excutiamus, in primis videndum est: sitne recte tradita generalis illa differentie definitio, quæ ex contextu collecta est, in hunc modum: (Differentia est forma, qua aliquid a se in alio, atque alio tempore, aut ab alia re differt.) quod enim non videatur recte tradita, sic primo videtur ostendi: Facere differre est effectus differentie, sed multa faciunt differre, quæ non sunt differentie; Ergo definitio differentie non est recte tradita. Minor probatur. Cælum differt a rebus corruptibilibus per suam materiam, cum diversa sit harum, atque illius materia, ut docet Arist. 1. Metaph. c. 2. item substantia differt a quantitate per se ipsam; Atqui nec materia, nec substantia, seu quantitas est differentia, formare hic definita; ergo vera est minor.

Secundo, nihil potest differre a se ipso, cum doceas Aristoteles 1. Metaph. c. 9. in

ata expositionem Alexandri, quæ fuit eadem numeri, non posse esse differentia: Ergo non recte posita est particula, a se.

Tertia genera non sunt differentie specierum, quas consiliunt; ut animal non est differentia hominis, nec planta arboris, sed tamen genera sunt formæ suarum specierum, ut docet Aristot. 2. Physico. easque faciunt differre genere; Ergo definitio differentie competit alijs a definito. Vt tamen ad quæstionem præpositam respondeamus, primo loco explicandum est, quibus modis accipitur differentie vocabulum: deinde declarabitur generalis differentie definitio.

Quod attinet ad primum, sciendum est, duobus modis accipi vocabulum differentie ex vi nominis. Vno modo accipitur pro relatione rei differentis, quæ ratione differentis est. Nam cum differens, quatenus differens, relatiuum sit (differens enim ab aliquo differente differens est) efficitur, argumento sumpto a coniugatis, vt differentia sit quædam relatio, quemadmodum ex eo concludimus, similitudinem esse relationem, quoniam simile, quæ ratione simile est, relatiuum est. Differentia in hac significatione abstractum quoddam est, significans solam relationem rerum differentium, vt hoc nomen, similitudo, abstractum est, significans solam relationem rerum similium. Illud tamen pro hac significatione animaduertendum est ex Arist. 1. Metaph. c. 9. & 10. lib. c. 1. differens interdum late accipi interdum pressius: Late quidem, cum ea dicimus differentia, quæ aliquo modo non sunt idem: idque quæ ratione non sunt idem, vt substantia, & qualitas, homo, & bestia, Socrates puer & vir factus: pressius vero ac proprie, cum ea duntaxat vocamus differentia, quæ conueniunt in aliqua natura, vna siue numero, siue specie, siue genere, siue analogia & dissident inter se accessione aliquarum formarum ad illam naturam: Quo pacto dicimus differre Socratem senem a se puero, Platonem ab Alcibiade, hominem a bestia, & lineam a scientia, vt facile intelliges. Non ita dicimus differre inter se genera summa, aut differentias ipsas, quia etsi hæc omnia analogice conueniunt in ente, & quædam in accidente, nulla tamen eorum differunt inter se accessione aliquarum formarum ad naturam analogicam in qua conueniunt: quippe cum nec ens, nec accidens co-

trahatur per aliquas formas ad genera summa, aut ad differentias; quibus ea in suas species, aut indiuidua distribuuntur.

Cum ergo differens nunc late, nunc pressius, ac proprie accipitur, efficitur, vt nomen differentie hæc prima significatione de qua loquimur, acceptum, late etiam sumatur interdum, scilicet pro relatione, quæ duæ res quoquo modo diuersæ dicuntur: interdum vero pressius, scilicet pro relatione, quæ res proprie ac presse differentes appellantur. Alio modo accipitur nomen differentie, vt est concretum quoddam, significans formaliter idem quod faciens differre seu causans differentiam, & connotans formam, quæ facit differre, vt rationale, candorem, & alia huiusmodi. Hac significatione dicimus, rationis particeps, & rationis expertus, esse differentias hominis, & bestie, quia sunt causæ eius relationis differentie, quæ inter hominem, & bestiam cernitur. Eodemque modo appellamus candorem, & nigrorem differentias cygni, & corui: non quatenus sunt colores quidam, sed quæ ratione sunt causæ eius relationis differentie, quæ inter cygnum & coruum reperitur. Ita patet, duobus modis ex vi nominis accipi vocabulum differentie.

Tertio denique modo accipitur differentia pro tertia specie vniuersali: quæ ideo dicitur differentia, quia fundamentum eius comprehenditur in differentia secundo modo accepta. Itaque hæc significatione, non dicitur ex vi nominis, vt superiores duæ, sed habetur ex usurpatione philosophorum, quibus placuit, vt tertia species vniuersalis nomine sui fundamenti appellaretur. Quod attinet ad secundum, prætermittam nunc differentie usurpatione, prout est tertia vniuersalis species, de qua in quæstione proxima disputauimus, animaduertendum est, Porphyrium in 1. & 2. par. capitulis, hoc est, in vtraque differentie diuisione tractandæ, secundo modo accepisse differentiam, nimirum pro fundamento causæ relationis eorum, quæ proprie differunt, quatenus eius modi est, quod facile est ex contextu intelligere. Proinde generalis illa definitio differentie, quam ex contextu colligimus, [Differentia], nimirum, [& forma, quæ aliquid a seipso, in alio atque alio tempore, aut ab alia re differt,] sic exponenda est: In primis nomine [formæ] intelligenda est for-

ma adiuncta alicui naturæ, in qua conueniunt ea, quæ differunt: Sola enim talis forma est fundamentum, causæ differendi propriæ, ut dictum est: atque hoc modo exponendam esse hanc particulam, significauit Porphyrius, cum dixit: Omnis igitur in vniuersum differentia diuersum alicui adiuncta facit.

Deinde, quod dicitur: [qua aliquid differt], sic intelligendum est, quasi dictum sit quæ est fundamentum, & causa cur aliquid differat: non autem quasi ipsa differentia, quæ hac definitione explicamus, sit, qua aliquid formaliter differat. Sola enim relatio est, quæ res formaliter differunt. Ipsæ autem differentiæ, quæ hac definitione explicantur sunt differendi causæ: quemadmodum sola relatio similitudinis est id, quo res sunt formaliter similes. Ipsæ autem qualitates, ut candor, aut scientia, sunt causæ, cur similes existant. Quod denique additur, (a se ipso in alio & alio tempore, & quæ) sequuntur, expositione non egent, sed ratione. Quæret enim aliquis, cur addiderimus eam particulam, (in alio atque tempore), cum Socrates Musicus, verbi gratia, differat a se ipso Grammatico in eodem tempore.

Ad quam dubitationem dicendum est, ea, quæ differunt a seipsis, in eodem tempore, ratione videlicet diuersarum formarum non simpliciter dici differentia. Etenim ea sola videntur simpliciter vocari differentia: quorum vnum differt negatione alterius, ut Socrates senex, & puer, agens & non agens: id quod videtur Porphyrius sensisse, cum huiusmodi exemplis usus est: At quæ differunt a se ipsis in eodem tempore: non ita a se differunt, ut ex vno liceat colligere negationem alterius: Nec enim recte dixeris, Socrates Musicus differt a se Grammatico, atqui est Grammaticus. Igitur non est Musicus,

Ad primum igitur argumentum initio propositum respondetur, concessa maiore, & negando minorem, si differre presse ac proprie sumatur, ut supra exposuimus res autem in quibus diuersa materia cernitur, ut cælestia corpora, & quæ corruptioni obnoxia sunt, non proprie differre per diuersas materias: Res item, quæ non per aliquid sui, sed per se ipsas, seu quod idem est se totas differunt, dici quidem illas in-

terdum differentes, verum non proprie, ut dictum est.

Ad secundum dicendum est, si vera est expositio Alexandri, quam in versionibus suis Argyropilus, & Perionius secuti sunt: Aristotelem de his tantum loqui, quæ differunt per se: quo pacto non differunt ea, quæ sunt idem numero, ut Socrates senex, & ipse puer. Porphyrium autem hoc loco de his etiam loqui, quæ differant per accidens. Quod si græcus contextus sic intelligendus est, ut verba sonant, & antiqua versio expressit, [differentia sunt, quæ ita sunt diuersa, ut sint aliquid idem non solum numero, sed etiam specie, aut genere, aut proportionem: nihil omnino virum habet argumentum].

Ad tertium respondetur concessa maiori, & negando minorem, si sit sensus, genera facere differre proprie, ac presse: Licet enim genera sint quodammodo forma specierum: cum eis dent esse: non tamen sunt formæ, quæ adiectæ alicui communi naturæ specierum, faciant ipsas differre (sic enim intelligenda est definitio differentiæ) hoc enim proprium est differentiæ, quæ supponit genus tanquam materiam, cui adiuncta contrahit illud adesse speciei: quod vero generi non competit: ut satis clarum est.

Sitne secunda definitio recte tradita.

QUESTIO SECUNDA.

EX omnibus differentiarum definitionibus Equas Porphyrius in tertia parte capituli assert, sola secunda hoc loco examinanda est: quippe cum in cæteris nulla occurrat dubitatio: hæc autem non videatur recte tradita. Nam differentia, quatenus quædam species vniuersalis, complectitur generalem, & specialem; quarum illa predicatur de differentibus specie, hæc de differentiis solo numero. At vero definitio differentiarum, quæ a Porphyrio tradita est, solas generales comprehendit: cum differentiam dixerit esse id, quod de pluribus specie differentibus, in questione quale est predicatur: Non fuit igitur secunda definitio differentiarum recte a Porphyrio tradita.

Ut ergo, quid de hac quaeritur sententiam

dum sit, perspicatur, illud in primis admo-
uendum est, cum tribus modis nomen diffe-
rentiæ usurpetur, ut superiori quæstione do-
cuimus: porphyrium in tertia præcipuaq;
parte capit, indeclinanda nimirum diffe-
rentia, accepisse differentiæ vocabulum,
qua ratione ad tertiam vniuersalis speciem
significandam accommodatum est: Hoc
enim est præcipuum eius institutum in ro-
to hoc libro, ut de genere, specie, diferen-
tia, proprio; & accidente, quatenus vniuer-
salia sunt, edisserat. Porro differentiæ voca-
bulum, qua ratione ad tertiam vniuersalis
speciem significandam accommodatur, at-
que ita est concretum, formaliter significat
certam quandam relationem, qua res, quæ
differentiæ cognominatur, ad ea referun-
tur, de quibus in quæstione quale est essen-
tiali prædicatione dicuntur: Connotat ve-
ro res ipsas, quæ differentiæ nominantur,
ut rationis particeps, sensus capax, & alia
huius generis.

Secundo loco an aduertendum est, in-
ter differentias eam solam esse tertiam vni-
uersalis speciem; quæ ita est differentia, ut
non sit communis, aut propria. Nam com-
munes, & propriæ ad duas extremas vniuer-
sali speciei, proprium videlicet, & accides
pertinent: Reliquæ vero, nimirum, quæ dif-
ferentiæ per se dicuntur, sub tertia vniuer-
sali specie continentur.

Tertio loco animaduertendum est, ex
quinque illis definitionibus, quibus Por-
phyrius explicat differentiam, qua ratione
est tertia species vniuersalis, nullam esse,
quæ magis sit propria huius loci, quam se-
cunda. Nam ceteræ traduntur per condi-
tiones earum rerum, quæ differentiæ co-
gnominantur: quales sunt esse, id, quo spe-
cies, genus excedit, seu constituere cum ge-
nere speciem, & facere speciem differre es-
sentiali discrimine. Secunda vero traditur
per aptitudinem ad prædicandum, quæ, ut
patet ex dictis, est fundamentum eius rela-
tionis, quam nomen differentis, qua ratio-
ne ad tertiam vniuersalis speciem accom-
modatum est, fundamentaliter significat,
quantquam illud verum est: in ipsa non po-
ni, totum eius relationis fundamentum, ut
mox docebimus.

Ut igitur omittamus opinionem quorun-
dam, quos refert M. Albert. existimantium,
nullas dari differentias simplices, quæ cum

speciebus infimis reciprocantur (quam sen-
tentiam in Metaph. discutimus) nonnulli;
ut Ca. et. credentes dari reuera simplices
differentias, quæ nimirum cum speciebus
infimis conuertantur, dicunt. eas etiam in
proposita definitione comprehendî, quod
ut ostendant, asserunt, ea definitione defi-
ni differentiæ, quatenus differentia est,
hoc est qua ratione diuidit genus, & conti-
ruit speciem: Hæc enim sunt propria, &
præcipua differentiæ officia, quatenus diffe-
rentia est. Deinde dicunt, verba illa, [quod
prædicatur de pluribus differentiibus spe-
cie,] sic esse exponenda; cui, quatenus diffe-
rentia est, non repugnat prædicari de pluri-
bus specie differentiibus, unde cum differen-
tijs, quæ cum speciebus infimis reciprocantur,
quatenus sunt differentiæ, nõ repugnet
prædicari de pluribus specie differentiibus.
(Alioqui nulla est differentia, quæ hoc mo-
do prædicari possit.) Colligunt etiam, hæc
differentias, quatenus differentiæ sunt, co-
prehendi in proposita definitione, etiam si
non comprehendantur, quæ ratione cum
speciebus infimis reciprocantur, hoc enim
pacto repugnat eis de pluribus specie diffe-
rentibus prædicari.

Hæc tamen opinio non est amplectenda.
Primum, quia differentia non definitur ea
definitione, quatenus diuidit genus, aut co-
stituit speciem, sed qua ratione est quædam
species vniuersalis: Hoc enim est præcipuum
auctoris institutum, ut diximus; agere nimi-
rum de vniuersalibus, ut talia sunt. Si igitur
hac definitione non explicatur natura
differentiæ, ut est tertia species vniuersa-
lis, certe nulla in hoc libro est alia, definitio,
quæ hoc explicet. Deinde quia siue
hæc, siue illa consideratione spectetur diffe-
rentia, non est credendum, eam definiri
per ea, quæ sibi non repugnant, sed per ea,
quæ ipsa sibi per se vendicat. Etenim si mo-
dus ille definiendi per ea, quæ rebus non re-
pugnant, semel admittatur, omnia confun-
dantur, ac perturbentur necesse est; cum ta-
men definitiones ideo tradantur, ut rerum
naturæ separentur, ac distinguantur. Nam
illo pacto dicemus, definitiones hominis,
& bestiarum esse animalis, quatenus est animal
quoniam animalis, quatenus est animal,
nec repugnat esse corpus animatum sen-
tiens, ac rationis particeps; Nec corpus ani-
matum sentiens, & rationis expert quæ sunt
defi-

definitiones hominis, & bestię. Vnde sequitur, vt definitio hominis bestijs accommodetur, & definitio bestię hominibus, quod quid potest esse absurdum? Quod vero sequatur, patet, quia si definitio hominis cōpetit animali, & definitio competens animali, debet competere bestijs (nam definitio superioris necesse est competat inferiori) sequitur de primo ad vltimum, definitio nem hominis competere bestijs. Præterea si Porphyrius voluisset tradita definitione speciales etiam differentias comprehendere, multo planius id fecisset, detracta illa partitula, [differentibus specie,] quod sane eum latuisse non est credendum. Non est igitur dicendum in proposita definitione speciales differentias modo aliquo comprehendendi.

Alij denique, quorum sententia ample plectenda est, affirmant, solas generales differentias secūda definitione explicari, quia his tantum simpliciter, ac per se conuenit definitio. Quod si petas, cur solas generales differentias, Porphyrius secūda definitione comprehenderit? respondebimus, id propterea fecisse Porphyrium, quod in disputationibus philosophorum, ad quas potissimum dialectica dirigitur, maior est usus generalium, quam specialium, sæpius enim apud eos de speciebus intermedijs, quam de infimis differitur, quod persequenti singulas Philosophię partes perspicuum erit; Vnde patet quidnam ad argumentum initio propositum respondendum sit.

Quo pacto differentia affecta sit ad genus, quod diuidit, & ad speciem, quam proxime constituit, & inferiores differentias.

QUESTIO TERTIA.

VT ea, quæ de differentia, & superioribus speciebus vniuersalis dicta sunt, melius intelligantur, discutiendum est hoc loco, quonam pacto differentia se habeat ad genus, quod diuidit, ad speciem, quam proxime constituit, & ad inferiores differentias. nam quo pacto se habeant ad ea, quæ directe collocantur sub specie, quam

proxime constituit, ex superiori quæstione patet. Hæc enim ratione differentia est speciei, quædam vniuersalis.

Si differentia cum genere, quod diuidit, conferatur, tria potissimum sibi vendicare intelligetur. Vnum, vt sit in illo velut forma in materia. Alterum, vt ipsum diuidat: Tertium, vt de eodem prædicetur.

Quo ad primum attinet, ideo differentia dicitur esse in genere, velut forma in materia, quia, vt forma perficit materiam, sic quodammodo differentia perficit genus additione perfectioris cuiusdam entitatis.

Quod attingit ad secundum, non ideo differentia dicitur diuidere genus, quasi essentiam in partes dissipat (tota enim generis essentia in qualibet specie continetur) sed quod eius aptitudinem contrahat. Quod quidem fit hoc modo, cum animal, exempli causa, propter aptitudinem, quam habet, vt sit in hominibus, & bestijs, sit quodam genus: adiunctio differentiarum efficit, vt eius aptitudo contrahatur ad pauciora. Nam vt est rationis particeps, ad solos homines pertinet, vt rationis expertus, ad sola bruta animalia; ipsa ergo animalis contrahit ad solos homines ratione vnius differentię, & ad solas bestias, ratione alterius dicitur diuisio animalis in hominem, & bestiam, quod idem patet in cæteris generibus.

Quod vero ad tertium attinet, vere quidem prædicatur differentia de genere, quod diuidit, atque adeo naturali prædicatione, velut forma de suo subiecto. Cæteri non prædicatur, vt vniuersale aliquid de specie subiecta, nisi per accidens, id est ratione alicuius inferioris. Nam vt aliquid sit per se ipsum pars subiecta alicuius prædicari, necesse est, vt quatenus est huiusmodi, minus late pateat, quam prædicatum. Genus autem latius patet ex natura sua, quam differentia, qua diuiditur, vt animal quam rationis particeps.

Tria quoque sibi vendicat differentia comparatione speciei, quam proxime constituit: In primis quod eam cum genere constituat: deinde, quod eandem faciat differre ab alijs speciebus, quæ sub eodem genere colloquantur. Postremo, quod de ipsa prædicetur.

Quod attinet ad primum, animaduertendum

tendum est, differentiam, & genus in constitutione specie non ita prorsus se habere, ut materiam, & formam in compositione eiusdem. Nam materia, & forma ita speciem naturali compositione efficiunt, ut de ipsa vere dici non possint: At genus & differentia ita eam componunt, ut vere de ipsa dicantur. Vere namque dixeris, hominem animal esse, & rationis participem; Non ita dices, hominem esse suam materiam, aut formam: compositio tamen ex genere, & differentia quodammodo compositionem ex materia, & forma imitatur: Genus enim proportionem quadam respondet materię, differentia formę: Quia ut materia est indifferens ad hanc & illam formam, & per hanc, & illam formam ad certam rei naturalis speciem trahitur; sic genus est indeterminatum ad hanc, & illam differentiam: & per hanc, aut illam differentiam ad certam speciei constitutionem assumitur.

Quod ad secundum attinet, perspicuum est, differentiam efficere, ut species, quam proxime constituit, differat essentiali discrimine ab alijs speciebus, quę sub eodem genere proxime collocantur. Sed quęritur, num etiam efficiat, ut differat ab alijs omnibus speciebus: Ad quam quęstionem dicendum est, differentiam non efficere, ut species differat a superioribus, aut inferioribus speciebus, quia superiora omnia dicuntur essentiali identitate de inferioribus verbi causa, sensus particeps (qua differentia constituitur animal) non efficit, ut animal differat a viuente, aut homine, quia animal secundum suam essentiam est viuens, eodemque modo homo est animal. A cęteris autem speciebus, quę collocantur sub generibus remotis, efficit illa quidem, ut differat species, verum non primario, sed quasi secundario discrimine. Verbi causa rationis particeps non efficit, ut homo differat a planta primario discrimine, sed sensus particeps, quandoquidem primarium di-

scrimen, quod differentię præstant, sit per differentias, quę proxime diuidunt idem genus, id est, quo ea, quę differunt, conueniunt. Altero a speciebus, quę ad alia prædicamenta pertinent, remotius adhuc minusque proprie differre faciunt differentias, quia species, quę ad diuersa prædicamenta spectant, non reuocantur ad aliquod vnum genus, cuius differentijs proxime differat.

Quod vero attinet ad tertium: illud quidem certum est, differentiam prædicari secundum naturam de specie, quam proxime constituit, cum sit velut forma eius. Illud tamen attendendum est, differentiam non prædicari de speciei, quam proxime constituit, ut vniuersale aliquid de parte subiecti, eo, quod æque late pateat species atque differentia, quę proxime constituitur. Reliquum est, ut superiores differentias cum inferioribus conferamus, ut longiorem, & exactiorem ea de re disputationem alio in loco accommodatori referemus. Si igitur differentia superior cum inferioribus differentijs comparatur: certum esse debet, nullam differentiam superiorem, hoc est, quę superiorem speciem constituat, esse genus inferiorum, id est earum, quibus inferiores species constituentur. Verbi causa, sensitiuum non esse genus respectu rationalis, & irrationalis. pari quoque ratione dicendum est, nullam differentiam, quę cum specie infima recurrit, esse speciem prædicamentabilem respectu differentiarum indiuiduantium, ut rationale comparatione humani, & illius differentię indiuiduantis. Idem quoque censendum est, si differentię superiores comparantur cum his complicationibus, quę sunt ex superioribus differentijs, & inferioribus; Verbi causa, sensitiuum non esse genus sensitiui rationalis, & sensitiui irrationalis; nec rationale esse speciem prædicabilem huius rationalis aut illius: Verum hæc alibi copiosius tradenda sunt.

CAPVT QVARTVM DE PROPRIO.



Proprium autem per quatuor diuiditur modos. Nam proprium est id, quod soli cuiusdam accidit speciei, etsi non omni; Vt homini accidit mederi, aut geometricè contemplari. Et id idem quod omni accidit speciei, etsi non soli, vt hominem bipedem esse. Et etiam id quod soli accidit, & omni, atque quandoque vt omni in se cōfute canescere. Quartum autem est id, in quod omnia conueniunt, vt soli, & omni semper quæ quale est risibile, respectu hominis: nam homo etsi non semper ridet, risibilis tamen dicitur, non ex eo quia semper ridet, sed quia aptus est ad ridendum. Hoc autem ipsi semper est insitum, quemadmodum & equo ipsum binnibile. Hæc & propria inquirunt esse, quia in his ipsis sit & conuersio. Si est enim homo, est risibile: & si est risibile; est etiam homo.

Hætenus differuit Porphyrius de tribus vniuersalis speciebus, quæ ad essentiam rei pertinent: nunc de reliquis duabus, proprio, inquam, & accidente, quæ in rei natura non continentur, paucis disputat. Agit autem prius de proprio, quam de accidente, quia proprium de rebus necessario predicatur, accidens vero minime, vt ex vtriusque explicatione intelliges. Docet igitur proprium in quattuor genera diuidi: deinde singula explanat, ad extremum addit, sola propria quarti generis esse vere propria. Quo autem modo accipiat nomen proprii in hac diuisione, vtrum diuisio sit bona, nec ne, postea dicemus.

Proprium autem.) Tradit Porphyrius proprii significationes, quæ magis ad institutum facere videntur. Prima est, quia id dicitur proprium, quod soli cuiusdam accidit speciei, etsi non omni, quemadmodum homini conuenit mederi, & metiri. Porro, in omnibus istis proprii significationibus, eodem modo accipiendum speciei nomen, vt ex verborum contextu perspicuum est; Vnde cum in quarta sumat, & pro sola infima specie, vt ex c. de genere, & c. vlt. licet colligere, efficitur, vt hæc etiam, & duabus sequentibus, pro infima duntaxat specie capiat. Dicitio quoque omni [specie,] non idem valet hoc capite, ac cuiuslibet speciei, sed idem ac si dicas, toti speciei: Tunc au-

tem toti speciei accidere aliquid intelligitur cum accidit omnibus indiuiduis, quæ sub ea continentur: Accidere autem etsi sæpe idem valeat, quod quauis ratione conuenire; hoc tamen capite id solum dicitur (accidere,) quod ita conuenit vt ad essentiam rei, cui conuenit, non pertineat, quæ quidem est propria huius vocabuli significatio.

Mederi aut.) Non tantum intelligas his verbis actionem medendi atque metiendi, sed etiam ipsos medicinæ atque Geometriæ habitus. Non tamen sunt intelligendæ naturales facultates, quas omnes habemus a natura ad huiusmodi actiones exercendas, & habitus comparandas, quandoquid hæc, vt omnibus hominibus æque conueniunt, sic etiam ad quartum proprii genus pertinent, vt aptum esse ad nauigandum, & percipiendam Grammaticam, quorum alterum ipse autor capite superiori, alterum Arist. 1. lib. Topic. cap. 4. proprium quarti generis esse volunt, quanquam non est negandum, peculiare quædam propensionem ad medicinam, Geometriam, aliasve artes, quæ certas quasdam corporis constitutiones sequuntur, in propriis primi generis esse numerandas, eo quod non omnes in omnibus, sed alie in alijs reperiantur: vnde dicimus, quod dā esse natura Mathematicos, alios poetas, alios Oratores, & ita in cæteris artibus.

Et id idem quod omni.) Secundo modo dicitur

dicitur proprium, quod toti alicui speciei infimæ accedit et si non soli, ut homini bipedem esse. Tertio autem modo id appellatur proprium, quod soli alicui speciei infimæ accedit, ac toti, non tamen semper, sed quandoque ut homini canescere. Cum autem proprium in hoc secundo, & tertio genere dicitur toti speciei convenire, subaudiendum est, modo ea, quæ obstant atque impediunt remoueantur, idque ut comprehendamus hac significatione actus earum facultatum, quibus omnes homines sunt a natura apti, ut quod duos pedes habeant, & in senectute canescant, & alia huiusmodi; Quanquam omnes homines huiusmodi facultates habent suapte natura; non omnes tamen duos pedes habent, nec omnes ad senectutem perveniunt, ut canescant in senectute, nisi auferantur ea, quæ impedire atque ob stare possunt, ut defectus materię in generatione, & præ natura mors.

In senectute canescere. J. Quemadmodum Porphyrius hoc loco, sic etiam Aristoteles in problemate senectutis 10. q. 62. affirmat, unum ex omnibus animantibus hominem canescere: At lib. 5. de generatione animal. c. 3. & equum maxime inter cetera animalia canescere. Si quis tamen recte considerat, quæ ille dicit initio puncti citari libri, videbit ista non pugnare. Sic enim ait: Cum cetera manifeste non canescant in senectute: homo maxime omnium ita afficitur. Vnde patet, canescere in senectute propterea dici soli homini convenire, quod ei maxime inter omnia animalia, & manifeste, hoc est toto capite conveniat. Alia plurima exempla afferri possent in homine, ut, ridere adu, loqui, & ratione uti.

Quartum autem est id. J. Quarta proprii significatio est, quia illud proprium esse dicitur, quod alicui soli speciei infimæ accedit toti, ac semper: quo pacto convenit homini, quod sit risibilis. Quanquam enim, ut Porphyrius ait, non semper homo rideat: risibilis tamen dicitur: non eo, quod semper rideat, sed quia semper est aptus ad ridendum; hoc enim est homini a natura insitum.

hæc vere propria. J. Docet sola propria quarti generis debere esse vere propria, quia inquit, reciprocantur, subaudi, cum rebus, quarum dicuntur propria. Patet hinc, proprium non dividi in hæc quatuor genera, ut aliquid uniuocum, sed ut analogum. Quod

enim uniuocum esse dicitur, non dicitur proprie de uno, & improprie de alio, sed æque de utroque. Proprium ergo dicitur in primis de quarto genere, deinde de tertio. tertio de primo, postremoque de secundo. Magis namque accedit ad vere proprium id, quod convenit omni, & soli: quam quod omni tantum; & magis id, quod soli, & non omni, quam quod omni, & non soli.

Num definitio proprii quarto modo sit recte tradita nec ne.

QVÆSTIO PRIMA.

Non videtur tamen recte tradita definitio proprii quarto modo.

Imprimis, quia propria, quæ primo de generibus demonstrantur, sunt vere eorum propria, ut omnes Philosophi affirmant, non tamen comprehenduntur in tradita definitione; cum non conveniant alicui soli speciei infimæ; non recte igitur constituta est tradita proprii definitio. Præterea habere trinam dimensionem, seu affectum esse quantitate molis convenit omni substantiæ corporeæ, soli ac semper, ut perspicuum est: at hoc attributum non videtur esse proprium substantiæ corporeæ, cum videatur esse accidens materię; Vitiosa ergo videtur tradita definitio. tertio, si Deus præter cygnum nullam aliam rem album fecisset, album reciprocaretur cum cygno (nam omni, soli, & semper cygno competere) at hoc dato, adhuc album non esset vere proprium cygni, etenim omne vere proprium per se predicatur de re, cuius est proprium; album autem non prædicaretur tunc per se de cygno, ut nec modo prædicatur. Potuit igitur tradita definitio convenire istis, quæ vere propria non sunt. Dicendum est tamen recte traditam esse proprii definitionem. Quod ut pateat, animaduertendum est imprimis, proprii vocabulum aliter ex vi nominis, & communis usurpatione, aliter ex accommodatione Philosophorum accipi. Nam ex vi nominis, & communis hominibus vsu proprium id est, quod peculiariter alicui, & non commune alijs; Vi enim est hominum commune acceptum, & sermo; si quid est proprium alicui, non dicitur eodem commune cum alijs; quod si est ei commune

mune cum alijs; non dicitur illi proprium. Itaque si proprium hoc modo sumatur, & conditio requiritur; & satis est, vt conueniat soli rei, cuius dicitur proprium, hoc est, vt conueniat ei, & non alijs. Quomodo accipit porphyrius nomen proprii, cum comparat vniuersalia inter se, dicens: quodam esse communia omnibus, aut quibuslibet; quodam singulis propria.

Ex accommodatione autem philosophorum pro quadam specie vniuersalis, quæ a genere, specie, differentia, & accidente distinguitur accipi solet. Placuit enim philosophis, vt vniuersalia, quæ quatenus talia sunt, nec genera essent, nec species, nec differentiz, neque accidentia, propria vocarentur. Itaque duobus modis proprium accipi datur, vno, vt proprium est; altero, vt est vniuersale quoddam.

Illud etiam animaduertendum est, proprium ex vi nominis acceptum, aut esse proprium simpliciter, aut aliqua ex parte proprium, quod vocant proprium secundum quid. Proprium simpliciter illud est, quod conuenit omni soli, ac semper. Nam, vt est hominum sententia, nihil est, quod dici possit proprium simpliciter ali cuius rei, nisi cū ea reciprocetur; Nihil autem reciprocari potest cum re aliqua, cui non conueniat omni, seu vniuersæ soli, ac semper. Quod si harum conditionum aliqua desideretur proprium dicitur aliqua ex parte. sue secundum quid. Porro simpliciter proprium duplex est, vnam generale, alterum speciale. Proprium generale dici solet, quod reciprocatur cum aliquo genere, vt sensus capax, quod reciprocatur cum animali, speciale autem, quod reciprocatur cum aliqua in sima specie, vt risus capax, quod conuertitur cum homine.

tertio loco animaduertendum est, proprium, quæ ratione ad significandam quartam vniuersalis speciem a philosophis usurpatur, sic definiri a dialecticis. Proprium est, quod prædicatur de pluribus accidentaria, & necessaria prædicatione. Vel longiore definitione hoc modo: proprium est, quod prædicatur de pluribus in questione quale est, accidentaria, & necessaria prædicatione. Cum dicitur, (quod prædicatur de pluribus) quæ est descriptio vniuersalis, excluduntur ea, quæ non sunt vniuersalia: cum additur, (in questione quale est, ex-

cluduntur genus, & species: Cum adiungitur, (prædicatione accidentaria), excluduntur differentiz: cum denique adijcitur, & [necessaria], excluditur accidens, quod est quintum prædicabile. Ea enim sola censentur hoc loco necessaria prædicatione dici, quæ prædicantur per se, ita, ut ad essentiam subiecti pertineant, uel ab ea profluant, quo pacto nullum accidens quintum prædicabile de subiecto enunciat.

Quarto loco animaduertendum est, proprium, ut quartam vniuersalis speciem constituit, duplex quoque esse, quemadmodum diximus proprium simpliciter esse duplex, generale scilicet, & speciale. proprium generale hoc pacto acceptum est, quod prædicatur de pluribus specie differentibus in questione quale est, accidentaria, & necessaria prædicatione, ut, sensus capax comparatione hominis, & bestiarum. Speciale autem, quod prædicatur tantum de ijs, quæ solo differunt numero, in questione quale est, accidentaria, & necessaria prædicatione, vt, risus capax comparatione singulorum hominum. In quibus definitionibus particula, [differentibus specie, & differentibus numero,] extremo loco intelligendæ sunt, quemadmodum de generis definitione supra docuimus.

Postremo sciendum est, omnia propria simpliciter pertinere ad quartam vniuersalis speciem, non tamen sola. Prior pars ostenditur, quoniam omnia, quæ sunt propria simpliciter comparatione alicuius generis, vel speciei infimæ prædicantur in questione quale est, accidentaria, & necessaria prædicatione, de ijs, quæ sub eo genere, aut specie continentur, vt apertum est: Ea igitur omnia ad quartam speciem vniuersalis spectant. Posterior pars in hunc modum probatur. Omnia propria simpliciter reciprocantur cum aliqua specie, aut genere, vt patet ex dictis, Non omnia autem propria, quæ ad quartam vniuersalis speciem pertinent, reciprocantur cum aliqua specie, aut genere. Igitur non omnia propria, quæ pertinent ad quartam speciem vniuersalis, sunt propria simpliciter; & ex consequente non sola propria simpliciter pertinent ad quartam speciem. Minor propositio suadet, quia habere facultatem naturalem, & esse quale, dicuntur, ac angelo, de animo rationis participantem.

accipere; de igne, & de alijs plerisque rebus, prædicatione quarti prædicabilis: nec tamen reciprocantur cum aliqua specie, aut genere.

Quod autem dicatur prædicatione quarti prædicabilis, ex eo probatur, quia dicuntur vniuocæ, vt patet, & sunt accidentia necessaria, quæ fluunt ab essentijs talium subiectorum. A quorum enim essentijs fluunt species, ab eisdem necessario fluunt genera talium specierum, ab essentia autem angeli fluit facultas intelligendi; ab essentia animi rationis participis facultas ratiocinandi, ab essentia ignis calor, & aliæ facultates naturales ab alijs rebus; igitur ab essentijs talium rerum necessario fluunt harum facultatum genera, qualia sunt, facultas naturalis, & qualitas, quæ est summum genus prædicamenti qualitatis.

perspicuum est igitur, facultatem naturalem, & qualitatem, genus summum, seu potius habere facultatē naturalem, & esse quale, prædicari de angelo, de animo rationis participis, de igne, & de alijs rebus prædicatione quarti prædicabilis. quod autem hæc attributa non conuertantur cum aliqua specie, aut genere, ex eo patet: quia necesse esset, vt tali species, aut genus cōpēderetur sub se angelum, animum rationis participem, & ignem, quod certe fieri non potest, & inductione patet, nihil tale reperiri.

His positis ad questionem, dicendum est, recte traditam esse proprii quarto modo de finitione; si tamē nomine proprii speciale tantum intelligas. Nam in verbo, [quod,] innuitur aliquid vniuersale, per quam particulam excluduntur ea, quæ non sunt vniuersalia. Verbum, [accidit,] significat accidentariam prædicationem, per quam particulam excluduntur genera, species, & differentie. Deinde verbū, [omni,] excludit propria primi generis: Verbum, [soli,] excludit omnia secundi: Verbum, (semper,) excludit omnia tertij generis: denique particula, [speciei infimæ,] quam hoc capite Porphyrius nomine speciei intelligit, excludit propria generalia, quæ scilicet, cum specie infima non reciprocantur. Ita ergo fit, vt bona sit proprii quarti generis definitio, cum tradatur per omnes differentias, quæ ab alijs generibus de finitum separant.

Sed quæret aliquis hoc loco, quo pacto accipiat verbum, (semper,) in definitio-

ne proprii. Sunt enim qui dicant, verbum, (semper,) positum in definitione tradita, non idem valere, atque in omni tempore, sed idem, quod necessario, necessitate proveniente ex essentia subiecti; ex cuius principijs necessaria consecutione attributum oriatur. Dicendum est tamen, intus qui dem rationem esse proprii in eo consistere, vt necessaria consecutione profuaret ab essentia eius subiecti, cum quo reciprocatur: sed tamen verbum, (semper,) non fuisse adhibitum ab autore, vt solum significaret hanc consecutionem necessariam, sed pro vt idem valet, quod in omni tempore; Quod quidem ab ipso autore hoc loco colligi potest. Nam cum verbum, (Quandoque,) quod ille ponit in descriptione proprii tertij generis, idem valeat, quod in aliqua temporis parte, efficitur, vt verbum, (semper,) accipiat in descriptione quarti proprii, pro omni tempore. Deinde quia Porphyrius in comparationibus differentiarum, ac proprii cum accidente inseparabili, perspicue ait: hoc esse omnibus commune, quod semper conueniant suis subiectis: Satis autem patet, accidens inseparabile, non ea de causa dici, conuenire semper, quia conueniat necessario, & quasi nascatur ex essentia speciei, sed quoniam conueniat in omni tempore. Denique, vt aliquid sit vere proprium, nil aliud requirit Porphyrius, quam vt sit accidens, quod reciprocatur cum subiecto: Sic enim ait; (Hæc vere propria inquit esse, quia in his ipsis fit, & conuersio. Nec Aristoteli aliquid requirit, i. Topic. c. 5. cum ait: proprium est; quod non indicat, quod quid erat esse, hoc est, quæ sit essentia rei, soli autem inest, & conuersim de re prædicatur. Vt autem aliquid reciprocetur, satis est, si conueniat omni, soli, ac in omni tempore: Ergo porphyrii, & Aristoteles, verbum, (semper,) idem valet, atque in omni tempore, quæ est propria huius vocis significatio.

Illud tamen est aduertendum, Aristoteles, & Porphyrium credere, quicquid omni alicui subiectum conuenit soli, & semper, conuenire ei necessario, necessitate ex essentia rei profuente, non quod existimaret, idem esse, conuenire semper, vel necessario necessitate iam dicta (id enim refutauimus) sed quia putant, ex ijs tribus conditionibus simul iunctis,

omni, soli, & semper, idest, in omni tempore, seu quod idem est, ex reciprocatione accidentarij cum subiecto, quæ his tribus conditionibus significatur, colligi a signo, & quasi effectu, illud conuenire suo subiecto necessario, necessitate iam dicta; ita ergo videntur Arist. & Porphyrius plane cõsensisse. Quapropter licet ex Porphyrij sententia primoque ipsius instituto, [semper,] in definitione quarti generis idem valeat, atque in omni tempore, tamen consecutione quadam idem valet, atque necessario, necessitate proueniente ex essentia subiecti, ex qua attributum profluit.

Reliquum est, vt argumenta initio proposita diluamus. Ad primum neganda est maior, si proprium intelligatur, quod a Porphyrio hic definitur in quarta acceptione. Nam aliter propria generalia (vt sensitiui pro potentia ad sentiendum) vere propria sunt. Solum enim proprium speciale definitur hoc loco; propria vero generalia etsi in quarto genere proprij non comprehenderit; ea tamen non omnino prætermittuntur. Nam omnia in secundo diuisionis membro continentur, nec obstat, quod dixerit Porphyrius, ea quæ in tribus prioribus generibus continentur, non esse vere propria cum tamen propria generalia vere propria sint, quoniam Porphyrius de solis proprijs specierum infirmarum locutus est, quasi apertius dixerit: ea quæ in tribus prioribus diuisionis partibus continentur, non esse vere propria specierum infirmarum, quamquam nihil prohibeat, aliqua esse vere propria aliquorum generum, de quibus demonstrantur.

Ad secundum concessa maiori negatur minor. Nam quemadmodum habere triam dimensionem, seu esse affectum quantitatæ molis conuenit omni substantiæ corporeæ, soli, ac semper; ita esse vere proprium generale substantiæ corporeæ, & fluere a materia, vt est informata substantiali forma, seu quod idem reddit ab ipsa essentia substantiæ corporeæ. Qua ratione dici a veribus consuevit, quantitatem esse materiæ coæternam.

Ad tertium neganda est maior, in eo casu adhuc non conuenire omni cygno, soli, & semper, hoc est, vt cum cygno reciprocetur eo pacto, quo Aristoteles, & Porphyrius reciprocationem intelligunt: Nec enim lo-

quantur de reciprocatione ex hypothesi, qualis in argumento inducitur, sed de absoluta, & secundum ordinem constitutum in rebus.

Vtrum proprium speciale sit vniuersale, respectu speciei infirmæ.

QUESTIO SECUNDA.

Debitatio existit hoc loco, num proprium speciale sit vniuersale respectu speciei infirmæ, cum qua conuertitur, an solum respectu indiuiduorum, quæ speciei subijciuntur, vt risus capax respectu cõmunis, an solum respectu singulorum hominum: Quod idem queri potest de cæteris proprijs quarti generis respectu subiectorum, cum quibus reciprocantur. Quod enim dicendum sit, proprium speciale esse vniuersale, respectu speciei infirmæ, multis argumentis videtur concludi, in primis, quia proprium definitur a Porphyrio, per speciem; Proprium, inquit, est, in quod omnia conueniunt, vt soli speciei, & omnis, semperque accidat. Deinde, quia Porphyrius in c. de genere ait proprium prædicari de vna tantum specie, & indiuiduis, quæ sub ea sunt, quod iterum, atque iterum repetit in communitatibus. Ex quibus verbis sic licet argumentari: Aut proprium his locis dicitur prædicari de specie, & indiuiduis, vt proprium quarti generis, siue, vt proprium simpliciter, aut vniuersale quoddam seu prædicabile: Non potest autem intelligi de proprio, vt est proprium simpliciter, quandoquidem risus capax non prædicatur hoc modo de Socrate, nec de vilo alio indiuiduo, cum nõ reciprocetur cum aliquo eorum, & sic res habet in cæteris; Ergo intelligendum est de proprio quatenus est quoddam vniuersale; quo fit, vt proprium, qua ratione est vniuersale, non solum prædicetur de indiuiduis, sed etiam de specie.

Tertio, risibile cum prædicatur de homine, est vnum quid nomine, & ratione, prædicaturque secundum naturam: cum ergo non prædicetur de illo, tanquam de vno solo, prædicabitur tanquam de pluribus, ac proinde risibile erit vniuersale respectu hominis. Consequentia patet ex illa diuisione

Por-

Porphyrj c. de genere; Eorum, quæ prædicantur, quædam de vno, quædam de pluribus prædicantur.

Dicendū est tamen, fieri non posse, ut proprium speciale sit vniuersale respectu speciei infimæ, cum qua conuertitur: sed solum respectu indiuiduorum, quæ sub specie continentur. Quod in primis hac ratione suadet: vniuersale non prædicatur, quatenus vniuersale est, nisi de pluribus, quæ dicantur plura secundum eius nomen, aut certe de aliquo eorum, ut patet ex priorē definitione vniuersalis: at disciplinæ capax non dicitur de homine communi, ut de pluribus disciplinæ capacibus, ut perspicuum est, nec item de vno ex pluribus, quia ut homo communis non est alius homo numero ab indiuiduis hominibus, sic et non est alius, non disciplinæ capax: Non prædicatur ergo disciplinæ capax de homine cōi, ut vniuersale quod idem dicendū est de cæteris proprijs specialibus. Deinde nihil est vniuersale, nisi respectu multarum partium sibi subiectarū & cuiuslibet earum; homo autem cōis non est pars subiecta respectu disciplinæ capax (non enim pars subiecta debet magis latere, patere, quam totum vniuersale, cui subijcitur.) Igitur nullum proprium speciale est vniuersale respectu speciei, cum qua conuertitur. Illud tamē aduerte, id quod diximus intelligendum esse de proprio comparatione speciei simplici suppositione acceptæ. Nam si accipiat in suppositione personali utpote, pro suis indiuiduis, non dubium est quin respectu eius, sic acceptæ subeat rationem vniuersalis. Quod autem diximus de proprio speciali respectu speciei infimæ, intelligendum est de cæteris proprijs, quarti generis respectu subiecti, cum quibus reciprocatur; Est enim in omnibus par ratio. Itaque nullum proprium quarti generis est vniuersale, respectu subiecti, cum quo conuertitur, sed respectu eorum, quæ sub huiusmodi subiecto continentur, ut arbitrat m. Albertus tractatu de proprio c. 10. Scotus etiam hoc lib. q. 30. ad primum, item Lo uanienſes, & alij plerique.

Illud igitur ante argumentorum solutionem admonendum est, omnia propria, quæ cum subiecto aliquo reciprocantur, duplicem habere notionem, vnam comparatione eius subiecti, cum quo reciprocantur; Alteram respectu eorum, quæ sub eiusmodi su-

biecto continentur. At prior quidem notio illius vsurpatione, qua proprij vocabulum ex vi nominis, & communi hominum vsu accipitur, posterior autem eius, qua proprij vocabulum ex accommodatione philosophorum, pro quarta vniuersalis specie sumitur, quas acceptiones quæstione præcedenti exposuimus. Hoc pacto proprij vocabulum relationem quandam vniuersalis significat, qua res ad ea referuntur de quibus prædicatione accidentaria, atque necessaria dicuntur. Porro utramque notionem in significatione proprij quarti generis porphyrius significauit: nam cum dixit, proprium esse id, quod omni, siue toti alicui speciei accidit, plane expressit habitudinem proprij ad speciem distributam per indiuidua, quorum respectu non dubium est, quin proprium sit vniuersale, ut diximus. At vero dum addit, [solum, ac semper,] quibus conditionibus completur reciprocatio proprij cum suo subiecto, alteram notionem innuit qua propria sumuntur, qua ratione sunt propria. Itaque Porphyrius non solum explicauit proprium, qua ratione est vniuersale quoddam, sed etiam qua ratione proprium est, seu, ut ex vi nominis accipitur. Ex quibus primum argumentum initio propositum solum relinquitur, definitum enim Porphyrius proprium per speciem distributam per indiuidua, quorum respectu est vniuersale.

Ad secundum respondetur, negando maiorem: proprium enim ibi a Porphyrio, nec sumitur pro proprio, ut est vniuersale, nec pro proprio, ut proprium ex communi vsu dicitur, sed sumitur fundamentaliter pro re, quæ utramque intentionem fundare potest, scilicet pro risibili: proprium vero ita sumptum prædicatur tum de specie, tum etiam de indiuiduis; De specie quidem, ut est proprium ex communi vsu sic dictum; de indiuiduis vero, ut est vniuersale.

Quo pacto dixit Porphyrius in capite de specie, intermedia habere duplicem respectum, vnum ad superiora, quatenus sunt species, alterum ad inferiora, quatenus sunt genera, ut eo loco exposuimus.

Ad tertium respondetur, concessio antecedente negando consequentiam, & ad probationem dicendum est, risibile, seu quoduis aliud proprium comprehendit quidem in diuisione eorum, quæ prædicantur; il-

Iam tamen modum prædicandi, scilicet de specie, non comprehendí in membris diuidentibus, cum illa diuisio non tradatur, vt in membris diuidentibus omnes modi prædicandi comprehendantur, sed omnia, quæ prædicantur: proprium autem, quod de spe

cie suppositione simplici accepta dicitur, est secundo modo quo sic dicitur, non prædicetur de pluribus, est tamen vnum ex his, quæ aliqui prædicantur de pluribus, & ex consequente vniuersale.

C A P V T Q V I N T V M D E A C C I D E N T E .



Accidens est, quod adest atque abest sine subiecti corruptione. Diuiditur autem in duo. Aliud enim est, separabile, aliud inseparabile. Atque dormire quidem, accidens separabile est; Nigrum autem esse, cornu athyopie inseparabiliter accidit. Mentetamen cogitatione, cornu albus, & athyops non niger, sine subiecti corruptione concipi potest. Diffiniunt etiam, & hoc pacto: Accidens est quod inesse, ac non inesse eidem potest. Aut, quod neque genus, neque species, neque differentia, neque proprium est, semper autem est in subiecto.

Qua ratione Porphyrius extremo loco de accidente differat, ex his, quæ ad initium superioris capitis dicta sũt perspicuum est. Quid autem de accidente doceat, non est obscurum; Incipit enim a de finitione accidentis, quod mox diuidit, alijs que de finitionibus explanat.

Accidens est.] prima accidentis definitio ita se habet: Accidens est, quod abest, & ad est sine subiecti corruptione, vt, candidum esse, vel sedere, respectu Socratis, Quam de finitionem non statim exponimus, quia ad finem capitis examinanda est.

Diuiditur autem in duo.] Diuisio accidentis hæc est; Accidentium quædam sunt separabilia, quædam inseparabilia. Separabilia dicuntur ea, quæ facile separari possunt a subiecto, vt, sedere a Socrate. Inseparabilia sunt, quæ facile, & omnino separari non possunt a subiecto, aut quæ dissimiliter possunt euelli, vt, nigrum a coruo, & candidum a cygno. Sed argumentaretur quispiam hoc modo; Quædam accidentia separari non possunt a subiectis, ergo non omnia accidentia separari possunt a subiecto, sine subiecti euersione, cuius oppositum est in definitione accidentis. Cui subiectioni occurrit Porphyrius, asserens se intellexisse in definitione, omne accidens posse sine subiecta detri-

mento cogitatione separari; diuisione vero, esse aliquod accidens, quod re ipsa possit a subiecto separari, & aliquod, quod nequaquam, aut vix possit separari re ipsa. Quamquam cogitatione nullum sit, quod separari non possit, quam solutionem postea explanabimus.

Diffiniunt etiam. Addit duas accidentis definitiones, quas ab Aristotele 1. lib. Topic. cap. 4. accepit. prior est huiusmodi: Accidens est, quod inesse, aut non inesse eidem potest. Quæ idem omnino valet, atque superior, nisi quod illa planior est adiectione illius particule, [sine subiecti corruptione,] quod idem in hac, particula [adest,] obscure significatur. Nam si eidem, potest accidens inesse, ac non inesse, plane colligitur, idem subiectum permanere, atque adeo absque sui corruptione. Quamquam hæc ex parte maiorem habeant perspicuitatem, quia traditur per aptitudinem, quæ in illa sub verbis significantibus ædum intelligenda est.

Aut quod nec genus.] Hanc etiam tertiam definitionem desumpsit Porphyrius ex eodem loco primi topicorum, quam Aristoteles fere eodem modo tradidit, negatione videlicet aliorum membrorum diuidentium, quod definiendi genus tunc probatur,

tur, cum membra, quæ negantur, explicata sunt, ut Philosophus ibidē ait, alioqui vitio non carere. Proinde Porphyrius consulto ea in extremum locum reiecit. Sed iam ea, quæ hoc capite dicta sunt, discutiamus.

Recte nē sit explicatum accidens à Porphyrio, an non.

QVÆSTIO VNICA.

Quod accidens non recte explicatum videatur, suadebit quispiam in primis quia cum nomen accidentis ambiguum sit, prius distingui debuit accidens, quam definiretur, ut cætera prædicabilia, quæ hætenus explicata sunt. Atque hoc argumento reprehenditur Porphyrius ab Avercenna, atque alijs Arabibus.

Secundo, mortuum esse est accidens quinti prædicabilis respectu Socratis, & tamen ei non competit hæc definitio, quæ dicitur accidens adesse, & abesse sine subiecti corruptione; Ergo mala est definitio accidentis. Probatur minor. Nam mortuum non potest adnēre Socrati, quin corrumpatur subiectum, scilicet Socrates.

Tertio aduersus eandem definitionem; Nam risibile non est accidens respectu Socratis, & tamen definitio accidentis competit ei; Ergo mala definitio est. maior vera est. minor probatur: Nam in primis potest ei ad esse, ut patet, deinde potest abesse; Etenim, ut aliquid dicatur abesse, ut hoc uerbum in definitione accipitur, satis est, si cogitatione separatur, ut ipse autor interpretatus est: propria autem separari possunt cogitatione valent, non apprehensis intentione proprijs, ut perspicuum est.

Quod si quis occurrat, posse quidem propria separari a subiecto separatione præcisionis, quæ tunc fit, cum alterum mente concipitur non concepto altero; nō autem separatione negationis, quæ unum de altero negatur sic possumus contra obijcere: Dantur quædam accidentia, quæ hoc modo non possunt a subiectis separari, ut a corno nigrum esse, cum nemo unquam uere negare possit coruum esse nigrum; Non igitur

ita intelligenda est particula, (abesse,) ut separationem negationis significet. Quod si respondens, saltem diuina potestatem fieri potest, ut coruus fiat non niger, sic adhuc uirgēbimus: omnes proprietates videntur posse separari a subiecto diuina potestate, pari ergo ratione dicentur separari posse a subiecto separationem negationis. Quapropter adhuc propria in definitione accidentis comprehenditur.

Quarto, nec extrema definitio uidetur recte tradi, id enim falsum esse uidetur, accidens esse id, quod nec est genus, nec species, & cætera: Nam coloratum, & album ita sunt accidentia corporum, ut nihilominus coloratum sit genus comparatione albi, & album species comparatione huius albi. Quod si quis occurrat definitionem sic esse intelligendam, ut accidens dicatur nō esse genus & cætera respectu eius, cuius comparatione dicitur accidens, quod non cernitur in propositis exemplis, sic potest contra obijci. Quale, respectu hominis; pertinet ad quartum, & quimum prædicabile; Ergo idem respectu eiusdem est proprium, & accidentis. Nam quod ad quartum pertineat, hæc ratione patet; Ritus capax exempli causa, prædicatur de homine accidentaria, & necessaria prædicatione; Ergo & quale, quod est genus ritus capax. Quod uero pertineat ad quintum, ita probatur; Album prædicatur de homine prædicatione accidentaria, & contingenti; Ergo, & quale, quod est genus albi. Videtur enim par ratio in hac consecutione atque in illa.

postremo, quia cum Porphyrius diuidit accidens in inseparabile, & separabile; secum ipse uidetur pugnare, quia in extrema definitione ait accidens semper esse in subiecto omnibus uerbis significare uidetur, nullum accidens esse re ipsa separabile. Dicendum est tñ, recte explicatum fuisse accidens a Porphyrio, recteq; eius definitiones fuisse traditas: Quod, ut planius perspicatur admonendum est, tribus modis potissimum accipi nomen accidentis: Vno pro quouis re, & substantia non sit, liquidē oēs ens reale, quod substantia non est, accidēs vocari solet, ut quantitas, qualitas, & huiusmodi alia, quæ aut nouem posteria prædicamenta conficiunt, aut ad illa tanq̃ entia realia modo aliquo reuocantur. Quo quidē pacto accipit

accepit Aristot. vocabulū, (accidens,) i. lib. Physic. c. 3. cum sic argumentatur: Sic animal, & bipes non sunt proprie entia, i. substantiæ accidentia profecto erunt. Nec refert quicquam in hac accidentis significatione, utrum res accipiat abstrakte, an concrete; Vtroque enim modo quicquid non est substantia, vocatur accidens.

Altero modo accipitur pro quouis attributo accidentario, hoc est, non pertinente ad essentiam rei, de qua prædicatur. Quo pacto dubium non est, quin proprium etiā quarti prædicabilis, quod nimirum ab essentia rei necessaria consecutione profluit, nomine accidentis, comprehendatur. Hac significatione necesse est, vt accidens concrete accipiat; quia nullum abstractum prædicatur accidentaria prædicatione, à subiecto, præsertim naturale, quæ simpliciter & absolute nomine prædicationis intelligitur. Nihil autem refert, utrum accidens hac significatione acceptum secundum re, per se pertineat ad aliquod prædicamentū accidentium, nec ne, cum nō solum ea, quæ in his prædicamentis per se ponuntur, prædicentur necessaria prædicatione, sed etiā alia, vt entia rationis, negationes, atque adeo ipsæ substantiæ, vt si dicas, homo est albus, animal est prædicatum, Socrates est cæcus: ferrum est ignitum, & similia.

tertio sumitur pro attributo accidentario, quod nec pertinet ad essentiam rei, nec ab ea necessario profluit: Qua significatione dicimus candidum esse accidens hominis, non autem disciplinæ capax, eo quod propensio ad capeffendas disciplinas necessaria consecutione profluit ab essentia hominis, candor autem non item. Atque hoc pacto accipitur accidens hoc loco, cū quæta vniuersalis species esse dicimus. Illud etiam admonendū est: accidens tertio modo sumptum, vt est quinta vniuersalis species in hunc modum à Dialecticis definiri: [Accidens est, quod prædicatur de pluribus in questione quale est, prædicatione accidentaria, & contingentia.] Cum dicitur esse id, [quod prædicatur de pluribus,] excluduntur omnia, quæ non sunt vniuersalia, Cum additur, [in questione quale est] excluduntur genus, & species; Cum adiungitur, [prædicatione accidentaria,] excluditur differentia; Denique cum additur, [contingentia,] excluditur proprium hoc est prædicabi-

le. Etenim illud accidentarium attributum censetur hoc loco prædicari contingenter, quod non profluit ab essentia subiecti, siue sit separabile, siue inseparabile.

Diuiditur autem accidens in generale, & speciale. Generale est, quod prædicatur de pluribus differentibus specie, vt candidum de cygno, & cerussa, speciale, quod de his tantum, quæ solo differunt numero, vt ridere de singulis hominibus.

His explicatis facile perspicitur, recte traditas esse à Porphyrio accidentis definitiones.

Nam quod ad primam attinet, verba illa, [abest, & abest,] non idem valent hoc loco, atque inest, & non inest, in subiecto inhesionis: multa enim sunt accidentia quæti prædicabilis: quæ non sunt in subiecto inhesionis. Vt secundæ intentiones in concreto, vt potest genus, & species respectu fundamentorum.

Sumitur igitur hoc loco accidens, non, vt distinguitur contra substantiam, sed latius; Nec item idem valent, atque affirmatur, & negatur: cum inesse per modum identitatis, vel non inesse prius fit, & quasi fundamentum eius, quod est affirmari, vel negari. Nam quoniam accidens inest, aut non inest, propterea affirmatur, vel negatur de subiecto.

Itaque idem valent verba illa, atque inest, & non inest, per modum identitatis, quanquam commode explicari solent a signo, pro affirmatione, & negatione. Sumuntur autem hoc loco actus pro potestatibus; quemadmodum in definitionibus superiorum specierū vniuersalis, quasi dictum sit, quod potest inesse, & potest non inesse per modum identitatis. Vnde nullam repugantiam facit illa coniunctio, & quia non coniungit actus repugnantes, sed potestates ad actus repugnantes, quæ quidem inter se non repugnant: sed simul reperiuntur, vt potestates ad sanitatem, & morbum in eodem animali. Quapropter non accipitur nomen subiecti in hac definitione pro subiecto inhesionis, sed pro parte subiectæ, seu quod id est, pro particulari. Itaque sensus definitionis est: accidens est, quod potest inesse in particulari aliquo, de quo per modum identitatis prædicatur, & in eodem non inesse absque eius corruptione, hoc est, non destructa eius natura, siue essentia. Quare cum

cum in hac definitione loco generis ponatur, [quod potest inesse in particulari per modum identitatis,] quæ oratio solis verbis differt a posteriori definitione vniuersalis, hæc autem verba, quæ deinceps loco differentie adhibentur, plane significant identitatem, ad quam accidens habet potestatem essendi contingentem: Efficitur, ut hæc definitio non discrepet ab illa communione dialecticorum definitione, nisi quod hæc traditur per verbum, [abest, seu inest,] quod significat fundamentum eius relationis, quam accidens formaliter significat, illa per verbum, [prædicatur,] quod significat huius fundamenti proprietatem, item quod illa adhibet ante vltimam differentiam alias communiores, quibus accidens cum quibusdam, alijs vniuersalis speciebus conuenit; Hæc autem posito vniuersali, statim adiungit vltimam differentiam, quæ se parat accidens ab omnibus alijs speciebus vniuersalis, ex quâ tamen aliæ communiores non difficilius intelliguntur: quam ex rationali colligimus sensitiuum & animatum.

Quod uero attinet ad secundam, verba illa, [quod inesse potest,] loco generis ponuntur, eodemq; modo intelligenda sunt, atque illa, [quod potest,] nisi quod clarius dicunt eundem sensum, ut patet: Quæ uero adduntur, nepe, (ac non inesse eidem,) subeunt vicem differentie, idemq; ofino valent atque illa: Et abest sine subiecti corruptione. Quapropter hæc etiam definitio, non discrepat a definitione dialecticorum, nisi quo pacto superior discrepat.

Quod deniq; attinet ad tertiam extrema illa verba, semper autem est in subiecto accipiendi sunt loco generis, eodemq; modo intelligenda, quo ea, quæ in prima & secunda loco generis posita sunt.

Cæterum illa particula, semper, non habetur apud Aristotelem, sed adiecta est a Porphyrio. Sic enim habet Aristoteles: inest autem rei. Non efficit tamē illa sensum falsum, quia significat, accidens semper esse in subiecto, hoc est, esse posse, sumpto nimirum actu pro potestate, ut in superioribus definitionibus. Loco autem differentie additur negationes aliarum specierum, quæ omnes simul innuunt, id, quod loco differentie in duobus prioribus collocati est. Unde fit, ut hæc definitio omnia accidentia complectatur cum generalia tum specialia, quæ ni-

miri eadem superiores complectuntur. Ita patet recte explicatum esse accidens a Porphyrio.

Restat ut argumenta initio proposita diluamus. Ad primum dicendum est, fatius quidem fuisse, si accidens distinctusset, excusari tamen Porphyrium quia ex tradita accidentis definitione colligi poterat facile, in qua significatione accidens hic accipere.

Ad secundum, concessa maiori, neganda est minor. ad probationem dicendum est, mortuum esse respectu Socratis, & combustum respectu domus, & similia accidentia adesse sine subiecti corruptione, quo pacto hoc loco corruptio subiecti accipienda est. Corruptionis enim, siue interior verbo non est intelligenda in hac definitione mors, aut quis alius interitus, quo res desinat existere in rerum natura, sed destructio, & euerasio essentię subiecti, ut nimirum illud attributum dicatur adesse sine subiecti corruptione, cuius adesse non repugnat essentię siue rationi subiecti, nec eâ euerit, quo pacto effusa albus adest homini, illud uero adesse cum corruptione subiecti, cuius adesse repugnat essentię subiecti, quo pacto adesse omni rationis expers: quia fieri non posset, ut homo esset homo, si esset rationis expers. At mortuum esse, & similia, etsi ita conueniunt Socrati & Platoni & similibus subiectis, ut eorum existentia auferant, tamen non repugnat rationibus subiectorum, nec eas euerunt: cum Socrates uon ideo sit non Socrates, quia mortuus sit. Quis non sit in rerum natura, & idem in cæteris accidit. Sed ut id, quod de mortuo diximus, melius teneas, aduerte, mortuū duobus modis, ut supra in posse: Vno ut participium. Alio, ut nomen. Ut participium quidem, quatenus significat aliquid passum fuisse mortem, hoc est uitæ separationem: Ut nomen uero, quatenus significat priuatū uitæ, quæ, duplex est, una substantialis, utpote anima ipsa: Altera accidentaria, quæ consistit in functione operationis uitalium, cuiusmodi sunt nutritio, accretio, decretio, sentire, moueri ex se, & similia. Si ergo mortuū accipiat ut participium, uere affirmatur de Socrate, & Platone, alijsq; similibus subiectis. Vere, nō dicimus, Socratem passum fuisse uitæ separationem, cum extremo spiritu laborauit: Vitæ quidem substantialis non fuit, sed a corpore suo, nec formaliter & actu, sed dispositiue (disponebatur. n. eo tempore, ut uere & actu

disso-

CAPVT SEXTVM
DE COMMVNIBVS

atque proprijs quinque vniuersalibus.



Determinatis autem vniuersis quæ sunt proposita, genere inquam, specie, differentia, proprio & accidente: dicendum est quænam communia, & quæ propria ipsis insunt. Commune hoc itaque omnibus inest, de pluribus predicari. Sed genus quidem de omni specie sua, & indiuiduis, quæ sunt sub vnaquaque specie prædicatur, & differentia simili modo. Species autem de indiuiduis quæ collocantur sub ipsa. Proprium vero de specie, & indiuiduis speciei. Et accidens de speciebus, & indiuiduis, prædicatur. Animal enim, de equi, bobus, atque hominibus, quæ quidem sunt species, prædicatur. Et item de hoc equo, de hoc boue, atque de hoc homine, quæ indiuidua constat esse, irrationale autem, de boue, de equo, & de singulis similiter prædicatur, homo vero, qui quidem est species, de singulis solum hominibus dicitur; & proprium de specie cuius est proprium, & de indiuiduis, quæ collocantur sub ipsa, risibile enim, de homine, & de singulis hominibus prædicatur. Nigrum autem, de coruorum specie, & de singulis dicitur coruis, atque de æthiopibus, simili modo, quod quidem in se parabile accidens est, ut patet, moueri quoque quod accidens est separabile, de quo atque homine, & de horum indiuiduis dici solet. Verum primo quidem de indiuiduis, ratione vero secunda de speciebus etiam quæ indiuidua continent, prædicatur.

Commune est generi ac differentia species continere. Continet enim & differentia, species, etsi non omnes eas, quas genus continet. Rationale namque, etsi non expertia rationis, ut animal: Deum tamen et hominem, quæ sunt species, continet. Quæ præterea prædicantur de genere, ut genus est, & de speciebus quæ sunt sub ipso, etiam prædicantur. Quæ etiam de differentia ut differentia est dicuntur, de ea specie, quæ ex ipsa constat, similiter prædicantur, de animali namque quod quidem est genus, & substantia & animatum & sensitiuum, dicto dicuntur modo. Hæc eadem, & de vniuersis, quæ collocantur sub animali, usque ad indiuidua prædicantur. De rationali quoque quod quidem est differentia, hoc ratione inquam uti, identidem prædicatur. Atque hoc non solum de rationali, sed etiam de speciebus rationalis, atque indiuiduis prædicabatur, commune in super illud etiam esse patet: Nam si genus tollatur, vel differentia, vniuersa continuo tolluntur, quæ collocantur sub ipsis; etenim ut si non sit animal, homo non est, neque etiam equus. Sic si non sit rationale, nullum animal prorsus erit quo participet si rationis.

Proprium vero generis est, de pluribus quam differentia, species, proprium, atque

que accidens, prædicari. Nam animal quidem de homine dicitur equo, aue, atque serpente; Quadrupes autem de hisce tantummodo dicitur, quæ quatuor pedes habent, homo vero de indiuiduis solum humanis: & binnibile de solo equo, ac singulis equis, & accidens, de paucioribus simili modo. Atque sumende sunt eæ differentie, quibus diuiditur genus, non eæ ex quibus generis, substantiæ constat. Præterea, genus quidem potentia differentiam continet animal enim partim particeps, partim expertus est rationis, at differentia non continet genera. Præterea, genus prius est hisce differentiis quibus diuidi solet, idcirco secum ipsas tollit, sed ab ipsis non tollitur. Nam si animal tollatur, rationale simul irrationale ve continuo tollitur. Differentiæ vero genus non tollunt, nam si vniuersæ quoque tollantur, substantia animata sensitiua, mente cogitationeque concipitur, quæ quidem animal est, ut patet. Præterea, genus quidem hoc ipso quid est differentia vero hoc ipso quale quid est, ut dictum est, prædicant. Præterea, genus quidem vnum in anaquaque specie est, ut est in homine animal: Differentiæ vero plures, ut rationale, mortale, mentis atque scientiæ susceptiuum, quibus ab expertibus rationis animalibus differt. Genus præterea simile est materiæ, differentiæ formæ. Sunt & alia communia propriaque generis differentiæ: hæc tamen quæ sunt enumerata, sufficiant.

Genus & species hoc habent commune, de pluribus inquam, uti diximus, prædicari. Species autem ut species solum, sed non ut genus quoque sumatur, si sit idem species atque genus. Commune ex etiam ipsis, & ijs esse priora de quibus dicuntur, & insuper vtrumque totum quid esse.

Hoc autem differunt, quod genus quidem species continet, species autem continetur, & non continent genera. Genus autem ad plura quam species sese extendit. Præterea, genera præsupponantur oportet, quæ quidem & differentiis specificis informata, species nimirum efficiunt, quapropter & priora genera sunt natura, & secum species tollunt, & non ab illis tolluntur. Et si sit quidem species, erit & genus omnino; si vero sit genus, non omnino & species est. Et genera quidem de quaque specie sua vniuoce prædicantur species autem de generibus non dicuntur. Præterea, genera quidem ambitu specierum quæ sunt sub ipsis, speciem quamque species autem genera differentiis suis, exuperant. Præterea, neque species generalissimum genus, neque genus specialissima species vquam fieri potest.

Generi commune cum proprio est, species sequi. Nam si homo est animal est: Et si homo est, risibile est. Commune etiam est, prædicatio æqua, æque namque genus de speciebus, & proprium de indiuiduis, quorum est proprium, prædicatur, etenim æque bos & homo est animal, & Socrates atque Plato risibile. Commune insuper est & vniuoce prædicatio, & genus enim de speciebus suis, & proprium de hisce quorum est proprium, vniuoce prædicatur. Genus his a proprio differt. Genus enim est prius, proprium vero posterius: esse enim animal, teinde diuisi differentiis propriis oportet. Et genus quidem de pluribus speciebus quarum est genus, proprium autem de una specie tantum cuius est proprium, prædicatur. Præterea, proprii quidem fit mutua prædicatio, generis autem non fit. Neque enim si animal est, homo est: neque si animal est, risibile est: Sin vero homo est, risibile est, & e contra.

contra. Præterea, proprium quidem omni speciei in est cuius est proprium, & soli, ac semper: Genus autem omni quidem speciei cuius est genus, & semper inest, non tamen soli. Præterea, si propria tollantur, genera non tolluntur: Sin vero genera tollantur, species continuo simul tolluntur, quibus peremptis, & propria simul pereunt.

Generi autem & accidenti commune est, de pluribus, ut dictum est, prædicari, siue accidens sit separabile, siue inseparabile. Moveri namque, de pluribus, & nigrum de cornis, athiopibusvè, & quibusdam etiam expertibus anima prædicatur. Pluribus autem genus atque accidens differre videntur, genus enim species, ut patet, præcedit, accidens autem posterius est eisdem, etiam si accidens inseparabile sumatur; prius est enim natura id cui accidit, accidente. Et hisce quidem quibus genus communicatur, æque generis communicatio competit, hisce vero quibus accidens communicatur, non æque communicatio competit. Intensionem enim, remissionemvè communicatio accidentium suscepit: generum vero non suscepit. Et accidentia quidem in individuis primo sunt; genera vero ac species individuis substantis natura priora sunt. Et genera quidem de hisce quæ sunt sub ipsis, hoc ipso quid est prædicantur: accidentia autem hoc ipso quale quid est, aut quomodo sese habet res, prædicantur; Qualis enim est athiops, si interrogatus fueris, niger dixeris: Et quomodo se habet Socrates, ambulat respondes, aut sedet.

Genus autem quonam pacto a cæteris differt, iam diximus. Fit autem, ut unumquodque etiam cæterorum à cæteris quattuor differat. Quare cum hæc quinque quidem sint, unumquodque vero a quattuor differat, sit ut viginti omnes ipsorum differentie sint, quater enim quinque, numerum dictum conficiunt. Sed non ita est, sed cum deinceps enumerent, & duo quidem una differant differentia, propterea, quod est sumpta: tria vero duabus, & quattuor tribus, & quinque quattuor: decem istorum uniuersa profecto differentie fiunt, quattuor, tres, duæ, una. Genus enim quonam pacto a differentia, specie proprio, accidenteque differt, iam dictum est. Sunt igitur hæ quattuor differentie. Differentia vero, quo pacto quidem differt a genere, dictum est, cum dicebatur, quonam modo genus ab ipsa differret, restat autem, ut quonam modo differt a specie, proprio, accidenteque dicatur, at quæ tres hinc differentie emergunt ut patet. Species rursus quo quidem modo a differentia differt, dictum est, cum quonam pacto differt a specie differentia dicebatur, quo vero modo a genere differt, dictum est etiam, cum quonam pacto genus differt ab ipsa specie dicebatur, restat igitur, ut quonam modo differt a proprio atque accidente, dicatur, atque duæ & hæ differentie hinc oriuntur. Proprium igitur restabit, ut quonam pacto differt ab accidente dicatur. Nam quo pacto a specie, differentia, genera que differt, dictum est antea, cum illa differre ab hoc dicebantur. Cum igitur generis ad cætera quattuor differentie sumatur, ut diximus, differentie tres, speciei duæ proprii una, quæ est ad accidens, decem oes istorum profecto differentie erunt. Quarum quattuor quæ sunt generis ad cætera, diximus. Nunc deinceps cæteras afferamus oportet.

Commune id itaque differentie est cum specie, æque esse communicata, singuli enim homines, æque sunt homines, atque rationis participes. Et etiam & hoc commune, semper is adesse, quibus communicatur. Semper enim Socrates rationalis est,

est, semperque homo.

Proprium differentię quidem est, semper hoc ipso quale quid est predicari species autem, hoc ipso quid est predicari. Nam si homo ut quale quid sumitur, non tamen est simpliciter quale, sed ea ratione qua differentię generi coniuncta ipsum constituerunt. Preterea, differentia quidem in pluribus sepe speciebus videtur esse, ut quadrupes pluribus animalibus specie diversis inest; species autem in indiuiduis solis inest, quę sub ipsa sunt collocata. Preterea, differentia prior est ipsa specie, quę ex ipsa constat. Tollit enim rationale hominem; si tollatur, at homo si tollatur, non tollit rationale: est enim Deus. Preterea, differentia quidem cum alia componitur differentia rationale namque atque mortale, ad constituendum hominem componuntur: species autem cum specie non componitur, ut alia quędam species oriatur. Quidam enim equus cum quodam asino, ad muli generationem concurrunt; equus autem simpliciter cum asino compositus, non effecerit mulum.

Differentia & proprium commune quidem habent, quę communicata bis cum quibus communicantur. A Equę enim rationalia sunt, rationalia, & equę risibilia, risibilia. Et semper ac omni speciei adesse, nam si diminutus etiam fuit bipes, ratione tamen aptitudinis semper dicitur bipes: quoniam & risibile per aptitudinē semper dicitur tale, non quia semper ridet. Propria autem hęc; nam differentia quidem per sepe de speciebus pluribus dicitur; rationalis enim de Deo dicitur, & de homine; proprium autem de vna tantummodo specie, cuius est proprium, predicatur. Et differentia quidem sequitur ea, quorum est differentia, non tamen conuertitur; in proprijs vero sit mutua predicatio, propterea, quod conuertuntur.

Differentię cum accidente commune est, de pluribus predicari. Et item semper ac omni adesse, modo sit inseparabile accidens, ut bipes cum semper omni homini competit, & nigrum omnibus similiter coruis inest. Differre autem hisce videntur: differentia namque continet species, & non continetur; etenim, rationale continet hominem atque Deum: ac accidentia tū continent, atque ex eo quia in pluribus sunt: tum continentur, atque propterea quod subiecta non vni sunt accidentis, sed plurimum susceptiva. Et differentia quidem ex pers est intentionis atque remissionis; accidentia autem gradus suscipiunt, ac magis talia minusve dicuntur; propterea contrarię quidem differentię misceri non possunt, accidentia vero contraria nonnunquam miscentur. Hęc sunt communia propriaque differentię ac ceterorum. Species autem quo pacto quidem a genere differentiaque differt, dictum est illo in loco, in quo dicebatur, quo pacto genus & differentia similiter a cęteris differunt. Quomodo vero a proprio accidente que differt, restat deinceps considerare.

Speciei itaque cum proprio est commune mutua predicatio: nam si homo est, risibile est: & si risibile est: homo est: atque risibile, ut aptum est ad ridendum, sumendum est, ut sepe numero diximus. A Equę preterea species ad sunt hisce quibus communicantur, & propria hisce quorum propria esse dicuntur. Differre autem hisce videntur: species enim & aliorum genus esse potest, proprium vero aliorum proprium esse non potest. Et species quidem proprium antecedit, proprium autem aduenit speciei. Sit enim homo, oportet, ut & risibile sit. Preterea, speciei qui tem semper

per actum subiecto adest, proprium autem interdum & potentia inest. Socrates enim actus quidem semper est homo, non autem semper ridet, quamquam semper ad ridendum est aptus. Præterea, quorum definitiones sunt diuersæ, ea etiam sunt diuersa; at speciei quidem definitio est: sub genere esse, & de pluribus differenti- bus numero hoc ipso, quid est prædicari, & quæ sunt similia. Proprium vero, soli hac semper, atque omni inesse. Speciei vero & accidenti commune est, de pluribus prædicari; per paucos autem sunt ea, in quibus conueniunt: Propterea quod plurimum inter sese accidens, & id cui accidit, distat.

Propria autem utriusque sunt hæc; species enim de hisce quorum est species, hoc ipso quid est prædicatur, accidens autem hoc ipso quale est, aut quomodo sese habet: Et quæque substantia vnius quidem speciei, plurimum autem accidentium tam inseparabilem, quam separabilem particeps est: & species quidem ante accidentia mente concipitur, etiamsi inseparabilia sunt: sit enim subiectum oportet, ut illi qui propria non accidat; accidentia autem posteriora sunt, & aduenticia sunt natura. Præterea speciei quidem communicatio æqua est; accidentium autem etsi inseparabilia sunt, æqua non est. Aethiops enim magis aut minus niger aethiopo esse potest. At enim restat ut de proprio & accidente dicamus. Quo enim modo proprium a genere & specie & differentia differt, antea diximus.

Commune itaque proprio cum accidente inseparabile est, sine ipsis, non esse ea in quibus insunt, ut enim sine resibili non est homo, sic & sine nigro aethiops esse non potest. Et quemadmodum omni semperque proprium adest, sic & ipsum inseparabile accidens adest.

Differunt autem hisce, proprium enim vni soli speciei inest, ut resibile homini.

Inseparabile autem accidens, cum nigrum, non aethiopi solum, sed cano etiam, & pici, & hebeno, ceterisque complurimus inest. Quapropter proprium quidem conuertitur cum eo cuius est proprium, & est ipsi æquale.

Inseparabile autem accidens non conuertitur. Et proprio- rum quidem communicatio æqua est, accidentium autem suscipit gradus. Sunt & alia communia hisce quæ dicta sunt, atque propria; ve-

rum, & hæc ad ipsorum distinctionem conuenientiaque demon- strandam suffi- ciunt.

Quoniam ea, quæ hoc capite a Porphyrio docentur, copiose & perspicue traduntur, suntque per seipsa satis aperta, & ex ijs, quæ in superioribus capitibus explicantur, fere cognita: satis erit, summam rei breui comprehendere. Explicatis igitur in superiori parte huius tractatus quinque speciebus vniuersalis, eas modo comparat inter se, ut planius appareat, quid omnibus commune, quid singulis proprium sit. Duo tamen sunt admonenda hoc capite, ut facilius intelligantur, quæ Porphyrius docet. Primum est, ea quæ de quinque speciebus vniuersalis traduntur, intelligenda esse non de intentionibus ipsis, sed de fundamentis, scilicet de animali, de homine rationali, & cæteris. Secundum est, Porphyrium hoc ferè toto capite, cum de differentiis, & accidentibus loquitur de generalibus tantum loqui; At contra, cum de proprio agit, non de generali, sed de specifico intelligendum, esse. Hæc verè perpendenti contextum facile erit inueniri. Sunt tamen hoc capite nonnulla Philosophorum proloquia, quæ Porphyrius obiter perstringit: quæ nos, quoniam disputationibus Dialacticis ma-

gno vni esse solent, breuiter annotabimus.

Primo quidem indiuiduis illud in primis occurrit annotandum axioma Dialacticorum, quod Porphyrius his verbis expressit, scilicet, accidentia quanti prædicationibus primo quidem indiuiduis, ac secundario, ratione illorum, conuenire speciebus, verbi causa, equum moueri, quia Buccephalus mouetur; hominem esse Philosophum, quia Socrates est Philosophus; Hoc tamen in accidentibus realibus solum intelligitur: non vero in his, quæ dependent ab intellectu, cuiusmodi sunt secundæ intentiones, ut subijci, prædicari, & cætera.

Species autem cum specie non componitur. Vulgare est apud Philosophos, effectum illud, quod Porphyrius hic ponit, scilicet ex duabus speciebus non componi tertiam; Quod intelligendum esse ait, non quidem de speciebus ad generationem concurrentibus, sed compositionem ingredientibus, adde, completis. Nam si sint entia incompleta, cuiusmodi sunt materia, & forma, aptissime sunt ad compositionem speciei.

*Finis commentarii Collegij Conimbricensis in Porphyrii
Isagogen.*

COMMENTARII IN LIB. CATEGORIARVM ARISTOTELIS.

Explanata Porphyrij Isagoge, sequitur vt librum *Categoriarum Aristotelis* aggre-
diamur, cuius vt planior sit interpretatio, opera precium erit, nonnulla co-
rum explicare, quę ante Porphyrij explanationem more interpretum omnium pra-
fati sumus.

Quodnam sit Aristotelis institutum in hoc Prædica-
mentorū libro.

QVÆSTIO VNICA.



Voniam constat, aucto-
tem huius libri reliquo-
rumque osum, qui post
Isagogen Porphyrij, in
curriculo Philosophię
explicari solent, Aristoteli
fuisse idcirco, pretermis-
sa confirmatione huius rei, primo de eius in-
stituto in hoc lib. dicemus. Ne eo igitur par-
tim conuenit inter interpretes, partim dis-
sensio est Aristotelici. n. fatentur hanc tra-
ctationē, & de rebus, & de vocibus esse in-
stitutam. Ceterū Caetanus, Eustratius, &
Auerreus & alij nonnulli existimant: præci-
pui auctoris propositū esse agere de rebus,
& duobus argumentis vñ ostendi. Primo,
quia fere omnes proprietates, quas Aristoteli-
tes, singulis prædicamentis attribuit, cō-
ueniunt rebus & non vocibus, qualis est il-
la substantiarij affectio: mutatione sui reci-
pere posse contraria, & alix huiusmodi. Se-
cundo, quia hic agitur de rebus, & vocibus,
quia rōne prædicantur, & subiiciuntur res,
aut verius prædicantur & subiiciuntur, q̃
voces; vt apud Porphyrium docuimus.

Ammonius, Simplicius, Boetius, & Ale-
xander, & alij quos Simplicius hoc loco re-
fert, credunt Aristotelem præcipue de vo-
cibus differere, quam sententiam videtur
implecti M. Alb. initio huius lib. & D.
Tho. in præfatione libri de Interpretatio-
ne; quid tamen hæc in re statuendum sit,

duabus assertionibus explicabimus.

Prima assertio est; de rebus & de vocibus
hæc tractatio instituta est; quæ facile proba-
bitur. primo. quia in hoc libro traditur de-
cem ordines simplicij prædicatorum & su-
bictorum; vt oēs fatentur, non solum aucto-
res, sed et voces prædicantur & subiiciun-
tur, vt apud Porphyrium diximus; Secūdo
perspicue videmus Aristotelem hoc libro mo-
do de vocibus, modo de rebus differere.

Secunda assertio, præcipui auctoris insti-
tutum in hac tractatione est agere de vo-
cibus, quæ hoc modo probabitur. primo in
hoc libro agitur de rebus & vocibus. Voces
aut magis pertinent ad Syllogismi simpli-
cem, siue argumentationē, de qua Aristote-
les agit in tota arte Dialecticæ, q̃ res (vo-
ces namq; sunt partes Syllogismi simplicis,
siue argumentationis. non aut res) Ergo in
hoc lib. præcipue agitur de vocibus. Secūdo,
si tractatio hæc de rebus præcipue esset
instituta, non esset inter sermocinales, sed
inter reales numeranda, hoc. n. distinguun-
tur reales tractationes, a sermocinalibus q̃
hæc præcipue in sermonibus, illæ in rebus
præcipue versantur, atqui tractatio hæc
cū Logica sit, non inter reales sed sermocini-
ales numeratur, non agit ergo sc̃ipue de
rebus, sed de vocibus. Tercio id confirma-
tur ex Arist. ca. 4. huius libri: in quo tradit
numerum Prædicamentorū, & distinctionē
eorum de quibus in hoc libro differit, ab

ij, de quibus precipue actus est in libris de Interpretatione, quo loco nō ex diuisione rerū, sed uocū colligitur prædicamēta: (eo rē, inquit, quæ nulla cōplexione dñr, singula aut substantiā significant, aut quantitatē, &c.) & paulo post. Singula igitur eorū, quæ dicta sunt, illa quidem sū se nulla cū affirmatione negationeue dicuntur, quorū tñ ad se inuicem cōplexione aut affirmatione, aut negatio fit.) patet igitur ex Arist. verbis, de uocibus precipue, non de rebus institutam esse huius libri disputationem.

Ad primam aut obiectionem rñdendum est. Inter proprietates, quas Arist. singulis prædicamentis assignat quoddā directe ad uoces pertinere: ut uideri segnare hoc aliquid, q̄ Arist. oībus substantiis attribuit, alias uero ac sēme oēs, & si directe ad res spectēt, posse tñ, proportionē quadā seruata, ad uoces accomodari. Exēpli cā, proprietates illa substantiarū, q̄ in hoc argumēto affert, sic pōt uocibus attribui, propriū est nominū substantiā, ut id significet, q̄ mutatione sui pōt recipere contraria: & ita de ceteris.

Ad secundā rñdendum est, agi quidē hoc loco de rebus & uocibus, quæ sōne prædicantur & subiiciuntur, resq; precipue predicari & subiici; ex quo colligitur, planē in prædicamentis, quæ ex prædicatis, & subiectis cōponuntur, res potissimū collocari, ceterū de uocibus esse precipue institutam disputationē, q̄ eorū prædicatio & subiectio precipue ad artē dialecticā prinet, ut ex dictis apertū ē.

Hinc facile colligi potest; quodnā sit huius libri subiectum: Et. n. vox simplex significatiua rei, quæ per se ponitur in prædicamento. Nam in hoc loco traduntur prima differendi elementa, ex quibus conficitur oratio, de qua in libris de Interpret. agitur. Quæ quidē non sunt res, nec prædicamēta ipsa, seriesue, sed uoces, quæ in series dispositione: nec opus est, ut subiecti huius tractationis, quæ demonstratiua non est, proprietates assignemus; satis. n. est, ut sit subiectum, si eas subiecti conditiones obseruet, quas ante Porphyrii libellū explicauimus.

De Operis Iſcriptione.

Liber inscribitur, (Categoriz,) q̄ uocabulū nostrū vertunt Prædicamēta, Porro Categoria, id est, prædicamentū interdu idē ualeat, ac primum summa; genus, quo

paſto Ammonius, Simplicius Boetius, & maxima pars interpretum putant intelligendū esse huius libri inscriptionem, quasi ita habeat (de sumis generibus.) Nec immerito. Nam, ut genera summa sunt prima capitula reliquorum oīum, quæ hoc libro traduntur, sic ab eis aptum totius tractationis principium desumi pōt. Nonnunquam. n. idem ualeat Categoria, siue prædicamentum, quod series eorum, quæ prædicantur & subiiciuntur, cuius caput est aliquod genus summa, quo paſto accipitur prædicamenti uerbu in ſtitut. Dialecticarū lib. 2. c. 8. cū prædicamentū dī esse quedam generis summi realis & eorum, quæ sub eo collocantur, naturalis dispositio. Eo demq; modo accipitur ab Arist. lib. 5. Metaph. c. 6. cum sic ait, (Illa sunt eodem genere, quorum eadem est prædicamenti figura,) id est, prædicamenti, dispositio, ubi uox prædicamenti, accipitur intrinſitue, quo paſto dicimus primā figuram esse figuram circuli, hoc est, figurā, quæ est circulus. itaq; sensus loci est: illa esse eadē genere, quorū idem est prædicamentū, seriesue. Atq; hac posteriori ſignificatione ut intelligenda huius libri inscriptio. Primum quia hac ſignificatione dicere ſolemus, oīa entia finita poni in aliquo prædicamento; Itemq; prædicamēta ex omnibus finitis rebus confici: & alia huiusmodi, quæ nō recte dicuntur, nisi prædicamenti uocabulū hoc paſto accipitur. Deinde quia Porphyrius in ipsa Iſogoge, quam in hunc lib. conſcripſit, hoc eodem modo accepit prædicamenti uocabulum, cum docuit in ſingulis prædicamenti esse ſingula genera summa.

Ad quam uero Philoſophiæ partem hæc tractatio pertineat, ex ipſus ſubiecto autorisq; instituto ſatis plane colligitur. cū. n. in ea tradantur prima differendi elementa, quæ sunt uoces ſimplices, hæc aut ad dialecticā spectent, planū est, hanc tractationem ad eam partē philoſophiæ inſtrumētariā esse referendam, quæ Dialectica nominatur.

Distribuitur deniq; hic liber in tres partes, quarū prima appellat. ante prædicamēta, altera Prædicamenta, in qua præcipua tractationis per continentur: tertia Post prædicamenta. Continetur autem prima pars primis quattuor capitib. ſecunda quinque ſequentibus, tertia totidem extremis. Hæc dicenda uidebantur ante libri enarrationem nūc quid Ariſtoteles dicat uideamus.

C A P V T P R I M V M

DE AEQVIVOCIS, VNIVOCIS, ET DENOMINATIVIS.



Equiuoca dicuntur ea, quorum nomen solum commune est, ratio vero substantiae nomini accommodata, diuersa, ut animal dicitur & ipse homo, & id quod est piscium. Horum enim nomen commune tantummodo est, ratio vero substantiae nomini accommodata, diuersa. Si quispiam enim, quenam sit utriusque ratio animalis, voluerit assignare, rationem utriusque profecto propriam assignabit. Vniuoca ea dicuntur, quorum, & nomen commune est, & ratio substantiae nomini accommodata eadem est, ut animal dicitur & ipse homo, & equus, nomine namque communi & homo, et equus, animalia nuncupantur, & ratio quoque substantiae utriusque eadem est. Si quispiam enim utriusque rationem voluerit assignare, quenam sit utriusque ratio animalis, eandem rationem omnino reddet. Denominatiua ea dicuntur, quae de aliquo nominis appellationem habent solo differentia causa, ut a Grammatica, Grammaticus appellationem habet, a fortitudine fortis.

Definit Arist. hoc capite æquiuoca, vniuoca & denominatiua, ac primum quidem æquiuoca, ut innuat ea reiicienda in primis esse ad prædicamentorum classibus, propterea quod ambigua sint, multiplicemque habeant naturam, deinde vero vniuoca, ut signet sola ea, quæ vniuocè prædicantur aut subiiciuntur in prædicamentis habere locum: ad extremum denominatiua, ut intelligamus, ea denominatiua, quæ ad prædicamentorum series spectant, non per se sed ratione abstractorum, ad ea pertinere. Qua in re, ut M. Alb. Egidius & alij volunt, triplicem quoque docuit conuenientiam rerum, quæ in prædicamentis ponuntur, quarum prima est omnium rerum in eate, quæ sane est æquiuoca & ordine naturæ prima; Altera, quæ omnia, quæ ad rerum & idem prædicamentum spectant, in suo genere summo, iunguntur, quam esse vniuocam nemo dubitat: Tertia est, quæ ea, quæ pertinent ad vnum prædicamentum, verbi gratia, album, grammaticum, de re alterius dicitur, ut de homine, quæ quidem est denominatiua.

Æquiuoca.] Æquiuocatio, ut ait Aristoteles 1. Elench. cap. 10. ex rerum multitu-

dine & vecum paucitate orta est. nam cum rerum infinitus sit numerus, nominum autem finitus, necesse est, ut eodem sæpe nomine multæ res alia atque alia ratione significentur, ut gallus auis, & Gallus natio, quo pacto acceptæ res æquiuocè, uocantur: & hoc loco ab Aristot. definiuntur. Neque enim Arist. nomina æquiuoca, quæ vulgo appellantur æquiuoca æquiuocata, sed res æquiuocas, id est, res nominibus æquiuocis signatas, quas uocant, æquiuoca æquiuocata definit. Cum autem ait Arist. (æquiuoca dicuntur ea.) Intellige res, id est, entia (quæ propterea loco generis in hac definitione ponuntur, ut ait Anthonius, Boetius & Cæctanus) intelligenda sunt hoc loco non solum nomina, ut a uerbis distinguuntur, sed etiam ipsa verba, & participia, ut fero, lego, ferens, legens, & ut semel dicta omnia categoriata. Debent autem huiusmodi nomina esse eadè secundum accentus, quantitatem syllabarum, & ceteras affectiones ad pronunciationem pertinentes. Nam alioquin non censentur eadè sed diuersa nomina, ut concido quatenus significat colere, & cedere, & malum cōparatione poni, & vitij, concido enim priori significatione

producit priorem, posteriori corripit. Diximus, [ad pronuntiationem pertinentes:] quia si alie Grammaticae affectiones varientur, non continuo dicemus non esse idem nomen, ut si genus sit diuersum, Nec enim verbum ambulans censetur diuersum in genere masculino, feminino, & neutro. Id quod ideo accidit, quia hæc veritas nõ spectat ad nominis pronuntiationem, quod idem obseruandum est in reliquis.

Sed quæret aliquis, quæ rone vox æquiuoca dicatur nomen: cum non sit unum nomen, sed multa. Nam cum forma nominis sit ipsa eius significatio, effici, ut vox, quæ non habet vnã duntaxat significationem, quale est; cõmune vocabulum æquiuocum, non sit unum nomen, fed multa; ex quo fit, ut vere appellari non possit nomen commune rebus æquiuocis, quas significat, Cui dubitationi respondendum est, nomen æquiuocũ dici unum rone eius, quod est subiectum, & quasi materia, cui conuenit significatio nimirum ratione vocis. Vox enim æquiuoca, et si multas habeat significationes, multa que nomina dicenda sit: ipsa tamen est vna vox ac proinde communis omnibus rebus æquiuoce significatis.

Ratio uero substantiæ.] Ratio sumitur apud Aristotelem. pro definitione ut 2. lib. Physic. cap. 3. & 5. Metaph. cap. 8. cum a risto. ita scribit:] Quidditas cuius ratio est definitio substantiæ cuiusq; dicitur,] quod idẽ ait initio lib. 8. Quapropter ronis nomine definitio intelligi potest in ijs, quæ definitionem habent, vbi nomine definitionis intelligenda est mentalis, iuxta illud Arist. 4. Metaph. rō quam nomen significat est definitio: neq; enim nomen definit, significat definitionem vocalem, sed mente conceptã quippe cum voces nõ sint signa vocum, sed conceptum, ut Arist. docuit 1. lib. de Interpret. In vniuersis tamen potest ronis uerbũ accipi pro conceptu, simplici tum formali, qui quidem est nomen mentale rei significatæ; tum etiam obiectiuo, qui nihil aliud est, quam natura rei significatæ, quæ ratione menti obijciatur: Nomen uero essentialis definitionis, ac obiectiuũ conceptus late hoc loco accipiendi sunt, ego ut comprehendunt non solum essentiam rei, sed etiã modos eius: quod propterea dicimus, quia sæpe res æquiuocæ nõ sunt diuersæ essentie: sunt tamen diuersi modi eiusdem essentia,

ut actio, superficies, & ubi, tempus & quando. ut in progressu planum fiet.

Verbum autem substantiæ non est hic accipiendum pro illa substantia, quæ soli hoc nomine appellatur, sic. n. nulla accidentia essent æquiuoca, q. salum est, sed pro essentia cuiuslibet rei, quo pacto substantiæ vocabulum non raro accipitur, ut c. de substantia docebimus. Addita est autem hæc particula, quoniam cum rō sen. quod Græce habetur logos, non solum significet definitionem, sed & supputationem, quæ fit per calculos, itemq; inductionem, rōcationem, & Quis aliam orationem, opus fuit addere uerbũ substantiæ, ut rōnis uerbũ pro sola definitione sumeret. V. statũ est. n. apud Philosophos, ut rō substantiæ p. definitione accipiat.

Nomini accommodata.] Ratio nomini accommodata est, quæ rationi respondet. Addita est hæc particula, quia ut res dicantur æquiuoce conuenire necesse est, ut secundum illud ipsum nomen propter quod dicuntur æquiuoca habeant rationes substantiæ diuersas; quia secundum aliud nomen non dubium est, quin æquiuoca possint esse vniuoca: ut Socrates Atheniensis & Socrates Constantinopolitanus, qui æquiuoce conueniunt in nomine scilicet, vniuoce cõueniant in uoce hominis, iuxta, quã eandẽ habent substantiæ rationem. Sed obijciat aliquis hoc modo: Dicitur [solum] excludi oẽm conuenientiã ab æquiuocis præter conuenientiã nominis, ut ipsa uerba aperte declarant. Ergo excludit conuenientiã in rone substantiæ. quare ubi dictum est, quoru nomen solum cõe est, superuacaneũ fuit addere, [ratio uero substantiæ e diuersa] Huic obiectioni occurrendum est, particulam.] Solum.] non ita late accipi ab Arist. ut excludat omne aliam conuenientiã æquiuocoru præterquam nominis. (Satis enim cõpertum est, æquiuoca alijs plerisq; materijs posse conuenire, quã solum nomen, ut conueniunt canis domesticus, & maritimus in natura animalis uiuentis, & ceterorum superiorum generum. Sed solum ut excludat conuenientiã rationis secundum idẽ nomen; quemadmodum dicimus, relictuũ esse quempiam in prælio, hastam solum habentem ad scuti scilicet, & gladij differentiam: et si nihil prohibeat, quo minus calceos habeat & uelut, quia tamen id non facile intel ligeretur, merito addita sunt uerba sequentia,

quencia. Verū hęc solutio non ita vendicat definitionem a reprehensione, ut saltē particula solum non videatur redundare: quandoquidem quicquid ea significat, in totū multo clarius signatur verba sequētia.

Vniuoca ea dicuntur] Vt res æquiuocę superiori definitione definitę fuerunt, ita hoc loco res vniuocę hoc pacto definitur. [Vniuoca sunt entia, quorum nomen cōe est, & rō substantię nomini accomodata ea dē] quomodo homo, & bestia comparatione animalis. Etenim ut homini, sic & bestię animalis nomen de definitiōe eadem attribuitur, quę definitiōe ex superiori utcumq; pater, vtrq; vērō exiis quę infra dicitur, melius intelligitur.

Denominatiua ea dicuntur] Vt planior sit sequētis definitionis explicatio sciendū est, quouis denominationis quatuor quędam reperiri. Nam in (candido,) verbū causa in primis cernitur uox (candidū,) quę a recentioribus dicitur. Denominatum denominans, deinde id quod nomine (candidi) significatur, quod dicitur denominationium denominatū, tertio res, quę denominatur (candida) ut, nix, lac, papyrus, quę dicitur res denominata, deniq; forma, a qua res denominata est candida, ut, candor, quę quidem forma denominationis appellatur. definit igitur Aristor. hoc loco non quidem De nominatiua denominationia, hoc est, voces ipsas, cuiusmodi sunt hęc nomina, & candidum, grammaticus, fortis) & similia, sed res, quę huiusmodi nominibus significantur, hoc est, denominationia denominata, ut Grammaticum sortem & alia huius generis, quęnamadmodū superioribus duabus definitionibus non definitur, voces signantes sed res signatas. Sunt autem Denominatiua, quatenus talia sunt, media quędā inter formas denominantes, & res denominatas: & ad vtrāsq; varie referuntur. Ad formas quidem denominantes, vt ad gā, a quibus oriuntur, ad res autē denominatas, vt ad ea, de quibus dicuntur. Exempli causa, (candidum,) qua ratione Denominatiuum est, oritur a candore, quę est forma denominans, & dicitur de corpore, quod est res denominata, atque ita de ceteris. Nominē autem formarum denominatiuum intelligendum est id, a quo denominatio sumitur, etiam si non sit vere forma, vt aurum, a quo domus aurata, & vestis, a qua dicitur homo uestibus.

Quę ab aliquo] Cum denominatiua in superiori parte huius definitionis dicantur ab aliquo noīs appellationē habere (noīe solo appellare res denominatas, quod quidem est habere a nomine appellationem aptiūam) explicatur respectus eorum ad res denominatas. Debenē enim Denominatiua prædicari de rebus denominatis nomine solo, ut cernere est in grammatico. Nam et si nomen grammatici de donato dicatur, tamen definitio grammatici, non est definitio donati, alicuiusve generis aut speciei, sub qua donatus contineatur, & sic res habet in ceteris, cum uero adiungitur, [solo differentia casu,] hoc est solo sine uocabuli) ex præmitur respectus eorundem ad formas denominantes. Debenē enim denominationia naturaliter oriri, tum voce, tum etiam te, a formis denominantibus, et si Grammaticorum more, potius Denominantia oriuntur nonnunquam a Denominatiuis, ut iustitia a genitiui iusti. Verum hęc paulo inferius latius explicabuntur.

Vtrum Aristoteles in definitione
Æquiuocorum complexus sit
omnia æquiuoca.

QUESTIO PRIMA.

Quod non omnia æquiuoca in definitione æquiuocorum complexus fuerit Arist. hac ratione videtur ostendi. Nā substantia, quantitas, & alia suprema genera conueniunt æquiuocę, quatenus entis non nomine signantur, ut Porphy. docuit & Aristor. & fere oēs fatentur. At substantia, & quę titas, & cetera suprema genera hoc modo spectata non diuersas essentię rationes habent, sed easdem: igitur non oīa æquiuoca in definitione æquiuocorum comprehenduntur. Minor propositio probatur, quia substantia quatenus est ens, dicitur esse id, quod existerē in rerum natura potest, qua eadem ratione describitur quantitas, quatenus est ens & ita cętera genera.

Dicendum est tamen omnia æquiuoca in definitione æquiuocorum, comprehendī. Quod vt perspicitur, adiuerendum est, multa esse æquiuocorum genera. Nā ut de nominibus in lib. i. inst. dialect. dictum est, sic de ijs, quę nominibus signantur dicen-

dum est, quædam casu fortunæque esse æquiuoca, alia consilio, & ratione. Casu æquiuoca sunt quorum nomen est eò, & ratio substantiæ eidem nomini congruens, quod diuersa, ut Galenus natione, & gallus auis, quatenus galli nomen signantur: Alexander, Paris, & Alexander Macedo, quatenus utroque; nuncupatur Alexander, atque hæc (quæ apud Aristot. lib. 1. de gener. & 4. Metaph. 2. proprie æquiuoca censentur) propterea dicuntur casu æquiuoca, quia in imponendo eò nomen nulla habetur ratio conuenientiæ rerum signatarum. Consilio æquiuoca duobus modis dicuntur; uno, cum propter conuenientiā quandam, & cognationem inter res ipsas, id est uocabulum multis rebus imponitur, ut pedis nomen pedum animalis, & montis. Altero cum in multis res nulla spectata inter ipsas cognatione, & conuenientia, sed solum ob memoriam allicuius aut speciei, aut alia de causa, quæ ex conuenientiā eorum nuncupatur, eodem nomine appellatur. Ut si quis patris sui nomen filio imponat, siue in memoriam patris, siue quia spectet filium illi simile futurum. Quamquam uero utraque dicantur consilio æquiuoca, eo quod non est aliqua, siue ex cognatione rerum dicta, id est, aliunde petita eorum uocabulo nuncupetur: posteriora tamen re uera inter casu æquiuoca, quod iam definiuimus, comprehenduntur, eo quod diuersas omnino habeant essentie rationes eidem uocabulo congruentes, nec eodem nomine appellentur, ob aliquam conuenientiam, quæ in rebus ipsis cernatur.

Æquiuoca igitur consilio, quæ casu æquiuocis opponuntur sunt ea, quorum nomen est eò, & ratio substantiæ eidem nomini congruens quodammodo eadem, ut homo uerus, & pius, & aspectus oculorum, & mentis, & alia huiusmodi, quæ hodie trito sermone dicuntur analoga; quamquam hoc uocabulum non proprie omnibus conuenit, ut paulo post docebimus. Horum autem duo sunt genera, quædam dicuntur analoga secundum attributionem, alia secundum proportionem.

Analoga secundum attributionem relationemque sunt ea, quorum nomen est commune, ratio uero substantiæ, quodammodo eadem, propter relationem, ad aliquid unum, quæ quidem vocatur ab Aristotele ad unum, id est, ab uno. Huiusmodi autem analoga in quatuor genera distribui solent, iuxta quatuor eorum genera: Quædam enim habent eandem quodammodo rationem substantiæ per re-

lationem ad unum finem, quo pacto cibus, & pulsus dicuntur sani, ille quia efficit, hic, quia indicat sanitatem. Alia propter relationem ad unum efficiens, quo pacto medicus cum præceptum, tum etiam instrumentum dicitur medicum, quid medicus, qui est causa efficiens sanitatis utroque; utitur. Alia propter relationem habere unam formam exemplarem, quo pacto homo pius, & homo ex luto factus dicuntur homines, quia hominem formam uelut causam exemplarem uariè imitantur; itemque homo robustus & sanus dicuntur leones, quia leonis conditionem alio atque alio modo uidentur imitari. Alia propter relationem ad unum subiectum, & quasi materiam, quo pacto quantitas, & qualitas dicuntur entia, quia nimirum entis per se existentis, hoc est, substantiæ, quæ subiectum est, & uelut materia accidentium, sunt affectiones.

Illud tamen in his quatuor generibus ad monendum est, id unum, propter quod alia dicuntur, alia interdum signari eodem nomine, quo alia signantur, ut patet in exemplis adductis, atque in talibus semper illud unum appellari, principalem signatum nominis, unde dicere solemus hanc uocem sanum præcipue signare aliquid (sanum,) & nomen (entis,) ens per se subsistens, & ita de cæteris. Interdum tamen id unum, propter quod alterum tale dicitur, non comprehenditur eodem nomine, exempli causa, (cibus & consilium,) dicitur æquiuoce salutaria, propter uarios respectus ad aliud sanum, tanquam ad finem, & tamen aliud ut sanum est, non dicitur salutare, item serra, quæ uocatur faber & fabri et perceptum dicuntur fabrilla, uariis respectibus a fabro uidelicet tanquam ab efficiente causa, & tamen faber non dicitur fabrilis. Figura quoque leonis depicti dicitur leonina, & incessus et leoninus, nempe a leone, tanquam ab exemplari forma, cum tamen ipse leo propter quem talia nominantur leoninus non dicatur. Denique quantitas, & qualitas, & reliqua suprema accidentium genera dicuntur accidentia a substantia, cui tanquam subiecto accident, cum interin ipsa substantia minime dicatur accidens.

Analoga secundum proportionem, hoc est, secundum comparisonem relationum ea sunt, quorum nomen est commune, & ratio substantiæ quodammodo eadem, propter quandam similitudinem relationum respectuumque, quæ inter ipsas cernitur, quia
nimi-

nimirum ut se habet, [hoc,] ad certum aliquid, ita quodammodo se habet, illud, eiusdem nemini ad aliquid aliud, idque, siue proprie, ut principium temporis, & principium fluminis; siue improprie & figurate, ut pes hominis & montis: nam ut se habet principium anni ad annum, sic quodammodo se habet mons unde Monda nascitur ad Mondam, quorum utrumque, proprie dicitur principium, & ut pes hominis affectus est, ad hominem, sic quodammodo infima pars montis, quæ non proprie sed figurate dicitur pes, effecta est ad montem, Quia vero solum hoc genus consistit in proportionem, quæ Græce dicitur analogia, non immerito Aristotele multis in locis sola æquiuoca huius generis uocat analogia; ut primo post cap. 1. & 1. Ethic. cap. 6. & 5. Metaph. cap. 6. quanquam usus recentior non obtinuit, ut omnia, quæ casu æquiuoca non sunt, analogia dicantur.

His positis dicendum est; omnia enumerata æquiuocorum genera in definitione æquiuocorum comprehendendi; etenim oia conueniunt nomine, & ratione discrepant, ut inductione patet. Verum hoc interest, quod casu æquiuoca habent rationes omnino diuersas secundum idem nomen: reliqua uero non habent rationes omnino diuersas, sed quodam modo easdem, quamquam simpliciter habent diuersas, ut exëplis licet inueniri. Si. n. casu æquiuoca diffinitas, ut significata huius uocis gallus, reperies definitiones, nullo pacto easdẽ, quia nec indicabunt attributionẽ unius ad aliud, nec proportio nẽ aliq̃ inter ipsa, at si reliqua diffinitas, ut hominem uel & pictũ, qui hoc noĩe, homo, significant, inuenies definitiones quodammodo easdẽ, quæ indicabunt attributionẽ unius ad aliud, aut aliquam inter ipsas proportionẽ.

Ad argumentũ uero initio propositũ concessa maiori, neganda est minor, & ad probationem dictũ est, substantiã, quantitatem, & reliqua accidentiũ suprema genera, quatenus entis noĩe significant, hñe diuersas essentia rones, hoc est, diuersos conceptus entis noĩe proxime significatas: nec descriptio illa, quæ asserti, est una quodammodo, cũ tā analogia sit, quæ ipsũ ens, cuius est rō. Itaque substantiæ & accidentia, quatenus entis uocabulo significantur nõ habent unã eandemque, oĩno definitionem, nec unũ conceptũ p se primo entis uocabulo signatũ, in quo conuenire dicantur,

Num in Definitione Vniuocorum comprehendantur omnia uniuocorum genera.

Q V AESTIO SECVNDA.

IN hac quæstione explicanda est in primis uniuocorum definitio. Deinde dicemus comprehendantur oia in definitione uniuocorum ab Arist. tradita. Quod ad primũ atinet, uniuoca quæ uniuocata dñr, hoc est, nominibus uniuocis signata duab. diuisionib. distribui pñt: quædã enim sunt uniuoce participata, alia uniuoce participata: rursumque, alia essentialia, alia accidentaria. Vniuoce participata sunt, quæ eodẽ noĩe, eademque rone sunt pluribus cõia, ut animal homini & equo, quo pacto apud Porphy. diximus omnia animalia esse uniuoca in suis particulis & in hoc lib. cap. 5. Secundæ substantiæ ac doctrinæ substantiarum dicuntur uniuoce prædicari de primis substantijs. Vniuoce participata sunt, quæ eodem nomine, & eadem ratione conueniunt, quo pacto homo, & equus uniuoce conueniunt in animali.

Vniuoca essentialia sunt ea, quæ essentiali prædicatione prædicantur, aut subiunguntur, ut animal respectu hominis, & bestia, & vicissim homo & bestia respectu animalis. Accidentaria uero sunt ea, quæ accidentaria prædicatione prædicantur, aut subiunguntur, ut album, respectu niui, & cygni, & hæc respectu illius. Quod attinet ad secundum dicendum in definitione uniuocorum Aristotelica tam uniuoca participata, quam participantia comprehendendi, nulla tñ accidentalia, qua ratione talia sunt, sed sola essentialia: quo nomine tam participata, quam participantia comprehenduntur, ut Boerius existimat; ex eo patet, quoniam utraque habent idẽ nomen, & eandem rationem nomini accommodatam, uerbi gratia: dicimus animal esse uniuocum respectu hominis & equi: vicissim hominem & equum esse uniuoca respectu animalis, quia & nomen animalis & ratio eidem nomini congruens sunt his omnibus cõia. Quod uero accidentia non comprehendatur, qua ratione accidentaria sunt, probatur, quia essi conueniunt in nomine, non tamen conueniunt in ratione, ita. sicut ratio, seu definitio

tio participati fit definitio participantis, quo pacto intelligenda est definitio vniuocorum: hinc enim fit, vt doceat Aristot. hoc lib. cap. 5. & 1. Top. cap. 1. accidentia nomine, & ratione non prædicari de subiectis, sed nomine solo: non quod definitiones accidentium non possint dici de subiectis; dicuntur enim reuera si modo accidentia definiantur concretè: sed quia non possunt prædicari de subiectis vt definitiones subiectorum. Diximus tamen non comprehendendi in definitione uniuoca accidentaria, qua ratione talia sunt: quia omnia vniuoca accidentaria sunt alia ratione essentialia; vt coloratum, quod est uniuocum accidentarium respectu coloris, & cygni, & essentialè respectu albi, & nigri.

Verum contra hæc licet obijcere. primo ex solis uniuocis participantibus attulit Aristot. exemplum. Ergo sola participantia in definitione tradita comprehenduntur. Secundo, idem probatur in hunc modum, nomen & ratio, in quibus res vniuocæ conueniunt non proprie, dicuntur communia participatis, & participantibus, sed propria, & peculiariter participatis, quia latius patent, quam singulæ participantibus; non uidetur ergo uniuoca participata in definitione Aristotel. comprehendendi, sed sola participantia. Tercio animal est vniuocum essentialè respectu hominis & eo, & tamen eius definitio non est definitio hominis & equi, quia cum neutra reciprocat: Ergo si propterea album respectu nuius cygni reijcitur a definitione vniuocorum, quod eius definitio uò sit nuius & cygni; pari ratione animal comparatione hominis, & equi reijciendum est. Quare si hac de causa excluduntur accidentaria vniuoca, essentialia etiam excludenda erunt.

Hæc tamen nihil obstant; nam ad primum argumentum respondendum est, nihil referre quod Aristot. non attulerit exemplum nisi ex participantibus quia non necesse est, vt in explanandis definitionibus afferantur exempla, ex omnibus generibus rerum, quæ nomine definiti comprehenduntur, alioquin dicendum esset in definitione æqui uocorum non comprehendendi ulla casu æqui uoca, quia nullum exemplum ex eo genere proponitum est ab Aristotele.

Ad secundum vero dicendum est: nomen & rationem, in quibus res vniuocæ

conueniunt proprie dici communia participatis & participantibus. Nam id quod est proprium alicuius rei, potest dici commune illi, non quidem cum alijs rebus, sed cum ijs, a quibus ipsa participatur, quæ sane non sunt aliæ res, verbi causa: et si nomen & ratio animalis, sunt propria animalis, nihil tamen obstat, quo minus dicantur illa communia, non quidem cum alia re, quæ non sit animal, (sic enim iam non esset animalis propria) sed cum particularibus animalibus, quæ animalis naturam participant. Itaque commune in definitione uniuocorum non solum intelligendum esse id, quod conuenit alicui, & alijs sed etiam quod cōuenit alicui, & ijs, a quibus illud ipsum, cui conuenit, participatur.

Ad postremum argumentum dicendum est; rationis nomine in definitione, vniuocorum posito, intelligendum esse rationem, quæ sit etiam definitio participantium, non solum quatenus signantur nomine participati, sed etiam secundum particulares ipsorum naturas: ita tamen vt sit integra respectu participati, inchoata vero respectu participantium: definitio autem animalis etsi non est integra definitio hominis & equi, nisi quatenus sunt an malia, est tamen definitio inchoata vtriusque, secundum proprias ipsorum naturas. At definitio albi, etsi est integra definitio nuius & cygni, quatenus sunt alba: neutrius tamen est definitio siue integra, siue inchoata, si peculiaris natura vtriusque spectetur, vt satis apertum est.

Vtrum omnia Denominatiua comprehendantur in definitione Denominatiuorum.

QVÆSTIO TERTIA.

MVLTÆ denominatiua videntur esse, quæ non comprehendantur in definitione denominatiuorum. In primis enim omnia, quæ accidentaria prædicatione dicuntur de rebus alterius prædicamentis, prædicantur denominatiue; at non omnia hæc cernuntur ab aliquo denominante; igitur non omnia denominatiua comprehenduntur in definitione denominatiuorum.

Minor

Minor probatur: nam hoc uerbum, malus, prædicatur denominatiue, nec tamẽ deduci-
tur a malitia, sed a uitiolitate (neque enim
omnis malus est malitia affectus) sed uel
malitia, uel aliquo alio uicio, quod in alijs
plerisque cernere est. Præterea uerbum,
(grammatica, & adiectiue acceptum pro
muliere) dicitur denominatiue de mu-
liere: quia neque æquiuoce uniuoce; sed
hoc uocabulum non differt casu a deno-
minante, quod est grammatica pro arte:
igitur non omnia Denominatiua compre-
henduntur in definitione Denominatiuo-
rum.

Hæc quæstio facile explicabitur, si non
nulla annotauerimus. Primo repetendum
est ex dictis in unoquoque denominatiuo
duplicem respectum cerni, unum ad formã
denominantem, alterum ad rem denomina-
tam. Deinde admonendum est, respectu de-
nominantis tria solere dici denominatiuo-
rum genera: quædam uoce tantum, ut [ma-
lus a malitia:] alia re tantum, ut [album]
a candore, malam a uitiolitate, probus a vir-
tute:] alia uoce & re simul, ut [candidum a
candore, grammaticus a grammatica, & for-
tis a fortitudine.]

Respectu autem rei denominatæ duo ge-
nera faciunt recentiores: quædam sunt de-
nominatiua essentialia, ut animale respectu
hominis, & sensitiuum comparatione ani-
malis: alia accidentaria, ut grammaticum &
candidum respectu eorumdem.

His positis dicendum est, sola denomina-
tiua uoce & re, quæ item sunt accidentaria
definiri hoc loco ab Arist. Quod ut pa-
teat, admonendum est, ut aliquid sit deno-
minatiuum uoce & re, necesse esse, ut non
solum uoce sed etiam re conueniant, cum
forma denominante: ne tamen sit omnino
idem cum forma denominante, sed ab ea quasi
oriatur, opus esse, ut & in fine uocis, & i mo-
do rei signatæ differat ab illa, ut autem ac-
cidentaria prædicatione dicatur de re de-
nominata, duo necessario sibi uendicare:
unum ut dicatur nomine, alterum ut nõ di-
catur ratione: unde fit ut ad denominatiua
sex conditiones requirantur, id est, conue-
nientia in principio uocis & conuenientia
in re signata, discrimen in fine uocabuli &
in modo rei signatæ, pari nomine & non ra-
tione. Quas conditiones, plane intelliges
in candido respectu candoris, a quo dedu-

citur, & cygni quem denominat; in primis
enim candidum conuenit cum candore ini-
tio uocabuli; deinde res signata per utram-
que dictionem eadem est; quando quidem
uerba concreta & abstracta eandem formã
signant, unde Arist. c. 5. huius libri ait, abũ
nihil aliud signare, quam ipsum quale, id
est, ipsam qualitatem, hoc est, solam albedi-
nem: planum quoque est cand dum differ-
re a candore & in fine uocabuli, & in modo
signandi, etenim candoris nomen signat cã-
doris naturam, quasi per se coherentẽ, seu
quod dici solet, prædicamentum substantiæ
candidum autem, quod a candore quasi na-
scitur, signat eundem caudorem, ut efficien-
tem subiectum, seu prædicamentum adiacẽ-
tis, ut dialectici loquuntur. Denique candi-
dum dicitur, nomine de cygno, cum de eo
prædicetur, ratione autem non item, quia
ratio candidi non est ratio cygni, neque a-
licuius rei superioris, sub qua cygnus con-
tineatur.

Has uero sex conditiones, si diligenter
attendas, inuenies in definitione denomina-
tiuorũ: nam cum Arist. ait, [quæ ab aliquo]
id est, forma denominante, [solo differen-
tia] casu, hoc est, solo in fine uocabuli, signã-
tur quatuor priores conditiones, nam si de
nominatiua non differunt a denominanti-
bus, nisi in fine uocabuli, planum est ea &
initio nominis, & in re signata conuenire:
in ipsa differentia autem in fine uocis quæ
est, tertia conditio intelligenda est, hoc lo-
co differentia modi rei signatæ, quæ est
quarta conditio, necnon apud dialecticum
consideratur accidentaria in fine uocabuli,
quam uidelicet non comitetur aliqua diffe-
rentia in modo signandi & ex consequente
in modo rei signatæ. Cum uero in definitio-
ne dicitur, [nominis appellationem habet],
signatur duæ extremæ conditiones, quas
denominatiua sibi uendicant respectu eorũ
quæ denominantur: nam denominatiua ha-
bere appellationem, nihil aliud est hoc lo-
co, quam habere hanc conditionem, ut ap-
pellare possint res denominatas: seu quod
idem est, prædicari nomine de illis, quod
quidem est habere appellationem actiuam.
Quod autem additur, nominis, ideo adiu-
gitur ut intelligamus denominatiua solo
nomine prædicari, & non ratione, de rebus
denominatis, ubi duæ conditiones prædictæ
continentur. Quod autem hæc posterior de
fini-

fnitionis pars ita fit accipienda ex 3. c. lib. 2. Topic. facile intelliges. Hac enim ratione distinguitur eo loco prædicatio corſi, quæ denominatiua dicuntur ab ijs, quæ vniuocæ, quod hæc nomine & ratione dicantur; illa nomine ſolo, id quod latius cap. 5. huius libri citato, denominatiuorum nomina. Ita quæ omnes illæ ſex denominatiuorum conditiones iuueniuntur in hac definitione, etſi non omnes aperte. Eſt igitur; ut ſemel dicamus, totus definit. omis ſenſus denominatiua denomi nata ſunt, quæ ab aliquo, id eſt, a forma denominante ſolo differunt, id eſt, in fine uocis & in rei ſignatæ modo nominis habent appellationem, id eſt, ſolo nomine, non autem ratione de rebus denominatis prædicantur. Vnde patet ab hac definitione ſic expoſita excludi denominatiua voce tantum, re tantum, & ea, quæ eſſentialia denominatiua appellantur, ſolaque denominatiua, & re, quæ item ſunt accidentaria definiri hoc loco ab Ariſt. quod oſtendit re nitebamur. Vnde collige, nec caſus obliquos a ſuis rectis, nec aduerbia a nominibus. Denominatiua dici: nec enim quælibet deriuatiua ab aliquo efficij denominatiuum ſed ea in qua inueniuntur conditiones ſupradictæ.

Reſtat vt argumentis initio propoſitis occurramus. Ad primum dicendum eſt, non

mirum eſſe, ſi pleraq; denominatiua ad prædicamentorum ordines pertinentia non comprehendantur in hac definitione: cum non omnia ſint denominatiua voce, & re ſimul, quamquam poſſint in alijs denominatiuorum generibus comprehendij. Ad ſecundum, ſunt qui reſpondeant, grammaticam pro muliere non comprehendij in hac definitione, quia non eſt aliquid, voce denominatiuum ab arte Grammatica. Qui enim fieri poteſt, vt aliquid dicatur uoce denominatiuum ab eo, a quo nullo pacto ſecundum nomen differt? Alij reſpondent, ut aliquid ab aliquo denominatiuum voce dicatur, ſatis eſſe, quod attinet ad finem uocis, ſi idem nomine in aliquo genere ſumptum differat a forma denominante in fine vocis. Quo fit ut concedant, grammaticam pro muliere deduci a grammatica pro arte, quia grammaticus, & grammaticum in fine vocis differunt ab arte. Quæ ſententia ex eo videtur vera, quoniam nec apud Grammaticos quidem uarietas generis efficit diuerſa nomina, ſed unum atque idem. Quare ſi hæc ſententia magis placeat, dicito Grammaticam pro muliere comprehendij in tradita definitione, eamque caſu differre ab arte grammatica, mutato genere, quod fieri poteſt inmutato nomine.

CAPVT SECVNDVM

DE COMPLEXIS,

Et non Complexis.



Eorum, quæ dicuntur, alia cum complexione, alia ſine complexione dicuntur. Illa talia ſunt, homo currit, homo vincit. Hæc iſti, modi ſunt, homo, bos, currit, vincit. Eorum quæ ſunt, alia de ſubiecto quidem dicuntur, in nullo vero ſunt prorsus ſubiecto; vt homo de quodam homine dicitur vt de ſubiecto, in nullo autem eſt ſubiecto. Alia in ſubiecto quidem ſunt, de nullo vero ſubiecto dicuntur. Atque id in ſubiecto eſſe dico, quod in aliquo quidem eſt, & non vti pars: vt ſit autem ſeorſum ab eo, in quo ineſt, fieri nequit; vt quædam Grammatica eſt quidæ in anima, vt in ſubiecto, de nullo vero ſubiecto dicitur; & hoc album in corpore eſt, vt in ſubiecto: omnis enim color eſt in corpore, de ſubiecto vero nullo dicitur. Alia de ſubiecto dicuntur, & in ſubiecto etiam ſunt, veluti ſcientia in anima quidem eſt,

ut in subiecto, de Grammatica autem dicitur, ut de subiecto. Alia neque in subiecto sunt, neque de subiecto ullo dicuntur: ut quidam homo, & quidam equus; nihil enim talium, aut in subiecto, est aut dicitur de subiecto, Atq. indiuidua simpliciter, & ea, quæ una numero sunt, de nullo quidem subiecto dicuntur, in subiecto autem nonnulla ipsorum nihil prohibet esse; quædam enim Grammatica ex ijs est plane, quæ in subiecto quidem sunt, a nullo vero subiecto dicuntur.

Substantia

asylatos

Accidens

De subiecto & non in
subiecto

In subiecto Non de
subiecto

Vniuersale

Non in subiecto
Neq. de subiecto
Et de
Et in

Singulare

In subiecto
scientia.

Non in subiecto.
indiuidua.

asylatos

Vniuersale

Singulare

Proponit Aristoteles hoc capite duas diuisiones, quarum prior ascribenda est vocibus, posterior rebus: prior proponitur ut excludantur voces complexæ a prædicamentis, posterior ut tradatur generalis quædam cognitio rerum, quæ in ijsdem ponuntur.

Eorum quæ dicuntur.] Nomine eorum quæ dicuntur, non solum voces, sed etiam res intelligi possunt, res quia signantur vocibus, vocis quia proferuntur. Hic tamē voces solum, aut saltem præcipue intelligendæ sunt, quia cap. 4. huius lib. subdividitur posterius membrum huius diuisionis in ea, quæ signant substantiam, & cætera, quæ sane non sunt res, sed voces.

Alia cum complexione.] Complexio, & simplicitas vocum, qui hoc loco spectantur ex complexione, & simplicitate conceptus intelligenda est. Nam quibus respondet multorum conceptuum conjunctio, nempe ora-

tio aliqua mentis, illæ complexæ ceuseri debent, etsi secundum vocem nullam habeant complexionem, verbi causa: non solū hæc oratio, [homo albus,] est vox complexa, quia illi respondet in mente oratio quædam, sed etiam hæc vox, [albus] erit complexa, si imponatur ad signandum totum, id quod (homo albus) signat. Quibus autē nulla respondet multorum conceptuum compositio, illæ simplices atque incomplexæ indicandæ sunt, etiam si secundum vocem, ex multis coniungantur verbis, exempli causa: non solum non [homo] est incomplexa, quia vnum tantum conceptum simplicem gignit in mente, sed etiam tota hæc oratio [corpus animatum] quatenus uno tantum conceptu simplici significat quandam speciem prædicamenti substantiæ, itemque alix, quibus pro simplicibus vocabulis utimur, ut Alexander magnus, summus pontifex, & alix

aliæ omnes, quæ simplicibus conceptibus aliquid repræsentant.

Currit, vincit. Jammonius existimat oïa uerba esse complexa, eo quod signent actionem, aut passionem, & aliquam personam agentem, & patientem; sed tamen uerba primæ ac secundæ personæ, vt curro vincis, & ea tertiæ, quæ secum afferunt determinatū suppositum, [vt pluit, tonat, grandinat,] apertius esse complexa, ac proinde Arist. attulisse exempla incomplexarum uocum in uerbis tertiæ personæ, quæ certum suppositum non designant, cuiusmodi sunt, currit, vincit, quia primo aspectu incomplexa uideantur, hoc enim satis esse uidetur ad exemplorum usum, quoniam exemplorum non est omnino requirenda ueritas. Potius tamen dicendum est, nullū esse uerbum, quod ex vi suæ signationis complexum sit: uerba enim non signant suppositum agens, aut patiens, sed potius connotat, quemadmodum (album) non signat corpus, sed connotat. Hoc tamen interest, quod uerba primæ, ac secundæ personæ & illa tertiæ, quæ certum suppositum agens aut patiens designant, sunt quodā modo complexa, quia quisquis ea audit, statim concipit mente perfectum sententiam affirmantem aliquid, aut negantem, quod tamen non nascitur ex ipsa uocis formali signatione, sed quia ille supplet apud se certum illud designatum suppositū, quod ab huiusmodi uerbis connotatur, quod certe auditis uerbis tertiæ personæ facere non potest.

Eorum quæ sunt.] In hac altera diuisione, nomine eorum quæ sunt, intelliguntur entia realia finita, & complexa, quæ quidē sola per se, ac directo ponuntur in prædicationis. Qualia uero sunt hæc entia, siue res cap. 4. docebimus. diuiduntur autē huiusmodi res per quasdam ipsarum proprietates: quatuor enim hoc loco numerantur, una substantiarum, quæ est non esse in subiecto inhesionis; altera accidentium, quæ est esse in subiecto inhesionis; tertia uniuersalium, quam uocat Arist. dici de subiecto, hoc est, prædicari nomine, & ratione de re, quæ minus late patet. Quarta singulariū, quam appellat non dici de subiecto, ut subiectum in proxima proprietate explicatū est: Porro duæ priores affectiones conueniunt rebus, quatenus res sunt. Posteriores quatenus disponuntur in prædicamenta,

hoc est, quatenus sunt uniuersalia quædam aut singularia. Vt ergo una tantum diuisione confusa, ac rudi Minerua intelligamus, & res quæ disponuntur in prædicamenta, & qua ratione disponantur, ideo Arist. ita commiscuit priores affectione cum posterio-ribus, ut in singulis membris diuidentibus, quæ quatuor sunt, inueniantur duæ, una pertinet ad res, quatenus res; altera pertinet ad easdem, qua ratione disponuntur in prædicamenta. primum itaque membrum diuidens inuit substantias uniuersales secundum accidentiam singularia; tertium accidentia uniuersalia; quartum substantias singulares.

Atque id in subiecto esse dico.] Ex quatuor affectionibus quarum metio facta est, unam tantum, nempe esse in subiecto definit Arist. neque enim necessariam putauit explicationem reliquorum. Id igitur in subiecto esse dixit, quod in aliquo idem est, & non uti pars, ut sit autem seorsim ab eo, in quo inest, fieri nequit, ut Grammatica est in anima, ut in subiecto, & candor in cygno sed quia hæc definitio, non parum negotij exhibet, examinanda, & explicanda est quæ stione sequenti.

Num definitio eius quod est in subiecto sit recte tradita.

QVÆSTIO PRIMA.

A Vthore Arist. 4. Phys. c. 3. octo modis aliquid in aliquo esse dicitur, ad quos reliqui omnes reuocari possunt. Primo ut pars integra res, aut physica in toto composita, ut brachium in corpore, & materia; & forma in quouis composito naturali. Secundo contra ut totum in partibus integrantibus, aut physicis, & simul sumptis, quo pacto totum corpus est in omnibus simul membris ex quibus integratur, & totus homo in animo simul & corpore, ex quibus essentia eius componitur. Tercio ut species in suo genere, ut homo in animali, quod uisitatius dicere solemus i aliquo genere. Quarto contra ut genus, & oratio pars essentialis, quæ de specie dicitur, in ipsa specie, ut animal & rationis particeps in homine. Quinto ut in forma in subiecto, siue ea sit substantialis, siue

sive accidentaria, ut animus in corpore, & candor in cygno, quorum prior constituit eum suo subiecto rem unam per se, & unus essentia. Posterior autem minime. Sexto ut effectus in causa efficiente, quo pacto regimen Reip dicitur esse in rege, & totius mundi administratio in Deo. Septimo, ut res quæ appetit finem in suo fine, veluti cor avari in pecunijs & cor iusti in cælesti beatitudine. Octavo, ut quod in vase aut loco. velut aqua in vreo & scholasticus in gymnasio, quem modum ibidem affirmat esse omnium maxime proprium. Ex omnibus autem his modis sola posterior pars quinti, nempe, quo forma accidentaria est in subiecto definitur hoc loco ab Aristotele. ex quo fit consequens, ut si definitio est recte tradita, ceteri omnes per aliquam partem definitionis reiiciendi sint.

Hoc positum, multa insurgunt argumenta contra definitionem. Primum est huiusmodi: Totum est secundo modo in suis partibus physicis integrantes, atque ita est in illis ut non sit pars illarum, nec extra illas cohercat: Ergo secundus modus per nullam particulam reiicitur.

Secundum: anima equi est in corpore equino, quod est materia equi, atque ita ut non sit pars talis corporis, nec possit extra illud existere, eodemque modo res habet in cæteris formis substantialibus: sola hominis forma excepta; Ergo nec prior pars quinti modi per ullam particulam excluditur.

Tertium: Omnia creata sunt sexto modo in Deo, nempe ut in causa efficiente, quia omnia ab eo conservantur, atque ita in eo esse dicuntur, ut nec sint partes eius, nec valeant, vel ad momentum temporis permanere, si Deus ea desinat conservare. Ergo non omnes modi existendi in aliquo pertinentes ad sextum modum reiiciuntur per aliquam particulam.

Quartum: Res omnes sunt in bono, ut in fine (omnia enim bonum appetunt naturali appetitu. propensione a deo indita) atque ita sunt in eo ut nec sint partes eius, nec absque appetitu naturali coherere possint: Ergo non omnes modi excluduntur, quibus aliquid septimo modo in aliquo esse dicitur.

Quintum: Omnes res naturales, quæ sub cælo existunt, sunt octavo modo in lo-

co ita, ut nec sint partes loci, neque extra illum existere valeant, id quod est perspicuum in cælis inferioribus quatenus sunt in superioribus a quibus continentur: Ergo nec octavus modus existendi in aliquo per aliquam particulam definitionis reiicitur.

Totafere difficultas huius questionis in explicatione primæ partis cernitur. Nam cum ea videatur complecti omnes modos existendi in aliquo difficile est, omnes præter extremam partem quinti per duas reliquas definitionis particula excludere. Omnia ergo Caietani opinione, & aliorum, illa videtur magis accommodata huius definitionis expositio, ut prior eius pars accipiatur, ut proprie verba sonant, utpote pro omnibus modis proprie existendi in aliquo quales non sunt omnes ij qui ab Aristotele enumerati sunt, ut patebit. Deinde per secundam & tertiam excludantur ex hoc genere omnes, qui non comprehenduntur sub definitione. Quæ expositio iccirco placebit: verba cum absolute proferuntur in definitionibus iuxta propriam significationem accipienda sunt. Iuxta hanc igitur explanationem, per primam partem definitionis excluduntur non solum omnia, quæ non sunt in aliquo, ut Deus antequam mundum procrearet: sed etiam quæ improprie dicuntur esse in aliquo: ex quorum genere tres modi ex octo enumeratis hæc partem reiiciendi sunt secundus, sextus & septimus: cum ea, quæ his modis sunt in aliquo non proprie in illo esse dicuntur. Nam si totum quid dicitur esse in omnibus suis partibus rebus simul acceptis, est idem esse & natura, ut multi volunt, atque partes simul sumptæ: certe in proprie dicitur esse in partibus quoniam nulla res dicitur proprie esse in se ipsa: si vero est diversum quid a partibus simul sumptis ut alij asserunt, adhuc tamen improprie dicitur esse in illius, cum non alia ratione in illis esse dicatur, nisi quoniam non est præter illas, ut Aristoteles eodem loco ait; efficitur ergo ut hic modus sit improprius, alioqui qualibet res dicitur proprie esse in seipsa.

Quod autem effectus improprie dicitur esse in sua causa, ex eo patet: quia non dicitur esse in illa, nisi quatenus est in eius potestate seu virtute, hoc est, quia potest ab ea fieri, & in posterum conservari, non au-

tem quia iam fiat aut conferuetur. Vnde non dicimus aliquid esse in nostra potestate, quod iam fecimus, aut conseruamus, nisi quo ad id quod faciendum superest, aut quo ad subsequentem rei confirmationem: Quocirca D. Thomas exponens locum illum sic ait: Per hunc modum dicere possum aliquid esse in me, quia est in potestate mea ut faciem illud.

Quod autem esse in fine sit etiam improprie modus existendi in aliquo, ex eo manifestum est, quia deo res, quæ aliquid appetit, dicitur esse in bono, quod appetit, quia per translationem dicitur mouere, seu trahere ad se appetitum (ut ait Arist.) & ex consequente, retinere illud apud se, Metaphora nimirum sumpta a rebus, quæ vim inferunt & secum rapiunt aliquid. Ita per primam definitionis partem reijciuntur secundus modus, sextus & septimus, qui sunt improprij, & si qui alij improprij reperiantur: per secundam verò reijciuntur primus, tertius, quartus, & prior pars quinti, ut perspicuum est; Non solum enim pars integralis est pars sui totius, sed etiam species est pars subiecta generis, & genus pars essentialis specierum, ac denique forma est pars totius compositi naturalis. Denique per tertiam excluditur modus octauus, & alij omnes, qui ad illud reuocantur, ut esse in tempore, & esse in capite esse circa corpus, esse in digito, & cæteris huiusmodi. Hæc enim non sunt partes eorum, in quibus dicuntur esse, sed tamen separata ab illis naturaliter possunt in rerum natura existere, ut pileus qui est in capite, & vestis in corpore, & annulus in digito, & sic de cæteris. Dixi naturaliter, quia Aristot. non loquitur in hac definitione de existentia, quam res habere possunt supernaturali Dei virtute, sed tantum per causas naturales. Illo enim modo, quem ipse non videtur cognouisse, non dubium est quin accidentia possunt existere extra subiectum, ut in sacra Eucharistia. Itaque omnia & sola accidentia comprehenduntur in hac definitione, quia ita sunt in aliquo, ut nec sint partes eorum, in quibus sunt, nec

separata ab illis possunt existere naturaliter. Quod si contra hanc expositionem obijciatur, Aristot. in 4. Physic. accepisse esse in aliquo pro omnibus modis, siue proprie existendi in aliquo, siue improprie, ut patet ex diuisione, quare eodem modo esse hoc loco accipiendum, dicendum est, aliam esse rationem in diuisionibus enumerationibus, quæ aliam in definitionibus. Dñ enim aliquid dicitur aut eius acceptiones enumerantur, consuetum est & proprias, & improprias recensere significationes, ac cum accipitur in definitionibus proprie, vsurpandum est nō improprie.

Ad primum igitur argumentum dicendum est, totum non esse proprie in suis partibus id est physicis, siue integrantes, ut dictum est. Ad secundum dicendum est, modum existendi formæ substantialis in materia excludi per secundam particulam, quia forma substantialis licet non sit in materia, ut pars eius, tamen est in ea, ut in altera parte entis per se, quod ex utraque constituitur. Sic enim intelligenda est secunda particula definitionis, ut illud non uti pars dicatur esse in aliquo: quod nec est pars eius in quo est, nec alicuius entis per se ex vitro que constituitur.

Ad tertium & quartum dicendum est, eos modos existendi in aliquo esse improprios, ut diximus. Ad quintum dicito, etsi res naturales, quæ sub cælo sunt, non possint separari ab omni loco, nec inferiores e.g. li a superioribus: tamen si separantur, non propterea continuo suam existentiam amitteret, quemadmodum accidentia, si separantur a suis subiectis substantiæ siquidem habent naturam existendi per se: accidentia vero non nisi in alio, vnde rectissime Ammonius corpus, inquit, quia corpus est, & loco & tempore, quo ipsum subsistat, non indiget: habet tamen hæc consequentia: quemadmodum is, qui in luce ambulat, umbram habet consequentem, qua nihil ad substantiam iuuatur. At accidenti conferunt corpora, quando sine ijs haud quaquam consistere possunt.

CAPVT TERTIVM.



Vm quippiam de quopiam prædicatur vt de subiecto, ea quæ de prædicato dicuntur, dicuntur etiam de subiecto. Vt homo de quodam homine prædicatur, animal autem de homine prædicatur; ergo animal de quodam etiam homine prædicatur. Quidam enim homo & homo est, & etiam animal.

Eorum, quæ sunt diuersa genere, & non ita se habent, vt alterum sub altero collocetur, diuersæ sunt species & differentię; vt animalis atque scientię; animalis namque differentię sunt, gressibile & bipes & volatile degenſque in aquis; Scientia vero nullæ est ex his differentia. Non enim hoc scientia a scientia differt, quod sit bipes. Eorum tamen generum, quorum alterum sub altero collocatur, easdem esse differentias nihil obſtat; ſupra enim de ſuis inferis prædicantur, quare omnes differentię prædicati erunt ſubiecti.

DOcuit exp. ſuperiori quænam res & quo pacto ſpectatæ in prædicamentis ponerentur; nunc antequam prædicamentorum diſtinctionem tradat, proponit duo documenta, quibus vtrumque intelligere poſſimus, quoniam modo eædem res in prædicamentis diſponantur, atque in ordinem redigantur. Itaque primum documentum vtile eſt ad cognoscendam prædicamentorum profunditatem, ſecundum ad intelligendam latitudinem. Profunditas eſt progreſſus a ſummo genere ad indiuidua vſque, vt ſi dicas, ſubſtantia, corpus, animal, corpus &c. deorſum verſus. Latitudo vero eſt diſceſſus quidam in latera, qui fit per differentias, quibus genera in ſpecies diuiduntur, veluti ſi ſubſtantiam in corpus & ſpiritum per differentias diuides, & ſic cætera deinceps.

Cum quippiam de quopiam.] Prius documentum eſt huiusmodi: [Cum quippiam de quopiam prædicatur, vt de ſubiecto, ea quæ de prædicato dicuntur, dicuntur etiam de ſubiecto.] Quod documentum ſic a quibusdam exponitur, cum aliquid de aliquo eſſentiali prædicatione dicitur; omnia eſſentialia attributa prædicati erunt eſſentialia attributa ſubiecti. Alij vero ita exponunt: Cum alterum de altero eſſentiali prædicatione dicitur, quicquid vniuerſe de prædicato dicitur, dicitur etiam de ſubiecto, eo nempe modo (quod ad prædicationem eſſentialem &

accidentalem attinet) quo dicitur de prædicato. Si enim eſſentiali prædicatione dicitur de prædicato, eſſentiali etiam dicitur ſubiecto; Si accidentaria de prædicato, accidentarie etiam de ſubiecto; atque in poſteriori ſenſu videtur Ariſt. documentum accepiſſe; primum quia hic ſenſus latius patet; deinde quia in hoc ſenſu videtur ille documentum hoc ſuppoſuiſſe capitulo quinto huius libri cum probat omnia alia præter primas ſubſtantias de primis ſubſtantijs prædicari vt de ſubiectis; aut in eis, vt in ſubiectis inefſe, ſeu quod idem eſt, prædicari de prius ſubſtantijs eſſentiali aut accidentaria prædicatione.

Ex hoc documento eliciunt recentiores quandam argumentandi formulam, quam vocant, de primo ad vltimum, & per primam Regulam. Ante prædicamentalem, vt ſi dicas, omnis homo eſt animal, omne animal eſt ſenſus capax: igitur ois homo eſt ſenſus capax. Aut etiam hoc modo; ſi ſenſus capax eſt, homo eſt, ſi homo eſt, animal eſt; Igitur ſi ſenſus capax eſt, animal eſt. Inſeruit autem hoc documentum profunditati prædicamentorum cognoscendæ, quia ex eo conſtat, quicquid eſt ſuperius ſuperiore, eſſe ſuperius inferiore; & quicquid eſt inferius inferiore: eſſe inferius ſuperiore. Huic etiam documento addunt interpretes quoddam aliud pro ijs, qui ſunt in ſubiecto, hoc modo, Cum alterum

de altero accidentaria prædicatione enunciat, quicquid essentialiter dicitur de prædicato, dicitur etiam de subiecto accidentaliter. Intelligi nisi alias diceretur essentialiter. Non enim simpliciter valet, species accidentaliter dicitur de genere, & vniuersale essentialiter de specie: Ergo accidentaliter dicitur de genere, nam generi alias essentialiter competeat vniuersale.

Forum quæ sunt.] Melius hunc locum ita vertemus, cum genera sunt diuersa, & non subalternatim posita, eorum differentia diuersa sunt speciei, cum autem genera subalternatim posita sunt, nihil prohibet easdem esse differentias, vbi Arist. tradit alterum documentum, in quo, vt patet, dux partes continentur. Quod documentum vt planum fiat, admonendum est, vno è tribus modis quolibet duo genera posse dici diuersa, primo si sub nullo eodem genere ponantur, quo pacto diuersa genera sunt substantia, & qualitas, animal, & scientia, atque hæc propria, ac simpliciter sunt diuersa, dicunturque non solum diuersa genera, sed etiam diuersa genere, quia in nullo genere conueniunt, & proinde primo diuersa, altero si ambo quidem sub vno, & eodem genere contineantur, sed tamen neutrum sub altero collocetur, vt animal, & planta sub corpore animato: tertio si alterum subiungitur alteri, quo pacto se habent corpus & substantia, animal & corpus: sunt ergo qui nomine generum subalternatim positorum ea solum intelligant in hoc documento, quæ tertio modo sunt diuersa: verum hæc sententia non placeat, quia isto modo necesse est, vt in priori parte documentum comprehendatur omnia genera primo, & secundo modo diuersa, in posteriori autem ea sunt taxata, quæ sunt diuersa tertio modo ex quo efficitur vt documentum prior pars sit falsa. Nam cum Arist. in priori parte asserat, genera quæ non sunt subalternatim posita, habere diuersas differentias: in posteriori autem dicat, nihil ob stare, quo minus ea, quæ subalternatim posita sunt, habeant easdem aperte significat, genera, quæ in priori parte documentum continentur, non posse habere easdem, alioquin nulli constitueret discrimen inter genera, quæ in priori & in posteriori documentum parte continentur. Nunc autem videmus genera secundo modo diuersa, quæ iuxta hanc sententiam in

priori parte comprehenduntur, posse habere easdem differentias constituentes, quidem animal & planta constituentur ijs differentijs, quibus corpus animatum constituitur, quæ enim constituent superiora, constituent inferiora, vt ipse author docet extremis verbis huius capituli.

Dicendum est ergo nomine generum sub alternatim positorum intelligenda esse tam ea, quæ primo modo, quamque secundo modo, diuersa sunt, atque in priori parte documentum comprehendendi sola genera, primo modo diuersa, qualia sunt, animal & scientia, quæ in exemplum afferuntur, in posteriori autem reliqua. Hinc enim patet verissimam esse vtramque documentum partem, siue species differentias videntes, siue constitutæ. Genera enim, ponuntur in diuersis prædicamentis nullas habent easdem: ex his autem, quæ in eodem prædicamento collocantur, etsi quædam sunt, quæ nullas habent easdem, plurima tamen sunt, quæ aut diuidentibus aut constitutibus vtriusque conueniunt: nam ea, quorum neutrum sub altero collocatur, si ita sunt affecta, vt vtrumque, aut alteri sub genere summo immediate ponatur, nec constituentes easdem habent, nec diuidentes, vt corpus & spiritus idemque spiritus & animal. Si vero ita disposita sint, vt vtriusque mediate ponatur, sub aliquo genere summo, nullas quidem easdem diuidentes habent, sed tamen aliqua aut aliquibus constitutibus communicare possunt vt animal & planta, itemque corpus interitus capax, & interitus expertus. Quæ autem ita affecta sunt, vt alterum sub altero collocetur differentijs & diuidentibus & constitutibus, communicant. Si vtriusque habent, eo tamen pacto vt quotquot diuident inferiora, diuidant superiora, & quot quot constituunt superiora, constituent inferiora, non tamen e contrario dictum est, [si vtriusque habent,] quoniam si alteri fuerit summum, nullam constituentem communicebit inferiori, cum nullam habeat. Hoc documento, vt cernis, explicatur habitudo, vt ita dicam, lateralis non solum inter genera & species, quæ ad idem prædicamentum pertinent, sed etiam inter ea, quæ spectant ad diuersa. Quod autem ad verba attinet, licet Græcus contextus potius hoc pacto videatur conuertendus, (Eorum quæ sunt diuersa genera,) id est, quæ genere differunt vt Aristophylus, & Peripatetici transulerunt, eo quod

quod Heterogenâ melius dicuntur genere diuersa, quam genera diuersa. Porius tamē dicimus, cum genera diuersa sunt, quia arbitramur Arist. hoc loco, Heterogenon in hoc sensu accepisse, id quod olim fecit Boetius, nunc autem vir doctus Nicolaus Gryphus Peryonij corrector. Nā cum ea, quę sunt diuersa genere, si proprie loquendum in nullo genere conueniant, atque ita toto differant predicamento, cur quęso Arist. (si intellexisset, in primis verbis documentum ea, quę sunt diuersa genere) statim addidisset, & nō subalternatim posita? Diximus etiam, [non subalternatim posita,] non autem ut Argyropylos vertit, quorum alterum sub altero non collocatur, quoniam nisi subaudiās, (nec utrumque sub vno co-

dem,) erit prior pars traditi documenti falsa, ut docuimus. Quare cum vtraque particula in verbis, (non subalternatim posita,) contineatur, satis est si verbo subalternatim cum Boetio utamur, quam illis, quorsum alterum sub altero non collocatur.

Diuerse sunt species.) Hoc est, natura & essentia, quod ideo adiecit Arist. quia genera, quę in diuersis predicamentis ponuntur, possunt habere differentias nomine eadem, non autem natura & essentia, cuiusmodi sunt, corporeum quod constituit corpus speciem substantię, & corporeum, quod constituit corpus speciem quantitatis: item rationale, quod diuidit animal, & rationale, quod diuidit scientiam.

C A P V T Q V A R T V M

De Decem Prædicamentis.



Numquodque eorum, quę nulla cum complexione dicuntur, aut substantiam, aut quantum, aut quale, aut ad aliquid, aut ubi, quando, aut situm, aut habere, aut agere, aut pati significat. Atque substantia quidem est, ut simpliciter dicamus, homo, equus. Quantum autem, ut bicubitum, tricubitum. Quale, ut album, grammaticum. Ad aliquid, ut duplum, dimidium, maius: Vbi, ut in Licio, in foro. Quando, ut heri, nudius tertius, situm esse, ut recubare, sedere. Habere, ut indutum, armatum esse. Agere, ut secare, vrere. Pati, ut secari, vri. Atqui per se quidem horum singula si dicantur, nullę sunt affirmationes prorsus aut negationes. At si complexe dicantur, affirmatio fiat aut negatio. Omnis enim affirmatio, aut negatio, aut vera, aut falsa esse videtur. At ut illorum, quę incomplexè dicuntur, aut verum est, aut falsum: ut homo, album, currit, vincit.

Distribuit nunc tandem voces in simplices in decem quasi classes, de quibus singulatum cap. sequenti differere incipiet; inquit quo loco hic liber inter libros Dialecticę explicari debeat. Distributio hæc est: vocum omnino simplicium, quędam significat substantiam, quędam quantitatem, &c. De sumpsit autem Arist. has voces simplices ex priori diuisione capituli secundi; res autem signatas ex posteriori.

Nulla complexione. Addit, nulla, ut excludat omnem complexionem siue perfectę orationis, siue imperfectę, quod recte annotauit Albertus.

Singula igitur.) Innuat hunc librum explicandum esse, ante libros de Interpretatione, quoniam voces, de quibus in hac tractatione differitur, non sunt affirmationes aut negationes, sed ex huiusmodi vocibus quasi primis partibus conficiuntur oēs affirmationes aut negationes. Vnde cum ordo naturę doctrinęque postulet, ut prius de partibus ex quibus res conficiuntur, quam de tota compositione differatur, fit, ut hic liber antecedit lib. de Interpretatione, in quibus de structura affirmationis & negationis præcipue agitur. & esse aut voces simplices, quas hic liber pertractat affirmationes, nec ne-

gationes, hoc modo ostenditur. Ois affirmatio aut negatio vera vñ esse aut falsi; nulla vox simplex est vera aut falsa, nulla igitur vox simplex est affirmatio aut negatio. Fieri autem ex huiusmodi vocibus affirmatio nes aut negationes, vt perspicuū relinquit.

Vtrum Diuisio uocum simplicium in uoces signantes res eas, quæ ponuntur in Prædicamentis sit bona nec ne.

QVÆSTIO PRIMA.

Videbitur fortasse distributio vocum simplicium in uoces signantes res eas, quæ ponuntur in prædicamentis non recte tradita in hoc capite. primo quia omnes differentiæ specierum effectrice, itemq; partes, quæ seipsa componunt aliquid ens per se vt rationale, materia, forma caput, unitas punctum, instans signantur vocibus simplicibus; atqui hæc in nullo prædicamento ponuntur. Ergo diuisio illa est vitiosa. Secundo, quia Deus signatur voce simplici, vt patet; & tamen in nullo prædicamento ponitur. Ergo mala est diuisio. probatur minor, quoniam si poneretur in al quo, certe poneretur in prædicamento substantiæ, quod fieri non posse infra ostendimus.

Vt tamen huic quæstioni occurramus, explicandum est, quoniam pacto intelligendum sit diuisum huius diuisionis. diuisum igitur huius diuisionis est vox signans rem, quæ in prædicamento aliquo per se locum habet, in quo octo conditiones requiruntur: tres ex parte vocis quinque ex parte rei signatæ.

Prima conditio est, vt vox sit simplex, vt pote cui ex formali signatione respondeat in mente unicus conceptus, vt homo, animal. Vnde patet excludi ab hac diuisione omnes uoces complexas. His tamen Aristoteles persæpe vtitur non, quod eas in prædicamentis collocari arbitretur, sed dictionum simplicium penuria coactus.

Secunda conditio est, vt vox sit vna non unitate solius soni, sed etiam signationis. non diximus vt sit vniuoca, ne excluderemus a prædicamentis nomina rerum singularium, quæ quidem non sunt vniuoca, cum

non habeant rationem multis communiem. Hinc patet excludi ab hac diuisione omnes voces æquiuocas, quatenus æquiuocæ sunt, eo quod nulla earum, quod ad signationem attinet, sit simpliciter vna, sed plures, vt dictum est.

Tertia conditio est, vt modus signandi vocis accommodatus sit rei, quæ signatur, nepe vt uocabula substantiarum sint concreta, accidentium vero abstracta. Etenim concreta nomina rerum, ex modo signandi accipiuntur pro rebus, quæ per se existunt, vt vox homo, pro hoīe & candidi pro niue ac cygno. Hic autem modus existendi est proprius substantiarum, vt c. 2. innuit Arist. & planius docebit c. 5. At vero uocabula abstracta ex suo modo signandi fere non accipiuntur pro rebus, quæ per se existunt saltē proprie, sed pro ijs, quæ in aliquo sunt. Verbi gratia: (cādor) nō accipitur pro (cygno) aut (niue), quæ proprie per se existunt, sed pro candore ipso, qui non est per se, sed in corpore, [& humanitas,] non accipitur pro (homine,) qui proprie per se existit, sed pro (naturæ hominis,) quæ non proprie dicitur per se existere, sed in homine. Modus autē existendi in aliquo, peculiaris est accidentibus, quorū proprium est esse in subiecto, vt docuit Arist. c. 2. Dictum est nomina abstracta fere non accipi pro rebus, quæ per se existunt, quia pauca sunt, quæ ita accipiuntur, (intelligentia) pro Angelis (& sapientia,) pro deo Opt. Max. Ex hac conditione possunt excludi a diuisione huius quæstionis, omnia uocabula abstracta substantiarū, & concreta accidentium. Hæc enim ad primariam prædicamentorum constitutionem non pertinent. Nec obstat quod Aristotel. vtiatur hoc loco concretis accidentium hominibus, quia usurpat concreta pro abstractis, vt sæpe alibi.

Quarta conditio est, vt id, quod signatur voce simplici sit ens. Vt autē intelligas, quo pacto ens accipiendi sit, aduerte nomen entis, duobus modis accipi posse; Vno, vt idem valet, quod existere, Altero, vt signat idem quod habens essentiam, hoc est, potens existere, siue id necessario existat per essentiam suā, quo pacto Deus solus est ens, siue contingenter, & per existentiam additam suæ essentię, quo pacto reliquæ dñr entia. Ens prior modo acceptū est participij uerbi, (sum) qd' idē ualet, atq; existo, appellaturq; ens existens.

existentiæ, posteriori vero modo acceptum est nomen, & dicitur [ens essentia]. Cum ergo dicimus hoc loco id, quod signatur voce quæ distribuitur in hoc cap. oportere esse ens, intelligendum est nomine entis [ens] posteriori non priori modo sumptum, seu, ut dici solet, [ens essentia], non existentia. Denique accipiendum est, ut distinguitur ab existentia, & a quocunque alio modo entis. Vnde patet excludi ab hac diuisione, primum quidem omnes negationes cuius modi sunt, [non homo cæcitas,] & similia; quia negationes ut negationes sunt, nullo modo sunt entia, sed non entia: Deinde vero ipsam existentiam, quia non est [ens essentia], ut patet ex dictis. Quo fit ut merito Diuus Th. de potentia, quæst. 5. artic. 4. Metaph. lect. 2. & alibi sæpe dicat, existentiam non poni per se in prædicamentis, sed ad prædicamenta modo aliquo reuocari, nimirum ad prædicamentum eius entis, cuius est existentia, ut late explicant Capreolus 8. dist. 1. sententiarum, quæst. 2. Caietanus cap. 5. lib. 1. de ente & essentia, & Paulus Sonfinas 4. Metaph. quæst. 12. Id quod etiam fere ab omnibus, qui rem hanc diligentius persequuntur, dici solet.

Quinta conditio est, ut id, quod signatur sit ens per se. Ens autem per se est id, quod simpliciter est vnum quid, vniuse naturæ, ut homo, cædor materia forma, punctus, instans.] Horum enim unumquodque est simpliciter unum quid. Vnde patet, excludi ab hac diuisione, omni entia per accidens. Nam ens per accidens opponitur enti per se: cum non sit aliud, quam quod est simpliciter multa, & quodammodo vnum, hoc est multa non constituenta vnā essentiam, [ut nauis, exercitus Respub.] Etenim nauis simpliciter multa tabulæ, coniunctæ ad nauigandum. Exercitus autem simpliciter multi homines certo quodam ordine dispositi ad bellum inferendum, & sic res habet in cæteris.

Sexta conditio est, ut id, quod signatur sit ens reale. Hac conditione excluduntur ab hac diuisione omnia entia rationis & commentitia. Quid autem intersit inter entia realia, rationis, & commentitia, apud Porphyrium diximus.

Septima conditio est, ut id, quod signatur sit res finita. Nominē rei finitæ eam intellige, cuius essentia perfectio certis fini-

bus & quasi limitibus continetur, seu quo perfectius aliquid cogitari potest, cuiusmodi sunt omnia infra deum, ut homo angelus &c. Etiam si possint aliqui esse infinita duratione, ut cælum; siue intentione, ut cædor. Atque hinc patet solutio secundæ argumenti. Hac enim conditione relinquitur deus Opt. Max. extra hanc diuisionem, ut qui infinitate perfectionis suæ, in nullo genere rerum comprehendere possit, ut alibi ostenditur.

Octaua conditio est, ut id, quod signatur sit ens completum, quod duo complectitur genera. Si. n. sit res singularis, ens completum erit, quod non pertinet ad constitutionem ullius entis per se, ut Socrates, hic candor. &c. n. nullum ens per se, vniuse naturæ aut essentia constituitur. Si vero sit res communis, ens completum erit id, quod prædicatur in questione [quid est] de ente singulari completo, ut [homo & animal] de Socrate, & [cædor & color] de hoc candore. Vtrumque vero genus completorum entium intelligendum est in hac extrema conditione, quia si completa prioris generis ponuntur per se in prædicamentis, cum illa sint indiuidua, ex quibus solis prædicamentum non constituitur, necesse est; ut etiam posterioris generis completa ponantur, quæ sunt genera & species. Vnde intelliges excludi ab hac diuisione omnes partes entium per se tam integrantes, quam essentielles physico more componentes, omnes iam differentias vniuersales & indiuiduales, [punctum, instans] & mutatum esse, quæ partes formales linæ, temporis & motus esse dicuntur. Hinc colligitur solutio primi argumenti initio propositi. Patet igitur quoniam pacto intelligendum sit quod diuiditur hoc capite. Diuiditur enim vox vna simplex accommodata ad rei naturam, signans id, quod est ens per se, reale, finitum & completum.

Sintne decem tantum Prædicamenta, quæ Aristoteles hoc capite recensuit.

QVÆSTIO SECVNDA.

Quod plura sint prædicamenta quam decem, sic licet primo ostendere. Aristot. 1. Top. lib. cap. 2. existimat

omnia, quæ quoquo modo esse aut fingi possunt, poni in categorijs, sed entia commentitia, rerum deficientia, & vt semel dicam, entia incompleta non ponuntur in ali qua Categoria, quas Aristot. numerauit, vt ex precedenti quæst. colligi potest: Ergo præter eas alie Categoriz constituende sunt. Secundo entia rationis sic sunt inter se affecta vt alia sint genera, alia species, alia indiuidua; efficienti igitur, Categoriam, quæ nulla erit ex decem numeratis.

Dicendum est tamen cum Aristot. decem tantum esse prædicamenta, quod ratione quadam dialectica confirmari solet: quam vt melius intelligas, aduerte, distinctionem prædicamentorum sumendam esse ex ordine ad primum subiectum, quod est prima substantia alio tamen modo apud Metaphysicum, alio apud dialecticum. Nam apud metaphysicum sumenda est ex varijs modis essendi, in prima substantia: apud dialecticum vero ex varijs modis prædicandi de eadem. Hinc fit vt argumentum, quo numerus prædicamentorum Logice confirmatur, non soleat duci ex ratione essendi, sed prædicandi: ducitur autem hoc pacto: tot sunt prædicamenta, quot sunt modi prædicandi de primis substantijs, decem autem sunt modi prædicandi de primis substantijs; Ergo decem sunt prædicamenta: Maior propositio patet ex dictis. Minor & inductione & ratiocinatione probatur. Inductione quidem hoc pacto. Eorum, quæ ponuntur in prædicamentis alia prædicantur de primis substantijs in quæstione quid est, quæ quidem sunt substantiæ; alia in quæstione quantum est, quæ sunt quantitates; alia in quæstione quale est: præst. ac proprie accepta, quæ sunt qualitates; alia in quæstione ad quid refertur, quæ sunt relationes; alia in quæstione quid agit, quæ sunt actiones: alia in quæstione quid patitur, quæ sunt passionēs, alia in quæstione vbi est, quæ sunt loca, alia in quæstione quo possumus, est, quæ sunt varij situs positionesque, alia in quæstione ne, quia tempus quæritur, vt quia ætate fuit, quæ quidem sunt varia tempora, alia in quæstione habitus, vt quo pacto Socrates sit indutus, ornatus aut armatus, quæ sunt varij habitus, nec sese offert alius prædicationis modus. Decem sunt igitur modi prædicandi de prijs substantijs vt pore Substantiæ, Quantitatis, Qualitatis, Relat. c.

nis, Actionis, Passionis, Locis, Situs, Temporis & Habitus. Ratiocinatione hoc fere modo probatur a D. Thoma 5. lib. Metaphys. lect. 9. & expressius 3. phyl. lect. 5. Quicquid prædicatur de prima substantia vno è tribus modis de ea dicitur, aut enim pertinet ad eius essentiam: aut nõ pertinet quidam, sed tamen inhæret ei, aut nec pertinet ad eius essentiam, neq; inhæret ei, sed solum extrinsecus denominat. Si pertinet ad essentiam primæ substantiæ, est substantia, si non pertinet ad essentiam eius, sed tamen inhæret ei, aut conuenit ei absolute, aut cõparate: Si absolute, aut sequitur materiam aut formam, si materiam, est quantitas, si formam qualitas; si vero comparate est relatio. quod si nec pertinet ad essentiam eius, neque inhæret ei, sed solum extrinsecus denominat, aut denominat illam ratione principij actiui a quo actus procedit, aut ratione termini, hoc est, potentiz, vt ita dicam, receptiue, quæ actu recipitur, aut neutrius ratione: Si ratione principij actiui est actio, quo pacto acquisitio caloris, qui ab igne producit, denominat ignem agentem, quia in igne est vis agendi, a qua actus procedit calor: si ratione termini, seu potentiz receptiue est passio. quo pacto eadem caloris acquisitio præbet ligno, a quo recipitur, nomen & rationem patientis, quia in ipso est vis, seu potestas, qua actu calor accipitur. Si vero id, quod extrinsecus denominat nec ratione principij, nec ratione termini denominat substantiam primam, aut denominat illam vt mensura aut aliter; Sicut mensura, aut vt mensura magnitudinis, aut durationis: Si vt mensura magnitudinis est locus, si modo nulla ordinis partium in loco ratio habeatur. Quod si huiusmodi ordinis habeatur ratio, erit situs, sicut mensura durationis est tempus. Deniq; si non denominat vt mensura est habitus, quo pacto homines a pileo dicuntur pileati, a veste vestiti, ab armis armati, & sic a cæt. Hæc erit probatio D. Thomæ, sumpta a varijs modis prædicandi, quæ tamen, si recte attendis, modos etiam eis addi quodammodo attingit.

Si quis aut in hac argumentatione quærat, quo pacto sit illud, quantitate sequi materiam, & qualitate sequi formam, vtrūque, quia sola quantitas inhæret in materia, & sola qualitas in forma, an vero, quia quantitas profluat a materia, qualitas a forma: neu-

era pars danda erit. Neutra enim de causa hęc distinctio vsurpatur: est apertissimū sit, multas esse qualitates, quę in materia inherant, vt sunt calor & frigus, nec ipsa quantitas, a materia prefluat, sed ab essentia substantię corporeę. Dicendum est igitur hęc loquendi morem, idcirco vsurpari a philosophis, quia quantitas solis rebus materia constantibus conuenit, qualitas vero & formis existentibus extra materiam (vt pore angelis & animę humanę) ex his rebus omnibus, quę forma constant, quales sunt, homo, lapis & ceterę res naturales.

Si quis etiā querat, qua ratione dicatur passio extrinsecus de nominare substantiam quę patitur, cum oīs passio videatur inesse in re quę patitur, id quod affirmet Arist. & oēs philosophi. Respondendum est, alijs expositionibus hoc loco pretermisiss passionem, qua passio est, non includere in sua ratione, quod inherat in patiente, sed quod tñ recipiatur ab eo reali coniunctione, siue per veram inherētiā, siue per modum inherētię: Nam cum quis mouetur loco, patitur ille quidem & aliquid recipit quasi formam reali coniunctione, sed tñ nouus locus quem recipit in eo non inheret vera inherētia, sed quasi inheret. Quia igitur passio, qua ratione passio est, non includit in sua ratione verā inherētiā in re, quę patitur, idcirco ea numeratur a D. Thoma, in his, quę extrinsecus denominant, quasi cui non repugnat secundum eōdem rationē passionis non inherere vera inherētia, in

re, quę patitur. Quod ait Arist. & ceteri philosophi affirmant, oēm passionem inesse in re, quę patitur, non aliter intelligendum est, quam vt modo exposuimus, aut uera scilicet inherētia, aut coniunctione aliqua reali. Restat vt argumentis initio propositis respondeamus. Ad primum dicendum est, Arist. sic intelligendum esse, oīs, quę quoquo modo esse aut fingi possunt, modo aliquo poni in predicamentis, aut per se, aut reductiue excepto tamen Deo, qui pp infinitam perfectionem essentię suę, nec per se, nec reductiue in predicamentis poni debet. Itaque eo vno excepto, cetera oīa aut p se, aut reductiue ponuntur in predicamentis, per se quidem ea quibus competunt 8. illę conditiones supra positę: Reductiue autem reliqua omnia, quibus aliqua dicitur esse conditio. Quapropter vt omnia generatim percurramus, æquiuoca reuocantur ad predicamenta per vniuoca, & per alia, non æquiuoca, quę complectuntur: complexa per simplicia ex quibus constant: concreta accidentium per abstracta: & abstracta substantiarum per concreta; priuationes & quęuis alię negationes, per ea quorum sunt negationes: existentie per essentias, quarum sunt existentie: entia per accidēs, per entia per se; entia cōficta, per entia vera: Ex qui bus finguntur composita: entia incompleta per ea, quę sunt completa: denique entia rationis, per entia realia, in quibus fundantur. Ex his patet solutio ad secundum.

C A P V T Q V I N T V M D E S V B S T A N T I A .



Substātia autem, quę propriissimeq; & primo maxime substātia dicitur, ea nimirum est, quę neque de subiecto, nullo dicitur, neque in nullo est prorsus subiecto: vt aliquis homo, vel aliquis equus. Secūde vero substātię dicuntur, & eę species, in quibus eę, quę primo dicuntur substātię insunt: & harū speciēū etiā genera: cum in hōie qd ē est vt specie, quidā hō: genus autē huiusce speciēi aīa est. Secūde igitur hę dicuntur substātię, vt homo ac animal. Patet autē ex dictis, nomen eorū quę de subiecto dicuntur, rationemq; de subiecto necessario predicari, vt homo de aliquo homine dicitur vt de subiecto; atq; nomē de hoc predicatur, vt patet, bōiem. n. de quo

dam hoīe prædicabis, & rō ēt hoīs, de quodam homine prædicabitur. Quidā enim homo & homo est, & etiam animal: quare de subiecto tam nomen, quam ratio prædicabitur. Eorum vero quæ in subiecto sunt, in plurimis quidem neque nomen, neque rō prædicabitur de subiecto: in aliquibus autē nomen quidē nihil prohibet de subiecto prædicari interdum, rationem vero est impossibile; ut album cum in subiecto sit corpore, prædicatur de subiecto: dicitur enim corpus albi; ratio vero albi de corpore, nunquam prædicabitur. Alia uero omnia, aut de subiectis dicuntur primis substantijs, aut in subiectis eis sunt. Hoc autē manifestum singula de promenti fuerit, ut animal de homine prædicatur: ergo & de quodā homine prædicabitur: nam si de nullo quorundam hominum, neque cōtra de homine. Rursus calor in corpore est, ergo & in quodam corpore; nam si non in aliquo singulorum corporum est, nec omnino in corpore; quare alia omnia, aut de subiectis primis dicuntur substantijs, aut in subiectis eis sunt. Non existentibus igitur primis substantijs, aliquid aliorum esse impossibile est. Omnia enim alia, aut prædicantur de eis, aut in subiectis eis insunt. Quæ non existentibus primis substantijs, aliquid aliorum esse est impossibile. Secundarum vero substantiarum, magis substantia est species, quam genus; propinquior enim primæ est substantiæ. Si quis enim prima substantia quid sit, edat, euentius conuententiusque reddiderit, si speciem, quam genus reddat; ut hominem quendam manifestius assignabit, hominem potius quam animal assignans. Illud enim proprium magis cuiusdam hominis, hoc autem communius. Et cum quendam arborem assignauerit, manifestius assignabit, arborem assignando, quam plantam. Præterea prima substantia, ideo quod alijs omnibus subiiciuntur, & omnia alia de ipsis, vel prædicantur, vel in ipsis sunt, ea gratia prima substantiæ maxime dicuntur. Ut autem primæ substantiæ ad omnia se habent cætera, ita se species ad genus habet; subiicitur enim species generi; genera enim de speciebus prædicantur: species autem cum generibus non conuertuntur. Quare & ex his species genere substantiæ magis est. Ipsarum vero specierum quæcunque genera non sunt, altera magis altera substantia nulla est. Nihil enim accommodatius assignabis de quodam homine, hominem assignando quam de quodam equo equum. Similiter autem & in primis substantijs nulla alia magis altera substantia. Nihil enim magis quidam homo substantia est, quam bos quidam. Merito igitur primas substantias, solæ aliorum species generaque secundæ substantiæ dicuntur. Sola enim hæc corū, quæ prædicantur, primam substantiam indicant; quendam epim hominem si quis ediderat quid sit, speciem quam genus accommodatius demonstrabit, & manifestius quid sit faciet, hominem quam animal attribuendo. Aliorum vero omnium quicquid attribuat quis, tribuet extraneis; velut album, aut currit, aut aliud quodcunque huiusmodi de promendo, eo quod a ijs omnibus subiiciuntur, & omnia alia de illis vel prædicantur, vel in ipsis sunt, propriissime dicuntur substantiæ. Sic autem primæ substantiæ ad omnia se habent cætera, ita genera, & species primarum substantiarum ad reliqua omnia se habent de his enim reliqua omnia prædicantur; quendam enim hominem dices Grammaticum, esse ergo & hominem, & animal Grammaticū dices esse, similiter & in alijs. Cōtra a omni substantiæ est, in subiecto non esse. Prima namque substantia, nec in subiecto est, nec de subiecto aliquo dicitur. Secundarum vera sub-

substantiarum constat quidem etiam sic, in subiecto nullam esse: homo enim de subiecto quidem homine quodam dicitur, in subiecto vero nullo est, neque enim in quodam homine homo est, Similiter autem & animal de subiecto quidem dicitur quodam homine, non etiam, animal in quodam homine. Præterea eorum, quæ in subiecto sunt, nomen quidem de subiecto prædicari interdum nihil prohibet: rationem vero est impossibile. Secundarum vero substantiarum de subiecto & ratio & nomen prædicatur; rationem enim hominis de quodam homine prædicabilis, & animalis similiter: quare non erit eorum substantia, quæ sunt in subiecto. Nam est autem proprium substantiæ hoc: quippe & differentia eorum est, quæ in subiecto non sunt bipes enim, & gressibile de subiecto quidem homine quodam dicitur, in subiecto vero est nullo: neque enim in homine bipes est, neque gressibile. Ratio quoque differentia de illo prædicatur, de quocunque ipsa differentia dicitur: vel ei si gressibile de homine prædicatur; & ratio gressibilis de homine prædicabitur, est enim homo gressibilis. Neque vero nos substantiarum partes conturbent, quæ ita in toto sunt, quasi in subiecto sint, ne forte eas non esse substantias fateri cogamus. Non enim sic in subiecto quippiam esse; quemadmodum partem esse dicitur. Inest autem substantiis differentiis quæ omnes uniuoce ut prædicentur. Omnia enim, quæ ab his prædicata sumuntur, aut de indiuiduis, aut de speciebus prædicantur. A prima namque substantia, prædicatio nulla est: de nullo enim subiecto dicitur. Secundarum vero substantiarum species quidem de indiuiduo prædicatur, genus autem & de specie prædicatur, & de indiuiduo. Similiter autem & differentiæ & de speciebus & indiuiduis prædicantur. Iam vero & rationem primæ substantiæ specierum generumque suscipiunt & species generis, quæcunque enim de prædicato dicuntur, eadem & subiecto dicuntur. Similiter autem rationem differentiarum suscipiunt species & indiuidua. Uniuoca autem sunt, quorum & nomen commune est & ratio eadem, quare omnia, quæ a substantiis, differentiisque sunt, uniuoce prædicantur. Omnis autem substantia hoc aliquid significare videtur; in primis igitur substantiis indubitabile id, utrumque est, hoc aliquid ipsas significare. Indiuiduum enim unumquodque numero est, quod significatur. In secundis vero substantiis, similiter quidem propter appellationis figuram hoc aliquid significare videtur, cum quis aut hominem, aut animal dixerit, non tamen est verum, sed quale quid potius significat, non est enim unum ipsum subiectum, ut ipsa substantia prima, sed de pluribus ipse homo & animal dicitur, verum quale quid absolute significat, perinde ac album, nihil enim aliud album, quam quale significat. At species & genus circa substantiam quale ipsam definiunt, qualem enim quandam substantiam sane significant. Genere tamen amphiore definitio, quam specie fieri solet, qui namque animal dicit, is plura completitur, quam is qui hominem dicit. Competit præterea substantiis, & nihil ipsis contrarium esse. Primæ namque substantiæ, ut alicui homini, aut alicui animali, quidnam contrarium fuerit nihil enim prorsus his aduersatur. At neque ipsi homini, vel animali contrarium quicquam esse videtur. Non tamen hoc substantiæ proprium est: & alijs enim competit; ut quantitati: bicubito enim aut tribucito nihil contrarium esse videtur, neque ipsis decem, neque talium cuique quicquam aduersatur. Nisi quispiam multum paucum, aut magnum paruum dixerit esse contrarium;

rium, attamen nihil eorum, quæ definita sunt quantitatis, cuiquam prorsus aduersari videtur. At vero substantia non suscipere gradus videtur, ut sit magis minusve talis. Atque non dico substantiam substantia non magis substantiam esse, hoc iam diximus ita esse, sed quamquam substantiam, id ipsum quod est, non dici magis ac minus esse, veluti si substantia eadem homo sit, non est magis ac minus aut seipso aut alio homo: non enim alius alio magis homo est, perinde atque album aliud alio magis ac minus est album, corpus enim album magis album nunc quam prius, & calidum magis nunc calidum ac minus: dicitur esse substantia vero non magis dicitur, neque minus, neque homo magis nunc homo quam prius dicitur esse, neque ceterorum quicquam omnino, quæ substantiæ subeunt rationem. Quare patet, substantiam gradus suscipere non posse, ut magis sit unquam id quod est, atque minus. Maxime vero substantiæ proprium hoc esse videtur, idem inquam, unumque numero permanens contrariorum esse susceptivum: quale nihil in ijs, quæ substantiæ non subeunt rationem, proferre possis, quod unum numero cum sit, recipere in se simul contraria possit, ut color unus idemque numero, albus idem ac niger: negotium vè idem numero, bonum malumque ut dicatur, ac in ceteris similiter, quæcunque substantia non sunt. Substantia autem una eademque numero contrariorum est susceptiva, veluti quidam homo unus ac idem interdum fit albus, interdum niger, & calidus atque frigidus, & vitiosus: ad alia vero nulla ipsum accommodari videtur. Nisi fortasse quispiam instaret, orationem, opinionemque dicens contrariorum esse susceptivas. Eadem enim oratio vera falsaque esse videtur, nam si vera est hæc oratio, quempiam inquam sedere, si ille surgat, eadem hæc oratio falsa erit. Idem & in opinione fieri videtur, nam si quispiam vere opinatur quempiam sedere, si surgat ille falso nimirum opinabitur, qui de illo eandem habet opinionem. Enim vero si quispiam, & eis illud accommodatum duxerit esse in modo, tamen habebit utrique differentiam, substantiæ enim ipse sui mutatione, contrariorum sunt susceptrices, fit sit, enim ex calido quippiam frigidum, mutatur sane: alteratur enim ut patet: & similiter si nigrum ex albo fit, & studiosum è vitioso, & in ceteris simili modo, unumquidque mutationem suscipiens, contrariorum est susceptivum. In oratione vero atque opinione non ita fit, sed ipsæ quidem immobiles penitus manent: si res autem moveatur, ibi tum evadunt circa eas contraria, oratio namque eadem manet, quempiam inquam sedere. Re autem mota, interdum vero interdum falsa fit, eadem contraria opinionem etiam fiunt. Quare saltem hoc quiddam substantiæ proprium erit, ipsam sui mutatione susceptricem contrariorum esse. Quod si quispiam & hoc acceptet, opinionem ut putet, orationem vè susceptivam contrariorum esse, sciat id ipsum verum non esse. Oratio namque opiniorum: non quia suscipiunt aliquid, ideo susceptiva contrariorum esse dicuntur: Sed quia circa quippiam aliud accidit aliqui. Ex eo namque vera vel falsa oratio, ac opinio dicitur esse, quæ res ipsa est aut non est: non quæ ipsa contrariorum sunt susceptrice. Simpliciter, nam nulla re prorsus aut oratio, aut opinio moveatur, quare non erunt susceptiva perfectio contrariorum, si passio in ipsis nulla efficiatur. At substantia hoc susceptiva contrariorum dicitur esse, quæ contraria suscipit. Atque unumquodque talium ipsa suscipiens, susceptrix contrariorum dicitur esse. Quare subest proprium erit, ipsum unum, idemque numero permanens, mutatione sui susceptricem esse contrariorum. Sed à subiecto quiddam habetur:

Absoluta prima lib. parte aggreditur Aristot. secundam, præcipuamque, in qua singularem de Prædicamentis præcipuis discit. Exorditur autem a substantia, quia substantia est primum genus rerum, cuius respectu, (vt ipse 4 Metaph. lib. air) cætera omnia quæ qualemcumq; essendi rationem participant dicuntur essentia, item quæ, quia reliquo omnia huic quasi fundamento incumbunt: quo proinde sublato, illa consistere non possunt, vt hoc eodem ca. docet. Complectitur autem hoc caput duas partes præcipuas. In priori explicantur ea, quæ per se in hoc prædicamento ponuntur, moxquæ inter se comparantur. In posteriori traduntur quædam eorundem proprietates.

Substantiæ autem quæ) quasi præmissa diuisione substantiæ in primam & secundam, definit priori loco primam, eo, quod hæc vt ipse ait, propriè in primis & maxime substantia dicatur. Vt autem intelligas cur Aristot. ijs verbis primam substantiam signauerit, animaduerte, substantiæ vocabulum quatuor modis accipi solere; Vno pro cuiuslibet rei essentia, quam signationem explicat Aristot. 5. Metaph. cap. 8. cum ait Substantiæ nomine inter alias signari quid dicitur; cuiuslibet rei etiam non substantiæ, vt exponit Alexander. Alter pro substantia, quæ ratione ab accidentibus distinguitur, etsi nõ sit substantia cõpleta, quo pacto Aristot. hoc ipso cap. & alibi sæpe, vt ca. 7. huius lib. & 1. Phys. 3. & 6. & alijs locis compluribus vocat substantias entia omnia realia, quæ non sunt in subiecto, etsi completa non sint, vt caput, manum, materiam, & formam. Tercio, pro substantia completa, quæ per se ponitur in hoc prædicamento: siue sit singularis, quæ vocat prima siue accidentalis, quæ dicitur secunda, quo pacto substantiæ vocabulum in primam & secundam diuiditur ab Aristot. & sermè in toto cap. vsurpatur. Quarto, pro sola indiuidua substantia, quæ per se in hoc prædicamento ponitur, vt pro Socrate & Platone: quo pacto accipitur ab Aristot. 7. Metaph. cap. 1. vbi ait genera, & species substantiarum non esse substantias & hoc loco vocatur prima substantia. Admonendum est etiam primam substantiæ significationem late admodum patere: secundam vero esse propriam: tertiam magis propriam, extremam

maxime propriam. Nam substantia propriè est ens per se existens, seu non in alio. Ex his autem quæ non sunt in alio, magis propriè dicuntur per se existere ea, quæ sunt completa, quam quæ sunt incompleta. Ex completis denique multo verius adhuc dicuntur existere per se, quæ sunt indiuidua, quandoquidem indiuidua non existunt per inferiora quemadmodum ea quæ sunt accidentalia, sed immediate per se ipsa.

Quæ cum ita sunt, perspicuum relinquitur, merito Aristot. appellasse primam substantiam propriissime substantiam, eo quod hæc sola inter substantias creaturarum verissime dici possit habere esse se, & non in alio. Reliqua duo uerba primo ac maxime idem videntur valere ac propriissime, nec alia de causa adiecta esse, nisi vt magis commendaretur primarum substantiarum dignitas & præstantia, aut certe explanationis causa.

Quæ neque de subiecto] Prima substantia, inquit, est quæ neque de subiecto aliquo dicitur, neque in subiecto aliquo est. In qua definitione loco generis non est intelligenda substantia, quæ in primam & secundam diuiditur: Sic enim superuacaneus esset pars illa definitionis, [hoc in subiecto est] cum omni propriè dictæ conueniat, nõ esse in subiecto, sed intelligendum est, ens, quod c. 2. posteriori diuisione distributum fuit in ea, quæ dicuntur de subiecto &c. Vtpote ens per se reale, finitum & completum, vt supra dictum est; quod alij vno verbo prædicamentale vocant. Quo fit, vt per hanc definitionem partem excludantur omnia entia, quæ talia non sunt atque ita omnes doctrinæ substantiales & omnes partes Physicæ aut integrantes substantiarum, quia nihil horum est ens completum. cum vero additur neque de subiecto villo dicitur, hoc est, de nulla parte subiecta prædicatur essentialiter, excluduntur omnia entia completa vniuersalia, quæ sub eate pro genere posito comprehenduntur, vtpote accidentia vniuersalia & secundæ substantiæ. Cum autem adiungitur [nec in subiecto villo est,] excluduntur accidentia singularia.

Secundæ vero substantiæ] In hac definitione secundarum substantiarum collocandum est pro genere illud idem, quod in superiori definitione ponendum esse dixi-

mus, vt sic exponatur tōta definitio: Secundæ substantiæ sunt entia prædicamentalia, quæ sunt species aut genera, in quibus primæ substantiæ insunt, hoc est, in quibus primæ substantiæ essentiali prædicatione subiunguntur, vt homo atque animal; per entia prædicamentalia, quia subintelligenda esse diximus, excluduntur ea omnia, quæ per genus superioris definitionis reiecta sunt. Per secundam vero definitionis partem reijciuntur omnia singularia entia, quæ in prima parte continentur, nempe singularia accidentia & singulares substantiæ quas primas appellauimus. Per tertiam denique excluduntur accidentia diuersalia, quia ijs non subiunguntur primæ substantiæ essentiali prædicatione, si vis hanc definitionem ad numerum singularem traducere dicito; Secundam substantiam esse ens prædicamentale, quod est species, aut genus, in quo inest prima substantia.

Manifestum autem] Vt planius intelligatur, simulque aperitur via ad comparandas primas substantias cum secundis, & vtræque inter se, docet hoc loco, quid inter se interdici de subiecto & esse in subiecto. Quod vt intelligas aduerte, id prædicari nomine de aliquo; cuius nomen illi attribuitur, siue tale nomen significet aliquid essentialē rei, cui attribuitur, siue accidentarium, quo pacto prædicatur de homine, non solum animal rationis particeps & cætera pertinentia ad eius essentiam sed etiam album, grammaticum & cætera accidentia: id autem prædicari ratione cuius ratio obiectiua siue essentia nomine signata pertinet ad rationem obiectiuam, siue essentiam subiecti, quo pacto genera & differentiæ prædicantur de speciebus, & indiuiduis. Discrimen ergo, quod Aristot. tradit inter ea, quæ dicuntur de subiecto, & ea, quæ sunt in subiecto, est, quod ea, quæ de subiecto dicuntur, prædicantur nomine & ratione de substantijs, at vero id, quod est in aliquo vt in subiecto, ita se habent, vt si abstracte sumatur, nec nomine nec ratione de eo dicatur. hoc est, de substantia. atque hoc est, quod ait, in plurimis quidem nec nomen nec ratio prædicabitur de subiecto. Si vero sumatur concreto, vt si dicas candidum, grammaticum, potest illa quidem prædicari nomine, verò ratione nequaquam. dicimus enim cygnum esse candidum, &

Aristarchum grammaticum; cæterum ratio & essentia candidi aut grammatici non pertinet ad essentiam cygni & Aristarchi, essi accidentaria prædicatione, de illis prædicantur. Hoc autem significat Aristot. cum ait, in aliquibus [autem nihil prohibet de subiecto prædicari interdum ratione vero est impossibile.] dixit autē, [nihil prohibet] quia quædam accidentia non habent concreta nomina, quæquidem sint vsurpata, vt linea & alia huiusmodi. Cæterum nihil obstat, quo minus concretis nominibus prædicentur, si illa singantur, vt si dicas, lineatum, virtuosum, quod tamen vsus non fert. Videtur etiam Aristote. addidisse hæc verba, propter quædam accidentia, quæ non possent denominare substantiam, qualia sunt inhærens, disposens, (ut de dispositionibus dicitur) & alia huiusmodi. hæc enim etsi habeant nomina concreta vsurpata, nunquam tamen dicuntur nomina proprio de subiecto, quod est substantia.

Alia vero omnia.] Iam comparat primas substantias cum secundis, docetque primas esse maxime substantias, id quod hac ratione probat. Cætera omnia, quæ in prædicationis ponuntur, aut dicuntur de primis substantijs, ut de subiectis, aut in eis, ut in subiectis inhærent; (hoc a nobis infra probabitur.) Ergo primæ substantiæ sunt maxime substantiæ. Conclusio hæc non ponitur in hac parte contextus, sed tamen in sequentibus plane supponitur ex hac antecedente. Consequentia perspicua est, quia si primæ substantiæ ceteris omnibus tam substantijs, quam accidentibus subiunguntur, non dubium est quin maxime substantent, si autem maxime substantent perspicuum est, eas esse maxime substantias. Admonendum est tamen primas substantias non ideo esse maxime substantias, quia maxime substant sed quia sunt maxime substantiæ, idcirco maxime substante. Nam substantiæ ratio non consistit in substantando alijs, sed in per se existendo, ex signo ergo & effectu potius, quàm ex propria ratione substantiæ colligit hoc loco Aristot. primas substantias esse maxime substantias, quæ postea planius intelliges. Si quis uero obiiciat scientias, & uirtutes esse in anima, ut in subiecto: animam uero non esse primam substantiam: Ergo non omnia accidentia inhære in primis substantijs:

stantijs: neganda est consequentia, quia q̄ inhzet parti, dicitur etiam inhzere toti. Quod si adhuc vrgeat, dicens non semper animam esse in homine; & proinde tum saltem, cum illa a corpore separata est, accidētia, quæ in ipsa existunt non esse in prima substantia. Dicitur etiam eiusmodi accidentia apta esse, vt sint in prima substantia, quatenus scilicet sunt in parte, quæ apta est, esse in toto: hic autem non esse sermonem de actu solo: sed de actu & aptitudine.

Hoc autem manifestum singula depromenti fuerit] Probat utramq; partem Arist. priorem hoc pacto: animal prædicatur de homine, vt de subiecto; Ergo & de aliquo ex singulis hominibus, vt de Socrate, aut Platone eodem modo prædicatur. Nam si de nullo ex singulis hominibus dicitur vt de subiecto: Ergo nec de homine dicitur, vt de subiecto. Id quod de ceteris generibus substantiarum eadem ratione vult esse concludendum. Supponit enim tanquam perspicuum, vt Ammon. annotauit, species infimas dici de primis substantijs, vt de Socrate, aut Platone, vt de subiectis. Posterioriorem hoc modo. Color est in corpore, vt in subiecto inhzēntis: Ergo & in aliquo ex singulis corporibus. Nam si in nullo ex singulis corporibus hoc modo sit, nec in corpore erit, vt in subiecto inhzēntis, id quod de ceteris accidentibus rebus, quæ in secundis substantijs inhzērent, eadem ratione colligendum, esse innuit.

At dicat aliquis, a prædicato superiori ad inferius, aut Dialectici dicunt, affirmando non licet argumentari: perperam igitur colligit Aristote. animal dici de aliquo ex singulis hominibus, quia dicitur de homine, qui singulis hominibus, superior est, aut colo rem esse in aliquo ex singulis corporibus, quia est in corpore, quod superius est. Item ab inferiori ad superius negando non licet argumentari, vt etiam dialectici affirmant; Ergo non recte colligit Aristot. animal si non dicitur de singulis hominibus, non etiam dici de homine; aut colorem non esse in corpore, vt in subiecto, si in nullo est ex singulis corporibus. ad hoc argumentum dicendum est, vitiosam esse argumentationem a prædicato superiori ad inferius affirmando, quando proceditur a prædicato superiori non distributo ad aliud singulare certum, vt si dicas, album di-

ci de homine: Ergo & de hoc homine, esse autem firmum, cum proceditur a superiori prædicato distributo, ut Aristot. fecit. Sic enim argumentētus fuit; animal prædicatur de homine, vt de subiecto, hoc est, essentialiter aut vniuersaliter (vt tertio c. exp. sinuimus.) Ergo de aliquo ex singulis hominibus, imo etiam firmam esse, cum proceditur a prædicato superiori non distributo ad aliquod singulare sub disunctione, vt si dicas, album dicitur de homine; Ergo de hoc singulari homine, aut de illo, & sic de ceteris. Eodem modo dicendum est, vitiosam esse argumentationem cum negando proceditur ab inferiori determinato ad superius, vt si dicas: color non est in Socrate: Ergo non est in homine; esse autem firmam, si ab omnibus inferioribus sufficienter numeratis ad superius. negando progrediamur vt Aristot. fecit sic enim est argumentatus: si animal de nullo ex singulis hominibus prædicatur, nec est de hic; & si in nullo ex singulis corporibus est color nec erit in corpore.

Non existētibus igitur] Colligit ex proximè dictis hoc corollarium, sublatis obus primis substantijs, nullam secundam substantiam, nullumq; accidens posse remanere, quo loco duo sunt admonenda, alterū est, illud esse intelligendum, q̄ primæ substantiæ ita auferuntur, vt neque earum partes supersint. Alterum est, Aristot. loqui de substantijs & accidentibus, quatenus in rebus existunt, quis in mente manere possunt, id est, mētē obiecta.

Secundarum substantiarum.] Comparat secundas substantias inter se, docetque primum species esse magis substantias quā genera, quorum sunt species: id quod duabus suadet rationibus. Prior ratio est, quia species proprius accedunt ad primas substantias quam genera, cum planius, & aptius declarent naturam primarum. Nititur hæc ratio huic communi pronuntio, qd proprius accedit ad id, quod est maxime tale, id magis tale est, vt color cuius natura magis accedit ad naturam candoris, si disgregat visum maxime, quandoquidem inter colores candor id maxime efficit.

Ipsarum specierum.] Comparat species infimas huius prædicamentis inter se, dicitque eas esse æque substantias, quia omnes æque declarant naturam primarum substantiarum: hinc enim patet omnes æque accedere ad primas substantias.

Similiter autem. Comparat demum ipsas primas substantias inter se, docetque omnes quidem æque substantias: quod solum exemplis patefacit. Ratio huius conclusionis est, quia omnes æque existunt per se, id quod ex eo patet, quia nulla earum eget subiecto ullo siue inhaesionis, siue prædicationis vt ex definitione primæ substantiæ perspicuum est.

Merito igitur Ex his, quæ dixit in comparatione substantiarum docet obiter duabus rationibus, cur ex cæteris rebus omnibus, quæ de primis substantijs dicuntur, sola genera & species substantiarum, secundas substantias nominauerit. Prior ratio est quia hæc declarant naturam primarum substantiarum, accidentia non item. Loquitur hic Aristoteles de solis prædicatis completis, cuiusmodi non sunt differentiæ, ideo docet alia omnia a generibus & speciebus extranea esse nominis primarum substantiarum.

Posterior ratio est, quia, quemadmodum primæ substantiæ cæteris omnibus, si proportionem quadam genera & species earum substantiant reliquis omnibus, nimirum accidentibus: quod sane non dixeris de accidentibus, ubi de accidentibus rebus loquitur Aristoteles. proinde dicit ea, quæ in ferioribus conueniunt superioribus etiam conuenire. Sed contra ea, quæ dicta sunt in comparatione substantiarum sic obijciunt aliqua: Nulla est prima substantia, quæ subijciatur omnibus accidentibus; & omnibus prædicatis substantialibus, vt inductione patet: igitur non ex eo colligendum fuit primas substantias esse maxime substantias, quia omnibus subijciuntur. Secundo homo pluribus subijciatur, quam Socrates igitur homo est magis substantia quam Socrates, id quod de alijs similibus secundis substantijs eodem modo concludi potest, quod tamen negat Aristoteles. Antecedens ex eo probatur quia homo subijciatur omnibus secundis substantijs quibus subijciatur Socrates, præterquam sibi ipsi, & præterea subijciatur omnibus accidentibus non modo Socratis, sed etiam reliquorum hominum quibus Socrates non subijciatur. Accidentia enim, quæ conueniunt inferioribus conueniunt superioribus, vt Aristoteles modo docuit, & apud Porphyrium. cap. de communitatibus annotauimus. Tertio inter primas

substantias, quædam subijciuntur pluribus quam aliæ: & inter species infimas substantiarum, quædam subijciuntur pluribus, quædam paucioribus, nec igitur omnes primæ substantiæ inter se comparatæ, nec omnes species infimæ substantiarum, sunt æque substantiæ vt Aristoteles dixit. Antecedens hinc patet, quia indiuidua simplicia, & species infimæ, sub quibus ea continentur, paucioribus accidentibus, subijciuntur, quam mixta vitæ expertia, & hæc, quam viuientia, vt perspicuum est, non modo paucioribus accidentibus sed etiam paucioribus prædicatis substantialibus. Si enim à summo genere huius prædicamenti diuidendo descendas, pauciora intermedia inuenies, ante hoc cælum, quam ante hunc lapidem, & pauciora ante hunc lapidem, quàm ante hunc hominem, & ita in alijs.

Ad primam obiectionem, concessio antecedente neganda est consequentia: nõ ideo primæ substantiæ, dicuntur ab Aristotele maxime substantia, quia quæbet earum subijciuntur omnibus omnino accidentibus, & omnibus omnino prædicatis substantialibus, sed quia omnes collectivè sumptæ subijciuntur omnibus omnino, tum accidentibus, tum prædicatis substantialibus, vt ex ipso contextu apertum videtur. Si quis tamen quærat, cur quælibet earum, nulla habita ratione cæterarum primarum dicatur maxime substantia, respondendum est, ideo quamlibet primam substantiam dici maxime substantiam, quia omnibus, quibus subijciatur per se ipsam subijciatur, hoc est, nõ per aliquid inferius, quod certe omnibus primis substantijs conuenit, quamquam nulla earum, omnibus omnino secundis, aut omnibus omnino accidentibus subijciatur.

Ad secundam obiectionem aperte respondet, si dicas, hominem non subijci pluribus per seipsum, quam Socratem, quamquam pluribus subijciatur per inferiora.

Ad tertium puto, primas substantias inter se comparatas, non ideo dici æque substantias, quia quod substantijs, & accidentibus subijciuntur, & tot subijciuntur reliquæ omnes, sed quia quemadmodum hæc per se ipsam subijciatur, cæteris omnibus substantijs & accidentibus, quibus ipsa subijciatur, præterquam primis substantijs, ijsque

ijſque accidentibus, quę primis ſubſtantijs primo, & immediate conueniunt, ſic cęterę omnes. Ex quo illud intelliges, genera ſubſtantiarum quę per ſe ipſas ſubſtant cęteris omnibus, præterquam primis ſubſtantijs, & ſpeciebus infimis ſubſtantiarum, iſſque accidentibus, quę omnibus huiusmodi ſubſtantijs primo & immediate conueniunt, inter ſe comparatas, eſſe æque ſubſtantias, & vt ſemel dicam, omnes quęcunque diſtant a primis, ſive vno gradu, ſive duobus ſive pluribus eſſe æque ſubſtantias.

Quod ſi vnum genus minus diſtat ab vna ſubſtantia, quā ab alia, vt ſubſtantia genus ſunium a Michaelē archangelo, quam a Socrate, & animal a Socrate quam a Bucephalo non eſt incommodum, ſi alia, & alia ratione, ſeu quod idem eſt, comparatione diuerſorum ſit magis, & minus ſubſtantia.

Commune autem omnibus] Haſtenus explicauit ſubſtantijs, quę in hoc prædicamento per ſe ac directe ponuntur, haſque inter ſe conſtituit: nunc in hac ſecunda parte cap. ſex earum attributa ſeu proprietates tradit. Primum ergo attributum eſt, nō eſſe in ſubiecto, quod ſane omnibus ſubſtantijs completis, non autem ſolis conuenit idque ipſe hoc modo offendit. Nec primę ſubſtantię, nec ſecundę ſunt in ſubiecto; Ergo omnibus completis ſubſtantijs commune eſt non eſſe in ſubiecto. Quod primę ſubſtantię non ſint in ſubiecto, ex definitione primę ſubſtantię collige. Quod autem nec ſecundę ſint, hac ratione ſuadet. Si ſecundę ſubſtantię in aliquo eſſent ſubiecto, illud ſane eſſet prima ſubſtantia, ſiquidem primę ſubſtantię ſunt, prima ſubiecta & in heſionis & prædicationis, vt patet ex ijs, quę paulo ſuperius dicta ſunt: hoc autem fieri non poteſt. Ergo nec illud. Minorem propoſitionem probat, primum, quia ſecundę ſubſtantię dicuntur de primis, vt de ſubiectis, quę autem de aliquo dicuntur vt de ſubiecto, in eodem ut in ſubiecto inſeſſe non poſſunt. Deinde, quia quę ſint in aliquo, vt in ſubiecto non poſſunt de eo ratione prædicari, ſed nomine ſolo; cum tamen ſecundę ſubſtantię, & nomine, & ratione de primis dicuntur.

Non eſt autem proprium] Offendit hoc attributum, non eſſe proprium ſubſtantiarum (hoc eſt, non ſolum ſubſtantijs conue-

nire) eo quod conueniat differentijs ſubſtantiarum, quę nec ſunt primę, nec ſecundę ſubſtantię. Quod autem conueniat differentijs, iſdem rationibus probat, quibus offendit conuenire ſecundis. Illud tamen animaduerte, Ariſto. hoc loco accipere ſubſtantię vocabulum, pro ijs tantum ſubſtantijs, quę per ſe in prædicamentis ponuntur, vt haſtenus fecit. Ideo enim non númerat differentias ſubſtantiarum inter ſubſtantias. Illud etiā animaduerte, gradus hoc eſt, quod ingredi poteſt, & bipes uſurpari in contextu pro veris differentijs hominis, inopia verarum differentiarum, quod ſepius fit apud Ariſtotelem: Ex dictis patet hoc attributum reſpectu ſubſtantiarum, quę in hoc prædicamento ponuntur, proprium eſſe ſecundo modo.

Nec nos vero] Forte aliquis minus attente rem conſiderans colligeret ex dictis, partes ſubſtantię non eſſe ſubſtantias hac ratione: nulla ſubſtantia eſt in ſubiecto (vt patet ex tradita ſubſtantiarum proprietate) at partes ſubſtantię ſunt in ſubiecto (ſunt. n. in ſuis totis) igitur partes ſubſtantiarum non ſunt ſubſtantię, quod eſt inconſuetum. Ne quis igitur hanc abſurdam conſuſionem ex dictis perperam intellectis ſibi perſuaderet, aut certe ea, quę dicta ſunt, caperet, occurrat Ariſtotele negatione minoris, quaſi ita dicat: Quanquam partes ſubſtantiarum ſunt in totis, non ſunt tamen in eis, quaſi in ſubiectis, ſiquidem ea ſola dicta ſunt eſſe in ſubiecto, quę in aliquo ſunt, non tanquam partes, vt patet cap. 2. In hac obiectione & ſolutione intellige Ariſtotelem loqui, aut de ſolis partibus in regrantibus, cuiusmodi ſunt caput, manus, ac de eſſentialibus Phyiſicis, hoc eſt, de materia & forma, aut etiam de differentijs ſubſtantiarum eſſentialibus.

Inſeſt autem ſubſtantijs differentijs] Tradit alterum ſubſtantiarum attributum, quod etiam ſubſtantiarum differentijs conuenire affirmat vt pote, vt vniuocę prædicentur, tubaudi de ijs, de quibus prædicantur, hoc eſt, de indiuidijs & ſpeciebus, nec enim de omnibus omnino rebus prædicantur. Quod non vniuocę prædicentur de quibuſcunque rebus dicuntur, ſi probat Ariſtot. Omnes prædicationes, quę ab ijs, ſubſtantijs dicuntur, aut enunciant ſpeciem de ſuo indiuiduo, aut genus & differentiā,

de

de sua specie aut indiuiduo. Hæc autem omnes prædicationes sunt vniuoce: igitur omnes prædicationes, quæ a substantijs differentijs dicuntur, sunt vniuoce: maiorem probat, quia a prima substantia, inquit, nulla est prædicatio, cum nulla prima substantia dicatur de subiecto, vt patet ex eius de finitione. minorem vero sic confirmat: Quæcunque prædicantur nomine, & ratione, prædicantur vniuoce, species autem omnes de suis indiuiduis, & item genus & differentie de suis speciebus, & indiuiduis nomine, & ratione prædicantur. Ergo vniuoce dicuntur.

Vt probationem maioris intelligas, animaduerte Aristot. hoc loco Prædicationis nomine solam directam intelligere, non autem identicam. Hæc enim cum artis sit expertis, merito ab Aristot. rejicitur, nec vero quamcumque directam intelligere, sed eam duntaxat, in qua res, quæ prædicatur, latius patet, quam res, quæ subijcitur, siquidem id, quod vniuoce de alio dicitur, debet latius patere, quam illud. prædicatione igitur accepta pro directa, & artificiosa, de subiecto minus late patente probat. Aristot. omnes prædicationes directas substantijs, vt earum differentijs, enunciare speciem se indiuiduo, aut genus, & differentiam de specie, & indiuiduo: nam si quæ alia prædicatio a substantijs huiusmodi generis duceretur, ea esset prædicatio primæ substantiæ de aliquo, quam ipse ostendit dari non posse, cum prima substantia de nulla re hoc prædicationis genere dicatur. Si quis roget num hoc attributum sit proprium substantiarum, quæ per se in hoc prædicamento ponuntur: dicendum est, nullo modo esse proprium, quia nec solis conuenit, cum differentijs substantiarum conueniat, nec omnibus, cum non accommodetur primis substantijs, vt dictum est. Quod si toti generi substantiarum tam completarum, quam incompletarum tribueretur, dicendum foret esse proprium primo modo. Nam etsi non conuenit omnibus, vt diximus, solis tamen attribuitur, siquidem accidentia, quæ in ceteris prædicamentis, siue per se, siue reductiue ponuntur, non prædicantur vniuoce de omnibus, de quibus secundum naturam artificioso, & vt de rebus minus late patentibus dicuntur. Nec enim possunt de substantijs vniuoce

prædicari, cum de illis non dicantur nomine, & ratione, vt in hoc lib. huiusmodi prædicatio accipitur.

Omnis autem substantia] Tradit tertium substantiarum attributum, vt potest signare hoc aliquid, quod docet primo quidem aspectu videri conuenire omnibus substantijs, cæterum re diligenter expensa, etsi reuera conueniat primis substantijs, non hoc aliquid, sed quale quid signant. Hæc igitur, vt intelligas, animaduerte hoc attributum, vt verba quidem sonant, non accommodari ipsis substantijs, sed earum nominibus, aut apertissimum est. Proinde cum omnis substantia dicatur signare hoc aliquid substantiam pro nomine, substantiam significantem accipi, facile tamen accommodari ipsis substantijs, si loco verbi (signare) intelligitur verbum, (esse): etenim substantia ex hoc aliquid, sicut eius nomen signat hoc aliquid. Illud deinde animaduerte, nihil aliud esse signare hoc aliquid. Illud deinde animaduerte, nihil aliud esse signare aliquid omnino per se existens, hoc est, quod ita existit, vt nec existat in aliquo vt in subiecto, cui inhæreat, nec vt pars in toto, quod constituat; quo sane modo, si loquantur de nominibus rerum, quæ ponuntur in prædicamentis omnia, & sola nomina primarum substantiarum signant hoc aliquid. Demum animaduerte signare quale quid, siue quale vno quidem modo idem esse, ac signare qualitatem propriissime dictam, quo pacto qualitatibus verbum accipitur, ca. 3. huius lib. cum Aristot. ait, qualitatem dico, quæ res dicuntur quales: altero idem esse, ac signare quicquid signatur in questione quale est, siue in questione quale quid est; quo pacto qualitatis nomen passim apud Porphyrium accipitur. Tertio idem esse, ac signare quamcumque rem vniuersalem, quo pacto hæc locutio apud Aristot. 7. Metaph. c. 13. & alibi sepius, cum ait: Vniuersalia non hoc aliquid, sed quale quid signare, atque hoc extremo modo accipitur hoc loco signare quale quid. Dicuntur autem vniuersalia qualia quædā, seu qualitates, quia qualia sunt in vno predicabili, talia sunt in alio in quo posita est tota ratio rei vniuersalis, quæ vniuersalis, quo fit vt ingeniose Aristot. hanc prædicationem vsurpans appellat vniuersalia, nunc qualia, nunc talia, quia qualia sunt in vno, talia sunt in alio, itaque

Itaque ut hec omnia paucis colligamus, signare hoc aliquid, est signare aliquid per se omnino existens, cuiusmodi est omnis prima substantia. Signare autem quale quid siue quale, siue tale, quæ idem valent, est signare aliquid inde finitum, & indeterminatum ad multa, siue aliquid vniuersale, ut Simplicius recte annotauit.

In primis igitur.] Ostendit primo nomina primarum substantiarum reuera prædicare hoc aliquid, quia id quod prædicant est vnum numero, intelligo, (per se,) & nō (per accidens,) siue ratione alterius, ut excludat nomina secundarum substantiarum, quæ quidem prædicant id, quod est vnum numero, saltem per accidens: nam secundæ substantiæ, vt existunt in singularibus per accidens sunt singulares. Quod vero nomina secundarum substantiarum prædicare videantur hoc aliquid, ex eo suadet quod vtræque substantia similem habeat figuram appellationis, hoc est, quia sæpè appellamus primas substantias, nominibus secundarum, vt si dicas, uoca hominem, & noui hominem, hoc est, Socratem aut alii quempiam de quo loquaris: hac ergo ratione homo, & reliqua nomina substantiarum secundarum hoc aliquid prædicare videntur.

Non tamen est verum.] Duo simul hic probat, & quod omnia secundarum substantiarum reuera non signet hoc aliquid & quod significant quale quid. Primum ea ratione probat, quia id quod signat non est vnum quid, subaudi numero cuius verbi paulo ante meminit. Alterum ex eo probat, quia secundæ substantiæ prædicantur de pluribus, utpote eadem ratione, si quis obijciat hoc loco nomine secundarum substantiarum sæpè accidi pro primis, vt proxime dictum. Ergo signare hoc aliquid. Occurrendum est, id quidem verum esse, si sermo sit de omni signatione, siue sit immediata, siue mediata, ac remota; ac hoc loco intelligendam esse solam proximam, & immediatam.

Verum non quale.] Quoniam dixerat nomine secundarum substantiarum prædicare quale quid, ne aliquis se parum expensè existimaret, ea proinde ad prædicamentum qualitatis pertinere, dicit nomina secundarum substantiarum alio modo signare quale id, ac nomina prædicamen-

ti qualitatis, vt album. Hæc enim solū quale, seu solam qualitatem formaliter significant, vt album, solam albedinem; illa vero non absolute qualitatem, sed qualitatem circa substantiam determinatam, seu quod idem, substantiam qualem, & vniuersalem significant. Ex dictis signare hoc aliquid esse proprium primo modo, respectu totius huius prædicamenti: conuenit enim solis substantiis, non tamen omnibus: signare vero quale quid substantiale, nullo modo esse proprium, quia non conuenit omnibus, cū non conueniat primis, nec solis, cum conueniat differentijs, licet si ad sola secundas substantias referatur, dicatur proprium secundo modo, quia conuenit omnibus nō tamen solis.

Competit præterea.] Addit iam Aristoteli quædam substantiarum attributum, vt pote non habere substantias contrariorum, quod quidem inductione probat, omnibus substantiis conuenire; loquitur enim de contrariis per se, ac proprie dictis. Nam si de contrariis per accidens, & improprie dictis questio esset, multa possunt contraria substantijs præferri, vt igni aqua, & aeri terra, quæ ratione qualitatum, quibus assiciuntur, contraria per accidens esse dicuntur.

Non tamen hoc.] Docet hoc attributum solis substantijs non conuenire, quia conuenit etiam quantitativis. Si non omnibus (fortasse enim non conuenit multo, & paucō, magno, & paruo, quæ videntur quantitates) certe definitis, ac determinatis, hoc est, ijs, quæ habent finitam mensuram extensionis, vt bicubito, tricubito, denario, numero & ceteris huiusmodi: ex ijs patet hoc attributum esse proprium secundo modo respectu substantiarum; quia conuenit omnibus, sed non solis. Quæ autem Aristoteli hic videtur cōcedere, nempe, magnum & paruum, multum, & paucum, & esse quantitates, & esse contraria, non asseueranter dicuntur; cum ea sequenti negentur: ideo tamen hic quasi admittuntur, quia etsi ponantur vera adhuc tamen dantur quantitates, quibus nihil est contrarium.

At vero substantia.] Tradit quintū attributum substantiarum, quod quidem est, substantias non suscipere magis & minus; seu quod ad Logicam attinet, non prædicari cum aduerbijs magis & minus. Sed quoniam superius dictum est, quasdam

H sub.

substantias esse magis substantias, quam alias docet Arist. id, quod hoc loco ait, substantias nimirum, non suscipere magis & minus esse intelligendum de substantijs secundum suam existentiam acceptis. Socrates enim non dicitur magis aut minus homo, quam ipse sit in alio tempore, aut quam aliquis alius, quod idem in ceteris substantijs cernere licet. Ex quo patet id, quod supra dictum est: alias substantias esse magis substantias, quam alias, secundum aliquam aliam rationem substantiae esse accipiendum, nempe, aut secundum conditionem substandi, aut per se existendi. Est autem hoc attributum proprium secundo modo, proprium substantiarum: quia conuenit omnibus, non tamen solis; cum conueniat bicubito & alijs quamplurimis accidentibus.

Maximè autem] Tradit sextum, extremumque arbitrium substantiarum, utpote quod substantia, vna numero permanens susceptiua sit contrariorum, quod idcirco hactenus distulit, quia substantiarum maxime proprium est. Exemplis autem ostendit hoc attributum substantijs accommodari.

Nisi fortasse] Obijcit sibi Arist. quod nò sola substantia videatur contraria recipere: nam verum & falsum sunt contraria: eadem autem oratio & opinio possunt recipere veritatem & falsitatem; ex quo videtur effici orationem & opinionem posse recipere contraria; siquidem non solum substantias, sed etiam res alias esse contrario rum capaces. Hanc obiectionem duobus modis diluit; vno quidem fiduciaria solutione, quæ tunc adhibetur, cum fidenter admissis summationibus ostendibus eas non colligere institutum: altero per instantiam, ut Græci uocant, qua tunc igitur respondens, cum opponenti negat aliquam summationem. Priori igitur solutione admittit Aristot. verum & falsum esse contraria, orationem item & opinionem suscipere verum & falsum, & proinde contraria, alia tamen ratione, ac substantia recipit. Substantia enim contraria recipit mutatione sui: oratio autem, & opinio suscipiunt quidem veritatem, & falsitatem, non tamè mutatione sui, sed rei signatz. Circa orationem enim nulla actio uestitur, aut circa opinionem, existimationemvè, cum ipsa

ex vero sit falsa, aut è contrario: sed circa rem prædicatum, quæ secus accidit in substantia cum abiicit vnum contrariorum, & alterum suscipit. Est itaque substantiæ proprium, vt vna numero cum sit, mutatione sui contrariorum sit capax.

Quod si quispiam] Hac altera solutione negat Aristotel. simpliciter, & sine distinctione orationem, aut opinionem accipere posse contraria. Re enim vera; non recipiunt oratio, aut opinio contraria, cum ex veris fiant falsæ, aut ex falsis veræ, quandoquidem si diligentius res expendatur nulla res dicitur recipere vnum contrarium, & abiicere alterum, nisi aliqua mutatio circa ipsam versetur: Oratio autem, & opinio non sunt veræ, nec falsæ, quia inueniuntur, sed quia res ipsæ mutantur. Quibus verbis vult Aristot. vt resistatur prædictæ obiectioni, negatione primæ propositionis: Nec enim oratio, & opinio dicendæ sunt percipere veritatem aut falsitatem; cum circa ipsas nulla mutatio fiat: cum ex veris falsæ fiunt, aut ex falsis veræ.

Vtrum substantia rectè diuidatur
in primam & secundam.

QVÆSTIO PRIMA.

QVod vitiosa sit diuisio substantiæ in primam & secundam his argumentis suaderi potest. Primo substantiæ vocabulum quatuor modis accipitur, vt in iorio capit. diximus, uno pro essentia cuiusque rei, altero pro substantia vt ab accidentibus distinguitur; tertio pro substantia finita & completa; quarto pro prima substantia. Substantia autem siue primo: siue secundo modo intelligatur, non rectè diuiditur in primam, & secundam, quia vt vtrius modo sumpta latius patet, quam membra diuidentia. Quarto vero modo accepta est, vnum ex membris diuidentibus; & ideo non potest esse diuisum. Restat ergo vt dicendum sit, diuidi hac diuisione tertium substantiæ prædicatum. Atqui substantia tertio modo sumpta non est aliquid vnum (est enim aliquod genus aut species,

cies, aut individuum prædicamenti substantiæ, atque ita non posset dividi in primam & secundam substantiam, ne in seipsam divideretur; Ergo nec tertium substantiæ signatum recte dividitur in primam & secundam substantiam. Secundo si bona esset diuisio substantiæ in primam & secundam, non prædicaretur secunda de prima, quandoquidem nullum bonum diuisionis membrum de alio membro dicitur, cum opposita esse debeant & secundæ substantiæ dicantur de primis, ut homo & animal de Socrate & Platone; non recte igitur diuisa est ab Aristotele substantia in primam & secundam.

Dicendum est tamen recte diuisam esse substantiam in primam & secundam, accepto substantiæ vocabulo tertio modo, id quod hac ratione perspicuum fit. Omnis substantia, quæ per se in prædicamento ponitur, aut est universalis aut singularis. Si singularis, est prima, si universalis secunda: recte igitur diuisa est substantia in primam & secundam. Atque hinc sententiæ subscribunt omnes Philosophi, qui substantiam in primam & secundam diuidunt, verum quæ ratione substantia hac diuisione distribuitur non satis constat.

Illud tamen in primis dici potest, substantiam diuidi in primam & secundam, analogica diuisione, secundum rationem per se existendi, quasi in eam, quæ omnino per se existit, & in eam, quæ non omnino per se existit, sed quadam ex parte. Dicitur autem prima substantia omnino per se existere, quia nec existit in subiecto inhesionis, nec in subiecto prædicationis: secunda autem quadam ex parte, quia non existit in subiecto inhesionis etsi existit in subiecto, prædicationis, utpote in prima substantia de qua dicitur, ut de subiecto, ex quo plana sit ratio analogiæ in diuidendo.

Potest autem hæc sententia probari ex primæ ac secundæ substantiæ definitionibus. Prima enim substantia definitur ens, quod nec de subiecto dicitur, nec in subiecto est. Quæ oratio satis aperte explicat conditionem per se existendi: seu non existendi in subiecto aliquo siue inhesionis, siue prædicationis. Secundæ autem definiuntur esse genera & species primarum. In qua de finitione notatur respectus ad primas sub-

stantias, idque merito, quia secundæ substantiæ per primas existunt, atque adeo cum spectantur quo ad existendi conditionem, per ordinem ad primas in quibus existunt definiri debent.

At obijciat aliquis contra hanc expositionem, hoc modo. Substantia genus summum definitur solet ens per se existens (ens inquam, per se reale, finitum, & completum ut acceptum fuit cap. 10.) Ergo substantia non dividitur in primam & secundam, secundum rationem per se existendi. Probatum consequentia in primis, quia hoc pacto idem divideretur in seipsum, quippe cum substantia genus summum sit una ex istis substantiis; deinde quia definitio substantiæ generis summi debet ex æquo conuenire omnibus substantiis, quæ per se in prædicamento ponuntur; substantia autem iuxta hanc sententiam ita diuiditur in primam & secundam, ut primo ac simpliciter dicatur de prima, secundo autem loco & secundum quid de secunda.

Ad hanc objectionem dicendum est, diuidi substantiam, quæ est genus summum in primam & secundam, atque aliter accipi per se existens in definitione substantiæ generis summi, aliter in ratione substantiæ, prout in primam & secundam diuiditur. Priori namque modo accipitur, solum pro non esse in subiecto inhesionis, quæ quidem conditio ex æquo conuenit omnibus substantiis. At posteriori modo accipitur pro non esse in subiecto siue inhesionis, siue prædicationis; quod est simpliciter per se existere, siue inhesionis duntaxat, quod est, quadam ex parte per se existere, siue secundum quid, quo modo patet substantiam diuidi in primam & secundam tamquam analogum.

Potest etiam facile dici, diuisionem Aristotelicam sic esse intelligendam, substantiarum prædicamentalem, quædam sunt substantiæ singulares, quædam sunt universales. Primo, quia hoc pacto agitur de substantiis de cæteris rebus in hoc libro nempe ut sunt universales & singulares. Deinde, quia hic sensus diuisionis plane ex ipsas definitionibus primæ ac secundæ substantiæ colligitur. Nam in definitione primæ substantiæ ponitur quasi genus definiti ens prædicamentale; quod idem in plurali numero ponitur in definitione se-

cundarum, adduntur; in definitione primæ substantiæ, duæ proprietates, vna substantiarum, quæ est non esse in subiecto, altera singularium, quæ est non dici de subiecto. In definitione autem secundarum adduntur verba illa, species & generæ; quæ quidem satis aperte declarant secundas substantias dici de subiecto, quæ est proprietates vniuersales: item quæ illa, in quibus iusunt primæ: quæ innunt proprietatem substantiarum vniuersalium: vniuersalia non esse in subiecto, quandoquidem ea, quæ ad essentiam primarum substantiarum pertinent, non sunt in subiecto, vt patet. Si quis autem perat, cur iuxta hanc sententiam substantiæ singulares, apud Aristot. dicantur primæ, vniuersales autem secundæ, multæ rationes reddi possunt: vna quidem, quia illæ primo substant, hæc secundaria ratione, vt fere interpretes Latini dicunt. Altera, quæ verior videtur, quia illæ primo, & simpliciter existunt per se, hæc uero quadam ex parte. Si quis etiam roget, quænam sit ista diuisio, dicito esse complexi cuiusdam accidentiarum, in complexa accidentaria. Nam diuisum est totum hoc substantiæ prædicamentalis. Prius uero membrum substantiæ singularis, posterius substantiæ vniuersalis, ut patet ex dictis, potest autem huiusmodi diuisio reuocari ad diuisionem accidentis, in accidentia, ratione illarum conditionum, prædicamentale, singulare, vniuersale. itaque patetur recte diuisam esse substantiam in primam & secundam, & quæ ratione substantia in hæc membra diuidatur.

Ad primum igitur argumentum initio propositum dicendum est, substantiam diuidi in primam & secundam, iuxta tertiam substantiæ prædicationem. nam etsi substantia illo pacto sumpta, non est unum genus aut species, aut indiuiduum huius prædicamenti, est tamen quodammodo vnum siue analogica diuisione distributum, quatenus per se existens: siue diuisione quadam accidentis in accidentia, ut dictum est.

Ad secundum dicendum est, secundas substantias non dici de primis, ut sunt membra diuidentia huius diuisionis, hoc est, secundum nomen primæ ac secundæ substantiæ. Nec enim dixeris, primas substantias

esse secundas, sed res, quæ dicuntur secundæ substantiæ dici de rebus, quæ appellantur primæ, ut homo & animal, de So-
crate.

Sitne substantiæ proprium quarto modo vt, cum vna eademque numero sit, vim habeat accipiendi contraria.

QUESTIO SECUNDA.

Non videtur hoc attributum esse proprium quarto modo respectu substantiæ, in primis quia nulla secunda substantia est vna numero, sed specie, & genere: Ergo nulli secundæ substantiæ conuenit hoc attributum. Secundo, item quia non sunt contrariorum capaces, vt Aristot. docet 1. Cælo, cap. 3. nec vero Angeli, vt idem videtur asserere 12. Metaphys. cap. 9. vbi creditur docere, nullam substantiam separatam esse capacem alicuius accidentis in ipsa inherens; Igitur non solum non conuenit secundis substantijs hoc attributum, sed nec omnibus quidem primis. Tertio probatur. nec solis substantijs conuenire, primum, quia eadem numero superficies nunc est alba, nunc nigra, cum tamen omnis superficies sit quantitas. Deinde quia idem numero intellectus, qui ad prædicamentum qualitatibus pertinet, nunc suscipit errorem, nunc sententiam. Præterea qui animus humanus non solum degens in corpore, sed etiam a corpore separatus contrarijs qualitatibus affici potest, vt odio & amore, cum interim sit substantia incompleta & proinde nec prima nec secunda substantia.

Ad hanc quæstionem respondent Ammonius, Simplicius, & alij quidam interpretes, attributum de quo nunc sermo est, nec vlli secundæ substantiæ conuenire, nec item omnibus primis, siquæ fatentur illud non esse proprium quarto modo respectu substantiarum, sed solum primo. Quod
si illis

si illis obieciat dixisse Aristot. esse maxime proprium substantiæ; Ergo esse proprium quarto modo, respondetur; Aristot. non ideo ita locutum fuisse, quia sit proprium, quarto modo, sed quia est magis proprium, quam superiora. Nam omnia attributa hæcenus numerata, excepto tertio, ita conueniunt substantijs, vt alijs etiam, præterquam substantijs conueniant, hoc autem solis substantijs conuenit, cum tamen magis proprium censeri debeat, id quod conuenit solis, etsi non omnibus, quam quod non solis conuenit etsi de omnibus dicatur. Tertium vero attributum hac ratione dici posse minus proprium, quia non rebus sed vocibus accommodatur.

Hec tamen sententia non placet, primum quia nihil simpliciter dicitur maxime proprium, nisi quod est proprium quarto modo. Deinde quoniam Aristot. cap. sequenti cum ait, maxime proprium esse quantitatis, vt æqualis & inæqualis dicatur, intelligit proprium quarto modo, vt in explicandis duobus sequentibus prædicamentis relationis nimirum & qualitatis; attributa, quæ extremo loco ponuntur sunt propria quarto modo, quod non minus faciendum fuit in hoc prædicamento. Dicendum est ergo hoc attributum esse proprium quarto modo respectu substantiarum, quæ hoc loco tractantur, vt Boetius, M. Alb. Scotus, Caietan. & alij graues auctores dicunt, proindeque omnibus ac solis & perpetuo conuenire; quanquam Boetius & Alb. non putant Arist. agere hoc loco de substantijs mixtæ expertibus. Est nihilominus hoc attributum accipiendum, non vt actum sed vt aptitudinem significet, vt Arist. verba plane ostendunt. Neque enim dixit esse substantiæ maxime proprium, vt contraria suscipiat, sed vt contrariorum susceptiua sit, hoc est, vt vim habeat accipiendi contraria. Quapropter ad primum argumentum dicendum est, secundas substantias, quæ ratione sunt in primis contrariæ esse indiuiduorum & singularium numero, atque hoc pacto posse vicissim contrarijs subiici, non tamen immediate sed mediate & per primis. Sed obieciis hanc solutionem videri bonam, eo quod eadem ratione concludi potest secundas substantias esse hoc aliquid, vt enim sunt in primis substantijs sunt singulares, ac proinde hoc at-

tributum non esse magis substantiarum proprium, quam tertium; occurrendum est tamen, non esse parem rationem, quanquam enim secundæ substantiæ, vt sunt in primis sint singulares, quæ tamen adhuc sunt partes primarij, idcirco non sunt hoc aliquid. Itaque vt substantia completa sit hoc aliquid, non satis est, si sit quouis modo singularis, sed necesse est, vt sit per se singularis, & non ratione alterius, vt in explicando tertio attributo, diximus.

Ad secundum dicendum est, cælos & angelos posse recipere contraria, non quidem quæ ad interitum disponant (quo pacto Aristot. loco citato negat cælos esse contrariorum capaces) sed alia quædam contraria late accepta, quæ contrariorum nomine hoc loco intelliguntur. Cæli namque secundum alias ac alias partes, modo sunt in Oriente, modo in Occidente, nunc alijs ac alijs oppositis locis in quibus nulla res simul secundum eandem partem esse se potest. Angeli vero (sive Arist. negauerit eos posse recipere accidentia vere in ipsis inherencia, sive non negauerit) etsi nullum accedens absolutum in se inherens recipere, hoc tamen acquirere possunt, ut modo sunt cælo, modo in terra, modo in aere, aut aliqua alia re. Nec dubium est, quin loca distantia contraria late accepto uocabulo appellari possint; cum distantia, quæ in definitione contrariorum ponit, ex distantia locorum nominata sit, vt docet Aristot. sequenti. Quod vero nomen contrariorum late accipitur hoc loco ab Aristot. ex eo patet, quod verum, & falsum contraria esse admisit in soluenda obiectione, contra hoc attributum facta: cum tamen non sint proprie contraria.

Ad tertium, & quartum dicendum est, posse quidem accidentia recipere contraria, verum non vt subiecta accidentium (quo pacto Aristot. in hoc attributo intelligendus est) sed ut media quædam, quorum interuentu substantiæ contraria suscipiunt. Atque hoc posteriori modo recipit superficies colores, & intellectus contrarios habitus, & actus.

At dicit aliquis, si Aristot. voluit, vt prædicta argumenta isto modo soluerentur, quid opus fuit alias solutiones querere, ad diluendam obiectionem de oratione, & opinione, quam ipse sibi opposuit? vno enim ver-

bo dicere potuisset, orationem, & opinionem esse capaces contrariorum, tamen ut subiecta, sed ut media, quibus subiecta suscipiunt veritatem, & falsitatem, ut est aer, in quo inhæret oratio vocalis, & papyrus in qua inest oratio scripta, & homo ipse in quo residet opinio.

Cui obiectioni respondet Caietanus. nō sine causa. Aristoteli quæ fuisse aliam solutionem ad soluendam obiectionem de oratione, & opinione. Nam quædam contraria sunt, quæ denominant primo substantiam, nec denominant accidentia, nisi quatenus talia accidentia insunt in substantia, quæ denominatur, ut calidum, & frigidum, album & nigrum, dulce & amarum, atque de ijs merito non fuisse Aristoteli sollicitum, quia statim sese poterat offerre solutio nunc tradita. Quædam vero contraria sunt quæ primo denominat accidentia ipsa substantiam vero aut non denominant, aut certe verum & falsum. nec enim ideo oratio, & opinio dicuntur veræ, aut falsæ: quia subiecta earum veræ, aut falsa sunt, sed potius subiecta ab eis dicuntur veræ, aut falsæ, ut homo verus ab opinione vera: atque de ijs merito Aristoteli fuisse sollicitum, quia poterat quisque existimare, ista non aliter, quam substantias suscipere contraria.

Ad secundum dicendum, cum dicitur

esse proprium substantiarum posse suscipere contraria, non omnino excludit partes, ex quibus substantiæ reipsa compostæ sunt quasi nulli eorum aliquo modo id conveniat. Sic enim dicimus, proprium esse hominis, quod sit disciplinæ capax, & tamen non tantum homo sed etiam animus ipse suo modo est capax disciplinæ. Sic ergo cum dicitur, esse proprium substantiæ, suscipere contraria, non excluditur omnino animus, siue in corpore degens, siue a corpore separatus.

Itaq; quod hoc attributum animo etiam humano accommodari possit, non est

fictio quo minus illud si proprium

substantiæ per se pertinet

tis ad hoc prædicamē

tum, præsertim

cum nō pror

sus eo

dem

modo conveniat utrique animo

enim convenit, ut parti su-

biecti completi, sub-

stantiæ vero, quæ

per se in hoc

prædica-

mento

ponitur, ut subiecto

comple-

to.



COMMENTARIUS IN L. II. CATEGOR.
CAPVT SEXTVM
DE QVANTITATE.



Quantum autem partium est continuum, partim discretum: & partim ex habentibus positionem partibus, partim è non habentibus constat. Atque discretum quidem est, ut numerus atque oratio: continuum autem, ut linea, superficies & corpus: & insuper præter hæc, tempus & locus. Partium enim numeri nullus terminus communis est, quo ipsæ copulantur, Cui quinque & quinque si sint denarii partes, nullo communi termino copulantur, sed sunt seiunctæ. Similiter tria & quinque communi termino nullo copulantur. Neque omnino fit ut numeri partium terminus communis ullus sumatur, sed semper partes seiunctæ sunt: quare discretum numerus est. Similiter & oratio discretum esse videtur: nam quantum ipsam esse, ex eo patet, quia longa breuique syllaba mensuratur. Eam vero orationem dico, quæ fit cum voce: etenim nullo partes ipsius communi termino copulantur; neque enim terminus communis nullus est, ad quem syllabæ coalescunt, sed quæque se sunt seiunctæ. Linea vero continuum est, sumi namque que communis terminus copulentur, prout etiam potest, itidem & superficies lineæ. Plani namque partes continui quodam termino copulantur. Similiter & in corpore sumere, si signareque lineam, superficiem ve. communem terminum potes, quo corporis partes copulantur. Porro autem & tempus & locus generis huius sunt; tempus enim præsens, cum exacto futuroque copulatur. Rursus & locus continuus est; corporis enim partes, quæ quidem aliquo communiter minus copulantur locum occupant; igitur & loci partes, quas quæque partes corporis occupat, eodem sanè termino copulantur, quo copulantur & partes corporis. Quare locus etiam continuus erit, quippe cum partes ipsius uno communi termino copulentur. Præterea partim uti diximus, ex habentibus positionem partibus, partim è non habentibus constat; non lineæ quidem partes positionem habens, quæque enim ipsarum alicubi situm habet, a qua qua in parte plani quæque sita est, quaque cum parte copulatur sumere, assignareque potes. Similiter, & plani partes positionem quandam nimirum, simili namque modo quæque partium ubi iacet, quaque cum parte copulata est, assignabitur. Partes etiam sol. di. lociue, positionem identidem habent. At in numero nemo demonstrare partes ipsius, positionem, quam habeant, aut ubi sint sitæ, aut quæ quibus cum copulentur, potest. Nec item in tempore, nulla enim pars temporis permanet, quod autem non permānet, id quonam pacto positionem habebit? Sed ordinem habere potius dices, propterea quod hæc pars sit prior temporis, hæc posterior. Et in numero simili modo: ex eo plane, quia prius unum quam duo, & duo quam tria, & tria quam quatuor numerantur. Atque hoc quidem actū ordinem quandam habent positionem autem ipsarum non utique sumas. Oratio quoque similiter sese habere videtur; nulla enim ipsis pars permanet: sed iam quæ dicta est, præbendi amplius non potest; Quare partium ipsius positio sanè

sane non erit, cum nulla prorsus permaneat. Quae cum ita sint, patet partim ex habentibus positionem partibus, partim è non habentibus positionem constare. Atqui haec sola quae dicta sunt, proprie quanta dicuntur: cetera vero uniuersa per accidens. Ad haec enim aspicientes, & cetera quanta dicimus: velut album, ex eo multum dicitur, quia multa superficies est: & actio longa, motusue, quia tempus non longum, non enim perse unumquoque horum dicitur. Etenim si quispiam quantamnam sit actio assignauerit, tempore sane ipsam definit, biennem dicendo aut triennem esse, aut alio simili modo. Et album etiam quantum sit, si assignauerit, superficie nimirum definit; quanta enim est superficies, tantum dicitur & album esse. Quare ea sola quae dicta sunt, proprie & perse quanta dicuntur; ceterorum vero nihil per se, sed per accidens dicitur quantum. Praeterea quantitati nihil est contrarium, indefinitis enim quantis, nullam omnino contrarietatem esse patet; ceu bicubito, ceu tricubito, aut superficiei, aut alicui tali: nihil enim est illorum omnino contrarium. Nisi quispiam paucum multum, aut paruum magnum dixerit contrarium esse. At horum nihil est quantum, sed potius est ad aliquid. Nihil enim per se magnum vel paruum dicitur, sed ad aliud sane refertur; ceu mons qui tem paruum dicitur, milium autem magnum, propterea quod hic maior, ille minor hisce quae generis eiusdem sunt; existat. Ad aliud igitur est ipsorum. Primus relatio; nam si paruum quicquam magnumue perse diceretur, nunquam mons quidem paruum, milium vero magnum utique dicitur. Rursus in pago quidem multos homines, Athenis autem paucos dicimus esse, qui tamen longe sunt illis plures: & in domo quidem multos, in theatro vero paucos, qui quidem & ipsi multo sunt illis plures. Praeterea bicubitum quidem, atque tricubitum, & talium unumquodque quantum significat: magnum autem & paruum, quantum non significat, sed magis ad aliquid. Secundus alterius enim contemplatione magnum paruumque intelligitur. Quare patet, haec ex his esse, quae ad aliquid sunt. Praeterea siue quanta esse quispiam esse ponat, siue non ponat, nihil est ipsis contrarium; quod enim per se ipsum sumi non potest; sed ad aliud semper refertur, ei quoniam pacto contrarium quicquam fuerit? Praeterea si magnum ac paruum contraria sunt, fiet ut idem contraria simul suscipiat, & eadem sibi ipsis contraria ut sint. Fit enim interdum, ut magnum & paruum sit idem. Est enim ad hoc quidem paruum, ad aliud vero magnum; quare fit, ut idem eo tem tempore magnum sit atque paruum. Quod si haec contraria sint, idem profecto contraria simul suscipiet, at nihil videtur simul suscipere contraria posse; substantia namque susceptrix quidem contrariorum esse videtur, non tamen valet, simul atque egrotat quisquam: neque simul album est quicquam atque nigrum, neque ceterorum quicquam, quod quidem contraria suscipiat simul. Fit etiam, ut ipsa subiipsis contraria sint. Nam si magnum contrarium paruo est, cum idem corpus & magnum sit & paruum eodem tempore: maxime sequens videtur, ut idem quoque ipsum contrarium fateamur. Sed ut quicquam sit, ipsum sibi contrarium fieri nequit; ergo nec magnum paruo contrarium esse potest, neque paucum multum. Quare etsi quispiam haec non ad aliquid, sed quanta esse dicet, contrarium tamen nullum prorsus habebunt. Maxime autem quantitatis contrarietas versari circa locum videtur.

Superum

Superum enim infero contrarium ponunt, locum qui est in medio inferum esse dicentes, propterea quod medijs ad fines ipsius mundi distantia maxima est. Ceterorum quoque definitionem contrariorum ab hisce afferre ac assignare videntur. quæ namque plurimum inter sese sub eodem genere distant, ea contraria esse dicuntur. Porro autem, quanta magis ac minus esse non competit, ut bicubitum; non est enim aliud alio bicubitum magis; neque in numero, ut tria magis quam quinque, tria vel quinque, contrave dicantur. Neque tempus aliud alio magis tempus dicitur, neque in eorum p[ro]p[ri]o omnino quæ dicta sunt, magis minusve dicitur. Quanto itaque non magis ac minus esse competit, Proprium autem quantitatis est maxime, æqualitas & inæqualitas, ut hoc æquale vel inæquale nunquamque eorum, quæ rationem quantitatis subeunt, dicatur: ut corpus æquale ac inæquale, & numerus & tempus æquale inæqualeve similiter dicitur; & de cæteris, quæ iam dicta sunt, simili modo. Reliqua vero quæ non sunt quanta, non omnino æqualia ac inæqualia videbuntur, veluti dispositio æqualis inæqualisve non omnino dicitur, sed similis potius, atque dissimilis: & album itidem æquale inæqualeve, non omnino, sed simile dici atque dissimile solet. Quare quantitati maxime proprium erit, æquale ac inæquale ut dicatur.

ET naturæ & doctrinæ ordinem sequitur Arist. cum prius de quantitate quæ de qualitate agit; naturæ quidem, quia maior est quantitatis quam qualitatis cū substantia coniunctio. Omnis substantia, quæ quantitatis est capax, prius natura prædita est quantitate, quam qualitate, quippe cū non nisi interuentu alicuius quantitatis qualitatibus saltum corporalibus afficiatur; Doctrinæ vero ordinem sequitur, tum quia superiori capite nonnulla de quantitate dixerat, quæ proximam videbantur quantitatis explicationem postulare; tum etiam, quia cum de omnibus pene attributis quantitatis c. superiori mentio sit facta, facilius iam nobis esse potest quantitatis quam qualitatis tractatio. Ordo autem doctrinæ a facilibus quoad fieri potest ad difficiliora progredi solet. Porro huius capitis duæ sunt præcipue partes. In priori traduntur species quantitatis: in posteriori eius attributa seu proprietates.

Quantum autem) proponit initio duas diuisiones, quibus colligit species huius prædicamenti. Prior est generis per differentias proximas, posterior per differentiam remotam, & per negationem eius, cōprehendentem omnes differentias oppositas, prioris sensus hic est. Quantitatum alia est discreta, alia continua. Accipitur enim verbum, quanti, pro quantitate,

ut sæpe alibi vsurpantur concreta pro abstractis. Ex hac diuisione colligimus, duas species proxime subiectas generi summo: quæ quia proprijs vocabulis hactenus nominatæ non sunt, complexione vocabulorum generis & differentiarum quantitas discreta & quantitas continua appellari solent. Non definiuit autem Arist. quantitatem in communi: tum, quia eius instituti non est perferuari in hoc libro rerum naturas, sed disponere res omnes in decem prædicamenta; tum etiam, quia ex ijs, quæ hoc capite dicentur, quantum huic loco factis est, facile id intelligi poterit, atque ijs de causis prætermissa est etiam in c. superiori definitio substantiæ generis summi.

Atque discretum.) Tradit duas species quantitatis discretæ & quinque continuæ: ubi iam licet intelligere, quantum pro quantitate acceptum fuisse; nec enim species hoc loco enumeratæ sunt quanta, sed quantitates.

Partium enim numeri.) probat numerum esse discretam quantitatem, seu separatam, ut eam appellat D. August. Quod autem sit quantitas discreta apertissimum esse indicat. Ratio videtur ex definitione quantitas discretæ quasi ita dicat; Quantitas discreta est, cuius partes nullo communi, termino copulantur, numerus vero est huiusmodi: est igitur quantitas discreta

Minorem:

Minorem propositionem, quæ sola ponitur in contextu, probat Arist. in numero denario, ostendens nec duos quinariorum, nec ternarium & septenarium villo communi termino coniungi. Vnde est Arist. hæc duobus exemplis, partium ut complecteretur omnium genera, quæ in quantitate cernuntur. Duo enim sunt genera partium, in quibus quantitate, vnum earum, quæ aliquoties sumptæ exæquant totum, ut unitas respectu numerorum omnium, quinariorum respectu denarii & passus respectu stadii. Alterum illarum, quæ aliquoties sumptæ, non exæquant totum, sed & deficiunt & superant, ut binarius respectu quinariorum & septenarii, & ternarius æque septenarius respectu denarii. Priores dicuntur vulgo aliquotæ, posteriores non aliquotæ. Melius demerentes, & non demerentes. Ideo autem partes denarii non copulantur ullo termino communi, quia communis debet esse in primis quippiam indiuisibile: deinde & quæ pertinere ad partes quæ copulantur, nempe, ut principium vnius & finis alterius. Si igitur denarium diuidas in duos quinariorum, vltima vnitas prioris quinariorum, quæ est eius finis, est si indiuisibile quippiam, non est tamē principium quinariorum posterioris; alioqui ex his partibus non denarius, sed nouenarius efficeretur, ut modo ostendimus: nec, si denarium in ternarium diuidas & septenarium, vltima vnitas ternarii est principium septenarii: si enim, ut modo ostendimus, fieret ex illis nouenarius & non denarius. Quod si dicas, priorem quinariorum cum posteriori, aut ternarium cum septenario alia quadam interiecta vnitate copulari, iam effeceris undecim: quod idem obseruandum est in reliquis, quo fit ut nulla ratione in partes termino aliquo communi copulentur. Diuiditur porro numerus in pares & impares, & vtrumque genus in infinitas species illud in binarium, quaternarium &c. hoc in ternarium, quinariorum, &c. quoniam multis placet diuidi statim numerum in ternarium, binarium, & cæteras species numeri &c. sine alio modo genere.

Similiter & oratio.) probat orationem esse quantitatem & discretam quantitatem: & interim admonet, se non loqui de oratione, quæ in mente perficitur, aut scripta; vtræque enim est qualitas, aut potius ex qua

litatibus composita: illa ex multis notionibus siue conceptibus, hæc ex multis litterarum figuris, quæ ad prædicamentum. Qualitatis pertinent, sed de ea, quæ in voce consistit. Quod igitur oratio sit quantitas, ex quadam descriptione quantitatis tacite significatæ sic probat Arist. Quantitas est id, quod suis partibus metimur; at orationem metimur suis syllabis, est igitur oratio Quantitas. Hanc tamen definitionem ad finem capitis explicabimus. Quod vero sit discreta quantitas, eodem argumento ostendit, quo probauerat numerum esse quantitatem. Solet diuidi oratio in omnes species pedum, ut in dactylum, spondeeum, lambum & in cæteras, sed vtrum ea sit vera quantitas huc pertinet, ad finem capitis videbimus.

Linea vero) Ostendit statim lineam, superficiem & corpus esse quantitates continuas seu coherentes, ut eas vocat D. Aug. Quod autem sunt quantitates, id apertius esse indicat, quam ut probandum putet. Probatio ducitur ex definitione quantitatis continuæ, est enim continua quantitas, cuius partes communi aliquo termino copulantur; partes autem lineæ copulantur puncto, partes superficiei lineæ, partes corporis superficiei: sunt igitur quantitates continuæ. Hæc ut intelligas, aduerte, quantitatē continuam diuidi proxime in continuam permanentem, quæ dicitur magnitudo & in continuam successiuam, quæ nomine caret. Permanentem vero distribuere adæquate in lineam, superficiem & corpus, tanquam genus in species, (nec enim locus inter species quantitatis ponendus est, ut docebimus) denique successiuam in tempus & motum. Nam & motus etiam inter species quantitatis numerari debet, ut postea perspicuum fiet, & in genere quantitatis discretæ poni non potest. Quod ergo ad speciem quantitatis continuæ ad permanentis attinet, illud animaduertendum est, earum omnium principium & originem esse punctum. Est autem punctus quippiam omnino indiuisibile habens situm in magnitudine. Omnino indiuisibile id dicitur, quod in nullas partes integrantes diuidi potest, atque hoc quidem habet punctus commune cum vnitate, cum instanti, cum termino communi partium motus, & cum quauis alia re, quæ caret partibus integranibus ex quo fit ut hæc ratione differat)

differat non modo ab alijs plerisque rebus sed etiam a quavis quantitate, siquidē omnis quantitas diuiditur in partes integrantes. Quod vero additur, (habens situm in magnitudine, distinguit punctum ab unitate instanti & ceteris omnino indiuisibilibus quæ nullum certum situm in magnitudine obtinent: dicunt ergo Mathematici (id quod etiam Aristotele 1. libro de anima capitulo 4. Platonice ascribit) ex fluxu puncti confici lineam, ex fluxu lineæ superficiem, & ex fluxu superficiæ corpus. Nam si punctus, A. fluat ad punctum B, suiue itineris vestigium relinquat, certe efficiet longitudinem quandam infinitorum punctorum participem, sed tamen & latitudinis & crassitudinis expertem, quam longitudinem vocamus lineam; si vero linea A. B. fluat dextram aut ad sinistram partem, ad punctum C. D. suiue fluens vestigium relinquat, efficiet sane quandam latitudinem infinitarum linearum, ac proinde infinitorum punctorum in lineis existentium participem, sed tamen expertem crassitudinis, quam latitudinem vocamus superficiem: denique si tota superficies sursum eleuetur, aut seorsim deprimatur, verbi causa, si eleuetur vsque ad punctum E. F. G. suiue motus vestigiū derelinquat, efficiet vtique crassitudinem quandam, non modo infinitarum superficierum participem; sed etiam infinitarum linearum, quæ in quavis superficie cernuntur, & infinitorum punctorum, quæ in qualibet linea spectantur, quam crassitudinem vocamus corpus. Quæ constitutiones, etsi fictitiæ sunt & non veræ, vt physici ostendunt rem tamen ipsam ob oculos ponunt. His ita constitutis perspicuum est punctum, lineam, & superficiem duo officia habere posse in ea magnitudine, in qua existunt; vnum terminandi, alterum copulandi. Nam extrema illa puncta A & B terminant duntaxat lineam A. B. nihilque copulant. Quæ autem inter illa duo puncta extrema existunt, terminant simul & copulant proximas lineæ partes, vt punctus medius terminat & copulat vtramque dimidietatem: Similiter extremæ illæ quattuor lineæ, quæ claudunt descriptam superficiem terminant & non copulantur, quæ vero interiectæ sunt, inter primam lineam & extremam, terminant & copulant eodemque modo extremæ sex superficies, quæ claudunt descriptam a nobis corpus terminant illud

& non copulant cum aliquo alio corpore; sed tamen illæ, quæ inter infimam & supremam superficiem relinquuntur, terminant partes corporis, & eas inter sese copulant.

Ex ijs intelliges definitionem lineæ, superficier, & corporis, quas affert Arist. 5. Metaph. lib. cap. 13. Linea seu longitudo, vt ipse vocat, est magnitudo ad vnum continuata, hoc est, ad solum punctum. Superficies seu latitudo, vt appellat, est magnitudo ad duo continuata, hoc est, ad lineam & punctum, quod in linea continetur. Corpus id est altitudo profunditas vt vocat, est magnitudo ad tria continuata, hoc est, ad superficiem, ad lineam, quæ in superficie continetur, & ad punctum, quod in linea comprehenditur. Quia tamen superficies continuatur per se ad lineam, ad punctum vero per aliud, nempe, per lineam; & similiter corpus per se ad superficiem & superficiem ad lineam & ad punctum. planius & simplicius, definiat ista hoc modo: linea est magnitudo continuata ad punctum, seu quod idem valet, cuius partes copulantur puncto superficiem est magnitudo continuata ad lineam: corpus est magnitudo continuata ad superficiem.

Porro autem & tempus J Docet ex eadē quantitatē continuæ definitione, tempus esse quantitatem continuam. Partes enim temporis, nempe præteritum præsens, & futurum copulantur instanti, quod & momentum & punctum temporis & signum appellatur, quo loco illud est animaduertendum, eo modo se habere: tempus ad instans seu momentum, quo linea se habet ad punctum: ex quo fit, vt quemadmodum linea fingitur effici ex fluxu puncti, sic tempus fingi possit ex fluxu instantis, & fingitur apud Aristotelem 4. Phys. lib. c. 11. itemque vt partes lineæ terminantur & copulantur puncto, sic partes temporis, momento; vt physici ibidem docent: vnde colligitur hæc temporis definitio. Tempus est quantitas successiua cuius partes copulantur instanti. Verum cum nihil temporis habeamus præsens, nisi instans (quicquid enim temporis antecessit, iam non est; quicquid sequitur, nondum est) ipsiusque instans non sit tempus, sed terminus communis temporis: videtur Arist. reprehendendus, quod dixerit hoc loco dari tempus præsens. Dicendum est tamen: dari reuera tempus præsens, suo

ramen modò. Nam vt entia successiua existant, non opus est, vt simul existant omnes eorum partes; esset enim permanentia: sed satis est, si aliquis terminus communis, quo eorum partes copulantur, existat: exempli causa dicimus, nunc existere horam septimam ante meridianam; quæ iam incepit decurrere: ex quo sonuit sexta: itemque hunc diem, qui est: itemque hunc mensem & hunc annum: eo quo nunc existat momentum, quod copulat horum omnium temporum partes, præteritum videlicet, & futurum: Ratio huius rei est: quia, quod iam incepit, & non desit, ad huc existere dicitur, etsi non sit totum simul, non dicimus tamè existere nunc horam sextam, quæ iam audita est, nec diem hesternum, aut mensem, annumve elapsum: quoniam nullum existit nunc momentum, quo eorum partes copulantur: quod eodem modo dicendum est nunc de hora octaua, de die crastino, de mense ac anno futuro: quin etiam si nunc primum inciperet aut finiret hora, aut dies, aut mensis, aut annus; nullum tempus horum diceretur existere, quia in entibus successiuis, id quod incipit nondum est quod vero definit, iam non est.

Rursus & locus) probat locum esse quantitatem continuam in hunc fere modum, partes corporis occupantis locum, copulantur termino communi; Ergo & partes loci eodem termino communi copulantur. Verum dubitat hoc loco interpretes, quod Aristor. loci vocabulo intelligat, anne superficiem concavam corporis continentis, siue ambientis rem, quæ est in loco, qualis est concava superficies vasis continentis aquam, quam superficiem Aristor. 4. Physic. lib. cap. 4. verum locum esse existimat: an potius spacium, quod è quouis corpore occupatur, aut occupari possit, siue vacuum sit, siue plenum, qualis est interapedo, quæ interiecta est inter latera vasis, & quoduis aliud spacium, etsi non circumscribatur ab aliquo alio corpore, vt spacium totius mundi. Qui priori modo contextum interpretantur, dicunt, partes loci non omnibus iisdem terminis communibus copulari, quibus copulantur partes corporis, sed quibusdam: illis nimirum, quibus partes corporis quoad totius superficiem externam copulantur, quæ enim lineis copulantur partes externæ superficiæ corporis locati, tot

copulantur partes superficiæ contæntæ corporis ambientis locatum. Qui vero posteriori loci significationem intelligunt dicunt non solum lineis, sed etiam omnibus omnino eisdem terminis communibus, quibus copulantur partes corporis locati, copulari etiam partes loci, nec tantum quoad superficiem externam, sed etiam quoad omnes superficies, & partes internas: nam, inquit, sicut corpus habet longitudinem, latitudinem & profunditatem, & quoad longitudinem copulatur punctis, quo ad latitudinem lineis, quo ad profunditatem superficiebus: sic cum spacium habeat easdè tres dimensiones, copulabitur etiam punctis, lineis & superficiebus, sicut corpus. Videtur autem: accommodari posterior expositioni: primam, quia: contextus vniuersæ videtur loqui de partibus corporis, & quoad omnes terminos communes earum: deinde quia in contextu nomine terminorum communium, quibus partes corporis copulantur, videtur aut solum, aut præcipue intelligendi termini communes, quibus per se copulantur partes corporis: qui quidem non sunt lineæ, sed superficies, vt patet ex dictis: Partes autem loci priori modo sumpti non possunt copulari superficiebus, sed lineis, cum locus illo modo sit superficies, cuius terminus communis est, linea autem non superficies.

Eodem communi termino) Partes corporis iuxta priorem expositionem copulantur eodem specie termino communi, non autem numero. At iuxta posteriorem, sunt qui dicant eas copulari eodem numero termino, quod non placet: nam partes corporis & partes spatij non possunt eundem numero terminum communem habere, cū corpus locatum diuersum quippiam sit a spatio, in quo continetur. Potius ergo dicendum est partes corporis, & spatij copulari termino eodem coniunctione, seu per quamdam correspondentiam quia vbiunque est communis terminus aliquis partium corporis, ibi est aliquis communis terminus partium spatij & contra.

Præterea partim) pertractata priori diuisione, posteriorè persequitur, & vt intelligas, animaduerte duplicè esse situm, seu positionem vt vocant. Vno modo situs d'ordo partium in loco, quo pasci, sedere, stare, cubare, & quocumq; alio modo hæc partes corporis affe-

fectus

sectus ad locum, dicuntur situs quidam, si quidem alium ordinem partium habet in loco is, qui sedet, alium, qui stat, alium, qui cubat. Verum hic situs ad aliud prædicamentum, quod situs appellatur, spectat.

Altero modo definitur situs ordo partium in toto, nulla videlicet ratione loci habitæ: quo pacto dicimus, hominis membra cum situm habere in corpore humano, ut caput per collum adhæreat pectori & humeris: ab humeris oriantur brachia, quæ desinant in summas manus, a pectore sequantur deinceps reliqua membra.

Esse autem late patens discrimen inter hunc situm & superiorem, ex eo patet, quia hic non mutatur mutato illo, siue enim quis sedeat, siue stet, siue quocunque alio modo permutet partes respectu loci, semper tamen eisdem situm partium respectu totius corporis retinebit. Atque hic quidem situs peculiaris est huic prædicamento, de coque est sermo Arist. hoc loco. A liter tamen ille definiendus videtur: quia definitio tradita conuenit collocationi partium temporis in tempore, & collocationi partium orationis in oratione, & partium numeri in numero: omnes enim huiusmodi partes habent ordinem in suis totis, ut fatetur Arist. in contextu, cum tamen nulla earum huiusmodi situm habeat. Situs ergo de quo hoc loco est, est ordo partium continuatarum & permanentium in toto, ubi cernis res conditiones, quæ rationem situs consiciunt, nempe ordinem partium in toto, continuationem earum & permanentiam: Atque ordo quidem omnibus partibus quantitatis conuenit: & quidem de partibus numeri, orationis & temporis (quod pari ratione de partibus motus dicendum est) id plane affirmat Arist. in contextu, de partibus autem linearum, superficiei, corporis, & loci, non dubium est, quia huiusmodi ordinem habeant: Reliquæ autem duæ conditiones simul iunctæ solis magnitudinum partibus accommodantur, linearum videlicet, superficiei, corporis & loci. Temporis namque partes etsi sunt continuatæ, non tamen sunt permanentes: quod eodem modo dicendum est de motu: contra vero partes numeri etsi sunt permanentes: non tamen sunt continuatæ: partibus denique orationis utraque consilio deest, & continuatio & permanentia: ita explicata est tota posterior diuisio, qua quantitatium aliter

dicuntur constare ex partibus situm habentibus, aliter ex non habentibus: apertumque est, quæ quantitas in quo diuisionis membro comprehendatur. Si quia autem roget, quænam sit hæc diuisio; multi sunt qui dicant esse subiecti in accidentia: videtur tamen dicendum esse generis per quandam remotam differentiam & per negationem comprehendentem omnes oppositas differentias. Nam constare partibus habentibus situm, est differentia diuidens quantitatem continuam & constituens quoddam genus, quod Arist. 1. Metaph. lib. magnitudinis vocat, & in lineam, superficiem & corpus distribuit, ut superius diximus. Similis est hæc quantitatis distributio diuisioni substantiarum per animatum & inanimatum: comprehensis nomine quantum omnibus differentijs substantiarum, quæ repugnant animato. Proinde diuisio hæc potest reuocari ad diuisionem generis per differentias. Hæc eadem sententia videtur D. Thom. 4. Phys. lect. 7. asserentis habere situm, seu positionem partium in toto, esse quandam differentiam quantitatis.

Sed ordinem habere. Quoniam dixerat temporis, numeri & orationis partes non habere positionem: addit modo eas ordinem habere. In tempore namque & oratione (quod etiam in motu intellige) perspicuus est ordo prioris partis & posterioris secundum naturam, quatenus vnitas vnica prior est, quæ duæ: & duæ, quam tres: & sic deinceps, atque hos duos modos prioris & posterioris secundum successionem & secundum naturam tradit Arist. cap. 11. huius lib. quasi continentes, magis perspicuum & purgat prioris & posterioris rationem.

Atqui hæc sola docet ea sola, quæ hæc nus enumerauit esse quanta proprie, hoc est, per se, ut ipse inferius exponit, cætera vero si quæ dicuntur quanta non proprie seu per se, sed per accidens appellari quanta. Probatio est, quia hæc sola dicuntur quanta ratione sui, cætera omnia a quacunque dicuntur, quanta ratione eorum. Prior pars probationis solum innuitur in contextu, quoniam perspicuus est; posterior autem perspicue ponitur, & varijs exemplis declaratur, in qualitate, in actione, & in motu.

Præterea quantitatis. Hæc est posterior pars huius capituli, in qua tradit Arist. tria quantitatis attributa, quorum primum est, quod

quod quantitati nihil sit contrarium, intel-
lige per se & proprie, vt in 4. attributo sub-
stantiæ diximus. Nam per accidens aut im-
proprie non dubium est, quin quantitati al-
iquid sit contrarium, vt superficies alba su-
perficie nigra & magnitudo perfecta, vt vi-
ri, magnitudini imperfecta, vt pueri: itaque
sola illa contraria intelliguntur hoc loco,
quæ vulgata illa definitione comprehen-
duntur, contraria sunt, quæ sub eodem ge-
nere maxime distant, quæ definitio 10. cap.
huius lib. explicanda est. Est autem hoc at-
tributum proprium secundo modo quanti-
tatis, quia conuenit omnibus quantitatibus
vt Aristh docet, non tamen solis, cum sub-
stantiis etiam conueniat, vt docuit cap. supe-
riore. Primum igitur affirmat nihil esse con-
trarium quantitatibus definitis, hoc est, cer-
ta mensura determinatis, vt bicubito & tri-
cubito, vnde nomine superficiæ, quam in
exemplum adducit, intellige bipedalem,
aut aliam certam mensuram determinatam.

Nisi quispiam] Quod tamen quantitati-
bus indefinitis incertæ mensuræ aliquid
videatur contrarium, hæc tacita ratione vi-
detur offendere. Multum & paucum, magni
& paruum sunt quantitates indefinitæ & ta-
men sunt contraria; igitur quantitatibus in-
definitis aliquid potest esse contrarium:
hac eadem argumentatione vsus est Aristh.
cap. superiori, nec tamē eam dissoluit, quia
et si recte concluderet, nihil tamen collige-
ret, quod eius loci doctrinam euerteret.
Nunc autem necessario dissoluenda fuit: nā
si recte concludere dicitur, non conueniat
hoc attributum omnibus quantitatibus, qd
tamen Aristh. non admittit.

At horum nihil.] Dissoluit argumenta-
tionem propositam negatione maioris, ostē-
dens duabus rationibus; magnum & par-
uum non esse quantitates, sed potius rela-
ta. Prior est huiusmodi: Id quod non con-
uenit alicui rei per se & absolute, sed per
comparationem ad aliud, non debet dici
quantitas; nullæ autem res dicuntur ma-
gnæ & paræ, multæ aut paucæ nisi com-
paratione aliarum: Ergo magnum & par-
uum, multum & paucum non sunt quanti-
tates. Maior patet, quia quantitas est ens
absolutum, ac proinde non conuenit rei per
comparationem ad aliud; minorem ostē-
dit exemplis. Posterior ratio est huiusmo-
di: id cuius nomen signat relationem, habi-

tudinemve ad aliud, est relatum & non quā-
tum; Atqui vocabula hæc, magnum & par-
uum, multum & paucum non significant
quantitates, sed potius relationes: magnum
enim significat excessum in quantitate com-
paratione parui, paruum item defectum in
comparatione magni. Ergo magnum & par-
uum, paucum & multum non sunt quantæ
sed relatæ.

At obijces hoc modo. Multitudo & ma-
gnitudo non sunt relationes, siquidem mul-
titudo est numerus & magnitudo est quæ-
dam alia species quantitatis, vt docet Aristh.
5. Metaph. c. 13. Ergo multum & magnum,
quæ a multitudine & magnitudine denomi-
natiue dicuntur, nō sūt relatæ, sed per se quā-
tæ, quod etiam de paucis & paruis dicendum
est. Respondendum videtur vocabula mul-
titudinis & magnitudinis duobus modis
vsurpari: vno vt verbum, multitudo, signi-
ficet collectionem vnitarum, & magni-
tudo quandam quantitatem continuam per-
manentem: altero vt hæc nomina signifi-
cant excessus in multitudine aut magni-
tudine, priori modo acceptis. Si ergo magni-
tudo & multitudo priori modo intelligan-
tur, non dubium est, quin sint entia absolu-
ta, quo pacto multum & magnum ab eis
deducta non opponuntur paucis & paruis,
cum quævis collectio vnitarum sit multi-
tudo, & quælibet quantitas continua per-
manens sit magnitudo. Si autem postero-
ri modo spectentur, illud certum est, eas ef-
se relationes, quo pacto multum & ma-
gnum, quæ ab eis deducuntur, opponuntur
paucis & paruis, siquidem omne excedens,
vt excedens, opponitur deficienti. Quoniā
igitur Aristh. hoc loco accipit in argumenta-
tione multum, vt opponitur paucis, & ma-
gnum vt opponitur paruis, necesse fuit, vt ea
sumeret non vt deducuntur a multitudine
& magnitudine, priori significatione accep-
tis, vt loco citato 5. Metaph. sed postero-
ri. Quo fit vt merito dicat hoc loco, ea non
esse quantæ sed relatæ: Quod idem intelli-
gendum esse de longo & breui, lato & an-
gusto, alto & humili & similibus, quæ in
obiectione pari ratione assumi potuerunt.

Præterea siue.] Soluit eandem argumen-
tationem negatione minoris, ostēdens du-
bus item rationibus, nec multum paucis
nec magnum paruis esse contraria, siue quis
dicat ea esse quantæ, siue non. Si enim quis
dicat

dicat ea non esse quantitas, sed relata, sic conficietur prior ratio, id quod non est absolutum, sed relatum, non potest habere contrarium, non modo quod sit eius correlativum, nec aliud quodcunque relatum, atqui magnum & multum non sunt relata quædam: non possunt ergo habere contrarium. Causam probationis maioris hanc intellige, quia contraria, de quibus hoc loco sermo est, talia esse debet, ut recipi possint in eodem subiecto, ac proinde, vere seu per se produci in subiecto, quo pacto relationes produci non possunt, ut *lib. Phys.* patebit. Si vero quis dicat ea esse quantia & non relata, sic conficietur posterior ratio si magnum & paruum essent contraria, eadem res susciperet simul contraria, sibi que ipsa aduersaretur: utrumque autem est absurdum; ergo & illud, ex quo utrumque colligitur, quod idem non dicendum est de multo & paucio. Maiorem probat, quia eadem res eodem tempore est magna & parua respectu diuersorum. Ergo si magnum & paruum sunt contraria, eadem res simul contraria reciperet, sibi que ipsi per huiusmodi contraria aduersabatur. Priorem partem minoris probat, quia nec substantia quidem, cuius proprium est, ut sit contrarium capax potest simul contraria suscipere. Posteriorior ideo non probat, quia perspicuum est, nullam esse rem, quæ interitui sibi molitur, quod tamen faceret, si sibi ipsi esset contraria. At dices, magnum & paruum non opponuntur respectu diuersorum, sed respectu eiusdem: Ergo etsi quis dicat, ea esse contraria, concedatque rem eandem esse magnum & paruum respectu diuersorum, non continuo cogetur fateri, rem eandem simul contraria suscipere, sibi que ipsi esse contrariam. Responso tamen facilis est: si enim quisquis ponant magnum & paruum non esse relata, sed solum quantitates, simulque dicat ea esse contraria, ut *Arist.* in posteriori ratione supponit, cum sæpe eadem res per eandem omnino quantitatem, verbi causa, vnius cubiti sit magna & parua cum diuersis rebus comparata, necessario concessurus est, eandem rem perfecte, simulque habere contraria, cum perfecte habeat quantitatem vnius cubiti a qua nullo modo magnum & paruum differre ponitur.

Maxima autem quantitas. Iterum sibi ipsi obijcit, probatque quantitati aliquid

esse contrarium, hac ratione: Locus supremus & infimus sunt quantitates, iidemque sunt contrarij: Ergo quantitati aliquid est contrarium. Maior propositio videtur perspicua ex hoc eodem cap. in quo locus positus fuit species quantitatis. Minorem vero duabus rationibus probat: primum quia locus supremus & infimus maxime distant. Deinde quia distantia aliorum contrariorum appellatur maxime distantia, propter similitudinem, quam habet cum distantia iefimi loci a supremo. Ergo maiori cum ratione locus supremus & infimus dicendi sunt contrarij.

Hanc obiectionem non perspicue dissoluit *Arist.* quia eodem modo dissolui potest, quo superior, nempe maioris aut minoris negatione. Locus enim supremus & infimus siue qua ratione loci sunt, siue qua supremus & infimus non sunt quantitates: nam qua ratione loci sunt ad nullum pertinent prædicamentum, si locus pro spatio accipitur: aut ab hoc prædicamento rejiciuntur, si accipitur locus pro superficie externa continente locatum; qua vero supremus & infimus sunt relata, ut patet, non autem per se quantia. Quod vero non sint contrarij, ut hoc loco de contrarijs est sermo, primum quidem innuit *Arist.* cum ait, (supremum enim infimo contrarium ponunt,) quasi ipsæ id non sentiant. Deinde vero aperte docet, cum ait, maximam distantiam quæ in vulgata definitione contrariorum ponitur ex distantia, quæ inter supremum & infimum locum cernitur, deducta fuisse. Quod si ex ea deducta fuit, & per similitudinem, proportionemve quandam nominata, perspicuum est, locum supremum & infimum in definitione contrariorum minime comprehendere, id quod sane verissimum est, quia in definitione contrariorum intelligitur distantia formalis non localis, ut cap. 10. huius lib. docebimus.

Porro autem Alterum quantitatis attributum est, quantitatem non recipere magis & minus, quod quidem a multis dici solet proprium secundo modo, eo quod omnibus quantitativis non tamen solis convenire videatur. Quod enim alijs rebus conveniat, utpote substantijs & ex cap. superiori perspicuum est. Quod vero conveniat omnibus a *Arist.* videtur plane asserere cum ait, [neque in eorum ullo omnino, quæ di-

Et sunt, magis minusve dicitur. Verum quia valde probabile est, quod Diuus Thomas, & alij graues auctores dicunt; quando res, nulla suscepta aut detracta materia, rarefcunt, aut densantur; eandem omnino quantitatem extendi, aut contrahi, nulla accedente aut decedente; potius dicendum videtur: longitudinem, latitudinem & profunditatem absolute acceptas admittere magis & minus; non quidem cum res sunt maiores aut minores accessione aut decessione quantitatis, quod nunquam fit nisi accedente aut decedente materia, vt in accretione & decretionē vinentium) sed cum sunt maiores, aut minores, nulla addita aut detracta quantitatis portione.

Potest nihilominus hoc attributum dici proprium secundo modo; & si omnibus omnino non conuenit; quia saltem omnibus quantitatis accommodatur, vt sumuntur determinatæ ac præfixitæ, vt lineæ bipedalis quatenus bipedalis est; & sic cæteris magnitudinibus; quæ quidem omnes sunt definitæ ac determinatæ in suis indiuiduis: & qua ratione tales sunt, non fuscipiunt magis & minus. Quod si quis obijciat: has determinationes esse accidentarias magnitudinibus, etiam vt sunt in suis indiuiduis; igitur hoc attributum nõ conuenire magnitudinibus, vt magnitudines sunt, & proinde non esse proprium secundo modo respectu quantitatis: Occurrendum est, multa propria secundo modo conuenire subiectis, per aliquod accidentarium, & non per se, vt esse nigrum coruo, & esse bipes hominis.

Proprium autem) Tradit extremum quantitatis attributum, quod nimirum æquales & inæquales dicantur, seu vt a quantitatis res dicantur æquales & inæquales. Vocat autem Aristot. hoc attributum maxime proprium quantitatis, quia est proprium eius in quarto modo, vt plane significatur in contextu. Afirmat enim Aristot. omnibus & solis quantitatis e-

venire; quod intelligendum est, secundum aptitudinem & semper, quæ est tertia conditio proprii quarto modo; sed de hac re postea differendum est.

QVID SIT QVANTITAS,

QVÆSTIO PRIMA.

SEx potissimū descriptiones ex Arist. colligere possumus, quibus quantitatis natura vtunque declaratur, primam innuit ille dum probat orationem esse quantitatem. Quod enim inquit, quanta sit, ex eo patet, quod eam breui syllaba longaue metiamur, vnde possumus hanc quantitatis descriptionem elicere: Quantitas est ens, qd suis partibus per se ac proprie mensuratur; diximus, (per se, quoniam per accidens substantia etiam, vt pannus, in suis vlnis mensuratur. Additum est, (ac proprie,) quoniam candor trium graduum est gradibus suis mensuratur per se, hoc est, intrinsecus, non tamen mensuratur proprie seu mensura extensionis. Porro descriptio tradita solis finitæ quantitatis accommodatur: in qua verbum, (mensuratur,) secundum potestatem accipiendum est.

Alia descriptio colligi potest ex similitudine descriptionis, qua Aristot. quantitatem explicat, nēpe si dicamus: Quantitas est id, quo aliquid dī quantum, aut aliqua dicuntur aliquid, vt recentiores definiunt.

Tertiam descriptionē elicere possumus ex tertio attributo quantitatis in hunc modum. Quantitas est id, quo res æquales dicuntur aut inæquales.

Quarta descriptio elicī potest ex lib. 1. Metaph. c. 13. vbi sic Aristot. ait; Quantum id dicitur, quod est diuisibile in ea, quæ insunt scilicet in quanto ipso; quorum vtrunque ad vnumquodque, vnum quid & hoc aliquid aptum est esse. Ex qua descriptione, est ea nõ videtur comprehendere nisi quantitates permanentes, elicere possumus hanc generalem: quæ etiā clarius & familiarius traditur; quantitas est ens per se diuisibile, in partes extensionis.

At dices, numerus non est diuisibilis, quia est per se diuisus (est enim discreta quantitas) nec item constat partibus extensionis, vt in eas diuidi possit, nec enim unitates efficiunt extensionem, sed multitudinem; non conuenit igitur quantitatis tradita quantitatis descriptio.

Huic argumento, occurrendum est; non
I poss:

posse numerum diuidi, vt habet esse extra intellectum; tantum abest, vt sit iam diuisus. Quoniam enim unitates, ex quibus numerus componitur a se mutuo sunt diuisi, id est, discretæ. non tamen sunt diuisæ a toto, seu quod idem valet, totius numerus non est in eas diuisus: nam vt quantitas aliqua diuisa dicatur, necesse est, vt perfecta diuisione, partes, quæ separatæ fuerunt, non constituant eam quantitatem, quæ diuisa fuit: at uero numerus, vt habet esse extra intellectum, nunquam ita est affectus, vt unitates, quæ sunt eius partes, definant ipsum numerum constituere; potest tamen diuidi numerus, vt apprehenditur ab intellectu; quemadmodum tempus a solo intellectu. Intellectus enim apprehendens unam partem numeri & relinquens aliam; scilicet apprehendens vna per se & seorsum; deinde aliam separatim diuidit numerum in suas partes. Quod autem obijcit numerum non consistere partibus extensionis, negandum est, Extensio enim non accipitur presse in definitio ne quantitatis tradita, vt vulnus accipit; vt pote pro extensione continuata duntaxat, sed pro discreta etiam; quæ est extensio multitudinis, quam quilibet vnitas alijs & alijs adiuncta efficit.

Quinta descriptio quantitatis, quæ desumi potest ex decimo eiusdem operis lib. cap. 20. huiusmodi est. Quantitas est mensura substantiæ intelligere proprie, seu quod idem valet, quo ad extensionem. Cum dicimus substantiæ; intellige, etiam aut substantiarum; ne videlicet excludas numeros; siquidem numerus non est mensura vnus substantiæ, sed multarum.

Sed obijcies hoc modo. Vnitas est prima & præcipua mensura: vt patet ex eodem loco; aut igitur vnitas est quantitas, quod falsum est, cum sit indiuisibilis: aut certe tradita definitio non conuenit solis quantitatis. Respondendum est tamen duplicem esse mensuram; vnā per repetitionem, quo pacto passus est mensura stadij, & palmus cubiti, & vnitas binarij; alteram per accommodationem, quo pacto stadium est mensura eius vitæ, quam vnus stadij esse dicimus; & cubitus est mensura eius panni, qui vnus tantum cubiti longitudinem habet: & binarius metitur res, quæ dux nominantur; Prior vocatur per

repetitionem, quia nisi iteretur, nunquam adæquabit totum id, quod metitur. Posterior autem per accommodationem, quia tanta præcise est res, quæ sub eam cadit, quanta ipsa est, non maior, nec minor. Quando ergo in descriptione tradita dicitur, quantitatem esse mensuram substantiæ intelligendum est de mensura per accommodationem, siue ea sit mensura per repetitionem, siue non.

Sexta denique descriptio, quæ has omnes naturæ ordine antecedit: & qua non videtur alia prior nec melior, huiusmodi est. Quantitas est ens per se extensum. Vt enim nulla ratio substantiæ prior cernitur, quam quod sit ens per se existens, hoc est, existens non per aliud & proinde participans omnibus quæ non per se existunt, existentiam, sic nulla videtur prior ratio quantitatis, quam quod sit ens per se extensum, hoc est, extensum non per aliud, sed tribuens cæteris omnibus rebus, quæ extensionis participes sunt, extensionem.

Sinthe plures an pauciores species
quantitatis, quam quæ ab
Aristotele tradita-
tur.

QUESTIO SECVNDA

Pauciores videntur esse species quantitatis, quam quæ ab Aristotele numerantur. Nam in primis oratio non videtur esse species quantitatis, quod sic probatur. In oratione nihil aliud cernitur, quod ad prædicamentum quantitatis pertinere videatur, vt species quædam a cæteris distincta, quam multitudo sonorum, qui longi aut breues dicuntur, sed hæc multitudo non est species quantitatis. Ergo oratio non est numeranda inter species quantitatis. Minor probatur, nam multitudo sonorum, præterquam quod sit multitudo de qualitatibus (pertinet enim sonus ad tertiam speciem qualitatibus, vt postea patebit) quæ sunt longæ aut breues per accidens, & proinde quantæ per accidens ratione motus: est et aggregatum quoddam per accidens, quod proinde in nullo prædicamento per se locum habet.

Secundo, locus non videtur esse species quantitatis saltem a superiore: siue distincta: Er

go pauciores sunt species quantitatis, quæ ab Aristotele afferuntur. Antecedens probatur: nam locus & accipitur pro spacio, quod a corpore occupatur, ut ab Arist. hoc cap. sumitur: & pro superficie concava corporis continentis, ut ab Arist. sumitur 4. lib. Phys. Si primo modo accipitur, nullo modo est species quantitatis, aut alterius prædicamenti, cum spacio non sit ens, ut 4. Phys. patebit. Si secundo modo accipitur, aut accipitur quatenus extrinsecus denominat rem, quam continet, aut quia ratione est superficies: si primo modo, pertinet ad aliud prædicamentum, ut postea patebit: si secundo, modo non est aliud, quam quedam superficies: Ergo locus non est peculiaris aliqua species quantitatis.

Quod uero plures sint quantitatis species, quam quæ ab Aristotele traduntur, sic tercio loco ostendi potest. Motus est vera quantitatis species distincta ab alijs omnibus, quæ Arist. recensuit. Ergo plures sunt species quantitatis. Antecedens sic suadet, motui ut est continuus conveniunt omnes descriptiones quantitatis superius adductæ: Ergo motus ut est continuus, est quantitas. Non est autem quantitas permanens, ut linea, superficies & corpus; nec item est tempus, ut statim patebit; Ergo, ut est continuus est species quantitatis a cæteris distincta.

Hæc tamen questio hac assertione explicatur. Sex tantum sunt species quantitatis, numerus scilicet, linea, superficies, corpus, tempus & motus. Oratio uero & locus non sunt quantitatis species. Prior pars huius assertionis probatur: omnes descriptiones quantitatis superius traditæ ut re ac proprie conveniunt sex speciebus numeratis: Ergo sunt vere ac proprie quantitates, non individua nec genera summa, ut statim patet; Ergo sunt veræ species quantitatis. Antecedens inductione perspicuum erit ei, qui suprapositas quantitatis descriptiones percurrerit. Posteriorem vero partem orationem scilicet & locum non esse species quantitatis, priora duo argumenta initio proposita satis contrariant.

Vt tamen species quantitatis utraque intelligantur, singula pauci perstringamus, atque eo ordine, quo eas in proposita assertione recensimus. Quod ergo attinet ad numerum sic potest definiti: Nume-

rus est quantitas ex pluribus unitatibus numeralibus constituta, scilicet hoc modo, est multitudo unitatum numeralium. Quid autem sit unitas numeralis, & quo pacto numerus ex unitatibus numeralibus constituantur lib. 1. Metaph. docebimus.

Prætermisissimæ vero linea, superficies & corpore, quæ in contextu definitæ sunt, quod attinet ad tempus, illud hoc loco animaduertendum est, ipsum duobus modis posse spectari; uno ut est duratio motus absolute accepta, altero ut est duratio motus definita & certa, ut seculum, & annus, mensis, dies & hora. Tempus ergo cum species quantitatis esse dicitur, primo modo accipiendum est: nam si secundo modo consideretur non est species quantitatis, quia tempus ita sumptum apprehensione animi designatur & definitur.

Sed quod attinet ad motum, animaduertendum est, quatuor modis potissimum spectari posse, uno ut ab agente proficiscitur, quo modo ad prædicamentum actionis pertinet: secundo modo contra, ut in patiente recipitur, quo modo spectatur ad Prædicamentum passionis: tertio ut est acquisitio formæ, seu ipsa forma, ut partim est acquisita, partim acquirenda, quo modo reducitur ad illud Prædicamentum, in quo ponitur forma, quæ acquiritur: quarto ut est continuus, quo modo est peculiaris species quantitatis. Hæc autem omnia in motu calefactionis cernere est. Nam calefactio primo consideratur, ut ab igne proficiscitur: secundo, ut in ligno recipitur: tertio, ut est calor partim acquisitus, partim acquirendus, seu ut est acquisitio caloris: quarto ut habet quandam continuitatem. Motus ergo cum dicitur esse quantitatis species, quarto modo accipiendus est.

Sed tamen non immerito rogabis hoc loco, cur Arist. orationem & locum species quantitatis constituerit: motum vero tantum quantum per accidens reiecerit. Dicendum est id propterea. Arist. fecisse quod eas tantum species hoc loco recensere voluerit, quæ suo tempore species quantitatis vulgo habebantur; quæque apertam & vulgatam per se ferunt mensuræ rationem; Et quia oratio & locus species quantitatis vulgo habebantur non autem motus, ideo motum & quantum per accidens reiecit, orationem vero & locum inter quantita-

tis rationem numerauit. Ad argumenta vero initio proposita concedendum est, nec orationem, nec locum esse quantitatis species; motum vero, ut continuus est, ueram speciem quantitatis esse. Et hæc ad hanc specierum qualemunque explicationem dixisse sufficit: accuratior enim earum explicatio, partim ad lib. tertium. & quartum, partim ad quintum Metaphysicorū spectat.

Vtrum dici æquale & inæquale si maxime proprium quantitatis.

QVÆSTIO TERTIA.

SV pereat, ut videamus, num dici æquale aut inæquale sit maxime proprium quantitatis, ut ait Arist. hoc loco, hoc est, omnibus, quantitatis, solis & perpetuo conueniat. Quod enim non omnibus accommodatur, probatur hoc modo: Si omnes quantitates nunc pereant, & una tantum produceretur & conseruetur deinceps, ea nec erit æqualis, nec inæqualis: Ergo fieri potest ut non omnibus quantitatis conueniat hoc attributum.

Secundo nulli generi, nullique speciei quantitatis conuenit æqualitas, aut inæqualitas; Ergo non omnibus quantitatis conuenit hoc attributum: Antecedens probatur, quia nullum superius est æquale & inæquale suū inferiori, cum ab eo non distinguatur re ipsa; quod tamen ad æqualitatem & inæqualitatem requiritur: Quantitas uero genus summum non potest conferri cū quantitate aliqua, quæ non sit inferior ipsa, quantitas uero continua neque est æqualis neque inæqualis discretæ, ut patet, nec item aliam reperies speciem cui conueniat æqualitas & inæqualitas. Nam est species numerorum, inter se sunt inæquales, nulli tamen sunt æquales, cum interim hoc attributum non disianctum, sed copulatiue tradatur.

Tertio quod nec solis videtur conuenire, probatur hoc modo: Multa sunt, quæ nec sunt Quantitates, nec Quantitates denominantur, aut aliquid aliud si quantitas: quæ tamē trito vulgatoque sermone æqualia aut inæqualia dici solent, ut scientiæ dicuntur æquales & inæquales, artes, virtu-

tes, & ipsæ etiam multitudines substantiarum separatarum; Ergo non solis Quantitatibus hoc attributum accommodatur.

Quarto pondus videtur proprie dici æquale & inæquale, cum reuera videatur mensura proprie dicta, aut ergo est quantitas, aut aliquid aliud. Si Quantitas, recte numerata sunt species Quantitatis quandoquidem pondus nulla est earum, de quibus hæctenus mentionem fecimus. Si uero est aliud diuersum a quantitate, quod potius dicendum videtur: perspicuum est aliquid aliud, præter Quantitatem, dici æquale & inæquale.

Dicendum est tamen: hoc attributum esse proprium quarto modo respectu Quantitatis, omnibusque & solis ac perpetuo conuenire. Quod ut intelligat admonendum est, primo in hoc attributo accipiendum esse aptum pro potestate seu aptitudine, hoc est, dici æquale & inæquale, pro dici posse. Deinde admonendum est duobus modis res dici æquales & inæquales, uno per se, hoc est, non per aliud alterius prædicamenti, quo pacto ipsæ quantitates dicuntur æquales & inæquales.

Altero per accidens, hoc est, per aliquid aliud alterius prædicamenti, quo primo duo lapides vnus palmi, cum sint substantiæ, dicuntur æquales, per quantitates suas. Tertio loco admonendum, æqualitatem & inæqualitatem non accipi hoc loco, pro æqualitate aut inæqualitate Metaphorica aut translatitia, sed propria. Ea sunt propria æqualia & inæqualia quæ sunt quantitas proprie dicta, hoc est, extensionis, ea improprie, quæ sunt quanta, quantitate improprie dicta, id est, quantitate perfectionis, siue accidentariæ, id est, essentialis.

His positis, dicendum est, hoc attributum conuenire omnibus & solis quantitatis ac perpetuo omnibus quidē ac perpetuo, quia non accipitur secundum actum, sed secundum potestatem: Solis uero, quoniam non accipitur per accidens, sed per se, & proprie. Ad primum igitur argumentum pro parte negatiua generis adductum addere, est quantitas illa, quæ sola poneretur, in rerum natura, nulli esset æqualis aut inæqualis, haberet tamē aptitudinem ad æqualitatem & inæqualitatem. Ad secundum dicitur: generibus & speciebus quantitatis in causa non conuenire quidem ipsa maxime

qualitatem & inæqualitatem; nec id esse necessarium, vt hoc attributum eis conueniat: sed tamen omnibus conuenire aptitudinem ad æqualitatem, & inæqualitatem, quæ aptitudo est propria quarto modo, respectu Quantitatis, & producit ad actum vt extrema proprietas substantiæ in singularibus.


Ad secundum dicendum est: ea quæ non denominantur a proprie dictis Quantitatibus, & tamen dicuntur æqualia & inæqualia, etsi per se talia dicuntur, non tamen dici proprie sed per translationem, & similitudinem quam habent cum Quantitatibus. Nam quoniam intentio quantitatum est similis intentioni magnitudinum: & gradus entitatum, quæ in eorum essentijs

inueniuntur, sunt similes numeris, vt ait Aristoteles. ideo quemadmodum magnitudines & numeri dicuntur æquales & inæquales; sic quodammodo quantitates, quo ad suas intentiones; & res omnes, quoad suas essentias.

Ad quartum dicendum est; pondus nec esse speciem Quantitatis: nec proprie dici æquale & inæquale, sed per translationem; primo quia Quantitas ponderis non consistit in extensione, quemadmodum nec quantitas gradualis caloris, candoris, & aliarum qualitatum; quo fit, vt sit quantitas impropria & translatica; Deinde, quia pondus nihil aliud est, quam grauitas, grauitas vero inter species qualitatis numeratur ab Aristotele 1. Metaphysicæ. cap. 14.



SERIES QUANTITATIS.



CAPVT SEPTIMVM.

DE RELATIONE.



E vero dicuntur ad aliquid quæ id quod sunt, aliorum esse, aut ad aliquid aliquo alio modo dicuntur, veluti duplum, id quod est alterius dicitur: duplum enim alicuius scilicet; & maius id quod est, alio dicitur maius; aliquo namque maius dicitur; similiter & cetera, quæ istius modi sunt. Sunt & hec etiam ex hisce, quæ ad aliquid sunt, vt habitus, dispositio, scientia, atque positio. Omnia enim hæc id quod sunt, aliorum esse, aut ad aliud aliquo alio modo dicuntur, & non aliud quicquam. Habitus enim cuiuspiam habitus; & scientia alicuius scientia, & positio alicuius positio dicitur esse, ceteraque similis modo. Ea igitur sunt ad aliquid, quæ id quod sunt aliorum esse, aut ad aliquid aliquo alio modo dicuntur; cœu mons magnus ad aliud dicitur: ad aliquid enim mons magnus dicitur. Simile quoque cuiuspiam simile dicitur: & cetera etiam alia ad aliquid eodem modo dicuntur. Sunt autem & recubatio, & statio, & sessio, positione quædam, positiones vero ad aliquid sunt. Recubare autem, aut stare, aut sedere, positiones non sunt: sed a dictis positionibus denominatiue dicuntur. Est autem & contrarietas in hisce, quæ ad aliquid sunt; virtus namque virtutis contrarium est, quorum vtrumque ad aliquid est, & ignorantia scientia. Non tamen vniuersis contrarietas inest: duplo namque & dimidio & similibus, contrarium est nihil. Videntur etiam ea, quæ sunt ad aliquid, & gradus suscipere, vt magis minusve talia sint, simile namque & magis & minus dicitur simile & dissimile, æquale & inæquale similiter, quorum vtraque ad aliquid sunt. Quippe cum simile cuidam simile, & dissimile cuidam dissimile, & inæquale cuidam inæquale dicatur. Non vniuersa tamen hanc subeunt legem, duplum enim non magis minusve dicitur duplum, neque quicquam talium ullam. Atqui vniuersæ, quæ sunt ad aliquid, ad ea dicuntur quæ conuertuntur; seruus enim veri dicitur seruus, & verus serui dicitur verus: & duplum dimidij duplum, & dimidium dupli dimidium, & maius minore maius; vt minus maiore minus dicitur; & in cæteris simili modo, quamquam interdum dictio casu differt. Scientia enim seibilis scientia, & seibile scientia seibile, & sensus sensibilis sensus & sensibile dicitur. Verum interdum conuersio fieri non videbitur, si ad id, ad quod dicitur, non accommodate fuerit assignatum, sed qui assignat, errauerit; veluti si ala auis fuerit assignata, non conuertitur, auis ala; non enim primo accommodate est assignata ala aui; Nam non hoc ala ipsius dicitur quo est a vis, sed quo est ales: complurium enim & aliorum ale sunt, quæ aues non esse constat. Quare si accommodate fuerit assignata, fiet conuersio sane, veluti ala alitis ala, & ales ala est ales. Atque interdum & nomen facere necesse est, si positum nomen ad quod accommodata fuerit assignatio non sit: cœu si clarus nauigij assignabitur, non accommodata sit assignatio. Non enim eo clarus ipsius dicitur, quo nauigium est: Sunt enim nauigia.

gia, quorum clauī non sunt. Sed forsitan accommodatio assignatio fuerit, si clauus clauati clauus, aut aliquo alio simili modo dicatur, non enim positum nomen est. Atque conuertitur si accommodata fuerit assignatio: clauatum enim clauo est clauati. Idem fuerit & in ceteris modus, velut caput accommodatus fuit assignatum: si capiti caput, quam si animalis esse dixerimus; non enim eo caput habet, quod animal est; complura namque animalium capite vacant. Hoc autem pacto facillime quispiam eorum nomina sumet, quibus nomina posita non sunt, si a propositis primis, quibus etiam his imponat nomina, quae cum primis conuertuntur: & in praedictis inueniri licet uti ab ala ales, & a clauo clauatum assignabatur. Vniuersa igitur ea quae sunt ad aliquid, si accommodate quis reddat, a ea sane dicuntur, quae conuertuntur. Nam si ad quoduis unumquodque, & non ad id quod dicitur, assignetur, non sit sane conuersio; neque enim quisquam eorum, quae sine controversia ad ea dicuntur, quae conuertuntur, nomen quo habent, conuertitur: si non ad id quod dicitur, sed ad accidentiam aliquid assignetur. Velati si seruus non heri, sed hominis, aut bipedis, aut cuiuspiam similium fuerit assignatus, non fuerit sane conuersio: nam dici non potest, homo est serui homo: non enim accommodata est assignatio. Praeterea si accommodate ad id quod dicitur fuerit assignatum, sublati quidem ceteris omnibus quae sunt accidentia, relicto autem eo solo, ad quod est assignatum accommodate, ad illud sane dicetur; ceterum si seruus ad herum dicatur, sublati quidem ceteris vniuersis quae accidunt heri, bipedi inquam scientiae susceptio, ac homine: relicto autem tantummodo heri seruus ad ipsum semper dicetur, seruus enim heri dicitur. Quod si non accommodata ad id, ad quod tandem dicitur, fuerit assignatum, ceteris quidem sublati, eo vero solo relicto ad quod est assignatum, non ad ipsum sane dicetur. Assignatus enim sit seruus hominis, ala, aut, atque ab homine herus auferatur, non ad hominem sane seruus dicitur. Nam cum herus non sit, neque seruus est sane. Similiter & ab aliis auferatur, non vltimus ala profecto ad aliquid erit; si enim ales non sit, neque erit ala cuiusquam. Quare quodque assignetur ad id, ad quod tandem dicitur accommodate, oportet. Atqui si sit quidem positum nomen, facilis assignatio sit; si vero non sit, nomina fortasse ponantur necesse est. Quod si hoc assignetur modo, ea quae ad aliquid sunt, vniuersa ad ea sane dicuntur, quae conuertuntur ut patet.

At vero ea quae sunt ad aliquid, simul natura esse videntur: atque in plurimis quidem vera est haec sententia, in quibusdam autem vera non est. Simul enim duplum est & dimidium: & si est dimidium duplum est, & contra, & si seruus est, herus est etiam: & si est herus, est etiam seruus; similiter & in ceteris. Quin & multo haec intermunt sese; nam si duplum non est, dimidium non erit: & si dimidium non est, duplum non erit. Idem est & in ceteris modis quae rationis sunt similes. Non tamen in vniuersis quae sunt ad aliquid, verum hoc esse videtur, simul inquam natura esse sint; scilicet namque scientia prius esse videbitur. Plerumque enim rerum quae antea sunt, scientias nos accipimus; in paucis enim, aut nulla in re prorsus scientiam fieri quispiam cum scibili simul videbit. Praeterea si scibile tollatur, tollitur, & scientia: scientia vero si tollatur, non tollitur scibile. Nam si scibile non sit, scientia non est, nullius enim prorsus scientia erit. Scientia vero si tollatur, non tollitur scibile. Nam si scibile non sit, scientia non est; nullius enim prorsus scientia erit. Scientia re-

vo etiam si non sit, scibile esse nihil prohibet, quod rationis enim circuli et scibilibus est
 scientia quidem animalis non erit: cum complura interim, quae scibilia sunt animi
 lium existant. Sic & in sensu res sese habere videtur: sensibile enim antecedere sen-
 sum videtur, si sensibile namque tollatur, tollitur & sensus, at ipsum, si sensus auferat-
 ur, non tollitur. Sensus enim circa corpus & in corpore sunt; itaque sensibili subli-
 to, corpus è medio tollitur: est enim & ipsum corpus sensibile. Si corpus vero non sit,
 etiam sensus auferatur. Quare sit, ut secum sensibile sensum auferat. At sensus: cum
 sensibile non tollit: nam si animal tollatur, tollitur quidem sensus, sensibile vero non
 tollitur. Est enim sensibile corpus, ut calidum, frigidum, dulce, amarum, & cetera
 omnia, quae sunt simili generis. Præterea sensus quidem cum sensuiui simul emer-
 git, nam una cum animali, & ipse sensus efficitur. Sensibile autem est antea quam
 sensus sit ortus, est enim ignis, & aqua, ceteraque talia, è quibus animal constat, &
 antea quam sit omnino animal aut sensus: quare sensibile prius ipso sensu videbitur
 esse. Existit autem hoc loco dubitatio quædam utrum nulla substantia dicatur ad
 aliquid, quemadmodum & videtur: an hoc in aliquibus substantijs secundis con-
 tingat, in primis namque substantijs, verum est. Nam neque tota, neque partes ad
 aliquid sane dicuntur, quidam enim homo non dicitur cuiusdam quidam homo, ne-
 que quidam equus cuiusdam quidam equus. Et itidem in partibus: Quædam enim
 manus, non cuiusdam quædam manus, sed cuiusdam dicitur manus: & quodam ca-
 put, non cuiusdam caput, sed cuiusdam dicitur caput. Eadem et in pluribus secundis
 substantijs dici possunt; homo namque non cuiusdam dicitur homo, nec equus ali-
 cuius dicitur equus, nec lignum alicuius dicitur lignum, sed alicuius possessio dici-
 tur. Talia igitur patet, non ad aliquid esse. In quibusdam autem secundarum sub-
 stantiarum est dubitatio: caput enim alicuius dicitur caput, & manus alicuius dici-
 tur manus, & unumquoque tale eodem modo dicitur; quare hæc videbuntur ad ali-
 quid esse. Si igitur eorum, quæ sunt ad aliquid, definitio sufficeretur esse, natu-
 ra, aut omnino est difficile, aut impossibile nullam substantiam ad aliquid esse ostende-
 re: si vero non sufficienter assignata est, sed ea sunt ad aliquid, quorum esse idem
 est ei, quod est ad aliquid aliquo modo sese habere, fortasse ad hæc aliquid dici po-
 test. Prior autem definitio sequitur quidem ea, quæ sunt ad aliquid omnia, non ta-
 men idem est, propterea quod ipso-
 rum ad aliquid esse, est id quod sunt, aliorum esse
 idem. Ex his dicitur patet, si quispiam aliquid eorum, quæ sunt ad aliquid, defi-
 nite scit simul, id, quod ad illud dicitur, definite sciet. Hoc autem patet quidem ex
 his ipsis. Nam si scit quispiam, hoc aliquid esse, est autem eorum, quæ sunt ad ali-
 quid esse, idem ei, quod est ad aliquid, aliquo modo sese habere, & illud profecto
 sciet, ad quod hoc aliquo modo se habet. Si enim nescit omnino id, ad quod hoc ali-
 quo modo se habet, neque si ad aliquid hoc modo se habet, sciet. Patet autem & ex
 singulis: nam si quispiam hoc scit definite duplum esse, id cuius duplum est, con-
 tinuo sciet. Nam si nudus definitum scit illud esse, neque si est duplum om-
 nino scit: similiter & hoc si scit, definite præstabilius esse: & quo præstabilius est
 definite, ob hæc eadem ipsum scire necesse est. Nec indefinite sciet, hoc præstabi-
 lius esse deteriore: hæc enim opinatio est non scientia. Non enim ex æte iam dete-
 riore præstabilius esse sciet: nam si forte sic accidat, nihil est deterius ipso. Quare
 patet

patet necessarium esse, ut quicquid eorum, quæ sunt ad aliquid quispiam definite sciatur, & id identidem ad quod illud dicitur, ut sciatur. Fit autem ut caput, & manus & quæcunque talium, quæ substantiæ sunt, id quod est ipsius definite sciatur, at non sit necessarium, ut ad id, quod dicitur, definite sciatur. Cuius enim hoc caput aut cuius est manus, non fit, ut definite sciatur. Quare hæc non ad aliquid erunt. Quod si hæc non sunt ad aliquid vere dicere licet nullam substantiam ad aliquid esse. Difficile autem est fortasse de talibus rebe mentis asserere eum, qui non per sepe cogitationem in his posuerit. Circa tamen unumquodque, ipsorum non inutile dubitasse.

Quamquam de qualitate prius quam de Relatione agendum videbatur; tum, quia qualitates sunt plurimorum relationum fundamenta, tum quia illæ dicuntur absolute, relationes vero comparatæ: ac fundamenta superius natura priora sunt istis, quæ fundamentis nituntur, & absoluta comparatæ tamen quia superiori in disputatione illa de magno & paruo, multo & pauco, nonnulla de relatis dicta sunt; quo absque longiori disputatione commode intelligi non poterant: distincta ordo, qui perpetuo seruandus est, postulauit ut tractatio hæc non differetur longius. Tres vero sunt præcipue huius capituli partes. Prima continet definitionem relatorum, quæ tempore Arist. circumferrebat, eiusque explanationem. Secunda quatuor relatorum attributa. Tertia examen superioris definitionis, alteramque relatorum definitionem & cuiusdam attributi, quod iuxta eam relatis conuenit traditionem.

Ea vero dicuntur ad aliquid. Relatio respectus & habitudo, ut Dialecticis usurpantur idem omnino sunt, ab eius vero abstractis deducuntur hæc concreta, Relatio, Relatiuum, & Respective, quæ Aristoteles hoc loco appellat ad aliquid, definit autem relata potius quam relationes, quia concreta quam abstracta, notiora nobis sunt: id, quod maxime in hoc sermone generis faciendum fuit, quia relationes adeo imperfectæ, essentia rationem habent, ut pene nullam habere videantur. Definuit etiam relata in plurali numero potius, quam in singulari, quia vñ nullum relatum huius Prædicamenti sine altera existit, sicut nisi cum altero intelligi non potest, ut omnes interpretes annotant.

Quæ id quod sunt. Hæc est vetus relatorum definitio, quæ uti Boetius aut Pla-

tonis esse creditur, loco generis ponitur illud, quæ, quo verbo, non modo essentia vera & realia, sed etiam quævis alia intelliguntur, ut 1. lib. Metaph. c. 6. ostendimus, quæ vero adduntur, id quod sunt, seu ea ipsa quæ sunt, ut grecè haberetur, idem valere ac si dicas, secundum suas essentias & naturas, quæ denique adiunguntur aliorum esse, aut ad aliquid alio modo dicuntur idem significat, ac si aperte dicas, relatione ad aliud in genitiuo casu, aut in aliquo alio explicantur, quia vero duo dici solent relatorum genera, vnum, quod vocant, secundum esse nempe horum quæ ad hoc prædicamentum spectant, cuiusmodi sunt pater, & filius; alterum, quod vocant, secundum dici, utpote eorum, quæ ad alia prædicamenta pertinent, cuiusmodi sunt, scientia, habitus, & alia huiusmodi. Definitio hæc utrumque genus complectitur, ut postea apertius dicimus.

Aliquo namque maius. Duo hæc exempla maioris & dupli genitiui casu explicantur apud Arist. verum in explanatione maioris non potuit latina versio, grecæ con-textui respondere.

Sunt & hæc etiam. Superiora exempla pertinebant ad relata secundum esse, hæc spectant ad relata secundum dici. Habitus dicitur rei habilis habitus, dispositio res dispositæ dispositio, ut infirma valetudo, Scientia rei scibilis scientia, positio denique rei positæ positio, ut accubatio. Hæc, inquit, omnia ad aliud sunt & non aliud quicquam, hoc est, non sunt aliud, quam res quædam, quæ respectu alterius explicatur: quanquam ipsa eorum natura & essentia, quæ declaratur, non in eo consistat, quod aliud respiciat, cum sit simpliciter absoluta.

Ceu mons magnus. Relata omnia ab ætæis adducta explicantur, græce generi-
no casu,

no casu, nunc addit Arist. ea, quæ alijs casibus declarantur, sine interuentu propositionis, vt magnum. Dicimus enim magnum ad alterum esse magnum sine vlla interiectione propositionis, vt simile, quod alicui simile esse declaratur.

Est autem & contrarietas.) Initio huius secundæ partis tradit Arist. duo attributa, quæ non proprietates, sed simpliciter attributa merito dicuntur ab omnibus interpretibus quia nec solis, nec omnibus conueniunt. Primum est, (habere contrarium;) secundum (admittere magis & minus.) Quod enim non omnibus conueniant, Arist. in contextu aperte docet, quod vero nec solis, ex eo perspicuum est: quod multæ quantitates habeant contrarium, magis quæ & minus admittant, quæ tamen relata dici non solent, vt calor, frigus & huiusmodi alia, quæ non sunt relatiua. Nec probanda est eorum sententia, qui dicunt omnes qualitates esse relata secundum dici, eo quod adiunctam habeant relationem, qua explicari possunt: Siquidem vt sint relata secundum dici, non satis est, vt relatione explicari possint: sed opus est præterea vt soleant. Vnde Arist. 3. par. huius c. ait, hanc manum, & hoc caput non dici ad aliquid: quæ tamen rationibus explicari possunt: vt patet. At obijciat aliquis, Arist. tradendo primo attributo secum pugnare; Negauit enim cap. superiori ea, quæ sunt ad aliquid contrarium habere: at hoc loco affirmat, relata habere contrarium. Obijcet secundo: Ignorantia quæ in exemplo contrariorum asserre in contextu, non esse contrarium scientiæ, cum sit scientiæ priuatio. Tertio obijciat: falso dici in explicatione secundi attributi, simile & æquale magis & minus admittere, in primis, quia vt aliqua duo sint similia, necesse est vt habeant eandem qualitatem, non solum specie, sed etiam gradu: alioqui iam erunt dissimilia; Atqui. vt sint æqualia, necesse est, vt neutris, quantitas desit aut superet, vt perspicuum est. Quod tamen non esset verum: si simile & æquale magis & minus admitterent: deinde quia ea sola propriè videntur, magis & minus accipere, quæ per se motum aliquo acquirunt: ex quorum genere non sunt relationes vt ait Arist. 5. Physic. lib.

His tamen obiectionibus sic occurreres. Primum quidem; relata secundum esse non ha-

bere contrarium; idem docuisse Arist. superiori c. nihil tibi prohibere, quin relata secundum dici, vt scientia & ignorantia, & quæ ex essentia sua relata non sunt, habeant contrarium, vt dicitur hoc loco. Quod tamen non intelligas ratione relationis (relationes nam non sunt inter se contrariæ) sed ratione eius quod formaliter significat, pertinet; ad aliud predicamentum. Secunde obiectioni occurrendum est. Ignorantem non accipere hoc loco ab Arist. pro negatione scientiæ, qualis est in infantibus, aut priuatione, qualis est in rusticis & rerum ignaris, sed pro errore quo hi homines suat imbuti, quæ aliter sentiunt, quam res habet, quæ ignorantia præu affectionis appellatur. Tertæ obiectioni responde non solum dissimile & inæquale, sed simile & æquale, modo aliquo magis & minus admittere. Id autem vt perspicuum fiat, sciendum est, quædam esse similia, quæ maxime propriè similia, sunt, alia minus quidem propriè, sed tibi propriè, non nulla vero omnino impropriè. Primi generis ea sunt, quæ habent qualitatem eandem, non solum specie, sed etiam gradu. vt duo corpora æq; omnino candida. Secundi generis sunt ea, quæ habent qualitatem eandem, sed eandem gradu tibi diuersam, vt duo corpora quouis modo cā dida. Similia tertij generis, quæ impropriè similia dicimus appellari, dicuntur ea, quæ sunt partim dissimilia, vt cā didum, & flauū, & alia huiusmodi. Aequalia autem duobus modis aliqua dicuntur, scilicet propriè & impropriè. Aequalia propriè dicta sunt ea, quorū quantitates ita sunt affectæ, vt neutra alterū excedat, æqualia vero impropriè & per abusum, sunt ea, vnde sunt partim inæqualia. Dicendum est ergo ad tertiam obiectionem ea, quæ maxime propriè similia sunt, & quæ sunt propriè equalia non posse admittere magis & minus, alia autem similia & equalia posse, si non per se, certe per alia, posita mutatione fundamenti. Nā licet relatio possit intendi sine fundamenti intentione, non tamen potest intendi siue aliqua fundamenti variatione, vt si vna tantum res candida nunc esset: & aliqua quæ prius esset nigra, fieret candida in vtraq; tum primum existeret similitudo, in ea quidem quæ erat nigra, generatione sui fundamenti: in ea vero, quæ erat alba, generatione sui arti, eodemque modo si deinceps candor alterius intederetur,

aut

alter amiteretur, ambę fierent similiores aut diffimiliores. Altera quidem mutatione candoris sui; altera autem mutatione candoris alieni. Ex quo patet: quid ad posteritorem tertię obiectionis partem sit dicendum, ni mirum, non omnia, quę admittunt magis & minus, motu aliquo & per se acquiri sed ea sola quę per se intendi ac remitti possunt, cuiusmodi non sunt relationes.

A qui vniversi) Tradit tertium relatorũ attributum, omnia scilicet relata dici ad ea quę conuertuntur, siue ad reciproca, h.e. explicari solere relatione ad ea, quę vicissim explicari solent relatione ad ipsa, quanquā non semper eodem casu, ut in contextu patet. Conuenit autem hoc attributum non solum omnibus relatis, ut Arist. hic affirmat: quod non solum intellige dictum de omnibus superiori definitione comprehensis, sed etiam solis ac semper, ac proinde est proprium quarto modo.

Ex his patet non esse in hoc attributo sermonem de reciprocatione prædicationis, quo pacto reciprocatur homo, & risus capax & omnino subiectum & propria affectio, nec de reciprocatione mutuz consecutionis, quę etiam enunciationis, quę dicuntur conuerti, aut æquipollere, reciprocantur, nec de reciprocatione mutuz relationis, quia hæc est relatorum natura & non attributum, sed de reciprocatione mutuz applicationis, ut dictum est.

Verum interdum] docet aliquando non fieri reciprocationem, quia non recte traduntur ea, ad quę relata ipsa referuntur: id quod in alia & aue, in clauo & nauigio, in capite & alijs perspicue ostenditur, sunt enim quę alias habent, ut apes & uespertilio-nes & alia huiusmodi animantia, quę volant: nec tamen sunt aues. Cyanæ etiā, quibus transmittuntur angusta flumina, nauigia sunt: & tamen clauo non reguntur, denique cancri, ostrea, & id genus alia capite carent, cum tamen animalia sint. Addit tamē Arist. ut recte designentur ea, ad quę relata proprie & uere referuntur, faciendā nōnunquam esse noua nomina, idque facile esse si ex altero relato, quod iam nominatum sit alterius nomen deducatur, ut si ex clauo dicas clauatum, ex capite capitatum. Sunt quibus hoc præceptum non placeat, ijs neque quę nimis superfluo- respiciunt verba omnia, quę uulgata & consue-

ta non sunt. Aduersus quos non tantum est Arist. hoc loco, sed etiam Cic. ut patet, lib. 3. de finib.

Nec enim quę eam] Probat argumentum a maiore, in relatis quibus nulla nominata ex altera parte respondeant, non fieri reciprocationem, nisi aperte correlatiuum exprimatur, argumentum est: Quia in ijs quę omnium consensu reciprocantur, nominibusque suis notata sunt, reciprocatio non cernitur, si explicatio non fiat comparatione proprij correlatiui, sed alicuius, quod ipsi accidat. Ut si seruus non cum hero, cum quo conferendus est, sed cum homine comparatur, non fit reciprocatio: Nam etsi quoddammodo ferendum sit, quod seruus, dicatur hominis seruus, falso tamen dixeris, hominem esse serui hominem. Ea v. Arist. hoc loco correlatiue accidere dicit, quę de illo dicuntur, nec tamen sunt illud ipsum formaliter, uerbi gratia, accidentia heri ad quem reuertur seruus, sunt omnia, quę dicuntur de hero, nec tamen sunt ipse seruus formaliter ut homo & bipes, & cetera omnia: etiam si alioqui pertineant ad rationem formalem heri, ut esse relatum.

Præterea si accommodate] Tradit generale documentum certè me mori mandandum, quo intelligere possimus, siue recte designatum correlatiuum. Documentum est huiusmodi, si recte designatum est correlatiuum, sublatis ab eo omnibus, quę ei accidunt, eoque solo relicto, adhuc fiet reciprocatio, si uerò non fiet, non est recte designatum, utraque autem documentis pars exemplis illustratur in contextu.

At uero ea, quę] Tradit quartum relatorum attributum ut pote, quod sint simul natura, ea nimirum significatione, quę inferius cap. 12. definiuntur hoc modo, simul natura sunt ea, quę existendi causa reciprocantur, nec tamen alterum, ut alterum existat, causa est: quę definitio duas complectitur condiciones: vna quę in contextu explicatur, ut alterutro posito, alterum ponatur necessario, & alterutro sublato, alterum necessario tollatur, altera, quę hic non exprimitur, ut neutrum, sit causa alterius. Defectu prioris conditionis animal & homo non sunt simul natura, quia posito homine necessario ponitur animal, & sublato animali tollitur homo nec tamen uicissim, posito animali continuo

positur

ponitur homo, aut sublato homine, tollitur animal. Defectus posterioris conditionis, homo & risus capax non sunt simul natura, quia est reciprocatur homo, tamen est causa ridendi facultatis: Hoc igitur attributum docet Arist. conuenire relatis comparatione eorum, ad quæ referuntur. Et quidem quod solis conueniat, omnes fatentur, nec Arist. de ea re sollicitus est, num primo conueniat omnibus, ambigunt multi: versus Aristor. aperte hoc negat, atque adeo late probat, non omnibus conuenire: quo fit ut sit proprium respectu relatorum omnium, quæ superiori definitione continentur.

Non tamen in uniuersis] Duobus exemplis ostendit, non omnia relata esse simul natura: alterum habet in scientia & scibili, alterum in sensu & sensibili. Docet igitur primum duobus, rationibus, scientiam & scibile non esse simul natura. Prior ratio est, quia scibile est prius tempore, quæ scientia: [in paucis enim,] ut inquit, aut in nulla re prorsus scientiam simul cum scibili fieri quisquam videbit,] quia scibile ante eam scientiam est, quia ipsum cognoscimus. Adde particulam [in paucis,] propter arte facta respectu primi inuentoris, ante cuius scientiam nulla eorum indiuidua esse possunt, sed tunc primum sunt, cum inuenior illis efficiendis modum aliquem scientiamque excogitabit. Adiecit tamen, [aut in nulla re prorsus,] quia Arist. mutat naturam & ex rebus naturalibus efficit, quicquid efficit, ex quo fit, ut etiam omnia arte facta, quo ad ea, ex quibus sunt, & quorum mutatione sunt, ante scientiam primi inuentoris sint.

Præterea si scibile.] Posterior ratio est, quia ostendit scientiam & scibile non esse simul natura, quæ huiusmodi est. Si tollatur scibile, necessario tollitur scientia, si tamen scientia tollatur, non necesse est tolli scibile: Ergo scibile est prius scientia, ac proinde non sunt simul natura. Antecedens probat duobus rationibus. Prior est, quoniam si scibile non est (subaudi nec unquam fuit (non erit quoque scientia eius, quippe cum scientia non comparatur nisi his rebus, quæ aut fuerunt, ut dictum est; si tamen scientia non fit, nihil prohibet esse scibile. Nam quadratum circuli potest cadere sub scientiam, ut dicitur Geometrarum; & datur reuera in rerum na-

tura quadratum æquale circulo: nec tamē eius rei quisquam hætenus scientiam esse assecutus. Posterior quoniam sublato animali, atque ita sublata omni scientia, quæ in solo animali est, quamplurimæ res, quæ sub scientiam cadunt, manere possunt, ut celi, elementa ac reliqua mixta: at omni re scibili sublata, atque ita sublato animali nulla scientia manere potest. Quo loco duo animaduertenda sunt: Vnum est, scire quadratum circuli nihil aliud esse, quam dato certo circulo, designare certum quadratum, & adæquate tantum habeat aream, quantum habet circulus datus; idque ostendere euidēti demonstratione. Quod quidem hætenus sæpe tentatum, a nemine inuentum est: et si multi & magni uiri in ea re plurimum operæ & studij posuerint: quanquam Boetius ait, suo iam tempore inuentum id fuisse. Alterum est, cū Arist. ait, si tollatur animal, tolli omnem scientiam: nomine scientiæ accipi pro humana duntaxat: & verbum, [tollatur,] quo ad corpus, & animi intelligendum esse: alioquin post mortem animalis manent scientiæ in animo, qui non perit cum corpore; & manerent scientiæ in angelis, si animus itidem humanus diuina potestate periret.

Sic & in sensu.] Duobus itidem rationibus ostendit: sensum & sensibile non esse simul natura. Prior ratio est: quia si auferatur omne sensibile necessario auferretur sensus: cum tamen si sensus auferatur, non tollantur de medio ea omnia, quæ sensibus subiecta sunt: quorum utrunque perspicue ostendit in contextu.

Præterea sensus.] Posterior ratio est, quoniam sensus simul oritur cum animali, in quo solo vis sentiendi cernitur; res autem, quæ sensibus percipiuntur, ut verbi gratia, quatuor elementa, ex quibus animal constat, ante sunt quam animal nascatur.

Exiit autem.] Hæc est tertia pars capituli in qua Arist. ut ostendat definitionem eam relatorum, quam priori c. posuit non esse omni ex parte absolutam: aliamque tradidit perfectiorem: hanc quæstionem excitat. Verum aliqua substantialia ex eorum numero sit, quæ cum aliquo conferuntur. Quod enim nulla sit, facile ostendi potest, quia si quæ substantialia huiusmodi esset, accidens utique:

demque ratione in subiecto esset & non esset, quo posito, quis non videat, perturbari, permisceri que prædicamenta, quæ tamè distinctionis causa inuenta, sunt. Quod vero aliquid substantiæ ad aliud referatur ex definitione veterum initio tradita confirmatur. Nam etsi primæ substantiæ & earum partes integrantes huiusmodi non sint, quia explicari non solent relatione ad aliud nec item secundæ substantiæ completæ, tamen quædam secundæ incompletæ, cuiusmodi sunt membra animalium, v. caput & manus sub communi ac vniuersali ratione sumptæ videntur ad aliud referri, quia relatione ad aliud explicantur. Dicimus enim caput capitati caput esse, & alati, quod ipsum in cæteris huiusmodi generis vsurpari solet, ex quo efficitur, vt si definitio illa relatorum initio tradita bona sit, quædam substantiæ vt manus, & caput ad aliud referantur.

Si igitur] Ex proxima questione ostendit veterum definitionem esse reiiciendam, quod hac ratione concludit. Si definitio illa est recte tradita, & sola illa complectitur, quæ per se ad hoc Prædicamentum spectant, effugere non possumus, quin concedamus aliquas substantias ad hoc genus pertinere, at hoc est absurdum, non est igitur definitio illa recte tradita. Veraque propositio ex ijs, quæ paulo ante diximus, perspicua est.

Sin vero non sufficienter] Refutata veterum definitione suam hoc loco affert Aristoteles. ex qua docet dissolui posse propositam questionem, vt infra patebit. Definitio est hæc. Relata sunt ea quorū esse idem est ei, quod est ad aliud, aliquo modo sese habere. Cum audis, ea, intellige, entia, quod vero sequitur, (quorum) esse idem est, &c. idem valet, ac si dicas, quorum essentia ea, est, quod denique sequitur, ad aliud, id est, quod ad aliud, & ad alterum. Quo fit vt non ponatur idem in definitione sui.)

Quod autem adiungitur, (aliquo modo) significat variam respiciendi rationem quæ varijs casibus exprimitur. Quod denique additur, (sese habere), nihil est aliud, quam respicere, quod quidem est effectus formalis relationis, non secus ac lucere, est effectus formalis alius lucis, & candere effectus formalis candoris. Itaque, sensus est; Relata realia, quæ per se ad hoc Prædicamentum

pertinent, ea sunt, quorum nulla est alia essentia, quam quod ad aliud referatur.

Cæterum referri, duobus modis contingit, aut proxime aut remote. Proxime id referitur, quod habet correlatiuum ex aduerso sibi respondens, quo modo pater refertur ad filium, & dominus ad seruum, & hoc simile ad illud simile. Remote vero id referitur, quod non habet aliquod correlatiuum ex aduerso sibi respondens, sed refertur ad terminos relatorum; quæ sub ipso continentur, qualia sunt relatum, genus summum, simile in communi, & omnia relata eiusdem appellationis in communi accepta. Nam relatum in communi non habet aliud relatum in communi, ad quod referatur, quia darentur duo genera summa in hoc prædicamento, quod nulla ratione est concedendum; Refertur tamen ad terminos inferiorum relatorum, vt ad patrem & filium, ad filium per patrem, & ita in cæteris. Itaque relata sunt, ex quorū essentia est referri ad aliud proxime aut remote, verum de hac re late agendum est 1. Metaphys.

Prior autem definitio] Quia videri alicui potest nihil aut perparum interesse, inter superiorem definitionem, quam reprehendit & hanc suam, quam statuit, docet, quatenus ambe conveniant, & quid inter se differant. Convenientia est, quod superior complectatur omnia verà relata, & per se, quomodo modum posterior, discrimen vero est, quod in priori ea dicuntur ad aliud, quæ id, quod sunt, aliorum esse dicuntur, hoc est, quæ relatione ad aliud explicari soleant, etiam si per se ipsa, suas vè essentias non referantur. In posteriori ea definiuntur, quorum esse non est aliud, quam quod ad alia referantur, quibus verbis comprehenduntur, quæ per se ipsa, siue per suas essentias referuntur. Itaque prior definitione non solum ea comprehenduntur, quæ ad hoc prædicamentum per se spectant: cum sola hæc in posteriori continentur.

Ex his igitur] Colligit definitione a se tradita hanc relatorum proprietatem. Si quid eorum definite cognoscatur, id etiam ad quod referitur definite cognosci necessario. Quæ proprietates plane recurrit cum relatis ad hoc Prædicamentum pertinentibus; Aristoteles tamè nihil aliud probat hoc loco, quam

quam quod conveniat omnibus, id quod ex definitione tradita sic colligitur. Essentia eorum, quæ sunt ad aliud, est in eo posita, ut ad aliquid referantur, ut ex definitione patet; Ergo si quis definite intelligat rem aliquam ad aliquid referri, id etiam ad quod refertur definite intelligat necessesse est, (Si enim) inquit, (nesciat omnino ac definite id, ad quod res refertur, nec illud reuera ac definite intelligit, an ad aliud refertur.) Ita patet ex definitione: omnibus relatis hoc convenire, ut si quid eorū definite certè cognoscatur, id etiam ad quod refertur certe intelligatur necessario, quod de cognitione essentia & existentia copulative intelligendum est. Si quis enim definite & certe cognoscit essentiam cuiusvis relati, definite etiam intelligit essentiam eius ad quod refertur, quod illud definite certè intelligit existere. Necessesse est quoque certo cognoscit existere id, ad quod refertur. Unde colliges attributū hoc non convenire relatis transcendentibus: quoniam etsi cognitio relatorum essentia transcendentium haberi non possit, sine cognitione essentia rerum terminorum, secus tamen est de cognitione essentia. Possumus enim certo cognoscere scientiam tonitruum existere in nobis, cum non scimus certo tonitruum existere, & sic in ceteris. Averte quoque nomine cognitionis in hoc attributo intelligendam esse cognitionem veræ essentia, iuxta verbum, esse in definitione positum, quod quidem pro vera essentia siue reali accipitur. Ex qua conditione intelligis non convenire hoc attributum relatis rationis, nec etiam scis rebus: quia talia non habent veram essentia.

Fit autem ut caput J. Ex proprietate relatorum, quam ex definitione a se tradita colligit, dissolvit; quæstionem superius propositam, quæ ex definitione veterem dissolvi non potuit. Solutio est, quod manus, caput & alia huiusmodi substantia non sunt ad aliquid simpliciter ac per se: qualia sunt omnia, quæ in posteriori definitione comprehenduntur: eo quod ut infinite intelligantur, non sit necesse definite intelligi, quorum respectu explicari consueverunt. Id autem ita esse ostendit in singularibus, in hoc capite, & hac manu, ex quibus in cognitionem capitis & manus venire possumus in communi. Si quis enim, obicuat

aliquo corpore detegat manum aut caput, iam manus eius, caputve definite cognoscetur, non definite cognito toto, cuius est, eiusmodi manus ac caput. Ita patet dissolutam esse quæstionem ex definitione tradita mediate, tamen: quanquam immediate posset etiam dissolvi. Nam cum huiusmodi scientiarum esse non sit ad aliud referri: perspicuum sit ex ipsa sola definitione eas non esse simpliciter, ac per se relata.

Quænam relata ad hoc Prædicamentum pertineant.

QVÆSTIO PRIMA.

QVod omnia relata ad hoc Prædicamentum pertineant, sic videtur ostendi. Omnes relationes pertinent ad hoc Prædicamentum: igitur omnia relata, siquidem relata per relationes ipsas ad prædicamenta redigi debent. Antecedens ex eo probatur: quod ratio relationis in communi, utpote esse id, quo aliquid refertur ad aliud, & quæ atque vniocce videtur convenire omnibus relationibus. Præterea, omnia relata, quatenus relata sunt, nullum aliud esse habent: quam quod ad aliud referantur. Igitur omnia relata, quæ relata sunt, comprehenduntur in posteriore definitione ab Arist. tradita. At Arist. ea definitione complexi voluit ea sola, quæ per se ad hoc prædicamentum spectant; Igitur omnia relata pertinent ad hoc prædicamentum.

Ut hæc quæstio explicetur, exponendum est in primis, quid sit relatio, quid relati, quid correlativum, quid extremum, quid fundamentum, quid ratio fundandi, quid terminus, quoniam his vocabulis passim in hac materia utendum est.

Relatio est id, quo aliquid formaliter refertur, ut æqualitas, similitudo, paternitas, & alia huiusmodi: cum audis, [quo] aliquid refertur, J intellige proxime aut remote. Nam etsi hæc æqualitate aliquid referatur proxima æqualitate: tamen in communi nihil refertur nisi remote, ut inferius patebit. Additor (formaliter,) quia fundamentis quoque relationum nonnunquam res dicuntur referri: non tamen formaliter, sed fundamentaliter. Verbi causa, dux res æqua-

æquales suis quantitatibus dicuntur æquales, verum non formaliter, quasi ipsæ quantitates ea natura sua sit æqualitates, sed fundamentaliter, quia ipsæ quantitates sunt fundamenta æqualitatum.

Relativum seu relatum, late accepto vocabulo, est id, quod explicari solet relatione ad aliquid: siue talis relatio pertineat ad eius essentiam, siue non pertineat; ut pater, qualitas & quale, & alia huiusmodi. Pater enim explicatur relatione sibi essentiali ad filium, qualitas autem describitur habitudine ad quale, & quale habitudine ad qualitatem, ut patet & cap. sequenti, cum interim neutra habitudine ad essentiam eorum, quæ describuntur, pertineat.

Correlatum est relativum, quod cuiusque relatio ex altera parte respondet, exempli causa; Pater est correlativum filij & filius patris. Quanquam autem omne relativum sit correlativum, & omne correlativum, relativum differunt tamen consideratio, ut patet ex dictis.

Extremum quod etiam subiectum dicitur, est id, quod a relatione denominatur, ut hic homo, qui est pater; & ille, qui est filius: sepe tamen extremum appellatur subiectum, improprie tamen, quia non solum substantiæ denominantur a relationibus, sed etiam quantitates, & qualitates & alia pleraque. Dicimus enim duas quantitates esse æquales; duas qualitates similes, duo relata opposita, & sic cætera omnia: cum in terminis solæ substantiæ proprie dicantur subiecta; nonnunquam tamen ipsa correlativa dicuntur extrema, eo quod interea fiat reciprocatio.

Fundamentum est id, quod extrema est causa cur referatur: Sic quantitates sunt fundamenta æqualitatis & inæqualitatis: qualitates similitudinis & dissimilitudinis vis gignendi paternitatis & alia huiusmodi; Sepe tamen fundamenta & extrema idem omnino sunt: Ut duæ quantitates, & duæ qualitates, & duæ quilibet essentiae diversæ: quippe quæ non solum denominantur a relationibus, sed etiam sibi ipsis sunt causæ, ut referuntur, quod idem in alijs plerisque rebus accidit.

Ratio fundandi, quæ possum fundamentum proximum appellatur, est conditio quædam, sine qua relatio non sequitur fundamentum: verbi causa, unitas quantitatis est

ratio fundandi, seu fundamentum proximum æqualitatis, quia, nisi quantitates sunt unum secundum speciem alicuius certæ, & determinatæ dimensionis, non erunt æquales inter se: Eodem modo dicimus, unitatem qualitatis esse fundamentum proximum similitudinis, & actionem gignendi paternitatis, & sic in cæteris.

Terminus, ut hic sumitur, est id, ad quod relativum directe ac primo refertur: ut filius est terminus respectu patris, quia pater, quæ ratione est pater, directe ac primo refertur ad filium. Differt autem terminus a correlativo: quis ad rationem terminum nihil refert, si tamen absolutum, ut relativum, ut autem sit correlativum, necesse est ut sit relativum.

His positis, operæ pretium erit percurrere ea, quæ circumferri solent relativorum genera, ut quæ ad hoc prædicamentum pertineant, quæque ab eo rejiciantur videamus, solent igitur relata communiter dividi in relata transcendencia, & relata secundum dici, ac secundum esse: rursumque in relata rationis & realia: denique in mutata & non mutata. Relata transcendencia (ut Caietanus docet 1. par. quæstio. 77. ar. 3. in libro de ente & essentia cap. 2. quæst. 75.) sunt ea, quorum esse est referri ad aliud, ut ad causam sui esse, quo pacto refertur scientia ad scibile, & Philosophia naturalis, ad ens naturale, & sensus ad sensibile, & visus ad colorem, & accidens ad substantiam, & materia ad formam naturalem. Dicuntur transcendencia, quia in omnibus generibus rerum inveniri possunt, ut materia & forma in substantia, scientia & sensus in qualitate & sic in cæteris. Relata secundum dici late quidem accepta iuxta priorem relativorum definitionem sunt ea, quæ aliorum dicuntur: præse tamen assumpta, & ut distinguuntur à relatis secundum esse, & transcendentibus, dicuntur ea, quæ hæc sola ratione in relativorum numero habentur, quod aliorum dicantur, seu quod relatione ad alia sibi accidentaria explicari soleant, ut alia, quia dicitur alati alia, & caput, capitati caput: Ac priori quidem modo illud secundum dici non est particula diminuens, sed posteriori, quo tamen pacto fere semper à Dialecticis usurpatur solet. Relata secundum esse sunt ea, quorum esse est ad aliud referri, ut ad terminum tantum, hoc

hoc est, non vt ad causam sui esse, veluti, duplum, dimidium, maius minus, pater & filius, & reliqua similia. Relata rationis sūt ea, quorum relatio pendet ad operatione intellectus, vt prædicatum & subiectum & huiusmodi alia, nisi quæ enim res, quæ prædicantur & subiiciuntur sese respiciunt vt prædicata & subiecta, nisi aliqua intellectus operatio interueniat, vt patet. Relata realia sunt ea, quorum relatio non pendet ab operatione intellectus, vt maius, & minus, pater & filius, & similia.

Ad internoscēdas autem relationes reales à relationibus rationis tria documenta obseruanda sunt. Primum est, non potest relatio realis actu exerceri inter duo extrema; nisi ambo sint realia, re omnino distincta, & vere existentia. Defectu primæ conditionis nulla est relatio realis, inter non entia, vt inter cæcitatē, & surditatem, & inter entia rationis, ut inter intentiones generis & speciei & inter entia ficta, vt inter Chimeram & minotaurum, nec inter ens & non ens, vt inter visum & cæcitatē, & in summa inter quouis alia, quæ non sint entia realia. Defectu secundæ conditionis intelligimus, identitatem numeralem non esse realem: item inter animal, & hominem, actionem & passionem, & inter quouis alia, quæ solum formaliter differunt, non esse relationem realem. Intelligimus etiam relationem totius ad quamlibet partem, ex qua constitutum est, non esse realem, quia totum etiam differt re à quolibet sui parte, non tamen omnino differt, re ab illa, nempe tanquam res a re omnino à se distincta, cum in compositione totius includatur pars, partes tamen ipsæ potuerunt referri mutuo relatione reali: si re & specie sint distinctæ. Nam alioqui partes, quæ componunt aliquod vnum per se, non censentur omnino distinctæ. Defectu tertie conditionis non est relatio realis inter entia realia non existentia, vt inter Iudam & Anichritum: nec item inter res existentes, vt inter homines, qui nunc existunt, & eos, qui diem obierunt, aut nondum nati sunt.

Alterum documentum: Non potest relatio realis, actu exerceri inter duo extrema: nisi eius fundamentum sit reale, & re distinctum a fundamento relationis, ex altera parte respondeat.

Ex priori conditione colliges, nullam aptitudinem, quæ sit in repugnantia esse fundamentum, relationis realis, cum negatio repugnantie non sit ens reale. Quapropter si quando philosophi dicant aptitudinem aliquam esse fundamentum alicuius relationis realis, accipiendum est nomen aptitudinis pro facultate aliqua veli vt cum dicimus, potentiam generandi.

Relata mutua sunt ea, quæ ex vtraque parte sunt realia, aut ex vtraque parte rationis; vt patet, in patre & filio, prædicato & subiecto. Relata non mutua sunt ea, quæ ex altera parte sunt realia, & ex altera rationis, vt creature, & creatoris. Nam relatio creaturæ est realis, & relatio creatoris rationis, quæ idem eccidit ex parte dei, quomodocumque ipse referatur ad creaturas. Vnde relatio vnionis humanæ naturæ cum Verbo diuino, est realis, sed relatio vnionis diuini Verbi cum natura humana est rationis. Solent præterea diuidi relata in relata æqualis comparationis, & inæqualis comparationis seu disquiparentiæ, quæ rursus diuiduntur in digniora, & minus digna, ut explicatum est lib. 2. inst. Dialect. cap. 13.

His ita positis: ad quæstionem propositam dicendum est; nec relata secundum dici, nec relata transcendentia, nec denique relata rationis pertinere ad hoc prædicamentum, sed sola & omnia relata secundum esse & non transcendentia, siue sint mutua siue non mutua. Quod relata secundum dici non pertineant ad hoc prædicamentum probatur: quoniam non sunt relata per se, vnde fit, ut non dicantur formaliter relatione, sed aliquid absolutum; at vero id, quod formaliter absolutum est, non ponitur in hoc prædicamento. Quod vero relata transcendentia ad hoc prædicamentum non pertineant, ex eo etiam suadet, quoniam hæc formaliter & simpliciter sunt res absolute, vt scientia & sensus, quæ ad prædicamentum qualitatibus spectant, materia & forma substantialis, quæ ad prædicamentum substantiæ reuocantur & sic de cæteris. Quod autem relata rationis non pertineant ad hoc prædicamentum perspicuum est, cum ens, quod in prædicamenta distribuitur, sit ens reale. Quod denique reliqua omnia relata ad hoc prædicamentum spectant, ex eo patet, quod cetera omnia sint entia per se realia finita & completa:

nec

nec tamen ad alia Prædicamenta pertineat vt inductione perspicitur potest : Ita patet, quænam relata ad hoc Prædicamentum pertineant, & quænam ab eo reiciantur.

Restat ergo vt ad argumenta initio proposita respondeamus. Ad primum dicendum est, non omnes relationes pertinere ad hoc prædicamentum, quoniam nec transcendentes, nec quæ rationis dicuntur; spectant. Cum autem obijciatur definitionem relatorum in communi, nimirum esse id, quo aliquid ad aliud refertur æque & vniuoce, conuenire omnibus relationibus, negandum est. Nam verbo, id, intelligendum est ens in communi: quod quidem non vniuoce complectitur entia realia & rationis, & referri ad aliud, duobus modis in hac descriptione intelligitur, & vt ad causam sui quo pacto referuntur relata transcendentia, & vt ad terminum tantum, quo pacto non referuntur relata transcendentia, qui quidem duo modi non vniuoce conueniunt in vna respiciendi ratione.

Ad secundum, negandum est omnia relata, quatenus relata sunt, late accepto nomine relatorum, nullum aliud esse habere, quam quod ad aliud referantur. Hæc enim etsi vere dixeris de relatis secundum esse, non est tamen dicendum de relatis secundum dici. Ex quo patet, relata secundum dici, non comprehendendi in posteriori relatorum definitione, vt argumentum concludebat. Num autem comprehendantur non solum relata secundum esse huius prædicamenti, sed etiam transcendentia atque ra-

tionis, quæstio est. Illud tamen dicendum videtur; posteriori definitione non comprehendendi omnia relata secundum esse, sed ea tantum, quæ sunt realia, & non transcendentia. Nam relata rationis reijci possunt per particulam [quorum esse] si verbo, [esse] intelligamus veram essentiam seu realem, quam non habent relata rationis. Relata vero transcendentia reijcienda sunt per particulam, ad aliquid, quæ in definitione ponitur, si dictio, aliquid se aliud sumatur pro termino tantum; quod si dictum sit relata ea esse, quorum essentia realis est referri ad aliquid, vt ad terminum, quo pacto non referuntur relata transcendentia, vt patet ex dictis.

Attributa.

1. Habere contrarium.
2. Admittere magis & minus, quo nullo modo sunt proprium.
3. Dici ad ea, quæ conuertuntur, conuenit omnibus & solis.
4. Esse simul natura, quod conuenit solis & non omnibus.

Vnde duo priora attributa illo modo sunt propria Tertium est proprium quarto modo. Quartum vero est proprium primo modo, cum conueniat solis, & non omnibus. Quintum est esse simul cognitione, quod est etiam proprium quarto modo, cum conueniat omnibus, solis, & semper.





SERIES RELATIONIS.



Relatio	{	eiusdem appellationis	{	Similitudo	{	hec
				A Equalitas		aut illa
				Distantia		& cæt.
	{	diuerſæ appellationis	{	dignior	{	paternitas
						dominatio
						minus digna
						ſeruitus.



CAPVTOCTAVVM DE QUALITATE.



Qualitatem vero dico, qua quales quidam dicuntur. Est autem qualitas ex hisce, qua multis modis dicuntur. Atque vna quidem ſc: ecies qualitatis, habitus diſpoſitioque vocetur. Differt vt habitus diſpoſitione; nam magis permanet, atque diuturnior eſt. Tales ſunt i: ſc: ſcientia & virtutes. Scientia namque ex eorum numero videtur eſſe, quę permanent, & cum difficultate dimouentur, etiam ſi quiſpiam mediocriter ſcientiam acquirat, niſi magna mutatio vel à morbo, vel alia quapiam de re ſimilit fiat, ſimiliter, & virtus

virtus, ut infirmitas, tæpervantia, & quæcunq; tales haud facile dimoueri, mutari vè n̄ dentur. Dispositiones autem ea sunt, quæ facilius dimoueri, mutariq; possunt; ut caliditas, frigiditas, morbus, & quæ sunt hisce similia. Nam his ipsis homo aliquo modo disponitur & facile quoq; mutatur ex calido frigidum subiens, & ex valitudine morbum, & in cæteris etiam simili modo. Nisi & harum ipsarum aliqua ob diuturnitatem versa iam in naturam sit, dimoueriq; nequeat, aut summa cum difficultate mutari possit: quam quidem hac ratione quispiam habitum iam nuncupauerit. Patet autem, ea homines habitus dicere velle, quæ sunt diuturniora, neq; dimoueri facile possunt, eos enim, qui sententias non aduodum tenent, sed eas amittere facile possunt, habitum habere non dicunt: ea licet scientia aliquo modo deterius meliusve dispositos videant. Itaq; sic a dispositione habitus differt, ut illa facile dimoueri possit, habitus autem diuturnior sit, & cum difficultate moueatur. Sunt autem habitus quidem & dispositiones, dispositiones vero haud necessario habitus sunt. Qui namq; habent habitus, y aliquo modo etiam disponuntur, at qui disponuntur, y non omnino & habitus habent. Aliud autem qualitatis genus est, quo ad lucem aliquos, aut ad cursum, aut ad sanitatem, aut ad morbum aptos esse dicimus: & simpliciter ea, quæ per potentiam naturalem, impotentiamve dicuntur. Non enim quicquam horum ex eo dicitur tale, qui aliquo disponitur modo: sed quia naturalem potentiam habet, ut facile quippiam aut faciat, aut non patiatur. Ut ad pugillatum cursumve apti, dicuntur ideo non quasi rerum earum facultatem iam aliquam teneant, sed tantum quia naturalem aut vim, aut imbecillitatem facile aliquid faciendi habeant; Sic apti sanitati, qui vim naturalem haud facile obnoxiam, morbidi contra, qui obnoxiam facile, seu, quia vi non facile obnoxia careant, dicuntur. Eiusdem generis est & durum ac molle, durum enim ex eo dicitur, quia potentiam habet, ut nō facile diuidatur, molle autem ex eo, quia eiusdem habet impotentiam. Tertium qualitatis est genus, qualitates passivæ ac p. siones, quæ quidem talia sunt: ut dulcedo, amaritudo, & ea, quæ sunt generis similis; Caliditas præterea, frigiditasq; & albedo atq; nigredo, has igitur qualitates quidem esse, perspicuum esse videtur. Eamq; quæ hæc susceperunt, qualia sanè dicuntur, ut mel ex eo dicitur dulce, quia dulcedinem suscepit, & corpus etiam album, quia suscepit albedinem, similiter & in cæteris res se habere videtur. Qualitates autem passivæ dicuntur non ideo quod ea, quæ susceperunt, passa aliquid sunt, neq; enim mel ex eo, quia passum aliquid est, dulce dicitur, neq; cæterorum talium quicquam; Similiter & caliditas, & frigiditas non ex eo passivæ qualitates dicuntur, quia ea, quæ susceperunt aliquid passa sunt, sed quia quæq; qua itas dicta, passionis insensibus est efficax. Dulcedo namq; passionem quandā in gustu facit, & caliditas in tactu, & cætera q; simili modo. Albedo autem & nigredo, cæteri q; colores, non eodē modo qualitates passivæ dicuntur, sed quia a passione sunt facti. Nā quod per passionē mutationes complures colorum fiant, certum est. Puduit. n. quempiam, atq; erubuit: & simuit quispiam: atq; palluit. Quare si quispiā etiam naturalium passionum, incursumve aliquid subijt, similem colorem, veri simile est illū habere: Quæ namq; nunc, dum pudet, dispositio circa corpus emerfit, eadem, & in naturali constitutione dispositio fieri potest, ut & color naturalis similis fiat. Quæcunq;

igitur offensionum talium initium ab aliquibus sumpserunt passionibus, quæ permanent, cum difficultateq; dimouentur, passivæ qualitates dicuntur. Siue enim in naturali constitutione pallor aut nigredo sit orta, qualitas dicitur. Nam circa eadē quoq; dicimur quales: Siue ob diuturnum morbum, aut calorem hæc eadem acciderint, modo non facili dissoluantur, aut per vitam permaneant, qualitates sane passivæ, & ipsæ dicuntur, cum hisce similiter quales dicamur. Quæ vero ab hisce fiunt, quæ facile dissoluantur, passionēs dicuntur, non qualitates, non enim per hæc quales dicuntur. Neque enim erubescens, ob verecundiam rubens, neq; pallens, ob timorem pallidus appellatur: Sed aliquid passus potius dicitur esse, quare passionēs hęc, & non qualitates dicuntur. Similiter & in anima qualitates passivæ, passionēsq; dicuntur. Quæ enim in generatione continuo a passionibus quibusdam, quæ sine difficultate dimoueri non possunt, orta sunt, ipsa quoque qualitates dicuntur: vt insania, iracundia, & quæ sunt similis generis: quales enim ob hæc ipsa dicuntur: vt iracundi atque ipsam. Similiter & quæcunque mentis egressionēs non naturales, sed a quibusdam alijs casibus factæ sunt, quæ aut sine difficultate dimoueri non possunt, aut omnino immobiles sunt, qualitates itidem, & hæc dicuntur, quippe cum hisce quales dicuntur. Quæ vero ab hisce fiunt, quæ facile dissoluantur, atq; expirant, passionēs dicuntur: veluti si turbatus quispiā, iracundior fuerit; non. n. iracundus dicitur qui tali in perturbatione iracundior est, sed potius aliquid passus dicitur esse, quare passionēs talia, non qualitates dicuntur. Quartū qualitatis genus est, figura, & ea, quæ circa unumquodq; est forma, & insuper reſtitudo, & curuitas, & quicquid est hisce simile, horum enim unoquoq; quale quippiam dicitur. Ex eo namque, quia triangulus, aut quadratum, quippiam est, quale quid dicitur, & quia rectum identidem est, aut, curuum. Forma etiam quodq; dicitur quale. Rarum autem, & densum, & asperum, atque leue, quale quidem significare quidam videbuntur, a qualitatis tamen diuisione remota esse videntur. Partium enim potius positionem videntur quandam significare. Etenim densum quidem, ex eo quippiā est, quia partes ipsius sub ipsis propinquæ sunt: rarum autem ex eo, quia a sese distant. Leue etiam est ex eo, quia recte partes sunt sitæ, asperum vero ex eo, quia quædam partium eminentes, quæ dā humiles sunt. Atque forsitan quidem, & alius quispiā. Qualitatis modus videbitur esse, qui tamen maxime dici solent, eot fere sunt. Ea igitur, quæ diximus, sunt. Qualitates, vt patet. Qualia vero sunt ea, quæ denominatiue ab ipsis, aut alio aliquo modo dicuntur. In plerisq; igitur quin potius fere in omnib. denominatiue dicuntur, vt ab albedine albus, a Musica Musicus, & a iustitia dicitur iustus, & in ceteris simili modo. Sed in quibusdam ex eo, quia non sunt nomina qualitatis posita non sit, vt ab ipsis denominatiue dicantur: vt apeus ad lucem, aut ad cursum, qui quidem naturali potentia talis dicitur a nulla. Qualitate dicitur denominatiue. Potentijs enim hisce, quibus hi quales dicuntur, non posita nomina, sicut artibus, quibus militares, aut cursores ob dispositionem dicuntur sunt. Militatis enim dicitur ars, & curiosa, atque ab his, ij qui disponuntur de nominatiue dicuntur. Interdum etiam est positum, & qualitati nomen, non tamen id, quod ipsa quale dicitur, nomine illius denominatiue dicitur. A virtute namq; honestus quispiam dicitur ex eo sane, quia virtutem habet, sed non denominatiue dicitur

dicatur à virtute. Non tamen in multis id ipsum fit. Ea igitur qualia dicuntur, quæ à dictis qualitatibus denominatiue, aut alio aliquo modo dicuntur. Atqui contrarietas in qualitate esse videtur. Iustitia namque, contrarium est iniustitia, & albedini nigredo, & cetera eodem modo. Ea etiam quæ ab ipsis qualia dicuntur contraria esse videntur, ut iniustum iusto, & nigrum albo. Non tamen in omnibus hoc esse videtur. Flavio enim, aut fusco, aut talibus coloribus, quæ quidem sunt qualia, nihil est contrariū. Ad hæc si contrariorum alterum qualitas est, & reliquū omnino qualitas erit. Hoc autem ita esse, patet ex singulis prædicamentis. Nam iniustitia contrariū est iniustitie, atq; iniustitia qualitas est, est & iniustitia. Nam ceterorum prædicamentorum neq; quantum neq; ad aliquid, neq; ubi, neq; aliorū quicquam omnino, nisi qualitas iniustitie accommodatur. Eadem & in ceteris, quæ sunt in qualitate contrarij dici possunt. At vero qualia ipsa gradus suscipiunt, ac magis talia, minusve dicuntur: album enim aliud alio magis, minusve dicitur, & iustum alio magis minusve. Et ipsa etiam intentionem hanc subire, videntur. Nam dubitaverit quispiam, si magis minusve iustitia dici possit, & de dispositionibus etiam ceteris similimodo. Sunt. n. qui æ talibus contendunt. Iustitiam namque, iniustitia, aut inanitatē sanitate magis minusve dici debere, haud omnino dicunt. Sed aliud sanitatem iustitiamve, aut grammaticam, aut id genus dispositionem magis, aliud minus habere, concedunt admodum. Attamen ea, quæ hisce qualia dicuntur gradus sine controversia suscipiunt, magisq; talia, atq; minus dicuntur. Iustior n. & sanior alius alio dicitur, & in ceteris simili modo. Triangulus aut, & quadratum ceteraq; figure non videntur talem conditionem subire. Nam ea quidem, quæ trianguli rationem circuliq; suscipiunt trianguli similis, & circuli sunt omnia. Eorum vero, quæ rationem hanc non suscipiunt, nihil alio magis, minusve tale dicitur. Non. n. quadratum magis, quam altera ex parte longius, circulus est, quippe cum neutrum circuli subeat rationem. Atque simpliciter si non subeant ambo propositi rationem alterum vero magis tale, minusve minime dicitur. Non ergo omnia qualia gradus suscipiunt, ut magis talia, minusve dicantur. Eorum igitur, quæ dicta sunt, neutrum proprium. Qualitatis esse videtur: similia aut, dissimiliaq; per qualitates solas dicuntur. Simile. n. quippiam cupiam nulla alia profectione esse videtur, quæ qua quale est. Quare propriū Qualitatis erit hoc ipsam simile, ac dissimile dici. Non aut perturbari oportet, si quispiam nos duxerit de qualitate tractantes, cōplura eorum, quæ sunt ad aliquid, cum qualitatibus ipsis enumerasse. Habitūs. n. & dispositiones ad aliquid esse dicimus. Etenim in omnib. fere talib. genera quidem ad aliquid esse dicuntur, singulari vero nihil. Scientia namque, quæ quidem est genus, hoc ipsum, quod est, alicuius dicitur esse: cuiusdam enim scientia dicitur, singularium vero scientiarum nulla id ipsum quod est, alicuius dicitur esse. Ut Grammatica non dicitur alicuius Grammatica, neque Musica cuiuspiam Musica, nisi generis ratione, ad aliquid, & ipsa dicantur. Grammatica enim alicuius scientia dicitur, non alicuius Grammatica, & Musica cuiuspiam scientia non cuiusdam Musica. Quare singulæ nō sunt, ut patet, ad aliquid. At quales singulis his dicimur, quippe in & has ipsas habeamus. Scientes enim ex ea dicimur, quia singularum aliquas

scientiarum habemus. Quare singule erunt quod alitibus quibus, & quales qui eas habent, dicuntur. At hæc non sunt ad aliquid, ut diximus. Preterea si quid idem, & quale, & ad aliquid sit in utrisque ipsum generibus collocari, enumerarique hæc absurdum erit.

Peracta disputatione de relatis: prius de qualitate & quali, quæ de cæteris Prædicamentis differit Aristoteles quod cetera omnia magis remota sint a natura substantiæ. Idcirco autem non tantum de Qualitate, sed etiam de quali videtur differere: quoniam tradere debet quoddam attributum huius Prædicamenti, utpote suscipere magis & minus, quod qualibus potius (quo ad logicam considerationem attinet) quam qualitatibus conuenit. In prima igitur parte huius capituli late differit Arist. de qualitate eiusque speciebus, in secunda de quali in tertia tradit tria huius prædicamenti attributa, in quarta & extrema quandam dubitationem dissolvit.

Qualitatem vero dico) Describit Qualitatem per eius effectum formalem utpote per quale, eo quod apud nos qui rerum scientiam ex ijs quæ sensibus subiecta sunt, componamus, effecta quam causæ notiora sunt. Adhibet etiam in descriptione hominis, (id enim significat particula quidam) quia omnium qualitatum genera in hominibus cernuntur, enim & spiritu consistent & corpore, non modo sibi vendicant qualitates spirituales, ut prudentiam, iustitiam, & alia huiusmodi, sed etiam corporales ut robur, figuram corporis &c. huiusmodi; ita tamen meminit hominum, ut eorum nomine velit intelligi res omnes, quæ dicuntur quales. Insuper ergo hanc descriptionem; Qualitas est id, quo res dicuntur quales. Loco generis intellige ens reale, per se completum, finitum &c. quæ particula excluduntur omnia entia rationis & per accidentis, ac differentiz, quibus species constituuntur, & reliqua; quæ talia entia non sunt. Cum audis, quæ, intellige formaliter: quo verbo reijciuntur ea, quibus res dicuntur quales efficienter, ut ignis, quo res dicuntur calidæ, & sol, quo dicuntur palchre &c. Cum vero additur, (dicuntur quales:) intellige propria ac peculiari questione Qualitatis. Nam etsi omnibus aliorum Prædicamentum accidentibus res dicantur quales, id quod ex eo perspicuum est;

quia omnia accidentia prædicantur in qua le est, ut patet apud Porphyrum. tamen cum cetera omnia suas habeant peculiare denominandi rationes: (quantitate enim, dicuntur res quantæ, relatione relatæ, & sic res habet in cæt. (sola qualitas est, quæ communem denominationem sibi propriam facit, cum non aliud denominatum, quam quale efficiat.

Est autem Qualitas J Docet qualitatem esse de numero eorum rerum, quæ multis modis, cæu quæ de multis rerum generibus dicuntur. Itaque quatuor esse, inquit, qualitatis species, quas etiam genera appellat: eo quod sint species mediz, quas Porphyrum & species & genera esse definit. Primam igitur esse ait, habitum & dispositionem, non quod prima species ex habitu & dispositione componatur, sed quia aliquid commune habuit & dispositioni. primæ species habitus, ut ex hoc loco licet colligere, est qualitas bene aut male afficiens subiectum: quæ difficile abijci potest, ut virtus scientia. Dispositio est qualitas bene aut male afficiens subiectum, quæ facile abijci potest, ut sanitas, ægrotudo, ueræ opinio & falsa.

Pater autem) Ex communi loquendi usus probat eo differre habitum a dispositione, quod hæc facile, illa difficile demouetur a subiecto.

Sunt autem habitus J Dispositio, ut inquit ammonius aliquando accipitur, ut distinguitur ab habitu, quo pacto ab Aristotele, hæcenus accepta est, aliquando uero, ut est commune quoddam ad habitum & dispositionem primo modo acceptam. Postquam igitur Aristoteles posuit discrimen inter habitum & dispositionem priori modo consideratam: docet modo quid intersit inter habitum & dispositionem posteriori modo acceptam. Id autem interest, quod inter superius & inferius solet interesse. Vnde verum est, dicere, omnem habitum esse dispositionem, non tamen, omnem dispositionem esse habitum. Potest autem dispositio posteriori modo sumpta, hoc modo dici.

definiri: Dispositio est qualitas bene aut male efficiens subiectum. Atque hæc est ipsa prima species. Qualitatis, quam habitui, & dispositioni, priori modo acceptæ, communem esse diximus.

Aliud autem Qualitatis) Tradit Arist. secundam speciem qualitatis nomine carentem: & si Albertus ait, eam apud ueteres aptitudinem fuisse appellatam. Ad quam pertinent naturales potentie aut impotentie. potest autem definiri secunda hæc species in communi hoc modo. Est qualitas qua quæque res agit aut resistit, ut vis naturalis ad intelligendum & sentiendum; Naturalis autem potentia, ut ex contextu colligitur, est qualitas, qua quæque res facile agit aut resistit, ut res naturalis ad currendum, & ad perferendos labores, naturalis impotentia seu imbecillitas, quæ ægre quæque res agit aut resistit: ut infirma valetudo Socratis & multitudo butyri.

Non enim quicquam) distinguit hanc speciem à superiori. Discrimen vero in hoc consistit: quod qualitativus superioris speciei dicuntur res dispositæ, hoc est, bene aut male affectæ: his autem, quæ ad hanc pertinent dicuntur facile aut difficile potentes agere aut resistere.

Tertium Qualitatis) Tradit etiam Qualitatis speciem nomine etiam carentem: sub qua continentur passionēs & patibiles qualitates. Potest autem sic definiri: Species hæc tertia. Qualitatis est qualitas, quæ aut sensum movet, aut ex motu oritur, ut sonus & color. patibilis Qualitas est diu permanens Qualitas, quæ aut sensum movet, aut ex motu aliquo nascitur, ut color diuturnus in corpore, & amentia in animo. Passio est fluxa & brevis transiens qualitas, quæ aut sensum movet, aut ex motu oritur, ut rubor ex verecundia contractus, pallor ex metu & sonus, huiusmodique alia.

His igitur Qualitates Confirmat Arist. ex definit. qualitatis, scas omnes, quas in exemplum attulerat esse qualitates: quoniam & res, quæ huiusmodi qualitativus sunt affectæ, rationem earum quales dicuntur.

Qualitates autem passivæ) Docet quæ ratione patibiles qualitates dicantur patibiles. Quod ut facilius intelligas, primum

tria aduerte, patibile a passione dici, quod perspicuum est, deinde passionem quatuor potiss. significationibus ab Arist. usurpari, una pro quovis accidente, ut Top. lib. exp. 5. Quia appellatione præcipue continentur accidentia propria, quæ in lib. de post. resol. vocantur passionēs. Altera pro qualitatibus, quæ motu aliquo efficiuntur, siue illa facili siue difficile abijci possit a subiecto: qualia sunt candor, rubor & similia. Tertia pro sola qualitate, quæ motu aliquo efficitur, & celeriter transit, qualis est rubor ex pudore contractus, ira, voluptas & cæ. huiusmodi, hæc uero est passio, quam Arist. in hac Qualitatis specie, patibili Qualitati opponit. Quarta pro receptione cuiusque formæ in subiecto, si ea recipiatur sine obiectione alicuius contrarij, qualis est illuminatio aeris, siue cum abiectione contrarij, qualis est calefactio. Tercio loco aduerte ex hac extrema passionis significatione nasci quatuor usurpationes patibilium. Vno enim modo patibile aliquid dicitur, quia passionis alicuius, id est, motus præsertim inmerinentis subiectum esse potest, ut aqua, quæ calefit, altero, quia passione aliqua motu recipitur in subiecto, ut calor, qui in aqua recipitur, tertio, quia efficit passionem seu motus, ut frigus, quod in tactu passionem efficit; Quarto, quia ex passione siue motu aliquo oritur, ut amentia & pallor, qui oritur ex ægitudine.

Prætermissa igitur prima usurpatione patibilis, quæ satis perspicuum videbatur qualitates huiusce speciei non dici patibiles: quia alicuius motus subiecta esse possunt. Docet Arist. eas non dici patibiles, eo quod passione aliqua motu recipiantur in subiecto, quæ fuit secunda patibilis usurpatione. Quanquam enim hoc Prædicamento illæ recipiantur, saltem plurimæ: non tamen hac de causa patibiles nunc appellantur, ut a cæteris qualitatibus & accidentibus distinguuntur: id quod apertum est: cum in plerisque alijs eadem sit appellationis ratio. ait ergo, qualitates, quæ gustu & tactu percipiuntur, propterea dici patibiles: quod efficiant in sensu passionem, morumve: quæ fuit tertia patibilis significatio, colores autem, qui aspectu percipiuntur, non ea de causa dici patibiles, sed quia ex passione aliqua seu

quod in cæ. coloribus est obseruandum.

Quæcunque igitur docet, omnes qualitates, quæ nascuntur ex passionibus motibusve diu permanentibus, quæ difficile dimouentur a subiecto, esse simpliciter, & absolute qualitates, quæ autem oriuntur ex ijs, quæ breui transeunt, & facile dimouentur, non esse simpliciter qualitates, sed passionibus. Id quod primum in ijs, quæ ad corpus pertinent; deinde in ijs, quæ ad animum ostendit. Prioribus enim qualitatibus dicimur quales, & pallidi & rubri, posterioribus vero non item, sed qualitatem aliquâ possi, & passi ruborem, aut pallorem.

At obijciat aliquis; Arist. pugnare secus; Dixerat enim tertiam. Qualitatis speciem esse patibiles qualitates & passiones, unde plane colligitur passiones esse qualitates: nunc autem negat passiones dici qualitates. Huic obiectioni dicendum est; passionem esse simpliciter qualitatem sed non re eo quod vere participat essentiam Qualitatis (idque voluisse Aristotelem cum dixit, tertium genus qualitatis esse patibiles qualitates & passiones). Cæterum non esse simpliciter qualitatem, imo vero nec accidens secundum modum existendi in subiecto, quia non perfecte existit in subiecto, idque sentire Aristoteli. hoc loco, cum ait, passiones non dici qualitates, quia eis non denominatur qualis Denominatio enim non sequitur formam quomodocunque existentem in subiecto, sed perfecte existentem.

Quo loco animaduertendum est, tres condiciones potiss. requiri, vt qualitates habeant perfectum modum existendi in subiecto. Prima est, vt si intentionem, remissionemque admittat, non sit admodum remissa: qua de causa calor vnius tantum gradus existens in aqua cum septem gradibus frigoris non habet perfectum modum existendi in subiecto, unde non dicimus huiusmodi aquam esse simpliciter calidâ. Altera est, vt existat in toto subiecto, aut in maiori eius parte: nisi sit ex ijs qualitatibus, quæ sibi vendicant determinatam subiecti partem. Hanc de causa non dicimus simpliciter Æthiopem candidum, & si habeat dentes candidos: nec simpliciter affirmamus secundum quod dimidia parte sit albus, dimidia nigra, esse album aut nigrum: sed tamen, quod noniam finitas vendicant sibi nasum, & hilaritas vultum, & cæ-

citas oculos simpliciter dicimus hominem sinum, & hilarem & cæcum: quanquam huiusmodi qualitates, nec totum subiectum, nec maiorem eius partem occupant.

Tertia conditio est, vt non breui transeat, cum possit diutius permanere in subiecto, qua de causa felicitas vnius diei non facit hominem simpliciter felicem, vt ait Arist. nec rubor ex pudore contractus, reddit hominem semper rubrum. Dictum est, [cum possit diutius permanere in subiecto:] quia si suapte natura non possit diutius permanere, quam dum sit, non dicitur imperfecte existere in subiecto qua de causa, sonus nisi paruitas eius impedit, non dicitur imperfecte existere in aere: quia non existit nisi dum ille commouetur: hæc enim est natura soni, vt nisi dum sit commotio aliqua, esse in rerum natura non possit. Ob hæc igitur tertiam conditionem intelligendum est: passionem non simpliciter esse qualitatem, secundum modum existendi in subiecto & ideo non esse id, a qua simpliciter denominat quale.

Quod si quis obijciat: ergo definitione qualitatis non esse recte traditam, eo quod non conueniat passionibus, quæ secundum rationem, essentiamque suam sunt Qualitates, vt dictum est: occurri potest, hoc modo: cum qualitas dicitur esse id, quo res dicuntur, quales, intelligendum esse aut simpliciter, aut cum adiectione, siue secundum quid, vt dici solet: passionibus autem res dici qualis, si non simpliciter, certe cum adiectione, vt ex dictis patet.

Quartum qualitatis] Tradit quartam speciem Qualitatis, quæ etiam nomine caret, vt secunda & tertia, in qua quidem primo numerat Arist. figuram & formam. Figura est qualitas, quæ resultat ex terminatione Quantitatis per se consideratæ, h. e. nulla habita ratione naturalis spectatæ: vt triangulus, quadratus. Forma vero est qualitas, quæ resultat ex terminatione quantitatis in re aliqua naturali spectatæ: cuiusmodi sunt forma hominis & forma leonis, non quidem substantiales, nec quæ pulchritudinis nomine significatur, sed quæ ex lineamentis corporis resultant, id quod videtur contextus plane significare, cum ait: (& ea, quæ circa vnumquodque est forma.)

Et insuper rectitudo] Putant nonnulli Aristot.,

Aristot. addere hoc loco rectitudinem, & curuitatem, seu obliquitatem, concauitatem, & conuexitatem, & huiusmodi alia non quasi pertinentia ad hanc speciem, sed quasi partes formarum & figurarum, quo pacto caput & manus, ad prædicamentum substantiæ dicuntur pertinere. Rectitudo enim non est tota figura columnæ, verbi gratia, nec sola concauitas aut conuexitas est tota figura cæli, sed omnia hæc sūt partes figurarum. Cæterum aliorum sententia accommodatior videtur. Dicunt enim, hæc omnia, quæ Arist. adiunxit, per se pertinere ad hanc quartam speciem; Quod in primis suadetur: quia Arist. vno eodemque argumento probauit formatam & figuram, atq. hæc quæ oīa esse qualitates: deinde quæ hæc quæ addit, etsi nonnunquam sint partes figurarum formarumq. tamen aliquando per se sumi possunt: vt in ijs prædicationibus, linea est recta, linea est curva & in alijs huiusmodi. Præterea quoniam Arist. dixit & [insuper rectitudinem & curuitatem] & quod sane non dixisset, si hæc reductiue tantum ad quartam speciem pertinerent. Quem admodum, si Arist. dixisset, species animalis esse hominem & bestiam: non recte adideret, & insuper caput & manus: quoniam iam comprehensa essent in homine & bestia, ad quas species reducuntur. Omnia ergo verba illa, [figura, forma, rectitudo, &c.] posuit Aristot. ad significandam speciem quandam innominatam: quæ teste Alb. compositio appellatur ab antiquis: Communis tamen recentiorum consuetudo doctrina est, vt ista omnia figuræ ac forme nominibus latius acceptis significentur: atque ijs definitionibus explicetur. Figura est modus quantitatis in se consideratæ. Forma est modus quantitatis in subiecto aliquo naturalis spectatæ: quales autem sūt isti modi, facilius exemplis, quam definitionibus intelliges.

Rarum autem & densum.) Docet ratum & densum, asperum & leue, seu leuigatum complanatumque videri quidem pertinere ad hoc prædicamentum: verum non pertinere, quia eorum vocabula potius situm partium, quam qualitates videntur significare: id quod ex descriptionibus singulorum patefacit. Loquitur tamen Aristot. de his iuxta nominum impositionem. Nam rarum, quod Græce (μαρόν) dicitur quasi

(mien:) h. e. non vnum existens, ex vi nominis significat id cuius partes a se inuicem distant: quasi non vnum aliquid esse videatur, ut sunt, spongia, pumex & huiusmodi alia. Vnde, cum distantia situs talis partium in ipso toto ad Prædicamentum Quantitatis pertineat: vt patet ex supradictis; efficitur, vt rarum ex vi verbi ad Prædicamentum Quantitatis pertineat: in quo dictum est collocari Quantitates: quæ habent situm quandam partium inter se: quod idem suo modo dicendum est de denso, aspero ac leui ac cæteris huiusmodi. Quanquam interpretes dicunt: Aristot. hoc loco, nomine situs, significare Prædicamentum Situs. Quod non videtur probandum: quia hæc non significant situm partium in loco, sed in toto. Admonendum est tamen, hæc eadem vocabula, alias quoque habere significationes: quibus ad hoc prædicamentum pertinere possunt. Nam quatenus significant qualitates quasdam, quæ sensu tactus percipiuntur, vt Aristot. docuit 2. de generatione. 2. pertinent, ad tertiam speciem, vt idem docet 3. Physic. c. 2. quatenus vero significant figuram aliquam (nec enim dubium est, quin hoc etiam pacto sæpius vsurpentur) pertinent ad quartam, vt perspicuum est.

Qualia vero sunt.) Sequitur secunda pars huius capituli, in qua Aristot. late explicata Qualitate, agit de quali, quod quidem plurali numero definit hoc modo: (Qualia sunt ea, quæ denominatiue a qualitatibus aut aliquo alio modo dicuntur. In qua definitione, loco generis ponuntur ea, id est, entia realia per se completa ac finita. Id autem intelligit (Aristot. dici denominatiue a qualitate,) quod est denominationum respectu eius, non modo re, sed etiam voce: vt candidus a candore, Grammaticus a Grammatica, & iustus a iustitia, qua quidem in re quam multæ conditiones requirantur: habes ad primum cap. huius lib. Id autem intelligit (aliquo modo) dici a qualitate quod re tantum ab ea denominatiue dicitur: siue id fiat, quoniam qualitati non est nomen impositum, (quo pacto ij, qui a natura dicuntur cursores, & pugiles appellantur tales ab ipsis facultatibus naturalibus, quæ nominibus carent) siue quia cum qualitati sit nomen impositum, ipsum tamen quale ab ea non desecit:

Autem: quo pacto probus ac bonus dicuntur a virtute.

Verum obijciat aliquis hoc loco Aristotelem reprehendendum esse: quia nunc definiat quale per qualitatem: quam initio capitalem definiuit: quam quidem reciproci definiendi modum ipse reprehendit in rebus absolute 6. lib. top. cap. Occurrit dum est tamen: correlatiua secundum dici posse se mutuo definire per Relationes sibi adiunctas, neque id reprehendi ab Aristotele. Qualitatem quoque & quale esse correlatiua secundum dici: vt patet, Id quod eo minus reprehendendum est: quo qualitas postquam initio definita fuit per quale, quod nobis notins erat, latius deinde per suas species explicata notior nobis, quā quale facta est.

Atqui contrarietates.] tradit Aristoteles in hac 3. par. 5. na. qualitatis attributa, quorum primum est, habere, contrarium, quod qualitatis tam abstracte, quam concrete significatis, conuenire ostendit, exemplis iustitiæ, & iniustitiæ, albedinis, & nigredinis, iusti, & iniusti, albi & nigri. Deinde docet, non omnes Qualitates habere contrarium: id quod ostendit exemplo mediolorum colorum flaui nimirum, & fusci, & huius generis aliorum. Idem ostendere posset in virtutibus medijs, in quibus par est ratio, atque in medijs coloribus. Multæ etiam potentie & impotentie caront contrarijs: vt facultates intelligendi & appetendi, sensuumque imbecillitates, denique perfectis figuris, ac formis, vt circulo, triangulo, formæ hominis & leonis nihil est contrarium: ea patet ex contextu: hoc attributum sic conuenire qualitatis, ut non conueniat omnibus.

Si quis autem quærat, num solis conueniat? ex ijs, quæ deinceps dicuntur, quid Aristoteles sentiat, intelliget. Traditur enim extremum attributum sic ait. [Eorum igitur, quæ dicta sunt, neutrum proprium qualitatis esse videtur. hoc est, neutrum qualitati conuenit, ut verba sequentia aperte declarant. Vnde patet Aristotelem sententiam esse, non solas qualitates habere contrarium. Quapropter cap. sequenti docebit in actione & passione reperiri, contrariam oppositionem. Nullo igitur modo proprium qualitatis est hoc

attributum, cum nec omnibus, nec solis qualitatis conueniat.

Ad hæc, si contrariorum.] tradit hoc loco huiusmodi documentum. Si unum, contrariorum qualitas est, & alterum qualitas erit, quod ex definitione contrariorum perspicue colligitur. Contraria enim definiuntur ea, quæ sub eodem genere maxime differunt, nec vero ab re proponitur hoc loco. Vt enim attributa prædicamentorum ea de causa traduntur: vt cognoscimus, quæ res, ad quæ Prædicamenta pertineant: sic hoc documento ad eam rem iuamur. Si enim, propositis duabus rebus contrarijs, nouerimus alteram esse qualitatem: hoc documento intelligimus, alteram necessario esse qualitatem.

At vero qualia? Addit secundum attributum, vt potest suscipere magis, & minus: quod quidem in primis docet conuenire qualibus, non modo ita, vt alia dicantur magis, & minus talia, comparatione aliorum, sed etiam respectu sui. Est enim aliquid albius & minus album: iustius & minus iustum, non solum respectu albi aut iusti: sed etiam diuersis temporibus respectu sui. docet deinde, non omnia qualia suscipere magis, & minus, sed plurima: quod paulo inferius ostendit.

Nam dubitabit] Vt offendat, quæ ratione qualibus potius quam qualitatis hoc attributum adscribat: proponit huiusmodi questionem ab alijs agitatam: Num iustitia, aut sanctitas, aut aliqua alia dispositio sit qualitas abstracte significata suscipat magis & minus: ad quam questionem illi duobus assertionibus respondebam: Altera, qualitates ipsas non suscipere magis, & minus: altera, qualia utrumque admittere. Quas quidem assertiones ex solo loquendo modo confirmabant. Eorum igitur sententia breuiter recitata, subiicit. Aristoteles quicquid de priori assertionem dicendum sit, posteriolem esse certam & indubitatam. Vnde patet, quæ ratione qualibus potius, quam qualitatis hoc attributum accommodauerit. Merito autem dubitauit de priori assertionem: quoniam, scilicet nulla qualitas suscipit magis, & minus Logice: cum nulla prædicetur cum aduersarijs magis, & minus, vt patet ex loquendi usu: Physice tamen plurimæ sunt, quæ magis ac minus suscipiant. Nihil enim est

est aliud, physice magis, & minus suscipere, quā magis minusve percipi in eodem subiecto: quod quam plurimis qualitatibus conuenit, vt calori & frigori, quæ in eadem aqua aut manu intenduntur & remittuntur. Prætermisit tamen Arist. hanc distinctionem hoc loco: quia Physica ratio suscipiendi magis & minus non est proposita Dialectico, sed physico.

Triangulus.] Interposita iam quaestione, probat ex quarto genere qualitatis, non omnes qualitates concrete acceptas, suscipere magis & minus: quia figuræ perfectæ vt triangulus, quadratum, circulus magis & minus non admittunt: id quod! perspicue ostendit in contextu. Quod vero ad exempla attinet: trianguli & circuli nomina, etsi nonnunquam abstracte accipiuntur, vt pote pro solis figuris; tamen hoc loco accipiuntur concrete, vt passim apud geometras, & in familiari locutione. Quadratum constat quatuor lateribus æqualibus, rectos angulos constituentibus: altera parte longius constat quatuor lateribus inæqualibus, quæ angulos rectos efficiant. Documentum vero illud, [si non subeant ambo propositi rationem, alterum de altero magis tale minusve minime dicitur,] hunc habet sensum. Quando aliquid non prædicatur de aliqua re, non prædicabitur etiam de eodem cum magis & minus. Vt quia circulus, non prædicatur de quadrato, nec item de triangulo (quæ sunt exempla aristo. non prædicabitur etiam de iisdem cum magis & minus nam sicut falsum est dicere, quadratum est circulus, utrum est circulus, sic falsum est dicere, quadratum est magis circulus, quam triangulus, & triangulus est magis circulus quam quadratum: Hoc vero documentum semper verum est, vbi magis & minus proprie accipiuntur: secus erit, si hæc verba aliter accipiuntur. Ita patet non omnia qualia suscipere magis & minus. Quod si quaeras: num ea sola suscipiant magis & minus? Arist. ipse statim docet, quid hac de re sentiendum sit: ait enim, [neutrum ex his attributis esse proprium qualitatis,] hoc est, neutrum conuenire soli qualitati, vt superiori attributo diximus; vnde patet, nec hoc attributum esse vllō modo proprium qualitatis: cum nec omnibus qualitatibus siue ab-

stracte, siue concrete acceptis, nec solis conueniat.

Simile autem.] Tradit tertium qualitatis attributum, vt pote esse in causa, vt res sint similes & dissimiles; non quidem efficienter, quasi qualitates causæ efficientes similitudinis & dissimilitudinis (quando quidem similitudo & dissimilitudo non sunt qualitates, sed relationes) sed vt fundamenta similitudinis & dissimilitudinis. Vnde Aristotel. 5. Metaph. cap. 15. definiens similia per fundamenta similitudinis, sic ait. [Similia sunt ea, quorum qualitas est vna,] intellige secundum speciem & gradum, aut saltem secundum speciem solam. Docet ergo primum Aristotel. hoc attributum solis qualitatibus conuenire, quod verissimum est, si similitudo & dissimilitudo non translatiue, aut quouis alio modo improprie, sed proprie tantum accipiuntur. Itaque dicimus, homines esse similes inter se, ratione differentię naturæ humanæ; dissimiles autem bestiis, ratione diuersæ naturæ & essentię. Atque ita in alijs, quia omnes naturæ vniuersales habent quandam modum qualitatis. Ceterum proprie & simpliciter solius qualitatis ratione res dicuntur similes & dissimiles. Deinde concludit hoc attributum esse proprium qualitatis. Id quod omnes interpretes ita accipiunt, quasi dicat esse proprium simpliciter seu quarto modo. Videtur autem propterea non expresse dixisse, quod conueniat omnibus, quia id perspicuum erat. Intellige tamen conuenire omnibus qualitatibus, eo pacto, quod diximus cap. de quantitate, conuenire omnibus quantitatibus, vt earum ratione dicantur res æquales & inæquales.

Non autem perturbari.] Hoc extrema parte capituli dissoluit Arist. quandam dubitationem, quæ oritur ex collatione huius capituli cum superiori. Obijciat namque aliquis; Arist. superiori cap. dixisse, habitus & dispositiones esse ad aliquid, nunc autem docuisse, esse qualitates, quæ quidem videntur pugnare. Quam obiectionem ipse duabus solutionibus diluit. Vna, habitus & dispositiones, quod ad genera attinet, sint ad aliquid, quod uero attinet ad singularia hoc est ad species infimas sine qualitates, fere enim, vt inquit, in omnibus qualitatibus genera ipsa sunt ad aliquid.

aliquid, vt scientia, singule autem infimæ species, vt Gr. mmatica & Musica, non aliquid sed qualitates existunt. Altera quod nihil incommodi sequatur: si qua res eadē in utroque prædicamento ponatur, modo vtriusque generis summi naturam participet. Quam solum idcirco videretur adhibuisse, vt omnino dilueret obiectionem. Nec. n. priori solutione eam prorsus diluerat, diceret namque aliquis, in eo saltem repugnantiam cerni, quod genera habituum & dispositionum in utroque prædicamento recensita sint, quod tamen, posteriori solutione omnino diluitur.

Sed contra priorem solutionem sic licet argumentari. Species est id, quod collocatur sub genere; Igitur in quo Prædicamentum ponitur species; in eodem ponitur genus: atque ita fieri non potest, vt species in finem habituum & dispositionum sint qualitates, & earum genera sint ad aliquid. Secundo ut scientia refertur ad suum commune obiectum; sic Grammatica & Musica referuntur ad sua obiecta peculiariora, (diuiduntur enim scientiæ, quemadmodum & res, quæ sub scientiam cadunt, vt Aristotel. docet 3. de anima cap. 8.) Ergo vt scientia est ad aliquid, sic Grammatica & Musica, & cætera peculiæ scientiæ, siue artes, quod negat Arist. Tercio, contra posteriorem solutionem sic obijcit. Si scientia exempli causa, pertineret ad vtriusque Prædicamentum qualitatis & ad aliquid, vt Arist. ait, scientia haberet duplicem essentiam; at non haber duplicem, sed unam tantum; Non pertinet igitur ad vtrumque prædicamentum, qd idem dici potest de cæteris.

Prime tamen obiectioni occurrendum est: Aristot. sententiam hoc loco non esse; genera habituum & dispositionum reuera pertinere ad prædicamentum ad aliquid. Satis enim patet: illud, cum reiecit ab eo Prædicamento partes substantiarum, cætera etiam relata secundum dici, tacite reiecit: sed hoc tantum reale, quod illa dicatur ad aliquid, species vero infimæ, quæ sub ijs collocatur, nō dicantur ad aliquid. Fieri autem potest, vt genera qualitatuum dicantur ad aliquid: non tamen vt sint ad aliquid, p se nimirum, & secundum essentiam.

Ad secundum dicto: Omnes speciales scientias referri aliquid relationibus transcendētibz: quemadmodum scientia in

communi refertur ad seibile in communis sed tamen non dici ad aliquid, quasi vt scientia dicitur seibilibz scientia, sic etiā Grammatica dicitur grammaticabilis, vt sic dicam, Grammatica & sic in cæteris.

Ad tertiā, quæ plane colligit nullam eadē speciem ad diuersa prædicamentā pertinere posse, sic occurrit; Aristot. non affirmare, habitum aut dispositionem poni simul in utroque Prædicamento; sed loqui ex hypothesi; si nimirum participet naturam vtriusque generis: quod aliquis fortasse dixerit, aut certe latius accipere Prædicamentū ad aliquid: nempe vt complexitur relata secundum esse & secundum dici: iuxta sententiam aliorum, quibus non audeat in hoc lib. quem tyronibus Philosophia scribit, aperte contradicere.

Sintne plures qualitatis species quam quæ ab Aristot. traduntur.

QVÆSTIO PRIMA.

Quoniam post Qualitatis species enumeratas adiecit Arist. alium fortasse qualitatis modum inueniri posse: sed ferre eas, quæ maxime dici solent esse, quos enumerauerat; collegerunt Simplicius & Boetius, alijque nonnulli; plures esse qualitatis species. Quas Aristoteles duabus de causis silentio prætereūdas esse putauerit; vna, quia liber est introductorius; altera vt multorum studia ad eas indagandas excitaret; proinde in Metaph. suppletum esse, quod hoc loco desideratur. Verum, si quis aduertat: multo hic accuratius Arist. quam in Metaphys. de qualitate differuisse ibique nihil addidisse, quod ad hoc Prædicamentum reuera pertineat, libentius amplectetur sententiam Ammonij, & fere omnium aliorum interpretum, dicentium; nec ulla alias, videri species qualitatis; nec Aristotel. hoc loco alias esse putasse. Nec obest quod Aristotel. quasi dubius locutus fuerit. Id enim fecisse videtur, primo ne Sophistarum more rem non omnino certam asseueranter statuere: deinde vt lectorem ad maiorem harum rerum percontationem inuigaret.

Potest autem hoc modo numerus specierum qualitatis colligi, vt Scotus adnota-

vit, & magna ex parte ex Simplicio, & Ammonio desumpsit. Qualitas aut in sola superficie externa substantiæ cernitur: aut etiam interius inheret. Si sola superficie est figura, aut forma: si etiam interius, aut est sensibilis substantia, aut non: si sensibus subiecta est, patibilis qualitas aut passio: si vero non est sensibus subiecta, aut est a natura insita, aut acquisita, si insita a natura, est naturalis potentia aut imbecillitas. si denique acquisita, est habitus, aut dispositio. Ex qua diuidendi ratione, sic specierum qualitatis ordo colligitur, vt qualitates, quæ in sola externa superficie existunt, ad extremam speciem reiciantur: earum vero, quæ intrinsecus inheret, illæ tertio loco ponantur, quæ sensibus percipiuntur: cæterarum autem, quæ sub sensum non cadunt, illæ secundum dignitatis locum possident, quibus nemo bonus efficitur, aut malus: quibus enim boni efficitur, aut mali, hæc primum locum sibi vendicent.

Quoniam vero singulas species qualitatibus in contextu definiuimus, restat, vt pauca dicamus hoc loco, quo pacto habitus & dispositio inter se distinguantur: vttrum accidentario tantum discrimine, an etiam specie & simili modo cæteræ complicationes. Dicendum est igitur habitum & dispositionem, (vt puta D. Tho. prima secundæ quæstione 4. contra Arist. secundo) a se inuicem specie differre: atque habitum hoc idem ferre a dispositione, quod illi ex natura sua vendicat sibi: causas difficile patientes expulsionem a subiecto: quo pacto se habent scientiæ, ac virtutes: hæc vero suapte natura postulat causas facile patientes huiusmodi expulsionem: vt sanitas & ægritudo, vera & falsa opinio. Etenim scientiæ naturæ suæ firmissimis principiis nituntur, quæ negari non possunt, & virtus quæcunque necessariam habet connexionem cum recta ratione siue prudentia, cæterisque virtutibus: quæ quidem non patiuntur, qualitatem facile a subiecto diuelli. Ita credit D. Thom. quamuis imperfectam scientiam esse habitum, & quamuis perfectam sanitatem & ægritudinem dispositionem. Habitus enim & dispositio non ideo distinguuntur, quod ille diuturnior sit, hæc vero a subiecto facile abijciatur, sed ratione causarum, quas suapte natura postulant, facilius aut difficilius expulsionis.

Quod vero attinet ad reliquas complicationes, dicendum est, naturalem potentiam & imbecillitatem solo accidentario discrimine esse inuicem distinguendi, quod per naturalem potentiam facile quæque res agit aut resistit, per imbecillitatem vero ægre. Facile autem & difficile differentia sunt accidentariæ. Pari ratione nec specie distinguuntur duæ reliquæ complicationes passionis & patibilis qualitatis, formæ & figuræ, sed solo accidente (vt est omnium communis sententia.) passio enim hoc tantum differt a patibili qualitate, quod hæc diu permaneat, illa vero breui transeat, figura item ac forma ea ratione differunt, quod hæc in re aliqua naturalis, illa vero simpliciter & per se spectetur. Vnde fit ut naturalis potentia & imbecillitas, passio & patibilis qualitas, forma & figura, ut composita quædam per accidens, sub tribus generibus qualitatis contentæ; non secus atque vir & puer, qui sub homine comprehenduntur; res autem, quæ ad quatuor genera qualitatis quam plurimæ sunt. Nam ad primum genus spectant imprimis qualitates naturaliter acquisitæ, quæ interius inheret, deinde qualitates infusæ, qualia sunt dona supernaturalia, vt lumen gloriæ, gratia, fides, spes, caritas & huiusmodi alia. Inter qualitates autem naturaliter acquisitas quædam sunt spirituales, vt scientiæ aut errores, virtutes plurimæ atque vitia, species intelligibiles & alia huiusmodi, quæ tum in angelis, tum in animo rationali reperiuntur, quædam in corpore coherentes, vt species sensibiles sensuum, cogitationes, quædam etiam virtutes, vt temperantia & fortitudo, & alia huius generis.

Ad secundam speciem pertinent omnes vires seu facultates a natura insitæ, tam spirituales, vt intellectus & voluntas, quam in corporibus reperte, siue illæ efficiant res aptas ad aliquid agendum, siue resistentium, vt sensus omnes interni & externi, virtutes herbarum, & lapidum & aliarum rerum.

Ad tertiam spectant omnia obiecta sensuum externorum, vt color & lux, soni, odores, sapores, & tactiles qualitates, calor scilicet & frigus, humor & siccitas; pertinent etiam animi affectus ratione qualitatum, quas secum coniunctas habere solent.

ad quartum denique pertinent omnes
formæ & figuræ, tam perfectæ, quam imper-
fectæ, quæ quam plurimæ sunt, ut triangu-
lus, quadratum, circulus & alia id genus.

Attributa huius Prædicamenti
sunt tria.

Primum, habere contrarium.
Secundū, suscipere magis & minus, quæ
duo nullo modo sunt propria.

Tertium, ut ab eis res dicatur similis aut
dissimilis fundamentaliter, quod est pro-
prium quarto modo.




SERIES DISPOSITIONIS.

ET HABITVS.

Dispositio, & habitus.	infusus	intellectua- lis	fides lumen gloriæ dona spūs Sancti pertinentia ad intellectum.	Spes Charitas Gratia.
			non intellectus	
	acquisitus	corporis	dimicandi scribendi pulsandi &c.	Dona spūs Sancti pertinentia ad voluntatem.
			semper verus	
		animi	intellectus.	Sapientia Intellectus
			semper falsus	Scientia Prudentia. Error Arrianus
			aliquo modo ve- rus	error Antichristi opinio suspicio.
		moralis	virtus vitium &c.	

S E R I E S N A T U R A L I S P O T E N T I A E

& impotentia.



S E R I E S P A S S I O N I S

seu Passibilis qualitatibus.

M V N color

sonus.

odor

Passio, seu passi-
bilis qualitas.

sapor

qualitas
tangibilis.candor
rubor, &
caer.rox
crepitushic
aut
illedulcedo
amaritudo
austeritas
calorfrigus
humiditas.siccitas.
granitas
lenitas.

S E R I E S F O R M A E,

E T F I G U R A E.

rectitudo
imperfecta
curvitas
concauitas
angulusForma &
Figuraplana
perfecta

solida

circulus

triangulus
triangulus
pertriangu-
lus &c.spherica
pyramiscolumnaris
figura, &c.

Isophens

Isocleus, &c.

quadratum, altera
parte longius
Rhombus, &c.

CAPVT



CAPUT NONVM

DE ACTIONE,

& passione.



*S*uscipit & ipsum agere, patiue, contrarietatem. Calefacere namque, & refrigerare, & deficiere, & refrigerari, & voluntate, ac dolere affici, contraria sunt: quare contrarietatem suscipiunt. Gradus quoque suscipiunt, ut magis, atque minus dicantur. Fit enim, ut magis quippiam, minusve calefaciat, & iidem calefiat, & doleat magis minusve: quare agere, patiue gradus suscipiunt, uti diximus. De his igitur tot a nobis sunt dicta. Deum est autem, & de situm esse, in hisce, quae diximus de ijs, quae sunt ad aliquid, denominatiue ipsum a positionibus dicti. De ceteris vero, ut de quando, de ubi, & de habere: quia sunt manifesta, nil aliud dicitur, quam ea, quae in principio diximus habere quidem inditum, et, armatum esse, significare: ubi vero in Lycio esse, &c. quaecunque de ijs sunt dicta. Degeneribus, & propositis, ea quae sunt dicta sufficiunt,

Summa breuitate perstringit Arist. hoc loco sex vltima praedicamenta, primum quia de actione & passione latissime agit, 3. Physic. lib. & in lib. de generatione de loco autem & tempore in 4. Physic. Quod si de situm & habere non alibi citius dicitur, id propterea fecit, quod sint res parui momenti, quod etiam sint in casu, ut de ceteris tam pauca dixerit. Tertia causa videtur reddi in contextu, quoniam haec omnia valde trita sunt & vulgata. Quod attinet ad actionem & passionem: illud tantum docet Arist. duo esse earum attributa, habere contrarium, & suscipere magis & minus. Quae quidem nullo modo propria sunt; cum non solis actionibus & passionibus conueniant, ut patet ex superioribus; nec praeter ea omnibus, etenim illuminationi nihil est contrarium: Generatio vero substantialis magis ac minus non admittit. De situm autem, nihil aliud dicit Arist. quam, quod situm esse & reliqua concreta, quae ad praedicamen-

tum, suis pertinent, denominatiue dicantur a positionibus sitibusve, ut a suis abstractis, quod dixerat in exp. ad aliquid. De tribus vero posterioribus; solas vocabulorum significationes adducit, exemplisque illustrat, ut initio fecerat.

Vt tamen de singulis sex vltimis praedicamentis nonnulla adiciamus: illud primum est aduerendum: circa naturas horum praedicamentorum, varias esse opiniones. Nam Scotus in 13. dist. 1. q. 1. & in 4. dist. 13 q. 1. asseruit: sex vltima praedicamenta esse respectus seu relationes quasdam extrinsecus aduenientes: alij vero dixerunt: esse res absolutas cum respectibus: alij denique aliter sentiant. Illorum tamen sententia & verior, & Arist. doctrinae magis consentanea est: qui asserunt sex vltima praedicamenta esse formas, aut quasi formas externas rerum denominatarum; Vt actionem esse formam externam agentis, & passionem patientis & sic in ceteris. Verum de ijs late 5. lib. Metaphysic.

phys. disputandum est. Nunc hoc solum re-
lat, vt de singula nonnulla dicamus.

De Actione & Passione.

Actionis & passionis vocabula interdum accipiuntur pro relationibus agentis ad pa-
tientis, & patientis ad agentem. Interdum vero,
vt res horum predicamentorum significat.
Primo modo ad hunc locum minime spe-
ctant, posteriori autem modo ita definiun-
tur, vt ex 3. phys. lib. cap. 3. licet colligere,
actio est agentis, quatenus agens est, actus
seu perfectio. Passio vero est actus perfectio
ve patientis vt patientis. Sunt autem actio
& passio vna eademque res, eadem videlicet
mutatio; quæ tamen vt est perfectio agentis,
idem est, vt ab agente proficiscitur, dicitur
actio, & vt est patientis perfectio, seu vt in
patientem recipitur, dicitur passio. Exempli
causa, idem est, caloris motus: quo aqua ab
igne calefit; quatenus ab agente proficiscit-
ur, actio est; quatenus vero in aqua recipi-
tur, est passio; quemadmodum vna eadem-
que via est ascendentibus accliuus, descen-
dentibus vero decliuus appellatur.

Actiones autem & passiones quædam
sunt a corpore: vt calefactio & calefactio; quæ-
dam ab animo aut alia superiori causa. Ab
animo sunt, quæcunque ab aliqua animi
facultate proficiscuntur & in animo in-
sunt, vt velle, intelligere, sentire, nutrire, au-
dire, mori agitari & huiusmodi aliarum su-
periori causa sunt actiones, quæ tum a deo
Optimo Maximo tum ab angelis proficiscun-
tur. Rursus actiones partium sunt inma-

nentes, partem transcurrentes. Immanentes
sunt, quæ in ipsis agentibus morantur, secun-
dum eandem partem aut, potentiam, quæ
agunt, vt intelligere, velle, sentire, tran-
scurrentes quæcunque non manent in agen-
tibus, sed in alio quodam recipiuntur: aut
certe in aliqua parte siue potentia diuersa
ab ea, quæ agentia agere dicuntur: vt effe-
ctio domus, vt statua: calefactio, quæ aqua
ab igne calefit, scribere, pectus percutere,
& alia id genus. Deinde actio immanens
aut est a potentia apprehendente, vt intel-
ligere, videre, audire & huiusmodi alia;
aut ab appetente, quæ est voluntas aut
concupiscibilis, aut irascibilis. Huius-
modi sunt velle & nolle, cupere & irasci.
Denique actionis, & passionis tot sunt spe-
cies, quot terminatarum, siue obiecta, vt la-
te in 5. phys. c. 2. & lib. 2. de anima, c. 4. di-
cendum: Ad predicamenta igitur actionis,
& passionis pertinent omnes species enu-
merate, & actiones immanentes (et si minus
proprie actiones dici soleant) vt est Scoti
sententia in 1. sent. dist. 3. q. 6. ad finem. Hæc
de actione, & passione.

Attributa actionis, & passionis.


Primum habere contrarium, quod nul-
lo modo est proprium, cum nec solis, nec
omnibus conueniat, cum non conueniat il-
luminati.

Secundum suscipere magis, & minus,
quod eodem modo se habet, quoniam non
conuenit generationi.



SERIES ACTIONIS.

ET PASSIONIS.




DE PRAEDICAMENTO

Vbi..

Vbi siue locatum quæ huius prædicamenti concretum est, nihil est aliud, quam esse loco affectum. Ipse vero locus, quatenus est externa forma locati, est huius prædicamenti abstractum. Duobus autem modis dicuntur res loco contineri aut circumscriptiue aut definitiue. Ea circumscriptiue continentur, quæ non continentur tota in quavis parte loci: sed eius partibus diuersæ partes loci respondent. Quo pacto res corporatæ dicuntur esse in loco, ut aqua in vase. Ea v. sunt in loco definitiue, quæ ita loco continentur: ut extra illum non sint: & tota sint in toto loco, totaque in quavis eius parte. Quo pacto angeli sunt in loco. Quanquam enim angelus, extra suum locum, quo definite continetur non existat: tum non habet partes, quæ partibus loci respondeant: Quocirca ita est in toto loco, ut in quavis eius parte totus contineatur. Vbi igitur seu esse in loco, in communi genus est supremum huius prædicamenti duas explicatas sub se comprehendens species. Reliquæ autem huius prædicamenti species, quæ vulgo circumferuntur, nimirum

esse supra, infra, ante, retro, ad dextram, & sinistram, non videntur veræ species: imo vero duæ prius enumeratæ, esse nimirum in loco circumscriptiue ac definitiue, quæ proxime sub genere summo huius prædicamenti continentur: species infinitæ procul dubio esse videntur. Nec opus est, ut in quoniam prædicamento præter genus summum & species infimas, genera etiam subalterna reperiuntur. Illud enim, quod a Porphyrio. cap. de specie assertum est: in quocunque prædicamento esse suum genus summum, species medias, atque infimas: non de omnibus, sed de præcipuis quibusque intelligendum est. Estque hoc adeo verum, ut Scotus in 1. sentent. distinct. 8. quæst. 3. affirmet ad rationem generis summi non pertinere, quod sub se plures species contineat, sed quod nullum genus supra se habeat, quemadmodum, inquit, prædicamentum. Quando, quia non habet supra se genus aliquod, dicitur summum genus, licet paucis habeat species aut nullus, hæc Scotus.

SERIES VBI



DE SITV.

Situm est, quod huius Prædicamenti concretum est, non est aliud, quam habere partes corporis certo quodam modo affecti ad partes loci: v. stare, sedere, cuba-


re. Situs vero seu positio, quæ eiusdem prædicamenti abstractum est, non est aliud, quam locus certo quodam modo positus. Positionem autem quædam sunt natura-

les, vt quæ dicte sunt, quædam non naturales, quarum aliz sunt contra naturam, vt si quis pedibus ad cælum conuersis, ma-

nibus nitatur; aliz præter naturam, qualis est situs lapidis, hæc itaque sunt huius prædicamenti.



SERIES SITVS.



DE PRÆDICAMENTO

Q V A N D O.

Quando est duratio creata & completa, aut successiua & externa rei denominata, aut permanens, siue externa sit rei de nominata siue interna. dicitur creata ut excludatur duratio Dei Opt. Max. id est, eternitas, quæ cum sit ipsa Dei essentia, in nullo prædicamentorum collocatur. Dicitur [completa], vt instantia temporis continui excludatur; additum est autem [successiua & externa rei denominata], vt comprehendatur tempus quatenus extrinsece rem denominat, reijciatur autem quatenus est forma rei interna. ad iungitur denique [aut permanens], hoc est, non successiua, vt comprehendatur æuum, siue, vt rem extrinsece denominat, siue intrinsece. Comprehenditur

etiam in eadem particula, durationes indiuisibiles, cõplete; quæ scilicet nõ sunt partes, aut termini aliarum durationum: vt durationes, quibus momentaneæ rationes, durant & alia huiusmodi. Porro concretum huius prædicamenti est, durans duratione explicata; quod etiam significatur per esse in tempore; late tamen accepto temporis vocabulo; quatenus significat prædictâ durationem. Species denique huius prædicamenti sunt esse in æuo, esse in tempore proprie sumpto, esse in instanti completo. Nominem autem cui intelligi hoc loco quancumque durationem completam, creatam, permanentem.

SERIES Q V A N D O.

Quando { esse in æuo.
 { esse in tempore
 { esse in instanti completo.

DE PRAEDICAMENTO H A B I T V S.

Habit^{us}, quod abstractum est huius prædicamenti est substantia extrinsecus appositæ per modum accidentis, concretum vero est, esse affectum substantia, tali modo appositæ, quod habere appellatur, substantia vero extrinsecus appositæ, aut est indumentum, aut ornamentum, aut armatura; a quibus huiusmodi concreta deducuntur; nimirum vestitum, seu indutum, ornatum & armatum, Res autem huius prædicamenti potiss. ad homines pertinent, minus proprie ad reliqua animalia, ac multo minus ad res animæ expertes.

duo tamen hoc loco admonenda sunt, vnum est in rebus, horum sex prædicamentorum, præsertim ijs, quæ ad quatuor vlti-

ma spectant, non esse tantopere eas conditiones requirendas, quas seruandas esse diximus in rebus per prædicamenta disponendis. Placuit enim philosophis, ut res omnes, quæ modo aliquo se haberent, ut formæ externæ rerum, in his sex vltimis prædicamentis collocarentur; siue a superioribus essent secundum entia diuersæ; siue quod rationem solam extrinsecus denominandi. Alterum, quod ex priori colligitur, est; non oportere nos esse nimirum superstitiosos in perquirendis & examinandis horum sex prædicamentorum summis generibus, atque speciebus. Satis enim est; si modo aliquo hæc omnia in hisce prædicamentis reperiantur.

S E R I E S H A B E R E.

Habere	{	indutum esse	esse tunica indutum esse pileo opertum. esse calceatum. esse annullatum.
		ornatum esse	esse mitra redimitum. esse indutum lorica.
		armatum esse	gladio accinctum esse.

CAPVT DECIMVM.

DE OPPOSITIS.



De Oppositis autem quot modis opponi soleant, deinceps dicendum esse videtur. Opposita namque modis quatuor opponi dicuntur, aut ad ea, quæ sunt ad aliquod, aut ut contraria, ut habitus & priuatio, aut ut affirmatio & negatio. Atque ut in summa dicam, duplum, & dimidium, ut ea, quæ sunt ad aliquod bonum & malum, uti contraria, cecitas atque visus, ut habitus & priuatio: sedere & non sedere, ut affirmatio atque negatio, opponuntur. Quæ igitur ut ea, quæ sunt ad aliud, opponuntur, ea id quot oppositorum esse, aut aliquo alio modo ad illa dicuntur, ut duplum dimidium, id quod est, alicuius dicitur, alicuius enim duplum, & scientia scibili eodem opponitur modo, atque ipsa id, quod est, scibili dicitur esse: & scibile etiam id quod est, ad oppositum ipsam inquam scientiam dicitur, scibile namque aliquo, id est, scientia, dicitur scibile. Quæ igitur ut ea quæ sunt ad aliquod, opponuntur, ipsa id quod sunt aliorum esse, aut aliquo alio modo vicissim dicuntur. Ea vero quæ ut contrario opponuntur, nullo pacto legem hanc subeunt, contraria vero inter se dicuntur; neque enim boni mali dicitur bonum, sed contrarium, neque album nigri dicitur, sed contrarium, quarum oppositiones hæc differunt. Atqui contraria quidem quæ talia sunt, ut ipsorum alterum necessario rebus ipsis insit, in quibus aptum est fieri, aut de quibus prædicatur, ea nullum prorsus medium habent, quorum autem alterum inesse non necesse est, inter hæc aliquid omnino medium cadit: veluti sanitas, ac morbus in animalis corpore fieri apta sunt, neque alterum insit animalis in corpore, sanitas inquam aut morbus, necesse est, & de numero par atque impar prædicatur, & alterum par aut impar insit numero necesse est: atque nullum inter hæc, aut inter par & impar, aut inter sanitatem, & morbum, medium cadit. At quorum alterutrum inesse necesse non est, horum medium est aliquid: ut album & nigrum in corpore aptum est fieri, & non necesse est in corpore alterū horū inesse, nō enim oē corpus aut albū aut nigrum est. Vitiosum quoque studiosumque, de homine quidem, ceterisque compluribus prædicatur, at non necesse est alterum illis inesse, de quibus hæc prædicari possunt, non enim omnia aut vitiosa sunt, aut studiosa, atque est inter hoc mediū sane: fuscum quidem & flavū, ceteriq; tales colores inter album & nigrum; id quod neque vitiosum est, neque studiosum, inter vitiosum ac studiosū. In quibusdam igitur media nomen habent, ut fuscum, pallidum, rubrum, ceteriq; tales colores qui media sunt inter albū & nigrum, in quibusdam vero nomine quidem non est facile mediū assignare, utriusq; tamen extremorū negatione, ipsum mediū definitur, ut id quod neque bonum est, neque malum, neque iniustum neque iniustum. Priuatio autem atque habitus dicitur quidē circa quippiā idē, ut visus & cecitas circa oculum, ut simpliciter

plicitèr autem dicam, in quo solet habitus fieri, circa id utrumque ipsorum dicitur. Atque priuatum esse dicimus vnumquodque eorum, quæ susceptiua sunt habitus, cum non est habitus, non quouis modo, sed in eo, vel in quo conuenit esse, vel quando illud conuenit ipsum habere. Edentulam enim non ex eo dicimus, quia dentes non habet: & cæcum itidem non ex eo, quia visum non habet, sed quia non habet eum est aptus habere: sunt enim, quæ orta non continuo visum dentesque habent: at non edentula aut cæca dicuntur. Priuatum autem esse habitumque habere, non est priuatio atque habitus, nam visus quidem est habitus, cæcitas vero priuatio. At habere visum, non est visus, neque cæcum esse, cæcitas est: etenim cæcitas est priuatio quædam, cæcum autem esse, est priuatum esse; & non priuatio. Præterea si cæcus idem esset, ac cæcum esse, utraque profecto de eodem prædicarentur, at homo dicitur quidem cæcus, cæcitas autem nullo dicitur pacto. Et ipsa tamen, priuatum inquam esse, habitumque habere, perinde ut priuatio atque habitus opponi videntur, modus enim oppositionis idem est. Nam ut cæcitas & visus sit, & cæcum esse & habere habitum opponuntur.

At enim neque etiam id quod sub affirmatione negationeque est, affirmatio est atque negatio. Affirmationem namque negationemque orationem esse constat, alteram affirmatiuam, alteram negatiuam: at nihil eorum, quæ sub affirmatione negationemve cadunt, oratio est, ut patet. Dicuntur tamen, & hac ipsa perinde opponi, atque affirmatio negationeque opponuntur: & in his enim idem oppositionis est modus. Nam ut affirmatio, veluti sedet, negationi, seu non selet, opponitur: sic & res quæ sub utrumque cadunt sedere inquam & non sedere, sibi inuicem aduersantur. At vero priuationem ac habitum non esse opposita sic, ut ea quæ sunt at aliquid, patet; non enim ipsum id quod est, oppositi dicitur esse; visus enim non est cæcitas visus, neque vxo alio ad illam dicitur modo: similiter neque cæcitas, visus cæcitas diceretur; sed cæcitas ipsa; priuatio quidem dicitur visus: cæcitas autem visus non dicitur, neque visus dicitur cæcitas. Præterea vniuersa, quæ sunt ad aliquid, ad ea sane dicuntur, quæ conuertuntur, quare si cæcitas ex his esset, quæ sunt ad aliquid & illud ad quod ipsa dicitur, profecto conuerteretur, at non conuertitur; non enim visus cæcitas dicitur visus. At qui neque perinde atque contraria priuationem ac habitum oppositionem subire, ex eo, perspicuum fore videtur, quod contrariorum quæ medio vacant, alterum in his, quibus apta sunt esse, aut de quibus prædicantur, inesse semper necesse est, inter enim ea medium nullum cadere diximus, quorum alterum inesse susceptiuo necesse est; ut in sanitate ac morbo, in pari ac impari intrari licet. Quorum autem est ad aliquod medium, nunquam horum alterum omni in esse necessario. Neque enim album aut nigrum, neque calidum aut frigidum esse, omne quod horum susceptiuum sit, necesse est, nam ut inter hæc medium aliquod cadat, nihil sane prohibere videtur. Et insuper ea diximus medio vacare, quorum alterum non necesse est esse in susceptiuo, nisi in hisce, in quibus vnum inest natura, ut igni caliditas inest, & niui albedo; in his enim alterum definit, non utrum vis susceptiuo inesse necesse est. Non enim aut ignem frigidum, aut niuem esse nigram contingit. Itaque non omni susceptiuo inesse alterum necesse est, sed illis tantum quibus vnum natura inest, atque vnum definit.

definite, non utrumvis. In privatione autem atque habitu neutrum dictorum est verum, neque enim alterum ipsorum semper inesse necesse est, quod enim nondum aptum est visum habere, id neque cæcum dicitur, neque visum habere, quare non ex his erunt contrarij, quæ medijs vacant, sed nec ex his, quæ medium habent: quoniam omni susceptivo, ipsorum alterum quandoque insit, necesse est; cum enim est aptum visum habere tunc aut cæcum, aut visum habere dicitur, atque horum alterum non definite sane, sed utrumvis sine discrimine villo dicitur. At in hisce contrarijs quæ medio non vacant, nunquam fit ut alterum insit omni, sed quibusdam, atque hisce alterum definite ut non utrumvis. Quare patet neutro modo privationem, & habitum, perinde, atque contraria, oppositionem subire. Præterea inter contraria quidem, sit modo quod ipsa recipere possit, fieri commutatio potest, nisi unum ipsorum natura cuiuspiam ut igni caliditas insit. Post est enim sanum agrotationem subire, & frigidum calidum, & album effici nigrum, ex studio quoque vitiosus, & vitiosus studiosus evadere potest, vitiosus enim si moribus præstabilioribus præceptisque instituitur, aliquid saltem in probitate incrementi suscipit. Quod si parum licet incrementi semel susceperit, patet aut penitus illum mutari, aut ingentia incrementa suscipere, posse. Semper enim habilis magis ad consequendam ipsam virtutem, sumpto parvo etiam incremento sit, quare verisimile est, maiora quoque illum incrementa suscipere, quod quidem si semper ita fiat, in contrarium penitus habitum deducetur, nisi tempore fortasse excludatur. In habitu vero privatione fieri non potest, ut commutatio nunquam efficiatur, ex habitu namque, quanquam ad privationem mutatio sit, ad habitum certe ex privatione fieri nequit, non enim quisquam cæcus factus, visum nunquam recuperavit, neque calvus factus comam, neque edentulus vllus dentes emisit. Atqui patet, & ea, quæ ut affirmatio negatioque opponuntur, nullo dictorum modo oppositionem subire, in his enim solis alterum verum, alterum falsum esse necesse est: quod neque in contrarijs, neque in relativijs, neque in habitu privationeque necesse est, semper alterum verum, alterum falsum ut sit. Sanitas enim, ac morbus contraria sunt, & neutrum ipsorum verum est aut falsum; similiter duplum & dimidium relative quidem opponuntur, neutrum tamen verum est aut falsum; cæcitas etiam atque visus habitus quidem, & privatio sunt, ut patet: at neutrum verum est aut falsum. Omnino autem nihil eorum, quæ nulla cum complexione dicuntur verum est aut falsum. At universa quæ dicta sunt, sine complexione dicuntur. Et quidem idipsum in hisce contrarijs maxime accidere videbitur, quæ cum complexione dicuntur, valere enim Socratem & egrotare Socratem, contraria sunt. Atque neque in hisce necessarium est, alterum verum, falsum alterum esse, nam si existat quidem Socrates, alterum verum alterum falsum erit, si vero non existat, ambo falsa erunt, ut patet. Si enim Socrates omnino non sit, neutrum erit verum, neque egrotare ipsum, neque valere. Si privatione quoque ac habitu si Socrates, omnino non sit, neutrum verum erit: si sit, non semper alterum erit verum, alterum falsum. Visum enim habere Socratem, & cæcum Socratem esse ut habitus atque privatio opponuntur, & si sit Socrates, non necesse est, alterum verum alterum falsum esse. Quo enim tempore nondum est aptus habere, utrumque est falsum, si omnino non sit,

fit falsum etiam erit utrumque, & visum ipsum habere & cecum esse. In affirmatione vero negatione ve semper, siue sit, siue non sit, alterum erit falsum, alterum verum. Horum enim, egrotare, inquam, Socratem, & non egrotare Socratem, siue sit siue non sit Socrates, alterum verum alterum falsum esse patet. Si enim non sit, egrotare illud, est falsum, non egrotare verum, quare hisse solis hoc competit, alterum inquam ipsorum verum esse, alterum falsum, quæ ut affirmatio, atque negatio opponuntur. At vero malum quidem bono necessario contrarium est, quod quidem esse patet inductione. Morbus enim sanitati & iustitia iustitia, & fortitudini timiditas aduersatur & in cat. simili modo. At malo interdum bonum, interdum malum contrarium est, de se tui enim, qui quidem est malum, exuperatio, quæ quidem & ipsa malum est, contrarium est similiter, & mediocritas, quæ quidem est bonum, virique aduersatur, ut patet, in paucis tamen id ipsum esse videtur, sed in pluribus malo bonum semper contrarium est. Preterea non necessarium est, si contrarium alterum sit, & reliquum esse. Nam si omnes sint sani, sanitas quidem erit, morbus vero non erit, similiter si sint omnia alba, albedo quidem erit, nigredo vero non erit. Preterea si Socratem valere contrarium est huic, Socratem egrotare, fieri vero non potest, ut ambo simul eidem insint, impossibile est si contrarium alterum sit & reliquum etiam esse. Nam si sciret valere Socratem, egrotare Socratem scire non potest. Patet etiam & circa idem aut specie, aut genere contraria fieri solere: ut morbum quidem & sanitatem in animalis corpore, albedinem autem, & nigredinem in corpore absolute, iustitiam vero, & iniustitiam in hominis anima. Contraria insuper omnia, aut eodem in genere, aut contrariis in generibus esse, aut ipsa genera esse, necesse, nam album quidem, & nigrum eodem in genere sunt, color enim ipsorum est genus, iniustitia vero ac iniustitia sub generibus contrariis collocantur; alterius enim virtus alterius vitium est genus, ut patet; ac bonum & malum non sunt in genere, sed aliquorum ipsa genera sunt.

Hæc est tertia & postrema pars huius operis, in qua Aristot. nonnulla declarat, quæ in singulis Prædicamentis tractandis commemorauit. Etenim in quatuor prioribus Prædicamentis, sæpe meminit contrariorum, ut in capite vero ad aliquid eorum, quæ simul & priora natura esse dicuntur: rursus in cap. de substantia & qualitate motus siue mutationis nominibus usus fuit. Denique usus fuit verbo, (habendi,) seu habitus in multis prædicamentis. Hac igitur de causa in hac tertia lib. parte, quæ post prædicamenta appellantur, de his omnibus differis, ab explanatione contrariorum incipiens. Atque ut alius exordiat differit de omnibus oppositorum generibus: in quibus contraria continentur. Sunt igitur tres partes

huius capituli: primum enim omnia oppositorum genera enumerantur, & explicantur: deinde ea ipsa inter sese conferuntur: tandem contraria magis declarantur, Nam propter contraria reliquorum oppositorum tractatio suscepta est.

Opposita nampue] Quatuor genera oppositorum enumerantur ab Aristot. nimirum, relative opposita, ut duplum & dimidium, contraria, ut bonum & malum, seu virtus & vitium, priuatiue opposita, ut cæcitas & visus, & contradictorie opposita, ut sedere & non sedere: Vnde quatuor oppositionum genera colliguntur, nimirum relatiua oppositio, contraria, priuatiua, & contradictoria; quæ oppositiones non traduntur hoc loco inter enunciationes, ut in proximo libro, in quo de enunciatione agitur

tur, sed inter voces simplices, de quibus Prædicamentorum tractato instituta est.

Quæ igitur ut ea Enumeratis quatuor oppositorum generibus singula deinceps declaraturus, incipit a relative oppositis, quia in re eum feruat ordinem, ut ab ijs, quæ minus opposita sunt, progrediatur. Relatiue igitur opposita sunt, quæ id, quod sunt, oppositorum esse, aut aliquo alio modo dicuntur, in qua definitione loco generis subintellige (opposita,) in ea uero comprehenduntur relatiue secundum esse & secundum dici, siue sint realia, siue rationis.

Ea vero, quæ) Explicat opposita contraria, atque in primis comparando ea, cum relative oppositis. Est enim hoc discrimen: quia relatiue opposita nominantur ea, quæ sunt correlatiua, ut pater & filius, ea vero, quæ nominantur contraria non sunt correlatiua, sed qualitates potius, ut virtus & vitium, albedo & nigredo. Quod intellige dictum esse de rebus, quæ denominantur contrariæ secundum se acceptis, non autem de rebus, quatenus contrariæ nominantur. Hoc enim modo ad correlatiua dicuntur, contrarium enim contrarij contrarium est.

Atqui contraria quidem) Docet hoc loco contrariorum alia esse immediata, alia mediata. Immediata sunt, quorum alterum necesse est inesse proprio subiecto, aut de eodem prædicari, ut sanitas & morbus comparatione animalis, mediata vero, quorum neutrum necesse est inesse proprio subiecto, aut de ipso prædicari (subaudi nisi alterum natura inest) ut albus color ac niger, comparatione corporis mixti, & virtus ac vitium comparatione hominis. Dantur enim media inter huiusmodi contraria, quibus affecta esse possunt propria contrariorum subiecta, remoto utroque contrario.

Dictum est in utraque definitione (proprio subiecto,) quoniam, contraria immediata conferantur cum eo subiecto, quod ipsorum non est capax: non necesse erit, alterum eorum inesse, ut si sanitas & morbus cum lapide conferantur. Dictum est, (in esse,) propter contraria abstracte significata, (prædicari) vero propter concreta. Addimus in definitione contrariorum mediatorum, (nisi alterum inest a natura,) quoniam cum alterum inest a natura ali-

cui, necesse est, alterum eorum eidem inesse, ut albus color & niger, si cum niue aut cygno comparatur.

Veluti sanitas ac) Quod Aristoteles hic ait, inter sanitatem & morbum non esse medium, non pugnat cum sententia medicorum, asserentium medium aliquod inter hæc cerni. Nam Aristoteles loquitur secundum rem medicam autem secundum estimationem. Quædam enim corpus animalis, re ipsa aut ægrum, aut sanum est, interdum tamen est in eo statu, ut iudicium ferri possit de sanitate eius aut ægritudinis: in quo statu secundum debile hominum iudicium dicitur nec sanum, nec æg. um. Quod addit de pari & impari exempli causa dictum accipitur. Nec enim par impar, sunt vere contraria, cum eidem subiecto vicissim inesse non possit, sed quoniam immediata sunt respectu numeri allata sunt in exemplum contrariorum immediatorum. Quod rursum ait (vitiosum, & studiosum) in alijs rebus, præterquam in hominibus, reperiri, aut dictum est ex sententia platonis, existimantis, sub luna esse quosdam dæmones bonos, quosdam vero vitiosos, aut ita est intelligendum, ut studiosum esse pro sedulo & prouido accipitur, vitiosum autem pro inertis & ignauo. In qua significatione, quædam animalia dicimus studiosa, ut aper, & formicas, quædam ignaua & inertia, ut fucos & alia huiusmodi.

In quibusdam igitur) Docet contrariorum mediatorum, quædam habere media nominata, quædam vero in nominata, facile tamen media omnia significari posse negatione utriusque extremi. Ut si dicamus, medium inter vitium & virtutem, seu bonum & malum & id esse, quod nec boni nec malum est, quod post Aristotelem indifferens fuit appellatum.

Sed aduersus ea, quæ in contrariorum explicatione Aristoteles docuit, sic primum obijciunt aliquis: Contradictorie opposita, ut postea patebit, sunt inter quæ nullum cadit medium. Igitur si quædam contraria sunt immediata, quædam contraria dicenda sunt contradictoria: quod incommodum est. Deinde si quædam essent contraria immediata, inter ea non posset fieri motus, at hoc est incommodum. Ergo & illud, Muor propositio probatur, quoniam non potest

potest fieri motus nisi inter quæ reperitur aliquod intervallum cœlari quod, quæ motu percurratur. At inter ea, quæ medio carent, nullum datur huiusmodi intervallum siue latitudo.

Ad priorem tamen obiectionem dicendum est, duplex esse medium, vnum quod vocatur per participationem, quod nimirum utriusque naturam saltem virtute continet, ut flauus color & fuscus inter candelam & nigrorem. Alterum quod appellatur per negationem, quod scilicet sola utriusque extremi negatione significatur, quo pacto nec vitiosum nec studiosum dicimus esse medium inter vitiosum & studiosum. Inter quæ hoc est discrimen, quod medium priori modo est natura quædam inter utrumque extremum reperta, at posteriori modo non est natura aliqua inter utrumque extremum collocata: sed solum dicitur esse medium comparatione subiecti, in quo neutrum extremorum necesse est inesse. Exempli causa, inter candorem & nigrorem dantur medij colores, qui sunt vera entia, at inter scientiam & errorem dicitur dari medium, non quod reperitur natura aliqua inter errorem & scientiam, sed quod non necesse sit, hominem aut scientiam aut errorem affectum.

Dicendum est igitur inter contradictorie opposita cum quouis subiecto comparata nullum omnino medium cadere, nec per participationem, nec per negationem. Nec inter hominem & non hominem medium aliquod aut dari aut fingi potest: at contraria immediata carere quidem medio per participationem, non tamen per negationem, si nimirum cum subiecto alieno comparantur, ut sanum & ægrum cum lapide, aut ferro.

Ad posteriorem dicendum inter contraria immediata non dari aliquid intervallum: quod per motum percurrendum sit: sed unumquodque eorum habere latitudinem quandam maioris & minoris perfectionis, cuius latitudinis causa ab uno ad alterum potest fieri motus, ut in lib. Physicor. apertum fiet.

Priuatio autem atque habitus) Explicat priuatue opposita dicens esse habitum, & priuationem, quæ sunt circa idem: Quò loco nomine habitus intellige, quamcunque formam, & quasi sortiam, quæ abiici

potest. Dixi, (& quasi formam) quoniam præli, dentes, vestes cæteraque humilissima continentur hoc loco habitus seu formæ, quibus qui carent modo ea possunt habere, dicuntur habere priuationem.

Priuatio vero est negatio eiusmodi habitus seu forma in subiecto natura apto, & in tempore a natura constituto, ut forma in sit: cuiusmodi sunt, calium esse, edentulum, nudum & cætera huiusmodi. Dicitur, (in subiecto natura apto,) quia negatio forme in subiecto suapte natura minime apto non est priuatio. ut negatio visus in lapide non est priuatio: unde fit ut lapides non dicantur cæci: quia natura sua non sunt apti ut videant. Additur, (& in tempore natura constituto,) quoniam subiectum ante id tempus, quo a natura constitutum est, ut habeat formam, nequaquam ea priuatum dici potest, unde fit ut cæculus ante se primum diem, quo nondum a natura constitutum est, ut oculos aperiat, non sit appellandus cæcus. Porro priuatio duplex est, altera, a qua non potest fieri naturaliter regressus ad habitum, ut cæcitas, caluitium; altera a qua naturaliter fit regressus, ut tenebræ, nuditas &c. Arist. vero hoc loco nomine priuationis intelligit solam priorem ut ex his, quæ paulo inferius docet, patere potest, sed ea cognita, facile erat posterioriorem intelligere.

Priuatum autem esse,) docet priuationem & priuatum esse, habitum, & habere habitum, non esse idem omnino; quod in primis probat exemplis quibusdam, deinde hac ratione, si priuatio, & priuatæ esse, ut cæcitas & cæcum, essent prorsus idem, de quocunque diceretur, unum diceretur & aliud, sed de homine vere dici potest quod sit cæcus, non autem quod sit cæcitas. Ergo priuatio, & priuatum esse non sunt omnino idem: subiungit tamen Arist. priuationem habitum, tum in abstracto, tum in concreto, oppositæ priuatue, ut visum & cæcitatem, videns atque cæcum.

At enim neque etiam) declarat hoc loco contradictorie opposita, de quibus duo quædam affirmat, alterum non esse idem affirmationem, & negationem & res, quæ per affirmationem aut negationem signatur, quod sic ostendit, affirmatio & negatio sunt orationes, res autem significatæ non sunt orationes; Ergo affirmatio & negatio non sunt.

sunt idem cum rebus signatis per affirmationem & negationem. Alterum est; res signatas per affirmationes & negationes poni eodem modo, quo affirmationes & negationes. Ex prioro dicto colliges: non esse propositiones in rebus, sed tantum in voce, scriptura aut conceptu: ex posteriori colliges, oppositionem non solum in vocibus reperiri, sed etiam ad multo magis in rebus. Voces enim sunt oppositæ, quia significant res oppositas & non è conuerso: & quorsum Arist. dicturus de contradictione vocum, siue rerum simplicium, locus est de contradictione enunciationum, nimirum quia eadem fere est, utriusque contradictionis cognitio. Vt enim duæ enunciationes contradictories ita sunt affectæ, ut altera necessario sit vera & altera falsa, sic etiâ voces simplices aut res per eas significata, si sunt contradictoriæ, ita sunt affectæ, ut altera necessario falso affirmetur, altera vere.

At vero priuationem.) Sequitur secunda pars huius, c. in qua Arist. confert quatuor genera oppositorum inter se. Sed quoniam in initio consulit contraria cum relatiue oppositis: comparat nunc priuatue opposita, cum eisdem relatiue oppositis: atque docet priuatue opposita non esse relatiue opposita, tum quia non dicuntur ad aliud, tum quia non dicuntur ad conuertentia.

Atqui neque perinde.) Confert priuatue opposita cum contrariis, asseritque ea non opponi, veluti contraria, quod in primis hac ratione suadet. Contraria, si immediata sint, ita sunt affectæ, ut necesse sit, alterum eorum proprio subiecto inesse: si vero contraria mediata sint, neutrum necesse est inesse proprio subiecto, nisi alteri insit a natura in quibus tamen alterum definit, non utrumvis proprio subiecto inest, ut igni calor, niui candor. At vere priuatue opposita, neque se habent ut contraria immediata: (quandoquidem neutrum priuatue oppositorum necesse est inesse proprio subiecto, catulus enim verbi cause, ante septimum diem, est proprium subiectum vilis ac cæcitat, cum tamen ante se primum diem nec cæcus, nec videns appellatur) nec rursus ita sunt affectæ, ut contraria mediata. Nam si priuatue opposita comparentur cum proprio subiecto in tempore, in quo a natura constitutum est, ut forma inest, necesse est alterum eorum in

ipso reperiri, non tamen alterum definire, sed utrumvis eorum. Non tamen colligas ex dictis, omnium contrariorum mediatorum, quorum alterum inest a natura, alterum definire inesse semper proprio subiecto. Nec enim omnia hanc legem obseruant. ut calidum & frigidum, comparatione aque cui a natura frigida est conuenit: non tamē aqua est perpetuo frigida. intelligendum est igitur in quibusdam contrariis, respectu alicuius, ut in calido & frigido comparatione ignis, candido & nigro respectu niui & alijs similibus.

Præterea inter contraria.) alia ratione idem confirmat in hunc modum. Inter contraria potest fieri commutatio in eodem subiecto, nisi alterum insit a natura. Nam alba possunt fieri nigra, & frigere quæ calefunt & è contrario. Ex probo etiam improbus, & vicissim ex improbo bonus effici potest. At inter priuatue opposita nulla commutatio fieri potest, cum a priuatione ab habitu, non fiat naturaliter regressus: quanquam, n. ex vidente quis fiat cæcus: ex cæco tamen nemo fit naturaliter videns. Igitur priuatue opposita non opponuntur veluti contraria. Vnde colliges Arist. hoc c. de ea tantum priuatione differere, quæ non potest fieri ab habitu naturaliter regressus.

Atqui patet.) Consulit priuatue opposita, relatiue & contrarie oppositis: comparat modo contradictorie opposita cum reliquis tribus. Argumentatur autem hoc modo, contradictorie oppositorum necesse est alterum esse verum, & alterum falsum; sed in reliquis tribus oppositorum generibus hoc non cernitur, igitur contradictorie opposita a cæteris distinguuntur. Maior est nota minor probatur, quia si relatiue contrarie & priuatue opposita accipiantur secundum se, id est, extra propositionem, nec sunt vera nec falsa: cum propositiones non sint; si vero accipiuntur in propositione, id est, inquam particula propositionum, constantium subiecto aliquo singulari, tum quidem fiunt propositiones. Cæterum non erit opus, ut eorum altera sit vera, & altera falsa. Nam si subiectum non existat, utraque erit falsa, ut si dicamus de Socrate non existeret: Socrates est pater: Socrates est filius: Socrates est albus: Socrates est niger: Socrates est videns: Socrates est cæcus: omnes propositiones sunt falsæ. At ut

re si contradiçtor opposita fiant prædicata præpositum singularium: semper altera propositionum erit vera & altera falsa siue subiectum existat, siue non existat. Vt si dicas, Socrates est albus, Socrates est non albus; Socrates currit, Socrates non currit.

At vero malum? In tertia tandem parte huius capitis regressurus Arist. ad naturam contrariorum magis declarandum.

Afferit igitur hoc loco quatuor contrariorum attributa; quæ quidæ rebus ipsi; quæ contraria nominantur; & accommodanda sunt. Eorum primum est; bono non nisi malum contrarium: ac malo interdum bonum, interdum malum esse contrarium.

Cuius prior pars non intelligenda est; quasi omni bono aliquod malum aduersetur. Et enim dantur bona, quibus nihil est contrarium, vt intelligendi ac uiolendi facultates; & huiusmodi alia. Sensus igitur est, si quid bonum contrarium est, illud malum esse debere. Vbi loquitur Arist. de bono & malo materialiter acceptis, hoc est de rebus quæ bonæ & malæ accidentaliter dicuntur.

At obijciat aliquis bonum est propria entis effectio; hæc prædicatur omni enti conueniens; nihil ergo est, quod bonum non sit; quare bono non aduersatur malum; sed aliud quoddam bonum. Dicendum est tamen etiam omnia entia, quæ ratione entia sunt modo aliquo habere rationem boni, in alio loco explicandum est; nihilominus multa esse, quæ cum aliquo comparata rationem mali induant. Quæ ratione ab eo non appetuntur, sed repudiantur, vt calidum, si cum aqua comparatur; & frigidum, si cum igne comparatur. & sic in cæteris huiusmodi. Posterior autem pars eiusdem attributi hoc exemplo declarat. Nā ananias, quæ malum quoddam est, aduersatur non solum liberalitas; quæ bonum quippiam est; sed etiam utrumque extremum prædictatum scilicet effusio; quæ aliud quoddam malum est. Vnde colligitur multa esse contraria, non simpliciter ac proprie sed imperfecte ac minus proprie. Virtus enim medicæ neutri extremorum proprie aduersari dicitur.

Præterea non necessarium est; si alterum contrariorum attributum est; si alterum con-

trariorum in rerum natura existit non esse opus, vt alterum etiam existat. Nec enim si candor existit, necesse est nigredinem quoque existere; & sic in cæt. Tertium vero est, non posse duo contraria in eodem subiecto singulari simul inesse: Intellige perfecte, nam imperfecte, non est negandum: vt in poster. lib. de generatione & corruptione ostendendum est. Hinc colligitur particula quædam in definitione contrariorum collocanda, nimirum uicissim insunt. Quartum attributum est; contraria recipere solere in subiecto eodem, specie, vt iustitiam & iniustitiam in hominis anima; aut eodem genere, vt sanitatem & morbum in animali; albedinem & nigredinem in corpore.

Contraria insuper omnia? Postremum attributum est: contraria omnia aut proxime sub eodem genere contineri, vt albedinem & nigredinem sub colore: aut sub contrarijs generibus, vt iustitiam & iniustitiam: quarum illa sub uirtute, hæc sub uitio collocatur: aut denique esse ipsa genera contraria, vt bonum, & malum. Sed de ijs contrarijs quæ in tertio membro prædicantur, dubitatio quædam existit. Nā & illa contraria ita sunt diuersa genera: vt sub vno alio comprehendantur: aut non. Si comprehenduntur, numeranda sunt in contrarijs primi & secundi membri; si vero non comprehenduntur sub vno aliquo genere: certe non sunt contraria. Quare aut tertium membrum redundat aut de uere contrarijs non est intelligendum. Ad hanc dubitationem occurrit Amblicus dicens: Arist. addidisse tertium membrum, ex sententia Pythagoræ quæ boni & mali duo quædam summa genera diceret, Arist. quoque aliorum exemplis utitur. Patet hoc modo occurrere; si dicas, eiusmodi attributum ita esse explicandum: Omnia contraria aut sunt species infinitæ sub aliquo genere proxime collocata, vt candor & nigror sub colore: aut species infinitæ sub diuersis generibus proxime contentæ, vt iustitia & iniustitia; quarum illa sub uirtute, hæc sub uitio comprehenduntur: aut denique sunt generis quædam, non ita collocata sub uno tertio vt species infinitæ sub suis generibus aut bonum & malum, cætera uirtus & uitiu.

De Oppositione.

VT accuratius perecipiantur ea, quæ de quatuor oppositorum generibus Aristoteli hoc loco docuit, dicendum est, in primis de oppositione in communi; deinde de oppositionum diuisione; tum denique de singulis oppositionum generibus. Quod attinet ad primum admoendum est, rerum quasdam esse repugnantes, id est, oppositas, quasdam non repugnantes. Repugnantes sunt duo extrema simplicia; quæ de eadem re vere affirmari non possunt, vt albus & nigrum, lapis & lignum: dictum est, [duo extrema simplicia,] vt excludatur oppositio seu repugnantia propositionum, de quibus hoc loco sermo non est. Hic enim agitur de vocibus aut rebus simplicibus: de propositionibus vero in libris sequentibus. Cum dicitur. (quæ affirmari non possunt;) intellige simul seu in eodem tempore, & eodem modo. Cum additur, (de eadem re,) intellige de eadem re singulari secundum eandem partem, & respectu eiusdem, vt doctus & modestus, simplex & prudens. Vnde colliges: opposita & repugnantis idem omnino esse, vt Boetius existimat hoc loco. Sic enim definit opposita; Opposita sunt, quæ in eodem secundum idem, in eodem tempore circa vnam, eandemque rem; hoc est, respectu eiusdem, simul esse non possunt. Quæ definitio eundem sensum habet cum ea, quæ a nobis tradita fuit, quæ sententia ex Aristotele colligitur cap. 12. huius lib. ubi eiusdem generis species oppositas vocat, quod tamen verum non esset, nisi idem esset oppositum, quod repugnans. Hinc etiam colliges virtutes ac colores mediocres cum extremis comparatos contineri sub oppositis; siue repugnantis, item simile & dissimile, æquale & inæquale, hic pater, hic filius, hæc albedo & hæc nigredo, & huiusmodi alia, cum his omnibus repugnantium seu oppositorum definitio tradita aperte conueniat. Denique ex dictis colliges definitionem oppositionis in communi, vt nomine abstracto significatur, hoc modo: Oppositio seu repugnantia est relatio duorum extremorum simplicium: quæ de eadem re vere affirmari non possunt. Cuius definitionis par-

ticulari sic intelligenda sunt: vt eas in definitione oppositorum seu repugnantium exposuimus.

De diuisione oppositionis.

Sequitur vt de diuisione oppositionis dicamus: Oppositio igitur in quatuor genera diuisa est ab Aristotele, in relatiuum videlicet, contrarium priuatiuum & contradictorium: quibus quintum genus addendum est, nempe, repugnantia eorum, quæ disparata appellantur. Cum enim oppositio & repugnantia omnino idem valeat; atque repugnantia non solum quatuor illa ab Aristotele tradita comprehendat, sed etiam repugnantia disparatorum, vt hominis & lapidis, æqualis & inæqualis, similis & dissimilis; planum est, illis quatuor generibus oppositionis ab Aristotele traditis, quintum etiam addendum: cuius propterea Aristoteli non meminit, quia eas tantum oppositiones recensere voluit, quæ maxime trita sunt & a Philosophis maxime vsurpatæ: quales sunt illæ quatuor diuinitate. Est autem oppositio analogum quippiam ad hæc oppositionum genera; quod & maxime ex eo patet: quod quedam oppositio nes sint entia realia; quedam entia rationis vt alibi docebitur, ad quæ nihil viuius cume esse potest.

Sed aduersus traditam diuisionem concretis nominibus signatam, obijciat aliquis eam vitiosam videri: quoniam vnum membrorum diuidentium non solum de diuisione, sed etiam de reliquis membris diuidentibus naturali prædicatione enunciat. Nam est diuisum: huius diuisionis sit quoddam relatum, ac simili modo singula membra diuidentia, omne autem relatum relative opponatur, consequens est, vt relative oppositum quod vnum membrum est huius diuisionis non solum de diuisione, sed etiam de cæteris membris diuidentibus, naturali prædicatione enuncietur. Quod tamen in commodum esse videtur, cum nullum diuisum sub vno membrorum diuidentium contineri debeat; nec alia membra diuidentia, sub eodem. Occurrendum est tamen non esse in commodum: quod diuisum accidentaria subiectione sub vno membrorum diuidentium contineatur, & reliqua mem-

membra diuidentia sub eodem quo modo oppositum in communi & reliqua membra diuidentia sub relative oppositis continentur. Etenim hæ prædicationes: oppositum in commune est relative oppositum, & contrarie, priuatiue, contradictorie, ac disparate opposita sunt relative opposita, non sunt essentielles sed accidentarie. Similem obierationem fecimus. & dissoluimus apud Porphyrum. quæst. 6. in præf.

De reatiua oppositione.

QUOD attinet ad oppositionem reatiuam illud est admonendum, eam esse relationem æqualis comparationis. Fundatur autem reatiua oppositio in solis relationibus, non tamen in omnibus, sed in ijs tantum, quæ non sunt reatiuæ oppositiones, ut verbi causa, fundatur in paternitate filiatione, contrarietate & alijs huiusmodi, quæ non sunt ipsæ reatiuæ oppositiones. Quænam enim paternitas non est oppositio reatiua, nec constituit concretum, quod, quatenus tale est, reatiue opponatur, adhuc eget quadam reatiua oppositione, quia pater formaliter dicitur reatiue oppositus, & reatiue oppositiones (in qua scilicet dicitur reatiua oppositio in communi,) quoniam sunt reatiue oppositiones, non egeant alia reatiua oppositione: quia earum concreta formaliter dicantur reatiue opposita, sed ipsa constituant concreta quedam; quæ quatenus talia sunt, reatiue opponuntur. Nam ab hac reatiua oppositione, verbi causa, deducitur hoc concretum, hoc reatiue oppositum, quod quidem quatenus tale est, opponitur reatiue, alteri reatiue opposito. Hinc potest colligere, omnia correlatiua esse reatiue opposita, sed alio atque alio modo. Quidam enim denominatiue dicuntur reatiue opposita, ut pater & filius, dæo contraria, & contraria sunt duo contradictoria ut contradictoria sunt, & alia huiusmodi, quedam vero essentialiter dicuntur reatiue opposita, ut hoc reatiue oppositum & eius correlatiuum, quatenus talia sunt.

De oppositione contraria.

Contraria in hunc modum defini solent: Contraria sunt opposita, quæ sub eodem genere maxime distant, & eidem subiecto vicissim insunt, nisi eorum alterum insit a natura, ut calor & frigus, candor & nigror, virtus, & vitium: quæ quidem definitio partim ex de quantitate, partim ex hoc cap. colligitur. Hæc vero opposita siue repugnantia ponitur loco generis: quæ particula excluduntur ea, quæ repugnantia non sunt. Cum dicitur: (sub eodem genere, intelligendum est genus proximum, aut remotum, per quam definitionis particulam excluduntur contradictorie. & priuatiue opposita: quoniam hæc sub nullo eodem genere, cum vero additur, (maxime distant,) intellige maximam distantiam non secundum locum, sed secundum naturam & essentiam. Quanquam enim duo candores loco sint seiunctissimi; tamen non dicuntur maxime distantes: quo pacto distantia hic accipitur, quoniam natura sunt coniunctissimi, cum sint eiusdem speciei, ac vero candor & nigror propter naturæ distantiam maximam, censentur maxime distare, etiam si in eodem subiecto accipiantur. Vnde fit ut contraria etiam imperfecta maxime distantiam, quæ huius distantie causa existit. Per hæc igitur definitiones partem excluduntur mediata inter se si multa fuerint: tum etiam cum extremis comparata, ut flauus color & fuscus, flauus color & candor, fuscus color & nigror, & huiusmodi alia, quoniam hæc non maxime distant, quippe cum sub eodem genere maior distantia, secundum naturam inueniatur. Cum audis (eidem subiecto,) intellige singulare subiectum & secundum eandem partem, cum vero additur (vicissim insunt,) seu recipiuntur, sic intelligendum est; ut contraria possint eo pacto in subiecto recipi, ut possint vere seu per se in subiecto produci, aut saltem sint ipsæ productiones, quæ addiderim, propter actiones contrarias, quæ sunt vere ac proprie contrarie. Quæ particula excluditur omnia reatiue opposita, ut pater & filius, quoniam hæc non possunt hoc modo vicissim inesse, nec enim relationes possunt per se produci, ut. Phys. lib. docebimus, quo loco d. cum est

ad relationem non esse per se motum, nec sunt ipsæ productiones, ut planum est. Excluduntur etiam pari ratione relatiua comparata non cum suis correlatiuis, ut simile & dissimile, æquale & inæquale: quoniam hæc ita non insunt vicissim, eo pacto quo diximus. Cum addis (insunt), intellige perfecte: etenim contraria cum perfecta sunt, hoc est, cum talia sunt, ut ab ipsis subiecta simpliciter denominantur, non simul in eodem subiecto inhaerent, sed vicissim insunt. Imperfecta vero simul in eodem esse possunt, ut calor & frigus in aqua tepida, additur tamen, (nisi eorum alterum insit, a natura,) quoniam cum alterum contrarium a natura subiecto insit, non potest in eius locum alterum succedere: succedere inquit perfecte, ita scilicet, ut ab eo subiectum simpliciter denominari possit, qua ratione licet aliquid frigoris habere possit, qua ignis nunquam tamen simpliciter frigidus potest nominari; nec cygnus simpliciter niger, quod hæc alterum contrariorum a natura sibi vè dicant.

At obijciat aliquis, contraria imperfecta seu ut dici solet, in gradibus remissis sunt contraria: ea tamen non vicissim insunt eodem subiecto. Igitur de finitio contrariorum non est bona. Occurrendum est tamen: contraria imperfecta duobus modis sumi posse. vno quoad naturas, quibus accidit, ut sint imperfecte, altero qua ratione imperfectæ sunt. Licet enim huiusmodi naturæ in eodem subiecto simul esse possint: non tamen perfecte, quod satis est, ut eis definitio contrariorum non accommodetur. posteriori autem modo non sunt contraria, nec illis hoc modo transita definitio accommodatur. Ita igitur patet, quæ potissimum contraria dicantur.

De oppositis priuatiue, contradictorie & disparate.

Priuatiue opposita sunt habitus & formæ, & priuatio formæ, ut visus & cæci-

tas, quam definitionem satis in contextu exposuimus. Opposita vero contradictorie sunt affirmatio, & negatio simplex: inter quas comparatione cuiusque nullum datur medium, id est quorum alterum de quouis siue ente siue non ente, ut dicatur necesse est, quod quo pacto intelligendum sit in ca. 10. lib. de Interpr. docebitur. Dicitur autem contradictoria oppositio, (simplex affirmatio & negatio:) ut excludantur enunciationes oppositæ, de quibus hoc loco sermo non est: & comprehendantur sola contraria simpliciter: qualia sunt, homo, non homo, lapis non lapis, album non album. Hæc enim cū enunciationes sint: ita tamen sunt affecta, ut quicquid modo aliquo est, aut sihi gi potest, aut si homo aut non homo. &c. id quod in superioribus oppositorum generibus nequaquam reperies; Lapis enim (ut vno exemplo rem intelligas) nec dominus est, nec seruus, nec virtute præditus, nec vitiosus, nec rursus cæcus aut videns.

At obijciat aliquis: oppositionem priuatiue sub contradictoria contineri, ac proinde non constituere duo quædam oppositionum genera diuersa: nam, priuatio hoc est negatio formæ in subiecto apto continetur sub negatione absolute sumpta, sed illa opponuntur priuatiue, hæc contradictorie, ergo priuatiua oppositio sub contradictoria comprehenditur.

Occurrendum est tamen, fundamentum priuatiue oppositionis hoc est, priuationem essentialiter contineri sub fundamento contradictorie oppositionis, hoc est, sub negatione absolute sumpta, at vero priuatiue oppositum simpliciter sumptum non contineri sub contradictorie opposito simpliciter sumpto: Nec enim priuatiua oppositio est contradictoria, cum alia sit priuatiue oppositionis relatio alia eorum, quæ contradictorie opponuntur. Disparata vero per negationem aliorum oppositorum sic definitur. Disparata sunt repugnantia, quæ nec relatiue, nec contradictorie opponuntur, ut homo, equus, lapis & ferrum.

CAPVT VNDECIMVM

De modis priorum.



Prius quippiam alio quatuor dicitur modis. **Primo quidem** & proprijsse me, tempore, quo pacto quippiam antiquius aliquo & vetustius dici solet, quia namq; pluris est temporis, ideo antiquius atq; vetustius dicitur. **Secundo vero** id, quod non conuertitur essendi consequentia, quo pacto vnum duob. est prius: nam si sint duo & vnum continuo sequitur esse: at si vnum sit, non necessario sequitur duo esse. Quare hoc posito, non conuertitur consequentia, ut illud sit. Prius autem id esse videtur, quod essendi consequentia non conuertitur. Tertio modo, ordine quodam dicitur prius

ut in scientijs atq; orationibus intueri licet. In demonstratiuis enim scientijs, prius est nimirum atq; posterius ordine: elementa namq; designationibus ordine priora sunt: quippe cum principia priora sint ordine conclusionibus contemplandis; & in Grammatica syllabis priora sunt elementa, in orationibus etiam exordium simili modo narrationem ordine antecedit. Præterea id quod est præstabilius, honorabilius & prius natura esse videtur. Vulgus etiam eos, qui sunt honorabiliores, quosq; magis amant vocare priores consueverunt; quanquam hic modus pene omnium alienissimus esse videtur. Tot igitur sunt modi, prioris qui dici solent. Videbitur autem & vltimam diſſos, alius quidam esse prioris modus eorum enim, quæ essendi consequentia conuertuntur, alterum quod est causa quouis nolo ut alterum sit, prius natura non incongrue dici potest. Atq; esse quæ iam talia patet. Esse enim hominem, ad orationem de ipso veram essendi consequentia sane conuertitur, nam si sit homo, vera est ea oratio, qua homo dicitur esse: & contra homo profecto est, si vera est ea oratio, qua hominem dicimus esse. Atque oratio quidem vera, ut res sit, nullo pacto est causa: res tamen aliqua ex parte, ut sit oratio vera causa esse videtur. Ex eo namque quia res est, aut non est, oratio vera dicitur, aut falsa. Quare sit, ut quinque modis ipsum prius dicatur, ut patet.

Hoc capite explicat Arist. modos quibus aliud alio prius esse dicitur, non autem tradit modos posteriores, quoniam prius & posterius correlatiua sunt, quorum vnum altero cognito facile intelligitur. Quod enim modis dicitur vnum oppositorium, tot dicitur & alterum. Primus qui & aptissimus modus est, quo aliud alio prius tempore esse dicitur, quo pacto dicimus Adamum fuisse priorem ceteris hominibus.

Secundo vero) Secundus modus prioris est, quo aliquid dicitur prius alio existendi convenientia, hoc est, quod ita est affectum ad aliud, vt ab eo inferatur secundum existendi convenientiam, non tamen inferat illud, quo pacto superius suo inferiori prius esse dicitur, vt animal homine. Nam si homo est, animal est profecto, non tamen si animal est, necesse est hominem esse. Hoc eodem modo vnum duobus, & duobus tribus priora esse dicimus. Etenim si duo sint, continuo sequitur vnum esse: vnum autem si sit, non necesse est esse duo, atque ita in ceteris.

Tertio modo) Tertius modus est, quo aliquid dicitur prius ordine: non quomodo, quicquid enim prius est ordine, alioque prius est) sed ordine cognitionis & doctrinae, quo pacto in Mathematica priora sunt elementa id est definitiones, & principia, quam conclusiones demonstrationis.

Præterea id) Quartus modus est, quo aliquid dicitur prius dignitate & præstan-

tia, aut secundum naturam, quo pacto dicimus solem esse luna priorem, aut ex hominum opinione, quo pacto solent plerique eos, qui apud ipsos sunt in nomine & gloria, quosque plures faciunt, priores appellare. Verum hic modus fere omnium alienissimus, Aristoteli videtur: aut quia non nunquam ex horum arbitrio pendet, aut quia non est adeo usurpatus, vt digniora, priora nuncupentur.

Videbitur autem) Adiungit quantum modum, quo illud dicitur esse prius, quod est causa eius, cum duo existendi consequentia reciprocatur, quo positio subiecta omnia suis proprietatibus priora esse dicuntur, vt homo risibili, eodem modo id quod significatur vera oratione prius est ea ipsa oratione, quia significatur. Quanquam enim utrique valeat consequutio, vt si res ita habet, oratio sit vera & contraria, tamen res significata causa est vt oratio sit vera, causa inquam vt exemplar, (quæ ab Aristote. 2. phys. ad formalem causam reuocatur) Non res significata est, quasi exemplar, cuius imitatione oratio vera, tanquam similitudo quædam, ac simulacrum rei significatæ sese accommodat. Hunc modum appellat Arist. prius natura, si qui vero alij fuerint, de quibus Arist. 5. Metaph. lib. e. 11. latius disputat, ad hos facile reuocabuntur, qui vero hoc loco traduntur, hoc disticho continentur. (Tempore, natura, prius, ordine hic, & honore.

Causam causato dicimus esse prius.



CAPVT DVODECIMVM

De Modis Simul.



Simul autem ea simpliciter proprijs: neq; dicuntur, quorum generatio est tempore in eodem, neutrum enim ipsorum prius, aut posterius est. Atq; hæc tempore simul dicuntur. Natura vero ea dicuntur simul, quæ essendi quidem consequentia cum cōuertantur: neutrum tamen ut sit alterum, causa est: ut in duplo dimidioq; intueri licet; hæc enim non conuertuntur. Nam si duplum est, dimidium est, & si dimidium est, duplum est: neutrum tamen est causa ut alterum sit. Ea præterea quæ eiusdem generis, diuisione sibi opponuntur, simul esse dicuntur natura. Dicuntur autem eiusdem generis diuisione opposita sibi, quæ in eadem sunt diuisione; qualia sunt volatile, griffibile, atq; in aquis ægens; Hæc enim sub eodem genere contra se sunt diuisa: quippe cum animal in hæc, ut patet, distribuatur, nihilq; horum aut posterius sit, sed natura talia esse videantur. Dinidi etiam vnumquodq; talium in species rursus potest, ut volatile, terrestre, aquaticum. Erunt igitur & ipsa simul natura, quæ sub eodem genere collocata, in eadem sunt diuisione. Genus tamen specie prius est semper, non enim in consequentia fit ab illo conuersio. Nam si volatile est, animal est, animal est, at si animal est, non necesse est volatile esse. Simul igitur dicuntur natura, ea quæ in essendi quidem consequentia conuertuntur. Nullo tamen pacto alterum causa est, ut alterum sit: & ea, quæ sub eodem genere collocata, conera sese sunt diuisa. Absolute autem simul sunt, ea quorum generatio eodem in tempore est, ut prius est dictum.

Hoc capite traduntur tres modi, quibus aliqua simul esse dicuntur. Primus, & maxime proprius est, quo aliqua dicuntur esse simul tempore, qui in tres diuidi potest. Simul enim aliqua incipiunt ac desinunt in eodem tempore, ut subiectum & eius proprietates. Simul eodem tempore incipiunt, & si alterum diutius existat, ut gemini fratres. Tandem in aliqua temporis portione simul existit, cū nec simul inceperint nec desierint, quo pacto dicimus Arist. & Plato. fuisse simul. Quanquam vero Aristot. solum expresse meminerit secundum modi, voluit nihilominus, ceteros ad hunc modum esse referendos.

Natura vero Tradit duos alios modos quibus aliqua dicuntur esse simul natura, prior est, quo illa dicuntur simul esse natu-

ra, quæ reciprocantur, secundum existendi conuenientiam, & neutrum est causa alterius, quo pacto c. de relatione diximus, relata secundum esse, esse simul natura. Posterior est, quo ea dicuntur esse simul natura, quæ sunt inembra diuidentia eiusdem generis, ut homo & belua. Dicuntur autem hæc simul natura: quia ex æquo participant naturam diuisi: Licet enim secundum suas speciales rationes, vnum possit esse prius natura altero, ut binarius, quaternarius, aut homo quam belua; participatione tamē sui generis non est corū alterum prius altero. Hi vero tres modi his versib. continentur (Tempore dico simul quorū generatio nūc est.)

Quæ conuertuntur dicimus esse simul. Sūtq; simul species genus vñ cōdiuidētes At generis causa non ratione sui.

CAPVT DECIMVM TERTIVM

De Speciebus Motus.




*M*otus species sunt sex: generatio, corruptio, accretio, decre-
tio, alteratio, & ea mutatio, quæ loco accommodatur. At-
qui ceteri quidem motus, ut patet, diversi sunt; non enim
corruptio est generatio, neque accretio est decretio: neque
ea mutatio, quæ loco accommodatur: ceteriq; motus simi-
liter. De alteratione vero dubitatio quædam existit, ne for-
sit non necessarium sit id, quod alteratur, aliquo reliquorum
motuum alterari, nullo motuum ceterorum communican-
te, neq; enim incrementia, neque decrementia suscipere ne-
cesse est, id quod passione movetur. Et simili in ceteris modo, quare alteratio diver-
sus est a cæteris motus, nam si esset idem continuo id, quod alteratur, crescere, aut
decrescere, aut aliquo alio moveri ceterorum motuum oporteret, at non est profecto
necessarium. Similiter & id, quod augetur, aut aliquo alio motu movetur, alterari
oportet. At sunt quædam, quæ augentur, non alterantur autem, quadratum enim
gnomone circumposito crevit quidem, at non est alteratum; similiter & ceteris in re-
bus huiusmodi fit. Quare diversi sunt hi motus omnes, ut diximus. Simpliciter autem
motus quidem contrarius quieti est, singulis autem singuli aduersantur, generationi
quidem corruptio, accretioni vero decretio & mutationi accommodata loco, quies in
loco, & maxime ut videtur ea mutatio, qua contrarium ad locum itur, ut in motui.
quo sursum itur is motus quo deorsum itur, & de conuerso opponitur. At reliquo af-
signatorum motuum quid nam contrarium sit, non est facile assignare. Nihil autem
ipsi contrarium esse videtur, nisi quispiam & in hoc quietem in qualitate dicat op-
poni ei mutationi, quæ ad qualitatem est oppositam, mutationemq; eam, quæ est ad
qualitatem contrariam: perinde atque in mutatione loco accommodata quietem in
loco & mutationem, qua ad contrarium locum itur, contraria diximus esse. Altera-
tionem namque mutationem esse in qualitate, constat. Quare motui in qualitate,
quies in qualitate opponitur, aut ea mutatio, qua ad qualitatem contrariam itur;
quo pucto album quippiam fieri, & nigrum quippiam fieri, inter se opponuntur.
Alterantur enim hæc atque in qualitatis contrarios terminos mutatio fit.

T Radit hoc cap. sex species motus, id est, sex membra diuidentia mutationum. Sumitur autem hoc loco species pro membro diuidente motus, aut pro quacunque mutatione, siue in substantia rei, cuiusmodi sunt generatio & corruptio, siue in quantitate, vt accretio & decretio, siue in qualitate, vt alteratio, siue in prædicamento Vbi, quod dicitur loci mutatio.

Atque cæteri quidam:) Docet has motus species esse inter se diuerfas, idque patere in omnibus motibus præterquam in alteratione. Fuerunt enim quidam Philosophi: qui alterationem a cæteris motibus nõ distinguiebant. Idcirco immoratur Aristoteles aliquantulum in eius sententiæ impugnatione, multo accuratius dicturus ea de re 1. & 2. de generat. Ostendit itaque duabus rationibus alterationem a cæteris motibus distingui. Prior est, si alteratio esset eadem, cum cæteris motibus quicquid alteraretur oporteret moueri aliquo aliorum motuum sed hoc non requiritur; igitur nec illud. Minorem probat, quoniam secundum omnes fere quantitates tertie speciei, quas hic vocat passionem, potest quispiam alterari, cum nullo cæterorum motuum moueatur; Dixit, (fere) quoniam interdum cum alterationibus sunt coniunctæ generationes, & corruptiones.

Similiter & id) posterior ratio est, si alteratio esset eadem cum cæteris motibus, quicquid accresceret alteraretur; sed quedam accrescunt, & non alterantur; Ergo alteratio non est eadem cum cæteris motibus. Minorem probat. Nam quadratum addito gnomone augetur apud Mathematicos, & tamen non alteratur, cum non mutetur figura, tunc enim dicunt Mathematici figuram augeri, cum fit maior, tunc vero alterari, cum mutatur in aliam figuram. Cæterum hoc exemplum non pertinet ad accretionem proprie dictam: quæ in solis viuentibus reperitur per conuersionem elementum in substan-

tiam alimenti: eo tamen vsus est Aristoteles. quoniam veteres quidem existimabant accretionem fieri per solam, iuxta positionem. Vnde colliges Aristoteles in hoc lib. admodum populariter loqui. Quadratum est figura constans quatuor lateribus æqualibus rectos angulos constituentibus; gnomon vero est supplementum, quod ita additur lateribus quadrati, vt figura quadrati non mutetur, sed maneat æquilateralum, vt apparet in subscripta figura.



Simpliciter autem) docuit numerum, & distinctionem partium subiectarum motus: docet nunc motus in communi contrariam esse quietem, motibus autem specialibus tum speciales quietes, tum speciales motus esse contrarios. Quo loco aduerte, quietem esse priuationem motus, & ex consequenti non esse proprie contrarium motui, sed minus proprie, quo pacto priuatiue opposita interdum contraria appellantur. Animaduerte deinde omnem motum esse inter duos terminos, quorum alter dicitur (a quo), alter dicitur (terminus ad quem). Animaduerte tertio non quamuis quietem esse motui contrariam, sed cum, quæ mobile quiescit in termino a quo, vt eam, quæ lapidis quiescit in terra, contrariam esse motui, quo lapis sursum pellitur. Postremo aduerte, eos motus esse contrarios, quorum termini ad quos sunt contrarij, Phisice, & late accepto contrariorum nomine. Hoc modo generatio contraria est corruptioni, & accretio, decretioni, frige factio, calefactio, & motus sursum, motui deorsum.

CAPVT DECIMVMQVARTVM

De Modis Habere.



*H*abere pluribus modis, aut vt habitum dispositionemque vel aliquam aliam qualitatem dicitur: scientiam enim habere aliquam dicimur, & virtutem aut vt quantum, velut eam, quam quisque magnitudinem habet: nam cubitorum trium vel quatuor habere magnitudinem: dicitur: aut, vt ea qua circa corpus ponuntur, vt vestem, tunicam, & gladium & similia, aut in parte, velut in manu anulum, aut vt partem, vt manum vel pedem; aut vt in vase, vt modium habere triticum dicimus, aut dolium vinum: hac enim habere vt in vase dicuntur; aut possessionem: habere enim dicimur domum, fundum vè. Dicitur & vir uxorem & vxor virum habere, qui quidem remotissimus omnium habendi modus esse videtur. Nihil enim aliud dicendo virum habere uxorem significamus, quam virum vna cum uxore habitare. Forsitan & alij quidem habendi modi esse videbuntur: sed qui dici solent, omnes fere sunt nunc à nobis enumerati.

VT vocabulum habendi explicet octo eius significationes tradit, quarum solum tertia & quarta ad vltimum Prædicamentum spectant. Nam reliquæ signifi-

cationes ad alias categorias pertinent. De his habendi significationibus, plura sunt apud Aristot. 5. Metaphysic. cap. 10. & 23.

Prædicamentorum Libri Finis.



COMMENTARI

IN PRIMVM LIBRVM

DE INTERPRETATIONE.



CVM Aristo. in libris Dialecticæ, qui ad nos perueniunt de sola argumentatione simpliciter differat: eius autem partes minimæ, quæ sunt notiones simplices in superiori libro sint explicatæ, consequens est, vt in hoc lib. qui apud Græcos vnus est & a Latinis in duos diuisus, de maioribus partibus, quæ sunt enunciationes simplices, agendum sit. Vnde perspicuum est subiectum huius lib. esse enunciationem simplicem, quam vocant categoriam; cuius partes subiectæ sunt affirmatio & negatio; passio vero quæ demonstrari potest, posse alteri opponi oppositione complexa.

Hinc potest colligi secundo loco; Arist. seruasse tum naturæ, tum doctrinæ ordinem; cum a lib. Prædicamentorum per hunc librum ad libros priorum fecerit transitum; Progressus est enim a minimis per maiora, ad maiora vsque, qui ordo in naturæ operibus seruari solet, explicauitque; enunciationem post voces simplices, & ante syllogismum simplicem; quoniam nec enunciatio simplex sine vocibus simplicibus, nec syllogismus simplex sine enunciatione simplici accurate cognosci poterat.

Inscriptio horum lib. hæc est; [perihermenias,] id est, [de interpretatione.] Sed non satis conuenit inter interpretes quid nomine [interpretationis] intelligat Arist. Et quidem sententia Boetij, interpretatio est vox articulata aliquid significans ex instituto, siue complexa sit siue incomplexa. Vnde fit, vt nec voces naturales hominum & brutorum, vt gemitus & boatus, quoniam non sunt articulatæ, nec voces articulatæ,

quæ ad significandam non sunt impositæ, vt blatri, nec categoriæ, quæ per se non significant aliquam, nec coniunctiones interpretationis nomine censenda sint, sed reliquæ voces siue simplices sint, vt nomen & verbum, siue coniuncta, vt oratio.

Cæterum, quoniam voces simplices potius sunt partes orationis interpretantis quam interpretationis, multo probabilius est id, quod ammonius quem Albert. magnus & d. Thom. secuti sunt, hoc loco asserit; Putat enim interpretationem esse solam enunciationem simplicem, quippe cum hæc sola significet, verum & falsum; simpliciter ac proprie. Dicendum est igitur inscriptos fuisse lib. de Interpretatione, quasi de enunciatione simplici, de qua vt de subiecto in his libris disputatur.

Quod si quis obieciat, orationem optatiuam, vocatiuam, interrogatiuam & imperatiuam esse mentis interpretes, cum explacent perfectam sententiam eius, qui loquitur, & præterea nomine interpretationis esse comprehendendas. Occurrendum est tales orationes potius affectus appetitus, quam conceptionem intellectus interpretari. Vnde fit, vt ad Logicam non pertineant. Sed quoniam Arist. de ea solum interpretatione disputat hoc loco, quæ ad Syllogismum simplicem conducitur; efficitur, vt non in interpretationis sola simplex enunciatio sit intelligenda.

Diuiditur autem huiusmodi opus in præfatiunculam; quæ paucis verbis continetur, in qua proponit nonnulla eorum, de quibus est acturus, & in ipsam tractationem, in qua singula persequitur, & alia multa plura.

C A P V T P R I M V M

D E S I G N I S .



Primo definire oportet, quidnam sit nomen & quid verbum: deinde, quid affirmatio & negatio, quid enunciatio & oratio: Ex igitur quæ in voce versantur, signa sunt affectuum, qui in anima sunt: & ea, quæ scribuntur, nota sunt eorum, quæ in voce versantur. Atque uti non eadem sunt apud omnes homines literæ, sic, neque voces eadem sunt; affectus autem, quorum hæc signa sunt,

primo apud omnes homines idem sunt; res quoque quarum hæc similitudines sunt, easdem itidem esse constat; verum de ijs in libro de Anima dictum est, alterius enim sunt negotij. Quemadmodum autem in anima conceptus interdum sine veritate falsitateve est, interdum verotalis, ut alteram horum ei competat necessario, sic & in voce esse videtur; nam verum & falsum in compositione diuisioneque consistit. Igitur nomina ipsa, verbaque ei conceptus, qui sine compositione diuisioneque est, similia sunt: velut hoc nomen alium, vel homo, cum nihil additur ipsi, nondum enim verum est aut falsum. Cuius quidem hoc indicium est; bi ppo centaurus enim aliquid quidem significat: at nondum verum est aut falsum, nisi esse aut non esse additum, aut simpliciter aut respectu temporis fuerit.

AIT Aristot. in hac tractatione se Geometrarum more antequam proprietates enunciationis pertractet, positurum de finitionem, verbi, nominis, negationis, affirmationis, enunciationis & orationis, ex quarum definitionum suppositione cetera sunt ostendenda. Ceterum dubitabit aliquis, cur Aristot. hic velit agere de nomine, & verbo, quæ sunt voces simplices cum superiori libro de his vocibus simplicibus disputauerit. Cui dubitationi occurrendum est, voces simplices tribus modis considerari posse; primo ut significant res simplices, deinde ut sunt partes enunciationis simplicis, tertio ut sumuntur in syllogismo tanquam maior, minorve extrematas, aut medius terminus; in precedentibus actum est de vocibus simplicibus primo modo spectatis, quo pacto solam vocum simplicium appellationem sortiuntur, hic a. de iisdem secundo modo sumptis, disputatur: qua ratione solam nominis, & verbi appellationem accipiunt; denique in libris priorum de iisdem tertio modo acceptis discutendum est, sub terminorum appellatione.

Ea igitur quæ J Aggreditur ipsam tractationem. Sed quia definieturus est nomen & verbum, & orationem per vocem significatiuam ex instituto: idcirco tria supponit hoc capite: quæ pertinent ad vocum significationem explicandam. primum est cuiusmodi. Voces immediate significare affectus animi, idest, conceptus: scripta autem immediate significare voces ipsas. Hoc documentum pertinet ad explicandum ordinem, quem voces & scripta seruant, in significandis rebus, rerumque conceptibus. Quod ut planius intelligas aduertere, quatuor esse hic consideranda, res, conceptus, voces & scripta. Res sunt, quæ significantur, conceptus autem sunt naturales similitudines rerum, quibus ipse significatur, sed quoniam homines non possunt in societate aliorum viuere, nisi sua cogitata ijs, qui viuunt interpretentur: idcirco datæ sunt a natura voces, facultasque ad vocabula pingenda, quibus quisque suos conceptus alijs significet, sed quia homines non solum cum præsentibus, sed cum absentibus & futuris communicare suas conceptio-

nes

net volunt : quod vocibus fieri non potest : inuenta sunt scripta quibus & voces & conceptiones significantur. Ex quibus intelliges : eum esse ordinem in significatione conceptuum, vocum & scripturarum : ut conceptus res ipsas immediate significant : voces autem , quia inuenta sunt ad significandas res, vt apprehenduntur conceptibus, significant res interuenientibus conceptibus in dicendo videlicet , quem conceptum de re per vocem significationem habeat , aut habere debuerit is , qui vocem protulit , scripta denique quia inuenta sunt , vt loco vocum res significant , immediate voces significant , mediate conceptus , ac tandem res ipsas .

Aduertendum est deinde : voces non ita significant conceptus : vt conceptus ipsi sint præcipua vocum significatione , pro quibus voces prolata accipiuntur . Cum enim dico , homo est albus , non est sensus , quod conceptus hominis , sit conceptus albedinis : esset enim propositio falsa : sed quod res apprehensa per conceptum hominis , sit res apprehensa per conceptum albi : Dicuntur igitur significant conceptus , quia significant res tanquam præcipua significatione insiunt conceptus , significamus enim vocibus res , secundum quid ipsas concipimus .

Atque uti non eadem] Secundo loco supponit voces & scripta non esse eadem apud omnes ; conceptus vero eisdem esse , vt res quæ concipiuntur . Quo loco aduerte cum voces , & scripta possint naturaliter accipi : vt res quædam sunt de Prædicamēto . Quæ litatis , cum formaliter , vt habent relationem significationis , Aristoteli non negare voces & scripta materialiter sumpta esse eadem apud omnes , id est , eandem ubique naturam retinere : cum id paulo post rebus affirmabitur , sed solum negare voces et scripta , formaliter sumpta , siue vt significationes sunt esse eadem : quasi dixerit ; voces & scripta non eandem naturam omnibus significare , verbi causa , hæc vox , homo , apud Latinos significat naturam humanam , at apud alias nationes aut nihil significat , aut aliquid longe diuersum , quod in conceptibus longe aliter accidit , vnus enim & idem conceptus idem omnibus significat .

Sed dicat aliquis : Si Astrologus & rusticus solem concipiunt , conceptus vtriusque idem est : at non eandem rem significant ;

Conceptus enim Astrologi de sole repræsentat illi solem maiorem tota terra : rustici vero parum cuiusdam magnitudinis ; Vnus igitur conceptus non eandem rem omnino significat . Ad hoc argumentum neganda est maior , nec enim Astrologus & rusticus eundem conceptum formant de sole , sed potius diuersos : cum non eodem modo solem concipiant . Diuersi autem conceptus de eadem re habiti , non idem significant omnibus : at vero unus idemque conceptus , vt ille , quem Astrologus de sole format idem omnibus significat : Si enim conceptus aliquis in cuiusvis mente ponatur siue græci , siue Latini , siue cuiusvis alterius , idem omnibus significabit . Nam imago & similitudo alicuius rei , vbiunque sit suapte natura significat & repræsentat rem , cuius est imago & similitudo : Vnde conceptus quem rusticus efficit , si poneretur in mente Astrologi , significaret illi solem parum cuiusdam magnitudinis : contra vero si conceptus , quem Astrologus formauit poneretur in mente rustici , significaret illi solem tota terra maiorem , quod tamen in vocibus & scriptis aliter contingit : Vna enim & eadem vox ab hominibus diuersarum nationum audita , uni quidem rem aliquam significat : alij vero vel omnino nihil , vel aliquid longe diuersum , quod casu aliquo contingit , vt idem vocabulum apud diuersas nationes ad eandem rem significandam impositum sit , tamen nullum omnino reperietur , quod omnibus nationibus idem significet . Ex dictis autem posteriori licet colligere diuersum esse modum significanti vocum scripturarum , & conceptuum : hoc est , conceptus significare naturaliter : voces autem & scripta non nisi ex instituto : Quæ enim suapte natura non significant , sed ex hominum arbitrio , sit , vt non significant idem omnibus . Hoc loco aduerte Aristoteli . cum negat voces esse eadem apud omnes non agere , de quibusdam vocibus naturaliter significantibus vt sunt , gemitus : solum enim agit hoc loco de signis , quæ in doctrina , scientiæque vsu pantur , cuiusmodi non sunt voces , quæ naturaliter significant .

Quænam modum autem] Secundum quod supponit huiusmodi est . Vt quidam conceptus sint veritatis , & falsitatis expertes : quidam autem veri ac falsi , sic etiam quædam esse voces , quæ veritatem , falsitatemque non signifi-

significant, alias uero quę significant verum & falsum. Cum enim uoces sint signa conceptum, vt in prima suppositione dictum est: quemadmodum conceptus se habuerit ad veritatem & falsitatem significantem: ita etiam necesse est uoces ipsas, quę conceptibus respondent se habere. Hoc documetur eo spectat, vt intelligamus doctrinam significanti vocum. Nomen enim & verbū, non significant uerum aut falsum: tota uero complexio ex nomine & uerbo significant uerum & falsum.

Nam uerum est falsum.] Ostendit quid sint conceptus, qui ueritatem aut falsitatem significant, & qui non significant: vt inde doceat, quæ uoces uerum, aut falsum significant, & quæ non significant. docet igitur illos conceptus, in quibus cernitur compositio, aut diuisio significare uerum aut falsum. Cum autem in conceptibus, qui spectant ad ipsam operationem intellectus, non sit compositio aut diuisio: in ijs etiam ueritas aut falsitas non erit. Per compositionem intellige propositionem mentalem affirmantem: quia cum aliquid de aliquo affirmamus, prædicatum cum subiecto coniungimus: per diuisionem autem intellige propositionem mentalem negantem: quia in propositione negante prædicamentum separatur & quodammodo diuiditur a subiecto. Huiusmodi autem compositio & diuisio ad secundam intellectus operationem spectant, nec ijs obstat, quod Aristot. lib. 3. de anima, omnem secundam operationem intellectus dixit esse compositionem, accepit enim eo loco compositionem pro complexione prædicati, ac subiecti, siue prædicatum affirmetur de subiecto, siue negetur.

Ipsa igitur nomina.] Colligi ex dictis nomine & uerba & ceteras uoces simplices careere ueritate, & falsitate, respondent enim conceptibus simplicibus, in quibus compositio & diuisio, & ex consequenti, ueritas & falsitas non reperitur. Vnde etiam colligitur: affirmationes & negationes uocales significare uerum & falsum, quia respondent compositionibus & diuisionibus mentalibus, in quibus ueritas aut falsitas cernitur: Quo loco aduertendum est primo ueritatem nihil aliud esse, quam conformitatem rei conceptæ ad intellectum concipientem, aut contra intellectus ad rem. Cum enim conceptio, per quam res intelligitur, sit natura

lis quædam similitudo & imago ipsius: si inter imaginem illam, similitudinemque (scilicet quod idem est) inter intellectum, vt habet illam imaginem & rem, cuius est ipsa imago, fuerit conformitas, & adæquatio, conformitas illa dicetur ueritas: e contra uero difformitas, quæ plerumque reperitur inter rem & intellectum dicitur falsitas. Aduerte secundo ueritatem ac falsitatem hoc modo sumptam, vt etiam docet hoc loco D. Thom. reperiri non solum in conceptione, in qua cernitur compositio aut diuisio: uerum etiam in conceptione simpliciter. Quemadmodum enim illi conceptus, in quibus compositio & diuisio cernitur, conformes sunt, aut difformes rebus, sic etiam illi, quibus res simplices apprehenduntur. Ea autem ueritas, quæ in conceptibus simplicibus reperitur, appellatur incomplexa, quæ uero cernitur in compositione & diuisione, dicitur ueritas complexa, de qua solum Aristot. locutus est hoc loco, cum dixit, [ueritatem & falsitatem in sola compositione & diuisione reperiri.] Locutus est autem de hac ueritate solum: tum, quia huiusmodi ueritas est, quæ in scientijs omnibus & disciplinis quaeritur, unde etiam inferius per eam. Enunciationem definit: tum uero, quia ab hac sola denominatur intellectus, tanquam iudicis uerum. Magis aut proprie intellectus dicitur uerus, quia indicat uerum: quam quia intelligit, aut apprehendit uerum.

Cuius quidem] probat argumento a maiori, nomina & uerba non significant uerum aut falsum: quia si uox aliqua simplex significaret aliquid uerum aut falsum, maxime esset hæc, hippocentaurus, tum quia compositæ figuræ est: tum quia rem hęcitiā, atque adeo falsam significat: sed hæc, nisi uerbum addatur non significaret uerum aut falsum; Ergo nulla uox simplex uerum aut falsum significat. Cum autem ait, [esse aut non esse, aut simpliciter & respectu temporis,] intellige quod uis uerbum siue sit, affirmatum, aut siue negatum, aut in tempore præfenti quod Aristot. simpliciter uerbum appellat, aut in tempore præterito aut futuro, quod casum uerbi, potius quam uerbum uocat, vt inferius patebit.

CAPVT SECVNDVM

DE NOMINE.



Nomen igitur vox est significatiua, ex instituto sine tempore, cuius nulla pars significat separata; nam hoc in nomine equiferus, nihil per se ipsum equus significat: sicut hac in oratione equus est ferus, Verum non ut simplicibus nominibus, sic & in compositis est; in illis enim nullo pacto pars est significatiua, in compositis vero videtur quidem: nihil tamen separat a significato, ut in exemplo patet antea dicto. Ex instituto autem diximus, quia nullum nomen est signum naturae, sed cum est positum. Nam significant & y soni, qui scribi non possunt ut bestiarum, quorum nullum est nomen. Hoc autem, non homo, non dico esse nomen: ac neque nomen est positum, quo ipsum appellare oportet. Neque enim est oratio, neque negatio, sed infinitum nomen vocetur; quoniam & quod in ratione rerum est, & quod non est, sine discrimine nullo significet. Hoc etiam Philonis, aut Philoni, & huius similia non sunt, sed nominis casus. Atque ratio eius cetera quidem est eadem, illo autem differt; quoniam si vel Est, vel Erat, vel Eris addideris, nihil neque verum neque falsum euadit; at in nomine euadit semper, ut Philonis est aut non est, non idem enim hac verum aut falsum dicit.

AC.T.V.R.V.S Arist. de enunciatione, quae huius lib. de subiectum est: primo differt de nomine & verbo, ex quibus enuntiatio componitur. Prius autem de nomine agit quam de verbo: quia nomen, respectu verbi, in enunciatione se habet, veluti materia respectu formae: materia autem prius est forma. Caput hoc tres habet partes; in prima definit nomen, in secunda definitionis aliquot particulas declarat, in tertia, rejicit aliqua a definitione nominis: quibus tamen proposita definitio poterat accommodari: nisi aliquid aliud adderetur. primo igitur nomen definit hoc pacto. [Nomen est vox significatiua ex instituto sine tempore, cuius nulla pars significat separata.] In qua definitione loco generis positum [vox,] ut placet D. Thomae: quia particula quam plurima excludimus a ratione nominis, ut sonos: qui ab inanimis corporibus redduntur: non sunt enim voces: excludimus praeterea nomina mentalia & scripta: de quibus non agit Aristoteles. quod non perinde deseruiant Dialecticis; ac nomina vocalia: est enim Dialectica ars discernendi,

quod munus uocibus maxime praestamus.

Significatiua] Per hanc particulam, quae secunda est in definitione rejiciuntur voces non significantes, ut blitri; rejiciuntur etiam voces æquiuocae, quia significatiua debet accipi, pro voce uniuoca, seu rationis simpliciter unam significante, voces autem sine casu æquiuocae, siue analogae non significant rationem aliquam simpliciter unam, quanquam voces analogae, quibus in merito unus conceptus formalis ridet, quoquomodo ad hanc definitionem reuocari possint. Per particulam vero ex instituto, quae tertia est in definitione, rejiciuntur voces, quae naturaliter significant, ut risus, qui significat gaudium, & gemitus, qui significat dolorem.

Sine tempore] Haec est quarta particula definitionis, qua nomen a verbo distinguitur. Haec enim exposita, communes sunt nomini & verbo. Quo loco notandum est aliud esse significare tempus; aliud significare cum tempore, significare tempus est tempus aliquod, aut aliquam temporis differentiationem, praesentis, scilicet praeteriti aut

futuri.

futuri ex primaria significatione explicare. quo pacto, annus, dies, prateritum, futurum &c. dicuntur significare tempus. Significare autem cum tempore est prater precipuum significatum certam alicuius temporis differentiam, prateritum, scilicet prateritis aut futuri, ut talia sunt indicare, quo pacto, valet, valuit aut valebit, dicuntur significare: cum tempore: significant enim valetudinem in tali tempore. Quamvis igitur multa nomina significant tempus, ut annus, dies, hora &c. omnia, tamen significant suae tempore. Quare per hanc particulam nullum eorum nominum rejicimus, sed tantum verba, participia, & orationes, quae constant verbo aut participio, quae omnia significant cum tempore.

Cuius nulla pars. Haec est vltima particula huius definitionis: quia nomen ab his orationibus coniungitur, quae verbo carent aut participio. Nam ceterae per praecedentem particulam reiectae sunt. Quo loco adverte, cum Aristoteles dicit (nullam nominis partem per se significare separatim): non ita esse intelligendum: quasi nulla pars nominis, si a toto separatur aliquid significet; (patet enim, id esse falsum, in nominibus compositis figuris ut in republica & equifero. Nam vox, (equus,) separata ab hoc nomine (equiferus,) significat equum) sed vult dicere nullam partem separatam significare, hoc est, per se spectatam: in ipso tamen composito, seu ut pars est, quod tamen in orationibus aliter evenit. Nam (albus,) in hac ratione (homo albus,) per se etiam spectata in ipso toto aliquid significat. Itaque partes orationis dicuntur separatim significare, quia quatenus partes sunt ita significant, ut totius orationis significatio conficiatur, ex significationibus partium, quod in nominibus minime cernitur; nec enim significatio huius nominis (dominus,) aut (equiferus) constituitur ex partium significatione.

Nam in hoc nomine) haec est secunda pars huius capitis, in qua duas particulas positas in definitione nominis declarat, tertiam scilicet & vltimam: Dux enim prioris primo c. expozita sunt: quarta autem in sequens caput reservatur. Postremam igitur particulam declarat primo, probans argumento a maiori, partes nominis separatas non significare, quia si aliquid esset nomen, cuius partes significant separatim, maxime

esset nomen compositae figurae, ut, verbi gratia equiferus, sed huius nulla pars significat separatim, cum enim dico equiferus. Particula (ferus) in hi per se significat, quae admodum significat in hac oratione equus & ferus, ergo nullum est nomen, cuius aliqua pars significet separatim. Docet tamen nomina compositae figurae eo differre a ceteris, quod horum partes non significant, nec videntur significare, aliorum vero, quae non sunt omnino simplicia, non significant quidem, sed significare videntur. Cuius ratio est: quia cum ex duabus dictionibus sit nomen compositae figurae, haberi solet ratio significationis, quam habeant partes, antequam fieret ex illis unum nomen: Verbi gratia qui imposuerunt hoc nomen, armiger, significans gerentem arma, propterea potius ex his duabus vocibus, gerens & arma,] composuerunt illud nomen, quam ex alijs, quia illae duae voces illud idem significabant non coniunctae. Quia ergo nomina compositae figurae fieri solent ex nominibus quae aliud idem significabant, propterea eius partes videntur significare separatim, cum tamen reuera non significant.

Ex instituto autem] Tertiam definitionis particulam declarat: nomina scilicet ex instituto significare. Fuerunt enim inter veteres nonnulli, qui nomina a natura significare crederent, ut patet ex eo dialogo Platonis, qui Cratylus inscribitur, contra quos sic Aristoteles argumentatur, Vox quae non significat aliquid, nisi quo imponitur ad significandum, non naturaliter sed ex instituto significat; sed nullum nomen quia nomen est, significat aliquid, nisi quo imponitur ad illud significandum, ut patet in sonis bestiarum, qui quamvis significant naturaliter, tamen quia non sunt impositi ad significandum non dicuntur nomina: ergo nullum nomen, quia nomen est, significat naturaliter, sed tantum ex instituto.

Hoc autem non homo] Haec est tertia pars cap. in qua Aristoteles nonnulla rejicit a definitione nominis, quibus tamen explicata nominis definitio convenire videbatur. Primum igitur rejicit nomina infinita a definitione nominis. Sunt autem nomina infinita voces quaedam, quae ex aliquo nomine & particula negante componuntur, ut non homo, non lapis: quae cum non sint orationes aut negationes, sunt enim incomplexae

nec item simpliciter nomina: Aristot. nomina infinita, hoc est; neque definita, nec certa vocanda esse, quia dicuntur & de ijs, quæ sunt, & de ijs, quæ non sunt. Non homo enim dicitur, tam de veris, quam de fictis rebus, etenim bestia est non homo & chimæra est non homo. A quæte autem hoc loco duo requiruntur, ut aliquod vocabulum sit nomen infinitum, alterum ut ex modo ipso significandi negative significet; alterum, ut dicatur de his quæ sunt, & de his, quæ non sunt, quæ duo in hac voce non homo reperiuntur. Habet enim modum significandi negativum, ut patet, & dicitur de his, quæ sunt, & de his, quæ non sunt. Hinc colliges primo nomina, quæ super transcendentia dicuntur, ut opinabile, imaginabile non esse infinita, quia licet dicuntur de his, quæ sunt, & de his, quæ non sunt, non tamen habent modum significandi negativum, sed potius positivum. Secundo colliges, nomina transcendentia, ut ens bonum &cæ. non posse reddi infinita, quia quævis significet negative, tamen non possunt dici, nisi solum de rebus fictis. Si enim enti negatio nem addas, & dicas non ens, vox illa solum de non entibus dici potest, modo accipiatur ens, ut pertinet ad essentiam omnium rerum verarum. Nam si sumatur ut est actu existens, non est cur nomen infinitum effici non possit. Tunc enim non ens, hoc est, non existens, non solum de rebus fictis, ut de chimæra, verum etiam de veris, ut de Adamo & de Alexandro dicitur. Adde præterea, nomina infinita & nomina negata partim convenire, partim differre; Conveniunt enim quatenus veraque naturam aliquam tollunt, differunt tamen, quatenus nomina negata orationis potius rationem habent, quia eorum partes per se sumptæ in ipsis significant, nomina vero infinita non item: nulla enim eorum pars significat separata, cum unicam solum dictionem efficiant. Differunt secundo, quod nomen infinitum, adiuncto verbo, efficit propositionem affirmativam, at vero nomen negativum, si addatur verbum, semper efficit, propositionem negantem: Si enim dicas, (non homo currit, si non homo,) sit nomen infinitum, sensus propositionis est, res cui convenit negatio naturæ humanæ currit. Negatio enim, quæ reddit vocabulum infinitum solum id negat, quod vocabulo significatur. Si vero

sit nomen negativum: sensus propositionis est, nullus homo currit. Negatio enim cum per se significat, quicquid post se invenit, negat.

Hoc etiam Philonis) Docet in definitione nominis adhuc aliquid esse collocandū, alioqui totum convenire casibus nominum qui vere nomina non sunt, est autem hoc collocandum: (Nomen est vox, quæ addito verbo est, efficit orationem verum aut falsum significantem. Iquod casibus nominum non convenit. Si enim dicas, est Platonis, nondum verum aut falsum significas, si adjicias Platonis est liber, aut aliud simile. Vult ergo Aristot. hoc ipsum in definitione nominis suppleri, ut tota definitio nominis sic exponatur. (Nomen est vox significativa ex instituto sine tempore; cuius nulla pars significat separata, finita & quæ addito verbo est, verum aut falsum significata. Reijciuntur autem per hanc ultimam particulam non solum casus nominum, verum etiam omnia synecdogemata; ut omnia, aliquis, doctus, sapienter, imo & omnia adiectiva adiectivæ sumptæ; nihil enim horum addito verbo, est, efficit orationem, verum aut falsum significantem. Quænam sunt, qui velint adiectiva adiectivæ sumptæ, esse vere nomina, satisque esse, si aut per se aut per sua synonyma efficiant orationem verum aut falsum significantem. Dicunt autem synonyma cuiuscunque adiectivi adiectivæ accepti esse adiectivum substantivæ acceptum, addito verbo est, orationem veram aut falsam efficere; unde hi in definitione nominis loco illius particule, adijciunt partem rectam. Sed probabilius est adiectiva adiectivæ accepta nomina non esse, quia secundum se, addito verbo, non efficiunt orationem veram, aut falsam. Præterea genus neutrum adiectivæ sumptum non est nomen, nisi cum sumitur substantivæ; pro suo materiali significato. Per hanc etiam particulam excluduntur pro nomina, quia hæc non ratione sui, sed ratione nominum, pro quibus in oratione ponuntur, efficiunt orationem, quæ verum aut falsum significatur.

Sitne bona definitio Nominis.

QUESTIO VNICA.

QUOD definitio nominis non sit bona, probatur: quia nullum ens rationis, recte definitur per id, quod reale est; sed nomen est ens rationis, vox autem ens reale, ut constat; non debuit igitur nomen per vocem definiri. Quod ex eo confirmari potest: quod in definitionibus aliarum secundarum intentionum, ut in definitionibus vniuersalium, non collocatur eorum fundamentum; Vox igitur cum sit nominis fundamentum, non debuit in definitione nominis collocari.

Secundo nomen infinitum est complexum quoddam; ergo reijcitur a definitione nominis, per particulam, [cuius nulla pars significat separata,] que superuacanea adijcitur; postea particula [finita] ad excludenda iterum infinita: Antecedens patet, quia nomen infinitum mentale est complexum quoddam, si enim conceptus, qui habetur de homine adhuc per se separatur, significat naturam humanam, cum sit imago ac similitudo ipsius, & non necessario significat negationem. Ergo nomen in finitum inentiale est complexum.

Tertio casus obliqui in mente sunt nomina; Ergo pari ratione in voce; & propterea male reijciuntur. Antecedens patet, quia idem conceptus respondet in mente nomini vocali in recto, & obliquo, cum eandem rem significant; sed conceptus rectus est nomen; Ergo & conceptus obliquus.

Quarto, hęc ratio [albus est,] vera, aut falsa, igitur adiectiuum adiectiue acceptum adiuncto verbo, [est] aut [non est,] efficit orationem veram aut falsam. Quare non bene reijciuntur a ratione nominis. Antecedens probatur; nam (albus,) aliquid significat orationis. Ergo significato ipsius vere aut falso dixeris, hoc est, oratio igitur, (albus est,) verum aut falsum significat.

Pro solutione horum argumentorum aduertendum est in primis signum, doctri-

nale, quod nihil aliud est, quam significatum alicuius rei, pro qua in oratione accipi potest; Significat enim formaliter relationem, & innuit fundamentum, quod est conceptus, vox, aut scriptum, diuidi, ut quoddam analogum in conceptus, voces & scripta, ut significantes sunt, de quibus locutus est Aristot. cap. precedenti. Diximus, (ut quoddam analogum,) quia conceptus analogice conuenit cum vocibus & scriptis in ratione significandi. Cum enim conceptus significet naturaliter ex se, ut imagines ac similitudines rerum: voces vero & scripturae solum ex instituto & arbitrio hominum: & rursus scripta vocum interuentu significant; planum est, diuisum illud primo dici de conceptibus, deinde de uocibus, ac tandem de scriptis. Quod si queras utrum huiusmodi relationes sint reales, an rationis; respondendum est relationem quidem conceptum esse oralem, ac transcendentem, quia non est aliud, quam ipsa natura conceptus. Ceteras vero esse relationis rationis, & de significationibus quidem, quę cernuntur in uocibus & scriptis, cum solum pendeant ex hominum arbitrio, non est dubium, quin sint relationes rationis. Quod uero significatio conceptum realis sit ex eo patet, quia conceptus ex sua natura, & non ex operatione intellectus significant sua significata; quod autem sit transcendens ex eo patet, quia relatio transcendens conceptus ad rem conceptam realiter existit, tam cum res concepta existit, quam cum non existit.

Aduertendum est preterea, sicut uox significatiua, seu significatiuum, quod cernitur in uocibus, diuiditur in nomen uocale, uerbum uocale, & orationem uocalem; ita etiam conceptus diuidi in nomen mentale, uerbum mentale, & orationem mentalem; & & scripturam in nomen scriptum, uerbum scriptum & orationem scriptam. Vnde patet triplex esse nomen: Vocale, scriptum & mentale: idem dicendum est de verbo & oratione. Quod ergo attinet ad nomen uocale; de quo solum Aristot. hoc libro differt, cum sit connotatiuum quoddam, formaliter significat relationem rationis significantis, taliter ad tale significatum: materialiter uero innuit res, quibus accidentaliter conuenit.

Quod

Quod si quis hanc definitionem velit ad mentalia nomina & scripta transferre, non erit difficile, si pro voce significatiua ex instituto ponatur in definitionibus, scriptum significatiuum ex instituto, aut conceptum significantem naturaliter hoc modo: nomen scriptum est scriptum significatiuum ex instituto sine tempore: nomen mentale est conceptus significatiuus, naturaliter sine tempore &c.

Respondendum igitur est ad questionem, definitionem nominis esse bonam. Quare ad primum argumentum & eius confirmationem dicendum est penuria uocabulorum poni pro genere totum illud: (uox significans ex instituto,) loco alicuius uocabuli simplicis, quo significetur relatio significantis ex instituto ac tali modo significatum, & iuuat uocem, cui accidentaliter conuenit ita significare. Unde sit ut particula V O X ponatur in definitione nominis ea tantum ratione qua innuitur ab eo cuius loco, tanquam genus tota illa aggregatio in definitione nominis collocatur.

Ad secundum, negandum est antecedens nomen scilicet infinitum esse complexum: & ad probationem dicendum est, ex conceptu hominis & conceptu negationis in mente non effici nomen infinitum mentale, sed solum nomen negatiuum, licet in uoce, & hac uoce, (homo,) & negatione efficiatur nomen infinitum uocale, cuius rei illa est ratio, quod conceptus significans naturaliter, non est in potestate hominis ex illis efficere alium tertium conceptum incomplexum, qui sit nomen infinitum mentale: amitterent enim illi conceptus suas significationes naturales, quod non potest fieri: sed complexionem ex illis duobus conceptibus & proinde non erit nomen infinitum solum, sed negatiuum: eiusque partes separatæ significabunt in illo toto, & si eis accedat uerbum, efficietur propositio negatiua in uocibus, aut cum significant ex instituto, & horum usu poterit ex duabus una effici tertia in-

complexa: quæ sit nomen infinitum, [ut non homo,] cui in mente non respondet complexio illa mentalis, quam diximus: sed unicus conceptus, quo apprehenditur negatio nature humanæ concrete sumpta: sicut albo responder unus conceptus: quo apprehenditur albedo concrete sumpta, & talis conceptus respondens nomini infinito vocali, est nomen infinitum mentale.

Ad tertium, negandum est antecedens, & ad eius probationem dicendum est: diuersos esse conceptus: qui in mente respondent nomini in recto & obliquo, quamuis non eadem nec illis significetur, tamen quia diuerso modo significant, sunt & conceptus ipsi diuersi. Quemadmodum enim alius est conceptus: qui respondet in mente huic uoci (albedo:) ac alius, qui respondet huic uoci (album:) quamuis una & eadem res significetur, utroque conceptu: quia altero significatur albedo, quasi per se subsistens: altero uero, ut adiacet corpori: eodem modo alius conceptus respondet in mente huic, (homo) alius huic uoci, (hominis, quia altero significatur natura humana nude, altero uero significatur, ut huius, & sic in cæteris casibus.

Ad quartum negandum est antecedens; & ad confirmationem neganda est consequentia. Nam significatum, (albi,) aliter significatur hac uoce, (albus:) aliter uero pronomine, (hoc.) Etenim uoce [albus,] adiectiue significatur; quomodo non accipitur pro aliquo habente se, ut quod: sed solum applicat suum significatum alteri: at uero pro nomine (hoc) substantiue significatur illud ipsum, tanquam id, quod tale est. Quocirca ex pronomine (hoc) adiuncto uerbo

(est,) efficitur oratio uera aut falsa: nõ autem ex uoce (albus,) eodem uerbo adiuncto.

CAPVT TERTIVM

De Verbo.



Verbum autem est, id quod insuper tempus significat: & cuius nulla pars seorsim significat; atque semper eorum, quae de alio dicuntur, est signum. Dico autem ipsum insuper tempus significare, quia Valitudo quidem est nomen, Valet autem verbum; significat enim insuper non esse. Atque semper eorum, quae de alio dicuntur, est signum: ut eorum, quae de subiecto dicuntur, aut eorum, quae in subiecto dicimus esse. Non valet autem & non egrotat, non dico verbum esse: nam tempus quidem significat, semperque de aliquo dicitur, at differentiae huic nullum nomen est positum. Sed verbum infinitum vocetur, quoniam de quocunque & de eo, quod est, & de eo quod non, similiter dicitur. Simili modo Valuit atque Valabit, non verba, sed verbi casus appello. Differunt autem a verbo, quoniam illud quidem praesens significat tempus: haec autem id, quod est circa corpus, exactum inquam, atque futurum. Ipsa igitur verba cum per se dicuntur, nomina sunt & aliquid sane significant (nam & qui dicit amare, verbo hoc intellectum aliquem constituit, & qui id audit, rem certam audivisse se credens, quiescit.) sed unum sit qui amet, nec ne, nondum significatur. Nam amare, non amare, nondum esse qui amet, non amet, significat; non si esse ipsum, aut ens ipsum nude protuleris. Nam qui vel esse, vel est, nude dicit, nihil dum existere significat, tantum compositionem quandam innuit, quam sine adiunctis compositisque intelligere est impossibile.

HOc cap. agit Aristot. de verbo altera Enunciationis parte integrante, initio autem tradit verbi definitionem, quem paucis declarat. Deinde additis quibusdam particulis excludit nonnulla a vera ratione verbi propriissime sumpti, definitio verbi haec est. [Verbum est id, quod insuper tempus significat, & cuius nulla pars si significat seorsim atque semper eorum, quae de alio dicuntur, est signum.] In qua de definitione particula [insuper] satis aperte declarat, genus huius definitionis esse pendendum ex definitione nominis. Itaque solum illud, vox significans ex instituto, est collocandum in hac Verbi definitione: per quam particulam ea ipsa excluduntur, quae a superiori nominis definitione rejiciantur.

Dico autem.] Explicat Aristot. paucis verbis primam & tertiam particulam ex-

presse in contextu: omittit autem secundam, quia in cap. superiori fuit explicata. primam ergo declarat ex comparatione nominis, verbalis & verbi; conveniunt enim in primario significato, ut valetudo & valet distinguuntur, aut quemadmodum verbum importat insuper certam differentiam temporis. Ut autem intelligas id, quod circa tertiam particulam docet Aristot. adverte eam hunc habere sensum; verbum semper est signum eorum, quae de alio dicuntur, hoc est, semper significat id, quod per se & sine ope alicuius potest de aliquo praedicari, ut si dicas, Socrates est, Socrates disputat, ubi verbum [est] & verbum [disputat], predicantur de aliquo sine ope alicuius vinculi extrinsecus assumpti. Divisione ergo quadam declarat Aristot. hanc ipsam particulam dicens, verba semper significare id, quod per se potest praedicari, velut de subiecto,

subiecto, hoc est, essentialiter, vt in hac propositione, currens mouetur: aut vt id, quod est in subiecto, hoc est, accidentaliter, vt si dicas; Socrates currit. Per primam igitur particulam excluduntur a definitione omnia nomina, quæ non significant cum tempore, vt homo albus; per secundam vero, quam Aristotel. superiori capite explicauit reijciunt reliquæ orationes, quæ significant, cum tempore, vt homo docet. Plato autem; per tertiam reijciuntur participia præsentis temporis, quæ licet cum tempore significant, nõ tamen sunt signa eorum, quæ de aliquo dicuntur, quia sine adminiculo verbi prædicari non possunt nec enim effectus prædicationem, si dixeris; Socrates disputans, nisi adiuncto verbo dixeris, Socrates est disputans. Dictum est participia præsentis temporis: nam reliqua per particulam, cum tempore, excludenda sunt, vt infra patebit.

Non valet autem.] In hac secunda parte capitis reijcit a perfecta ratione verbi, verba infinita, & casus verborum. Docet ergo primam & tertiam particulam positas in definitione conuenire verbis infinitis. Nam secundam & cæteras, quæ ex superiori capite repetuntur eisdem conuenire dubium non erat. Quia vero huiusmodi verba, certum nomen non habeant, aut uocari posse verba infinita, quia dicuntur de ijs, quæ sunt, & de ijs, quæ non sunt. Vult ergo Aristot. ad definitionem verbi adijciendam esse particulam, [finita], vt hæc a definitione reijciantur. Quo loco aduerte, quemadmodum ad rationem nominis infiniti duo requiruntur: alterum vt significet negatiue, alteram vt dicatur de his, quæ sunt, & de his, quæ non sunt: ita ad rationem verbi infiniti eadem desiderantur. Quod si alterum defuerit non dicitur verbum infinitum; De sectu prioris conditionis hæc verba, [intel ligitur, cogitatur,] & alia huiusmodi non dicuntur infinita: quæ quamuis non dicantur de his quæ sunt, & de his quæ non sunt, quia Socrates cogitatur, & chimæra: tamen non significant negatiue, sed potius positiue defectu posterioris conditionis verbum est si accipiatur, vt dicit, aptitudinem ad existendum, non potest, fieri infinitum: Quamuis, etiam addite negatione, significat negatiue: tamen non potest dici, nisi de his solum, quæ non sunt en. 12. v. 23.

Ijs enim solum competit non esse, id est, non esse apta ad existendum; quamuis verbum [est,] sere semper pro actu existendi, & raro, pro huiusmodi aptitud. ne accipitur: non tamen videtur negandum, ex verbo sic accepto & negatione posse fieri unicam dictionem; quemadmodum ex nominibus transcendentibus, addita negatione fit etiam vnica dictio: quæ voces cum non sint infinitæ, non est cur nomina & verba non dicantur: Nihil enim est, per quod a nominis & verbi definitione reijci possint.

Simili modo valet.] Reijcit deinde casus verborum a perfecta ratione verbi ratione. Sunt autem casus verborum, quæcunque non sunt temporis præsentis indicatiui modi. Quo loco aduerte, hæc non omnes verbi casus reijci: sed eos solum, qui non sunt temporis præsentis. Reliqui enim particula illa, [& semper eorum, quæ de aliquo dicuntur, est nota,] exclusi sunt. Ex dictis igitur hæc colligi potest verbi definitio: [Verbum est vox significans ex instituto, definitæ ac cum tempore præsentis: cuius nulla pars significat separatim, ac semper eorum, quæ de aliquo prædicantur est nota.]

Ipsa igitur verba.] In hac vltima capitis parte tradit duas verbi condiciones verbo cum nomine conuenientes. Prima est: verba per se dicta, nulla scilicet particula adiecta, sunt nomina. Quo loco, vt placet ammonio, & Thomæ, nomen generaliter sumitur, pro quacumque uoce significante aliquid: quasi dixerit, verba per se sumpta significant aliquid, quod Aristot. præcedentibus verbis statim declarauit: Dixit enim verba per se sumpta nomina sunt, & aliquid sine significant. Hanc conditionem probat, tum ex partes dicentis, tum ex parte audientis. nam qui profert aliquid verbum, firmat mentem auditoris, quia in ipsius mente conceptus alicuius rei imprimitur, & is, qui audit, quiescit, silem quoad operationem intellectus, quia percipit aliquid tam rem, quamuis nondum percipit perfectam sententiam.

Sed si est aut non est.] Posterior conditio est, quod verba non significant verum aut falsum, ut Aristoteli loquitur, non significant rem esse, aut non esse. Hoc autem probat hoc argumento: quia si verbum EST, verbi gratia, significaret ve-

rum aut falsum, seu rem esse aut non esse, significaret formaliter non solum ipsum esse, sed etiam rem, quæ diceretur esse; consequens est falsum: Ergo & antecedens. Maior huius argumentationis probatur a simili primo, quia eius, quod est participium verbi est, non significat formaliter rem, cui competit existentia, sed solum connotatiue, existentia vero ipsam formaliter. Vnde subiungit, [ipsam enim nihil est] id est, ens secundum suum formale significatum non est res, cui competit existere, cum ea solum connotet; eodem igitur modo uerbum E S T non significabit formaliter rem, cui competit existere, sed formaliter ipsum existere, rem autem, cui competit existere connotatiue, quæ non significabit uerum aut falsum.

Significant autem .) Quia probauit proxime uerbum E S T non significare rem, cui competit esse, ex eo, quod participium ipsius scilicet E N S, non significet illam, nec quis inde colligat, uelle Aristotel. eandem omnino esse significationem uerbi & participij. Docet hoc loco uerbum E S T, præter præcipuum significatum, in quo conuenit cum participio, significare compositionem quandam, conjunctionem prædicati cum subiecto, quæ participium non significat, ne tamen aliquis inde inferat, uerbum E S T ratione illius conjunctionis significare uerum aut falsum, etsi nihil aliud adiungatur, addit Aristotel. conjunctionem illam, compositionemve non posse intelligi siue compositus, id est, sine ijs, quæ coniungantur, ut inde intelligamus, quamuis uerbum E S T eam significet, tamen non significare uerum aut falsum, nisi alterum

saltem extremum, id est, subiectum addatur, cum coniun-

ctio ratione cuius maxime uideretur si
gnificare uerum

aut falsum, nisi addito extremo non posset intelligi.



Verum definitio uerbi sit recte assignata.

QVÆSTIO PRIMÆ.

Quod non sit recte tradita probatur in primis, quia uerbum E S T in propositione necessaria, ut in hac, [homo est animal, homo est rationis particeps] est uerbum, & tamen non conuenit ei definitio uerbi. Ergo definitio non est bona. Probatur minor, quia uerbum E S T in huiusmodi propositionibus non importat aliquam differentiam temporis. Sic enim aliquam importaret, esset maxime temporis præsentis, quam si importaret, sequeretur, nullis hominibus existentibus, hanc esse falsam, (homo est:) erit enim sensus, (homo est nunc existens animal,) quod tamen data illa hypothese falsum est; Quare cum illa propositio sit oecessaria, ac perpetuo uera, non est dicendum, uerbum est, in ea importare tempus præsens.

Secundo uerbum adiectiuum continetur sub uerbo ab Aristot. definitio, & tamen non potest ei competere definitio, cum sit complexum; Ergo definitio non est bona. Minor probatur ex Aristote. 5. Metaph. cap. 3. ubi asserit, idem esse ualere, & est ualentem (est ualens,) est complexum; Ergo & ualentem, erit complexum.

Tertio, uerba impersonalia uidentur esse uerba, cum enunciationem efficiant, omnique enunciatio constat nomine & uerbo, ut Aristot. hoc cap. asseruit: definitio autem uerbi eis non conuenit, nec enim sunt notæ eorum, quæ de aliquo dicuntur, uitiolosa est igitur tradita definitio.

Ad quæstionem nihilominus respondendum est, uerbum recte ab Aristot. fuisse definitum. Pro solutione argumentorum aduersum edm est, fuisse nonnullos qui propter argumentum primo propositi excluderent uerbum, ut in propositionibus necessarijs usurpantur, nec esse ab Aristotel. definitum crederent. Cæterum non est credibile, cum Aristotel. uoluerit partes simpliciter enunciationis explicare, emissum ab eo esse partem potissimam enunciationis, cuiusmodi est perpetuo necessaria. Accedit huic quod Aristotel. post definitum a se uerbum subiungit

iungit paulo post, verbum interdum esse signum eorum, quæ de subiecto dicuntur idem, quæ prædicatur essentialiter. Alij igitur vt tueantur huiusmodi etiam verba ab Arist. fuisse definita, respondent, verba in propositionibus necessarijs, importare differentiam temporis, non vnam tamen aut alteram, sed omnes simul, præteriti scilicet, præsentis & futuri, & quartam, quam addunt, temporis possibilis. Dicunt igitur propositionem illam, [homo est animal,] habere hunc sensum, [homo est, aut fuit, aut erit, aut potest esse animal,] & hoc est, inquit, quod dici solet verbum in propositionibus necessarijs absoluti a tempore. Sed hæc etiam sententia non placet, quia satis constat, si eorum omnium sensus consulatur, propositionem illam non facere illud sensum, nec verbum illas omnes temporis differentias importare.

Pro solutione igitur argumentorum, aduertendum est, verbum EST, vbiunque reperitur, tria semper sibi vendicare, in primis ut significet esse aut existere, deinde vt consignificet aliquam temporis differentiam; tertio vt consignificet coniunctionem prædicati cum subiecto, quod de cæteris etiam verbis proportionem quadam dicendum est. Amo enim præterquam quod significet amorem, consignificat tempus, & vnionem. Dicendum est igitur, verbum EST, in propositionibus contingentibus illa omnia officia exercere, accipitur enim pro existentia, quam formaliter significat; efficit præterea, vt connexio prædicati cum subiecto in certa differentia temporis accipiat, vt in hac propositione, (homo est albus,) sensus enim est, (homo in tempore præsentis existit albus: At in propositionibus necessarijs, licet illa tria officia habeat, tamen solum tertium exercet, copulandi scilicet prædicatum cum subiecto; necessitas enim connexionis non permittit, vt verbum est priora duo officia exerceat. Itaq; sensus huius propositionis (homo est animal) non est, quod homo in tempore præsentis existat animal, sed quod uendicat sibi naturam animalis, nulla habita interim ratione neque existentie, quam verbum Est, formaliter significat, nec differentie temporis præsentis, quam importat; Et hoc modo intelligendum est illud vulgatum dictum, verbum scilicet in enunciationibus

necessarijs absoluti a tempore, non quod non importet tempus, sed quod pro illo non accipitur.

Ex dictis colligi potest verbum est, in quibusdam propositionibus esse integrum ac totum prædicatum, in alijs partem prædicati, in nonnullis nec totum nec partem, sed solum exercere officium copulandi. Nā in propositionibus de secundo adiacente, in quibus præter subiectum & verbum nihil sequitur, verbum est, erit integrum prædicatum, vt in hac, Deus est, Socrates est. In propositionibus vero de tertio adiacente, in quibus post verbum ponitur aliquod prædicatum aliud, si propositio sit contingens, vt hæc (homo est albus,) verbum est, erit non quidem totum prædicatum, sed pars prædicati, quia ibi accipitur pro existentia, quam significat. Quod si propositiones sint necessariae, vt (homo est animal,) Verbum est, neque erit totum prædicatum, nec pars, quia non accipitur pro existentia, quam significat, sed solum exercet officium copulandi, vt patet ex dictis. Nec vero ex eo recte quis colliget, verbum est in his propositionibus esse syncategoremata, quia non est subiectum, nec prædicatum, sed solum extrema coniungi. Nā illud est syncategorema, quod ita coniungitur, vt nunquam possit esse prædicatum, aut subiectum, quod uerbo est non conuenit, quoniam enim in his propositionibus non prædicatur, tamen in alijs prædicatur, & in omnibus, præter vnionem, uere significat existentiam.

Ad argumenta igitur initio proposita, facile est respondere. Nam ad primum patet ex dictis, quid sit dicendum. Ad secundum uero antecedens negandum est, scilicet uerba esse complexa. Quauis enim nulla uideantur significare, non tamen significant illa omnia per se primo. Nam differentias temporis & copulam potius consignificant, atque innunt, quam significant, ut sæpe diximus, nec est absurdum, quod significari multa eadem uoce incomplexa, quorum unum præcipue significatur, cætera uero innuntur, ut patet in hac uoce (album,) respectu albedinis ut subiecti. Ad probationem uero illius antecedentis dicendum est, Aristot. intelligendum esse, (ualer & est ualens,) non differre, quoad rem significatam: significat enim idem, sed differre, quoad modum significandi. Nam uerbum (ualer,) significat incomplexum id, quod significatur com-

plexæ oratione illa, [est ualens, sicut hoc nomen [homo,] significat incomplexæ id, quod significatur hac oratione complexæ, [animal rationis percipiens.

Ad tertium neganda est maior propositio; etenim uerba impersonalia non sunt uerba, qualia ab Aristotele definiuntur. Cum uero Arist. ait, omnes enunciationes constare nomine & uerbo, intelligendum est, aut formaliter aut uirtualiter.

Utrum uerbum infinitum in enunciatione maneat infinitum.

QUESTIO SECUNDA.

Sequitur alia dubitatio, utrum uerbum infinitum in enunciatione positum maneat infinitum, in qua dubitatione Boetius d. Th. & alij plerique graues auctores, partem negatiuam ueriores putant. Dicunt enim primo c. lib. sequentis, uerbum infinitum non manere infinitum in enunciatione, sed transire in uerbum finitum negatiuum, ut v. g. cū dicimus, Socrates non ualeat, dicunt non posse esse uerbum infinitum illud [non ualeat,] sed complexiorem quandam ex uerbo finito & particula negante, non facientibus una dictionem. Quorum sententia confirmari potest in primis ex initio 2. lib. de Interpret. ubi ait Arist. omnem enunciationem constare ex nomine & uerbo, aut ex nomine infinito, nullam faciens mentionem uerbi infiniti in enunciatione collocati. Existimat ergo Arist. uerbum infinitum non posse in enunciatione positum permanere infinitum, deinde hac ratione uerbum infinitum significat negationem uerbi finiti; Ergo si addas subiectum efficietur propositio negatiua, in qua finitum uerbum negetur de subiecto nunquam igitur uerbum infinitum assimilabitur de subiecto, sed mutabitur in uerbum finitum negatum.

Recentiores tamen affirmatiuam partem amplectuntur: Dicunt enim uerbum infinitum posse manere affirmatiuum in enunciatione, quod ita suadent. Verbum infinitum est signum eorum, quæ de aliquo dicuntur, ut Arist. docuit, igitur suapte natura potest prædicari de subiecto, sine adminiculo aliquius copulæ. Quare ex mente Arist. uerbum infinitum, ut infinitum est, potest poni &

manere affirmatiuum in enunciatione. præterea Arist. affirmat hoc loco uerba infinita dici de ijs, quæ sunt, & de his, quæ non sunt; igitur uerba infinita possunt manere infinita in enunciatione. Præterea uerbum infinitum extra enunciationem est infinitum, ut omnes sententur; quod si ponatur subiectum, adhuc manebit infinitum. Probatur consequentia, quoniam non uidetur ueri simile illud subiectum, quod proponitur, mutare uerbum infinitum in uerbum finitum negatum. Propter has rationes probabilior existimat hoc tpe posterior sententia.

pro resolutione uero rationum, quæ oppositam partem confirmare uidentur, notat recentiores, in primis uerbum infinitum hoc differre a uerbo negato, quod infinitum est una tantum dictio, uerbum autem negatum duæ dictiones notant. Deinde omne uerbum resolui posse in participium, quod est eius primum significatum, & in copulam uerbalem, qua significatur ab huiusmodi uerbo. Vnde colligitur alterum discrimen inter uerbum infinitum & negatum, quod in uerbo infinito non negatur copula uerbalis, sed solum participium: in uerbo autem negato utrumque negetur, quod satis ostendunt soluti ones uerbi infiniti & negati. Nam si [non currit,] in hac propositione [Socrates non currit,] sit uerbum infinitum, tunc hoc modo exponitur propositio, [Socrates esse non currents,] si autem sit negatum, ita exponitur, [Socrates non est currents.]

Solunt igitur recentiores priorem obiectionem hoc modo; nimirum omnem enunciationem constare ex nomine & uerbo aut ex nomine infinito & uerbo, scilicet in finite, ita enim dicunt locum Aristotelis esse intelligendum.

Ad posteriorem obiectionem dicunt, in uerbo infinite negationem negare uerbum infinitum, quoad participium, non autem, quoad copulam uerbalem. Vnde fit, ut enunciatio, in qua ponitur uerbum infinitum sit affirmatiua, quia copula uerbalis affirmatur, quamuis præcipua uerbi significatio negetur; nec enim enunciatio est negata, nisi cum copula negatur.

CAPVT QVARTVM

De Oratione.



Ratio est vox significatiua, cuius partium aliqua separata significat, vt dictio, sed non affirmatio vel negatio; homo namque significat quidem aliquid, at non aut esse, aut non esse: sed erit affirmatio aut negatio, si aliquid ipsi addideris. Vna vero syllaba hominis nihil significat; nec enim hac in dictione, Musica, mus significat aliquid, sed vox tantum est. In compositis autem significat quidem, sed non per se, vt antea diximus. At vero omnis oratio significatiua quidem est, at non vt instrumentum, sed vt institutio, quemadmodum diximus. Non omnis autem enunciativa, sed ea tantum quae vera est, aut falsa. Quod quidem non omnibus orationibus competit. Non fit quidem oratio, cum quispiam optat, non tamen vera est aut falsa. Orationes igitur ceterae omittantur; ad oratoriam enim artem, aut poësin, illarum magis consideratio pertinet. Enunciativa vero praesentis est propria contemplationis. Est itaque vna prima enunciativa oratio, affirmatio, deinde negatio; ceterae vero omnes coniunctione sunt vna. Necessae est autem, enunciativam omnem orationem ex verbo aut casu verbi constare. Etenim & ipsa hominis ratio, nisi. Est, vel Erat, vel Erit; aut aliquid tale addideris; nondum est enunciativa sane oratio: quia vnum quid est & non multa, animal gressibile bipes; non enim quia partibus coniunctis pronuntiata est, erit vna; verum id pertractare, ad aliam pertinet facultatem. Est autem enunciativa vna oratio, aut ea, quae vnum significat, aut ea, quae coniunctione est vna: plures vero, & quae plura & non vnum significant, aut ea, quae carent coniunctione. Nomen igitur aut verbum, dictio tantum vocetur; quippe cum fieri nequeat, vt is, qui aliquid nomine vel verbo significat, sic dicat, vt eun-
ciat: siue interrogatus fuerit siue non, sed ex sese voluerit dicere. Harum autem alia erit enunciatio simplex, aliquid, inquam, dicens de aliquo, aut aliquid, ab alio remouens: alia autem ex his composita, veluti composita iam est oratio quaedam. Atque simplex enunciatio est, vox significatiua essendi quippiam, vel non essendi vt tempora sunt distincta. Affirmatio vero est, de aliquo alicuius enunciatio, Negatio autem, enunciatio, qua aliquid ab aliquo dimouetur. Quoniam autem fieri potest, vt quod competit, enuncietur vt non competens: & e contra quod non competit, vti competeret, & quod competit, vti competens, & quod non competit, vti non competens: & circa ea tempora, quae sunt extra praesens similiter, fieri sane potest, vt omne, quod affirmavit quispiam, negetur; & quod negavit quispiam affirmetur. Quare patet, cuilibet affirmationi negationem, & cuilibet negationi affirmationem esse oppositam. Atque hoc sit contra dictio, affirmatio inquam, & negatio, quae opponuntur. Opponi autem eam dico, quae eiusdem de eodem & non equivoce, & quaecunque alia determinauimus ad sophistarum molestias vitandas.

Explicatis partibus enunciationum integran-
tibus,nomine scilicet,& verbo, ad
quas ceteræ omnes modo aliquo reuocan-
tur, acturus nunc est de enunciatione, ip-
samque definiturus agit prius de oratione,
quæ genus est enunciationis. Tres igitur
partes continet hoc c. primam in qua agit
de oratione, secundam, in qua de enuncia-
tione, eiusque partibus subiectis differit,
tertiã, in qua de oppositione complexa,
quæ passio est enunciationis pertractet. Ora-
tionem igitur hoc modo definit: [Oratio
est vox significans ex instituto, cuius pars ali-
qua separatim significat.] Loco generis po-
nitur [vox significans ex instituto,] vt dixi-
mus c. de nomine, id a. quod sequitur loco
differentiæ adhibetur, per quam particu-
lari reijciuntur nomina & verba, atque par-
ticipia & reliquæ voces simplices, [in qui-
bus nulla pars significat separatim.] Sed o-
bijcies, si oratio est vox, vna oratio, vna vox
quod tamen est falsum, cum oratio vna sit
potius multæ voces quam vna. Occurren-
dum est tamen unamquamque orationem
esse vnã vocem, non quidem secundum
prolationem, sed secundum aliquem unum
sensum, aut vnã significationem totalem,
quæ non cernitur, nisi ubi partes, nexu ali-
quo grammaticali sunt copulatæ. quemad-
modum dicitur una domus, quia eius par-
tes ordine quodam coniunctæ sunt. Vnde
colliges voces dissipatas, & nullo nexu co-
herentes, non constituere orationem, vt si
quis dicat, terra, aqua, aer, ignis. Hinc
etiam fit, vt oratio, quæ multos habet sen-
sus, non comprehendatur in definitione tra-
dita, eo quod non est vox una secundum v-
num sensum, siue vnã significationem to-
talem, habet enim multas significationes
totales, vt hæc:

Aiote Acacida Romanos vincere posse.
Vt dictio.] Exponit quæ pactio partium
aliqua orationis debeat significare, atque
non opus esse, vt aliquid sit oratio, quod
aliqua pars significet, vt affirmatio, aut ne-
gatio, sed satis esse, si significet, vt dictio
simplex. Quamquam enim in quibusdam
orationibus partes aliquæ significant, vt af-
firmatio, aut negatio, vt in ijs, si sol lucet,
dies est, si sol non lucet, dies non est, tunc
quælibet oratio constat partibus saltem re-
motis, quarum aliqua separatim significat,
vt dictio.

Vt homo.] Non subijcit nunc exem-
plum orationis, sed declarat orationis par-
tem aliquam significare separatim, di-
cens hanc vocem (homo,) in oratione ali-
qua, vt in hac uerbi gratia, [homo albus,] si
gnificare separatim, veluti dictionem, in to-
ta ipsa orationis structura.

Vna uero syllaba.] Docet definitionem
traditam non conuenire vocibus, siue sim-
plicibus, siue compositis figuræ, eo quod par-
tes earum non significet separatim. Hoc to-
men inquit interesse, inter uocabula simpli-
cis ac compositæ figuræ, quod in illis nulla
pars significet, aut significare uideatur; in
ijs autem significet, quidem, scilicet, pri-
mo aspectu, re autem uera non significat
per se, vt dictum fuit in capitulo de No-
mine.

At uero omnis oratio.] Quoniam in de-
finitione orationis prætermiserat particu-
lam [ex instituto,] ne quis crederet, ipsum
cui illis sentire, qui oratione naturaliter si-
gnificare credebant, docet hoc loco, oratio-
nem non significare naturaliter, sed ex insti-
tuto. Vtebantur autem, qui oppositum sen-
tiebant hoc argumento, vt auctor est Ammo-
nius facultatis naturalis instrumenta natu-
ralia sunt; sed oratio est instrumentum fa-
cultatis interpretatricis, quæ naturalis est.
Ergo oratio est naturalis, atque adeo natu-
raliter significat. Vt huic argumento satisfa-
cias, aduerte, orationem interdum naturali-
ter accipi pro uoce ipsa, interdum formaliter
pro significatione, quæ est in uoce, uir-
tutem etiam interpretandi nonnunquam,
accipi pro uirtute corporea, quæ motione
pulmonis & ministerio arteriæ vocalis, pa-
lari, linguæ, dentium & labiorum uoces ar-
ticulatas efformat, nonnunquam uero pro
intellectu, qui sua cogitata alijs manifestat
concessa igitur maiore, nominis si facultas
sumatur pro facultate mere naturali, hoc
est, ita naturali, ut sine arte operetur (alio-
quin enim non erit uera) distinguenda est
minor. Si enim nomine facultatis inter-
pretatricis, intelligatur uirtus illa corpo-
ream, negandum est orationis significa-
tum formale esse instrumentum illius, quâ-
uis quo ad materiale sit ipse efficiens.
Si autem nomine facultatis interpretat-
ricis intelligatur intellectus, conceden-
dum quidem est orationis significatum
formale non solum esse illius effectum,
qua-

quatenus ab intellectu efficitur eius significatio, verum etiam esse ipsius instrumentum, quatenus est id, quo intellectus sua cogitata profert. Negandum tamen est intellectum esse facultatem mere naturalem, ita scilicet naturalem, vt sine arte operetur, quo modo facultas naturalis accipienda erat in maiori, vt esset vera: Operatur enim intellectus per par artem. Vnde quemadmodum vtuntur instrumentis non quidem a natura productis, sed a se fabricatis, vt serra & securi? ita intellectus vtitur instrumentis, non a natura profectis, sed a se institutis, huiusmodi est oratio, & hoc est, quod ait Aristot. orationem non significare vt instrumentum naturale sed ex instituto.

Non omnis autem.] Initio huius secundae partis paucissimis verbis complectitur Aristot. & diuisionem orationis & enunciationis definitionem. Diuisio est orationum, quasdam esse enunciativas, quasdam vero non. Definitio autem haec est, Enunciatio, seu enunciativa oratio (nam idem valet) est oratio verum aut falsum significans, vt: Deus est summum bonum. Aduerte tamen hoc loco id quod habetur lib. 3. Institut. Dialectic. cap. 2. Oratorum quasdam esse perfectas, quae scilicet integram sententiam declarant; quasdam vero imperfectas, quae scilicet non declarant integram sententiam, perfectarum rursus alias esse opatiuas, alias interrogatiuas, alias deprecatorias, alias denique enunciativas, ex quibus solam definit enunciationem Aristot. hoc loco, quoniam eam solum pertractat Dialecticus, ceteris omissis quae ad oratores & poetas pertinent. Quod si aliquando interrogatiui propositionibus Dialecticus vtitur, id ideo facit, vt a respondente enunciationes, quibus argumentetur, obtineat.

Est itaque vna.) Hoc loco diuidit Aristot. enunciationem, quam proxime definiuit in enunciationem vnam primam, id est, enunciationem simplicem, qualis est haec homo est albus; & in enunciationem vnam coniunctiue generalem, cuiusmodi est haec: si sol lucet dies est. Rursus enunciationem simplicem diuidit in affirmationem & negationem. Prior diuisio est analogi, quoniam ratio enunciationis vnius verissime quidem competit enunciationi

simplici: enunciationi vero coniuncti non nisi quodammodo: posterior vero diuisio est generis in species, quamuis Alexander existimet, enunciationem non esse genus ad affirmationem & negationem quia species contentae sub eodem genere sunt simul natura, vt patet ex cap. de modis simul. Affirmatio autem est prior negatione, vt innuit Aristot. illis verbis, (Affirmatio, de inde negatio,) sed eius ratio nihil concludit, Nam quemadmodum homo natura sua prior est perfectione quam bestia. vt autem rationem animalis participat est simul cum ea, sic affirmatio est prior negatione, non tamen secundum quid conuenit ei in communi ratio enunciationis, quo pacto species, quae genus aliquod diuidunt, debent esse simul.

Necesse est autem.) Ne quis fallatur existimans vnam simplicem enunciationem simplicem esse debere, vt compositione verbi careat, docet Aristot. necesse esse omnem enunciationem simplicem verbo aut casu verbi constare, quod probat argumentum a maiori hoc modo: si aliqua esset una simplex enunciatio, quae verbo, aut casu verbi non constaret, maxime esset definitio, sed definitio non est enunciatio nisi addatur verbum, aut casus verbi, igitur nulla simplex enunciatio est, quae non constet verbo aut casu verbi. Maior probatur, quia definitio, ut patet ex cap. 8. lib. 1. Postea est proprium demonstrationis, ac proinde uidebitur enunciatio, minorem vero probat Aristot. hoc modo: significatum definitionis est unum quippiam, acceptum scilicet per modum vnius extremi, at enunciatione simplici significantur multa per modum scilicet plurium extremorum, praedicati inquam, & subiecti, quorum aliud de alio dicitur: igitur definitio non est enunciatio simplex, nisi addatur uerbum, aut casus verbi.

Non enim quia.) Dixerat Aristot. definitionem significare unum quippiam, non autem plura, ubi quaestio de unitate definitionis sese tractanda offerebat. Ceterum eam omisit, quoniam ad aliam pertinet facultatem, scilicet ad 7. & 8. Metaph. Obiter tamen confutat rationem quorundam dicentium, definitionis significatum esse vnam, quia partes definitionis nulla interiecta mora profertur, nec enim ratio
huius

huius est hæc: ratio tamen est, quia definitio constat genere & differentia, quæ se habent, vt materia & forma, ex quibus necessario efficitur vna quædam natura per se, Arist. 1. de anima affirmat.

Est autem enunciatiua] Hoc loco Aristor. enunciationem latissime sumptam diuidit in enunciationem vnam & enunciationem plures, quæ diuisio est æquiuoca a casu, quia enunciatio plures non est vere enunciatio, sed enunciationes. Vtrumque autem membrum diuidens declarat per eas partes subiectas, quas amplectitur, & quia enunciatio vna sub se continet enunciationem simplicem, & coniunctam, dicit enunciationem vnam duobus modis dici vnam, aut quia dicit vnum de vno, aut quia conjunctione est vna, quibus verbis comprehendit omnes enunciationes simplices, in quibus vnum de vno prædicatur, & omnes hypotheticas, siue coniunctas, quæ sunt conjunctione vnx. Censetur autem hoc loco vnum, quod aut est vnum per se, vt homo animal rationale, aut per accidens, vt homo albus, aut vnum conjunctione aliqua, vt resibilis & flebilis. Itemque enunciatio plures eam amplectitur, quæ est plures, ratione alicuius extremi, & eam ratione conjunctionis, dicit enunciationem plures duobus modis esse plures, altero quia significat plura; & non vnum quod fit, cum prædicatum aut subiectum, aut vtrumque est æquiuocum, aut certe constat duabus propositionibus, vt gallus est interfectus, homo est resibilis flebilis, altero modo, quia significat ea quæ carent conjunctione id est, quia constat ex pluribus enunciationibus simplicibus nulla conjunctione coherentibus, vt Socrates disputat, Socrates non disputat. Enunciatio, quæ priori modo est plures, contraria est enunciationi simplici; in qua vnum de vno prædicatur; quæ vero est plures posteriori modo, contraria est enunciationi coniunctæ.

Nomen igitur] Confert hoc loco nomen & verbum cum enunciatione, atque eo differre: nomina & verba ab enunciationibus quod sint tantum enunciationes, hoc est, significant quidem rem aliquam, non tamen enunciant, siue quis ea proferat rogatus, siue sua sponte, nemine scilicet rogante. Vnde colliges nullum nomen aut aut verbum per se sumptum esse enuncia-

tionem. Quamuis enim verba 1. & 2. personarum, imo etiam cæteræ voces, cum ad interrogationem respondentur, videantur significare verum aut falsum, non significant tamen, nisi ratione aliarum dictionum, quæ subintelliguntur; vt si quis rogatus, disputet nè Socrates respondeat, disputat: vbi verbum illud (disputat) non significat verum aut falsum, sed propterea dicitur significare, quod ex vi interrogationis præcedentis subintelligitur nomen Socratis, ac si responsum fuisset, Socrates disputat.

Harum autem) Antequam definiat affirmationem & negationem, quæ sunt species enunciationis simplicis, assertit rursus diuisionem enunciationis vnius in enunciationem simplicem, quæ dicit aliquid de aliquo, aut aliquid ab alio remouet, id est, in qua vnum affirmatur aut negatur de vno; & in enunciationem coniunctam, quæ ex pluribus simplicibus, conjunctione aliqua copulatis constat, qualis est, si dies est, lux est; in quarum numero & illæ ponendæ sunt, quæ constant ex nominibus, quæ facile ad simplices renouari possunt, vt si dies esset lux esset huiusmodi enim enunciationes conjunctione si non actu, saltem potestate ac virtute ex simplicibus componuntur. Deinde enunciationem simplicem diuidit in affirmationem, & negationem. Affirmatio est enunciatio alicuius de aliquo, id est in qua vnum tribuitur alteri; negatio vero est enunciatio, in qua aliquid ab alio remouetur.

Quoniam autem fieri) Hactenus egit Aristoteles de his omnibus quæ in præfatione proposuerat; acturus vero deinceps de oppositione complexa, quæ inter enunciationem cernitur, deque partibus subiectis ipsius, differit in extremi parte huius cap. de contradiçtoria oppositione, quæ inter partes subiectas oppositionis potissima est; cuius rei causa hanc proponit regulam: Omni affirmationi opposita est negatio aliquid: & omni negationi affirmatio, quam ita probat: fieri potest, vt omne, quod affirmatur, negetur, & omne quod negetur, affirmetur, igitur omni affirmationi opposita est negatio aliqua & omni negationi affirmatio. Consequentia patet, antecedens probatur hoc modo; fieri potest vt id, quod est enunciatur non esse, & id, quod non est, enunciatur esse, & id, quod est, esse, & id, quod

quod non est, non esse, igitur fieri potest, ut omne, quod affirmatur, negetur, & omne, quod negatur, affirmetur. Vnde colligitur omnem simplicem enunciationem posse alicui alteri opponi aliquo oppositionis genere. Illud tamen verum est, non omnem enunciationem simplicem habere aliquam sibi oppositam contrariam aut subcontrariam, quoniam nulla particularis habet contrariam, nec ulla uniuersalis subcontrariam, sed tamen quancunque habere aliquam sibi oppositam contradictorie, ut ex sequentibus patebit. Vnde efficitur, ut inter hæc tria oppositionum genera, sola contradictoria sit passio enunciationis simplicis, oppositio autem in communi, quia conueniunt etiam omnibus enunciationibus simplicibus ratione oppositionis contradictorie, in qua essentialiter includitur, sit quidem passio enunciationis simplicis, ceterum finat contrario ex natura ipsius.

Atque hoc fit contradictio. Sunt qui velint hoc loco definiri ab Aristoteli oppositionem conuenientem tribus illis generibus, de quibus modo diximus, sumitque nomen contradictionis late, ut comprehendat omnem oppositionem, in qua sententia fuit Alb. Magn. & plerique alij ex recentioribus, sed magis placet sententia Boetij & aliorum, qui dicunt, solam contradictionem proprie sumptam hoc loco definiri, præsertim, quia nomen contradictionis nunquam solet usurpari, ut contrariam & subcontrariam oppositionem comprehendat. Accedit etiam quod Aristoteles statim post traditam definitionem eas particulas adhibeat quibus solam contradictionem, 1. Elench. lib. cap. 8. aperte explicauerat; Vult ergo contradictionem esse affirmationem, & negationem maxime oppositas, per quas excluduntur tum contrarie, tum subcontrarie oppositiones. Contrarie enim & subcontrarie oppositiones non sunt maxime oppositæ, cum illis non repugnet: ut simul falsæ hi uero non repugnet, ut sint simul uere. Aduertendum est tamen definitum huius definitionis tum abstracte, tum concrete sumi posse, si accipiat abstracte, significabit habitudinem, relationem uero contradicentium enunciationum; & si sensus definitionis erit. Contradictio est habitudo, qua affirmatio simplex negationi simpliciter opponitur. Si uero concrete, tunc co-

tradictio idem erit, quod contradictorie opposita, quomodo nomen contradictiois sæpe ab Aristotele usurpatur. Censuræ autem definitionis erit, contradictorie sunt affirmatio & negatio maxime oppositæ.

Opponi autem eum dico. Explicat Aristoteles, quo modo acceperit uerbum illud (oppositæ,) in definitione contradictionis, docetque ita esse accipiendum, ut ea enunciatio dicatur hoc loco opponi alteri, quæ est eiusdem prædicati & subiecti, secundum eandem omnino uocem. Vnde hæc enunciationes, Socrates disputat, Plato non disputat, non sunt oppositæ, & hæc uestis est attrita, indumentum non est attritum, quia in illis hæc conditio desideratur. Addit non equiuoce, ut intelligamus subiectum, & prædicatum, non solum quo ad uocem debere esse eadem, uerum etiam, quo ad significationem, propterea non sunt oppositæ enunciationes hæc, Cato interfecit se Cato non interfecit se, accepto uocabulo Catonis, in altera pro Vticensi, in altera pro Censorio. Docet præterea, addendas esse quatuor illas particulas, quas in 1. libro Elench. cap. 4. ad uitandas Sophistarum calumnias posuimus. Particulæ sunt, (ad idem: secundum idem, similiter, & in eodem tempore: Ad idem) significat subiectum, & prædicatum debere sumi comparatione eiusdem, hinc fit, ut non sint contradictorie huiusmodi enunciationes, Plato est præceptor, Plato non est præceptor, si Plato in priori conferatur cum Aristotele, in posteriori cum Socrate. (Secundum idem,) id est secundum eandem partem. Vnde non sunt contradictorie hæc enunciationes, hic Aethiops habet albedinem; hic Aethiops non habet albedinem, si in priori intelligas Aethiopem habere albedinem indentibus, in posteriori, non habere albedinem in facie: Tertia particula est, (similiter,) id est eodem prorsus modo, defectu cuius conditionis hæc non sunt contradictorie Socrates currit, si intelligas lentes, Socrates non currit, si intelligas, uelociter. Quarta particula est (eodem tempore,) ad quam reduci potest quinta, (eodem loco,) defectu harum conditionum hæc non opponuntur contradictorie; Socrates nigrilat, si intelligas interdiu, Socrates non nigrilat, si intelligas noctu: hæc hora pluit, si intelligas in Gallia, hæc hora non

non fluit, si intelligas in Lusitania. Hæ uero omnes particulae eo tendunt, ut Aristot. doceat, se accepisse vocabulum, (oppositæ,) pro maxime oppositis.

Diuidatur nè vox significatiua ex instituto diuisione generis in nomen, & verbum & orationem.

QUESTIO PRIMA.

IN hac questione primo est aduertendum, dubitationem non excitari, de voce significatiua ex instituto, si accipitur, pro quodam coniunctio ex voce, quæ ens quoddam reale est & significatione, quæ, ut supra diximus, est relatio nominis: perspicuum est enim eam esse compositum per accidens, nec posse diuidi in nomen, verbum & orationem diuisione generis, sed excitari de voce significatiua ex instituto, si accipitur loco vnus simplicis, quæ formaliter significet relationem significantis ex instituto, & connotet uocem, in qua fundatur. Secundo loco aduertendum est, nomen verbum & cæteras uoces simplices eo differre ab oratione quod illarum significatio non consistit ex aliquarum partium significatione, sed omnino simplex sit: at uero orationis significatio, ex suarum partium significatione cõficiatur, ita ut earum partium significationes formaliter excludat, uerbi gratia: significatio huius orationis: (homo est albus,) coniuncta ex significatione huius uocis, (homo,) & alterius uocis, (albus,) quod sane sitis affirmatur ex definitione orationis: ubi Aristot. docet: partes orationis separatim significare in ipso toto, quasi totius orationis significatio, ex partium significationibus conficiatur. Quod etiam ex eo confirmatur, quia si cuiuslibet partis earum, quæ in oratione sumuntur, significatio mutetur, nemo dubitat totius orationis significationem mutari.

Quod si quis obijciat: orationem posse conici ex dictionibus non significatiuis, ut si dicas: (blistri) est (blistri) dicendum est, uoces non esse partes enunciationis, sed ratione aliarum dictionum, quæ in

prolata oratione subintelliguntur. Cum enim dicimus, (blistri) est (blistri,) tam in subiecto, quam in prædicato, intelligitur aliqua alia particula: ut hæc uox, hæc dictio, ratione cuius uox non significatiua videtur assumi in oratione, ut patet ex 1. lib. Insti. Dial. cap. 16. Quod pari ratione dicendum est in cæteris orationibus, in quibus uox qua materialiter, id est, pro se ipsa accipitur. Quod si mauis eas uoces secundum se esse partes orationis, dicendum est, tunc temporis orationis significationem constari, partim ex significatione copulæ partim ex significatione materialis subiecti & prædicati, dicique orationem significatiuam ex instituto saltem ratione alicuius partis: nec enim potest esse oratio, quæ saltem aliqua parte ex instituto significante non consistet, sed prior solutio magis placeat.

Aduertendum est tamen: orationem præter partium significationem dicere ordinem quandam ipsarum partium inter se: quo mutato, quamuis singularum partium significatio eadem maneat: totius tamen orationis significatio mutatur atque adeo ipsa oratio alia esse censetur. Nemo enim negat aliam esse hanc enunciationem, homo est animal, aliam uero hanc, animal est homo, cum tamen partium significationes sint eadem, & præter ordinem nihil mutetur. Porro hic ordo non tam ex ipsarum partium situ sumitur, quam ex conceptione intellectus. Fit enim interdum, ut manente eodem situ, quo ad uoces aut scripta, tamen propter diuersum concipiendi ordinem alia, & alia oratio censetur. Alia enim est hæc enunciatio, homo albus est, ut responderet enunciationi mentali, qua albus, sumitur ut pars subiecti; alia uero, ut responderet enunciationi, qua albus sumitur ut prædicatum, quamuis in uoce aut scripto idem semper seruetur situs. Potest etiam interdum mutari situs in uoce aut scripto, & oratio erit eadem, si tamen non mutetur ordo in conceptione, cui oratio aut scriptum responderet, ut in proposito exemplum, si albus, semper sumatur pro prædicato, eadem est oratio, homo est albus, & homo albus est, quamuis situs in uoce aut scripto sit diuersus. Hoc quod uulgo dicitur ut Dial. 1. cap. 1. & Aristot. 1. cap. lib. 2. affirmat nomina & uerba transposita idem significari.

significare, quo scilicet non mutatur ordo conceptionis, non tamen est negandum, ipsum etiam situm partium non ita esse liberum, ut iam magna ex parte non sit definitus, & certus ex hominum constitutione, & communi consuetudine loquendi, ac fere iuxta regulas, quas Grammatici ex vulgaris sermonis usu collegerunt in singulis idiomatis, uerum is non tam restrictus, & angustus est, ut eo seruato non adhuc in plurimis liberum sit cuique, hoc, aut, illo modo partes concipere; & sensum totius orationis, atque adeo ipsam orationem mutare.

Ex his patet, orationem etiam formaliter sumptam, cum ipsius significatio nihil aliud contineat, quam plurium partium significationes inter se ordine quodam coniunctas, non tam esse unum per se, quam unum per aggregationem & ordinem, seu unum aggregatum ex pluribus ordinatis.

Ex dictis facile est ad propositam questionem respondere. Dicendum est enim uocem significatiuum ex instituto non diuigi in nomen & uerbum & orationem, diuisione generis, quæ conditio ex eo patet, quia quod est unum per se in aliqua natura, non potest in eadem uniuoce conuenire, cum eo, quod in illa natura non est simpliciter, ac per se unum, sed tantum secundum quid; sed nomen & uerbum sunt unum per se significatiue ex instituto, oratio uero est unum per aggregationem; igitur non possunt in eodem uniuoce conuenire. Quod si quis petat, quomodo sint constituenda diuisio adæquata uocis significatiue ex instituto, aut potius significatiui ex instituto connotando uocem; dicendum est significatiuum ex instituto si tam late accipiat ut omnia comprehendat, posse diuidi, diuisione analogi in analogata, in significatiuum omnino unum, & significatiuum unum secundum quid, scilicet uuum ordine quod partium significantium. Hoc posterius membrum conuertitur cum oratione, diuiditur quæ ipsæ diuisionibus, quibus oratio diuiditur in orationem scilicet perfectam & imperfectam. Perfecta uero in enunciationem imperatiuam, optatiuam, & enunciatiuam &c. rursum enunciatiuam in affirmationem & negationem, quæ omnia, quæ uis nec ueræ species sint, nec uera genera; cum omnia sint aggregatione, & ordine partium constata, solent tamen genera; &

species appellari propter similitudinem, quam habens cum ueris generibus, ac speciebus: quemadmodum domum dicimus esse speciem edificij & exercitum esse genus ad uarias species in se contentas, quæ iuxta diuersos ordines componendi milites distinguuntur. Significatum uero ex instituto, quod est omnibus unum, diuidue diuisione generis in significatiuum ex instituto sine tempore, & in significatiuum ex instituto cum tempore. Priori membro continetur nomen ab Aristotele definitum & casus nominum & nomina etiam infinita, aduerbia & quæcunque significant sine tempore. Posteriori uero membro continentur omnia, quæ cum tempore significant, utrum autem significatiuum sine tempore, & significatiuum cum tempore genera sint, an potius infimæ species, parum interest.

Sitne rectè tradita Enunciationis
Definitio?

QUESTIO SECUNDA.

NON uidetur rectè tradita Enunciationis definitio, nec enim omnibus, nec solis enunciationibus accommodari uidetur. Quod non omnibus conueniat sua detur in primis: quoniam si hæc uox, (homo,) imponeretur ad significandum totum hoc, (homo est animal rationale,) esset enunciatio, cum significaret uerum aut falsum? & tamen non esset oratio: Ergo definitio enunciationis non omnibus conuenit. Aliter probatur: quia partes huius uocis nihil significant separatim, ut nunc etiam nihil significant. Præterea hæc oratio, (hæc propositio est falsa,) pronominæ illo, (hæc,) demonstrante eandem enunciationem, in qua ipsa ponitur, est enunciatio: & tamen neque significat uerum, nec falsum; Ergo definitio tradita non conuenit omnibus Minor probatur. Nam si dixeris, eam esse falsam, cum significet se esse falsam, ita se res habebit, ut ipsa significet, ac proinde erit uera & non falsa: Quod si ueram dixeris ergo ita res habet a parte rei, ut ipsa significet; sed ipsa significet esse falsam; Ergo est falsa & non uera. Eadem obiectio fieri potest in hac oratione, (ergo men-

mentior,) seu quod idem est, (ego nunc dico falsum,) demonstrando per verbum **DICO**, hanc ipsam orationem, quam profero. Nam si dicas, me falsum dicere, cum ego significem me dicere falsum, dicam verum & non falsum, quia ita dico, ut est, si autem dicas, me dicere verum, ita se habebit res, ut ego dico: quare cum dicam, me dicere falsum, falsum dicam & non verum. Porremo hæc oratio, Socrates disputabit cras, est enuntiatio, & tamen non significat verum aut falsum cum sit de futuro contingenti, quod in veramque partem evenire potest; Ergo definitio tradita non convenit omnibus enunciationibus. Quod vero nec solis accommodetur, confirmatur hoc modo: Nam hoc completum verum aut falsum, est oratio significans verum aut falsum, & tamen non est enuntiatio, cum non constet verbo igitur non solis enunciationibus convenit tradita definitio.

Secundo, hæc oratio Socratem currere, significat Socratem currere, sed Socratem currere est verum, aut falsum: Ergo hæc oratio Socratem currere significat verum aut falsum. Cum tamen non sit enuntiatio, sed oratio imperfecta, ergo institutum. Tertio hæc oratio Socrates est prudens & doctus, est oratio significans verum aut falsum, ut patet, & tamen non est enuntiatio una, quæ sola ab Arist. definitur; Ergo definitio tradita non solis accommodatur enunciationibus. Minor probatur. Nam nec est una simplex, dicens scilicet unum de vno nec coniuncta, quippe cum ex simplicibus enunciationibus non componatur.

Dicens autem etiam definitio enunciationis recte tradita est, cum omnis oratio sit instrumentum intellectus, quo scilicet sua explicat cogitata, instrumentum autem per proprium officium accommodatissime definitur enuntiatio, quæ oratio quædam est, per proprium officium, quod est significare verum aut falsum, accommodatissime definitur. Ponitur ergo loco generis Oratio scilicet, vocalis (definitur enim enuntiatio vocalis) per quam particulam excluduntur nomina & verba, denique omnes voces simplices, & conceptus omnes & scripta nemque enunciationes simplices, quoniam enunciationes plures, non sunt oratio una. Loco differentie ponitur, (significare verum aut falsum,).

per quam particulam rejicitur quæcunque oratio non enuntiativa: quare ad primam objectionem dicendum est, facta illa hypothesei vo cem (homo), non esse enunciationem ab Aristotele definitam. Definit enim Arist. in his lib. solum voces, quibus homines communiter uti solent ad hoc, aut ad illud significandum, non solemus autem unica voce simplici ex vi ipsius verum aut falsum significare. Quod si voluisset etiam definire voces, quæ fingi possent ad hoc, aut ad illud significandum, aliter fortasse definitiones tradidisset.

Ad secundum dicendum est pronomem hæc, ex communi usurpatione nunquam demonstrare eam enunciationem, in qua ponitur, sed aliam quandam pro qua accipitur. Cum enim ab alio enuntiatio proferatur, querere solemus, de qua nam propositione ille loquatur, quapropter si pro alia quadam enunciatione accipitur, verbi gratia, pro hac Socrates non est animal, dicitur esse vera; si vero pro ac accipitur, Socrates est animal, dicitur esse falsa. Itaque si huiusmodi propositiones in eo sensu accipiantur, quo contra usurpari solent, verbi aut falsi significare dicitur, ut cæteræ.

Sed si quis velit vocabulis abstrahi, & vero sensu enunciationum, & pronomine ille, hæc, ipsam orationem, cui adiungitur demonstrare: Ad hoc, sunt qui dicantur orationes esse falsificantes: neque in definitione enunciationis ab Arist. tradita comprehendendi, quoniam ex earum veritate, falsitas ipsarum colligitur, & ex falsitate veritas. Porius tamen dicendum videtur, eas non esse falsificantes, nec ex veritate falsitatem colligi, aut est contra, sed eas esse tantum veras aut falsas, Pro curus intelligentia advertendum est: orationem, cui aliquod pronomen, aut vox demonstrans adiungitur, nec veram esse, nec falsam, si particula demonstrans, nihil demonstrare ponatur: quoniam hoc pacto nullum habebit sensum perfectum, qualis ad veram aut falsam orationem requiritur, ut si dicas, hic homo habet duo capita, nullam rem demonstrando, pro quo pronomen, hic, accipitur, nec veram nec falsam orationem efficiens. Quod si aliquis homo eo pronomine demonstraretur, tum pro veritate aut falsitate rei demonstratæ veram aut falsam orationem efficiens. Pari ratione, hæc oratio. (Hæc pro-

positio est falsa,) si absolute sumatur, ita ut pronomen hæc, nihil demonstraret, nec vera, est falsa. Quod si aliquid demonstraret, pro veritate aut falsitate rei, quæ ostenditur, diceretur vera aut falsa. Nam si demonstraret rem falsam, erit vera, si autem veram, neque falsam, erit falsa, cum significet rem illam esse falsam.

Ad argumentum igitur dicendum est, illam orationem, (hæc propositio est falsa,) esse falsam: si pronomen demonstrat totam orationem, cui adiungitur: quoniam significat ipsam orationem, ut tali pronomine demonstratur, & absolute acceptam, esse falsam: quod quidem est falsum, cum illa demonstratur & ut absolute sumitur, nec vera est, nec falsa; quandoquidem, & sub hac ratione, illo pronomine, hæc, nihil demonstratur. Eodem modo respondendum est, ad alteram orationem, quam adduximus scilicet, (ego nunc dico falsum.) Si enim verbum, (dico,) demonstrat aliam quandam orationem diversam ab ea, cui ipsum adiungitur: diceretur illa oratio vera aut falsa, iuxta veritatem aut falsitatem orationis demonstratæ. Si vero eandem orationem, cui adiungitur, ostendat: dicatur illa oratio falsa: non quod rem falsam significet: sed quod illa oratio, ut significat & demonstrat seipsam, ostendit seipsam, ut significatur: quæ quidem sub ea ratione, nec falsa est, nec vera.

Ad tertium dicendum est, eam enunciationem esse, non quidem determinate, sed indeterminate, seu consule veram, aut falsam, quod satis est ut comprehendatur in hac definitione. Pro cuius intelligentia adverte particulam, aut positam in definitione enunciationis non accipi disiunctive, sed disiunctim. Nam si acciperetur disiunctive, definitio non posset vniuersaliter præ-

dicari de definito; esset enim sensus, aut omnis enunciatio esset vera, aut omnis enunciatio esset falsa, quod tamen non vere dixeris: accipitur ergo disiunctim eritque definitionis sensus, omnem enunciatio nem significare aut veram aut falsam. Vnde non valet hæc consequentia, hæc enunciatio est vera, hæc non est falsa; igitur non est vera aut falsa; non valet, non est necesse mori in hoc anno, nec est necesse mori in illo, & sic de cæteris: Ergo non est necesse mori in hoc, aut illo anno, & sic de cæteris.

Ad primam reliquarum obiectionem dicendum est, complexum illud nempe verum aut falsum esse orationem, significareque verum aut falsum, hoc est, veritatem ipsam aut falsitatem in concreto, quod alij vocant, significare verum aut falsum in actu signato quomodo enunciatio non dicitur significare verum aut falsum, quia significat id, cui accidentaliter convenit, esse verum aut falsum, quod alij vocant significare verum aut falsum in actu exercito, hoc est, quatenus rebus applicatur, quomodo complexum illud non significat verum aut falsum, & propterea non est enunciatio.

Ad secundum dicendum est, Socratem currere non esse verum aut falsum, quatenus significatur hac oratione Socratem currere, sed quatenus significatur hac oratione, Socrates currit. Ad postremam dicendum est, eam orationem esse simplicem enunciationem, si particula hæc accipitur copulative, hoc est, ut coniungit partes vnius prædicati, sic enim significat vnū de vno. Quod si particula accipitur copulative, ut scilicet coniungit diuersas enunciationes, quasi sensus sit huiusmodi, Socrates est prudens, & Socrates est doctus, erit coniuncta propositio, constata ex vocibus simplicibus.



CAPVT QVINTVM DE SVBIECTIS.

& prædicatis enunciationum.



Um autem rerum alie sint vniuersales, alie particulares (atque vniuersale dico, quod de pluribus aptum est prædicari, quale est homo: singulare autem id, quod illam legem subire nequit, quale est Callias) sitque necesse interdum vniuersalium, interdum singularium cui dam aliquid inesse, vel non inesse enunciare; si quispiam vniuersaliter quidem de vniuersalibus enunciat, competere inquam aut non competere quippiam, erunt enunciationes istæ contrariæ. Atque de vniuersalibus, vniuersaliter enunciare quempiam dico hoc modo, vt omnis homo est albus, nullus homo est albus. Quando autem in vniuersalibus non vniuersaliter non sunt contrariæ: quæ autem significantur, possunt esse contraria. Dico autem non vniuersaliter enunciare in his, quæ sunt vniuersalia, hoc modo. Homo albus est: homo albus non est, homo quidem est vniuersale, amille non vtitur vt vniuersali ipsa enunciatione. Hæc enim vox, omnis, non significat ipsum vniuersale, sed vniuersalis prædicationis est nota, Et vero, quod vniuersaliter prædicatur, si vniuersalis prædicationis addideris notam, enunciatione non efficies veram, nulla enim erit affirmatio vera, in qua prædicationis nota vniuersalis ei adiungitur; quod vniuersaliter prædicatur, vt omnis homo est omne animal. Affirmationem igitur & negationem opponi contradictorie qui dem dico, cum vniuersaliter altera significat de eodem, vt omnis homo albus est: Non omnis homo albus est: Nullus homo albus est, quidam homo albus est, Contrarie vero, cum vniuersaliter vtraque significat de eodem, vt omnis homo albus est; Nullus homo albus est.

Omnis homo albus est.

Contrariè.

Nullus homo albus est,

Contra
dictoriè.
Contra
dictoriè.

Aliquis homo albus est.

Subcontrariè.

Non omnis homo albus est.

Egit

Egit Arist. in fine superioris c. de oppositione contradictoria, nunc cetera etiam genera explicare instituit: sed quoniam oppositio aliter cernitur in enunciationibus de subiecto vniuersali, aliter in ijs, quæ cōstāt subiecto singulari, diuidit initio huius c. enunciationem in can, quæ constat subiecto vniuersali, & eam, quæ constat subiecto singulari, quam diuisionem colligit ex diuisione rerum, in vniuersales & singulares: quo loco obiter cōfinit, quid sit vniuersale, quid singulare, sed ea de re multa dicta sūt apud Porphyrium. Illud aduertendum est; res diuidi in vniuersales & singulares: non secundum esse, quod habent a parte rerum (sic enim omnes sunt singulares, aut per se aut per accidens.) Sed secundum id quod habent cum apprehēduntur ab intellectu: aut secundum quid significantur per voces, quo modo alię vniuersales sunt, alię singulares. Quædam quoniam concipiuntur conceptu vniuersali, & repræsentant scilicet rem sine differentijs indiuiduantibus: alię concipiuntur conceptu singulari, in quo scilicet ipsę indiuiduantes differentię repræsentantur; & per ratione, quædam significantur voce vniuersali, vt, homo: quædam voce singulari, vt Socrates. Est autem hæc diuisio subiecti in accidentia.

Si quispi. m.) Ex diuersitate subiectorum colligit diuersa oppositionum genera, quo loco recolere ea, quæ libr. 3. institutio. Dialect. tertia, quarta, & quinta, itemque sexto, & septimo, & explicata sunt. Ait igitur eas enunciationes opponi contrarie, in quibus idem affirmatur & negatur de eodem subiecto vniuersali, vniuersaliter accepto, siue affecto signo vniuersali, vt si dicatur: Omnis homo est candidus. Nullus homo est candidus.

Quando autem) Tradit hoc loco quintum oppositionis genus, docens eas enunciationes oppositas, quarum vtrumque subiectum est vniuersale non vniuersaliter acceptum, non esse contrarias, appellantur tamen sub contrariis, si subiecta sint particulariter affecta, hoc est, affecta signo aliquo particulari, ut quidam homo est iustus, quidam homo non est iustus. Vocantur autem subcontrariis, quoniam sub contrariis collocantur, vt hæc, quidam homo est iustus, sub hac omnis homo est iustus. Hæc vero, quidam homo non est iustus, sub hac nul-

lus homo est iustus. Quod si subiecta enunciationum accipiantur indefinitæ, id est, si ne aliquo signo, vocantur contradicentes ab Arist. c. sequenti. Sed intellige esse contradicentes indefinitas, quoniam non est opus alteram veram esse, & alteram falsam. Recentiores tamen etiam has vocant subcontrarias quoniam, eandem seruant legem esse subcontrariis, quod ad veritatem aut falsitatem. Cæterum a aristoteles hoc loco potissimum videtur loqui de indefinitis.

Quæ autem significantur) Docet Aristot. hoc loco, et si enunciationes indefinitæ non sint contrariæ, earum tamen significata posse esse contraria, quoniam, vt exponunt. Alexander & alij, enunciationes indefinitæ in materia necessaria, modo subiectum non latius pateat, quam prædicatum, & in materia impossibili, idem valent atque contrariæ, non quidem in modo significandi, sed in veritate & falsitate. Vnde quod atinet ad veritatem & falsitatem, idem est dicere, hominem esse animal, atque omnem hominem esse animal. Dixi in materia necessaria, modo subiectum non latius pateat, quæ prædicatum, quoniam si subiectum latius pateat, non idem valebit indefinita, in materia necessaria, quod vniuersalis, vt hæc, animal est homo, non idem valet, quod hæc omne animal est homo.

Omnis non significat.) Reddit rationem, cur enunciationes indefinitæ non sint vniuersales, quoniam et si constant subiecto vniuersali, non constant subiecto, affecto signo vniuersali. Nam quauis signa vniuersalia non significant res vniuersales, tamen sunt notæ vniuersalis prædicationis, hoc est, denotant prædicatum conuenire naturaliter omnibus singularibus contentis sub subiecto, cui opponuntur.

Ei vero.) Tradit obiter documentum quoddam, nempe si prædicato enunciationis vniuersalis affirmatiuæ, addatur signum vniuersale, non possit fieri veram enunciationem, vt si dicatur, omnis homo est animal, omnis homo est omne risibile. Dixi enunciationis vniuersalis affirmatiuæ, quoniam si prædicato vniuersalis negatiuæ addiderit quispiam signum vniuersale, poterit efficere enunciationem veram, vt si dicatur: nullus homo est animal. Intelligendum est etiam hoc, quando prædicatum enunciationis, non conuenit vni tantum, alioquin

O pote-

poterit esse vera, vt si dicas, omnis Deus est omnis creator, vbi prædicatum vni soli conuenit. Illud tamen aduerbie, nulla signa accommodatæ ad naturam ipsorum adiungi cum prædicato; Nam vt affirmatio, & negatio, in quibus qualitas enunciationum posita est, pertinent ad prædicatum, quod est, veluti forma enunciationis, sit etiam vniuersalitas & particularitas, in quibus qualitas enunciationum cernitur ad subiectum quod est veluti materia enunciationis, apertissime referuntur.

Affirmationem igitur) Tertio loco docet oppositas enunciationes, quarum altera est vniuersalis, altera particularis, esse contradicentes, vt omnis homo est albus, quidam homo non est albus: Nullus homo est albus, quidem homo est albus. Deinde repetit id, quod dixit de contrarijs, nulla facta mentione subcontrariorum, quoniam putat eas, non esse proprie oppositas, quod altera non proprie negat, quod altera affirmat. Præterea, quoniam non repugnant in veritate, in quo cernitur vera, ac propria oppositio, quo fit, vt Arist. 2. lib. prior. c. 15. merito dicat, subcontraria, enunciationes non esse reuera oppositas, sed voce duntaxat.

Quid oppositio in communi, & de singulis oppositionum generibus.

QVÆSTIO VNICA.

Quamquam omnibus oppositionum generibus explicatis, non erat difficile intelligere, quid esset oppositio in communi, ac propterea ipse definitio omisa sit hoc loco ab Arist. videndum est tamen breuiter, quo pacto ea definiiri possit. Recentiores igitur putant, oppositionem propositionum ita definiendum esse. (Oppositio est repugnantia duarum propositionum,) utroque termino participantium, aut in quantitate tantum, aut in qualitate tantum aut in quantitate & qualitate simul dicunt in quantitate tantum propter eas propositiones, quas vocant subalternas, quæ cum consentiant eisdem extremis, & eadem qualitate, altera tamen est vniuersalis, & altera particularis cuiusmodi sunt hæc, omnis homo est iustus, aliquis homo est iustus, nullus homo

est iustus; aliquis homo non est iustus. Dicunt (in qualitate tantum) propter contrarias & subcontrarias, quæ cum in quantitate conueniant, quia aut ambe sunt vniuersales, aut ambe particulares, in qualitate tamen differunt, quia altera est affirmatiua, altera negatiua. Addunt autem: (in quantitate, & qualitate simul) propter contradictorias, quarum altera est vniuersalis, altera particularis, altera affirmatiua, altera negatiua.

Sed quoniam subalternæ propositiones non debent inter oppositas numerari, quia nec in veritate pugnant, nec in falsitate, imo vero ex veritate vniuersalis, quam vocant subalternantem, infertur veritas particularis, quam vocant subalternatam, & contra ex falsitate huius falsitas illius, melius definitur oppositio hoc modo. (Oppositio est duarum enunciationum utroque termino participantium repugnantia secundum affirmationem & negationem.) Pro genere ponitur, (repugnatio,) additur (duarum enunciationum,) excludendam repugnantiam inter duos terminos. Additur (utroque termino participantium,) quia debent constare eodem subiecto & prædicato: Addit postremo, (secundum affirmationem, & negationem,) ad excludendam propositiones subalternas, quæ ambe sunt affirmatiuæ, aut ambo negatiuæ. Diuiditur autem oppositio in tria membra, scilicet in oppositionem contrariam, & subcontrariam & contradictoriam oppositionem, quæ diuisio est analogi in analogata. Constat enim rationem oppositionis primam participari ab oppositione contradictoria, quæ enunciationes, quibus conuenit, nec simul veras, nec simul falsas esse patitur: Deinde ab oppositione contraria, quæ patitur quidem oppositiones, quibus inest, esse falsas simul, non tamen simul veras: Postrema ab oppositione subcontraria, quæ vix oppositionis nomine digna est, quia quâvis propositiones simul falsas esse non patiatur, patitur tamen esse simul veras. Ad hoc tertium genus pertinet oppositio, quæ cernitur inter propositiones indefinitas, eadem enim ratio est de indefinitis, ac subcontrarijs.

Oppositionem contradictoriam definit Arist. in fine cap. superioris cum dicit, contradictionem esse affirmationem, & negationem maxime oppositas, ac ex hoc cap. licet

licet hanc contradictionis definitionem colligere: (Contradictio est oppositio inter duas propositiones, quarum altera est vniuersalis, altera particularis.) Ceterum aduerte; priorem illam definitionem lazius patere, quam hanc posteriorem. Hæc enim solum complectitur contradictionem, quæ cernitur inter propositiones simplices cōstantes subiecto vniuersali, siue communi, vt patet; solæ enim illæ propositiones possunt dici vniuersales aut particulares. Illa autem prior comprehendit & contradictionem, quæ cernitur inter propositiones singulares, imo etiam inter propositiones cōiunctas, quas Arist. hoc cap. omnino prætermisit. De quibus, vt aliquid dicamus, sciendum est in primis, propositionibus singularibus, & cōiunctis non posse conuenire oppositionem contrariam, aut subcontrariam, quia tales enunciationes non sunt vniuersales, nec particulares, quod requiritur ad oppositionem contrariam, & subcontrariam. Superest ergo, ut solum eis cōueniat oppositio contraria: Cōuenient autem quando cōsisterint eisdem terminis: & una fuerit negatiua, & altera affirmatiua, ut patet in iisdem propositionibus: Socrates est iustus: Socrates nō est iustus. Si Sol lucet dies est, si sol non lucet, dies non est.

Aduertendum est autem enunciationem cōiunctam, fieri negatiuam, quando copula præcipue negatur. Ea uero præcipue negatur, quæ cōnectit simplices propositiones inter se. Quemadmodum enim negatio copulæ uerbis facit negatiuam simplicem; sic etiam in propositionibus cōiunctis negatio copulæ illius, quæ simplices propositiones nectit, facit propositionem negatiuam cōiunctam: Non potest autem id facilius fieri, quam si propositioni cōiunctæ, negationi præponatur. Ad enunciationes cōtradictorias constantes subiecto singulari, reducuntur & illæ, quarum substantiæ, licet sint vniuersalia, sumuntur tamen simpliciter, pro vt loquuntur Dialectici, seu quod idem est, pro natura communi, quasi seiuncta a rebus singularibus, vt fidicus homo est species, homo non est species. Sunt enim similes propositionibus, quia pro vno solo accipiuntur: Atque hæc de oppositio ne contradictoria.

Quod uero attinet ad oppositionem contrariam & subcontrariam, possunt ipsarum

definitiones colligit ex his, quæ Arist. hoc cap. dixit, in hunc modum. (Oppositio contraria est oppositio, quæ enunciationes vniuersales opponuntur,) vt omnis homo est iustus; nullus homo est iustus. (Subcontraria uero oppositio est, quæ duæ enunciationes particulares inter se opponuntur,) vt quidam homo est iustus; quidam homo non est iustus. Quod si uelis nomie subcontrariæ oppositionis eam etiam comprehendere, quæ cernitur inter oppositiones indefinitas, dic, (Subcontrariam oppositionem esse, quæ duæ oppositiones particulares, aut indefinitæ opponuntur.) Illud solum aduertendum est hoc loco, oppositiones subcontrarias, & non esse uere oppositas, si modo proprie de oppositione loquendum sit, quia quamuis simul falsæ esse non possunt, ueræ tamen esse possunt, quod non congruit cum oppositionis ratione, maxime uero, quia vna non proprie negat, quod altera affirmat; quæ forte ratione Aristotel. nihil fere hoc cap. de oppositione subcontraria dixit, imo uero secundo libro priorum cap. 1. & 5. ait eas non esse reuera oppositas sed uoce tantum. Quod si quis uelit enunciationes subalter definire; quamuis illæ, ut initio diximus, non sint oppositæ dicat (enunciationes esse, quæ iisdem omnino terminis constant, aut ambæ affirmatiuæ, aut ambæ negatiuæ, quarum altera est vniuersalis, altera particularis,) ut omnis homo est iustus; aliquis homo est iustus; nullus homo est iustus; aliquis homo non est iustus, ex quibus vniuersales dicuntur subalternantes, particulares uero subalternatæ.

Ex dictis facile patet, quod propositiones constantes subiecto communi dicantur cōtradictoriæ, quæ contrariæ, quæ subcontrariæ, imo & subalternæ, quod etiam clarius in subiecta figura inspicere potest. Constituatur enim figura quatuor angulorum, & in primo angulo superiori collocetur uniuersalis affirmatiua, in secundo superiori, uniuersalis negatiua in primo inferiori ponatur particularis affirmatiua, in secundo inferiori particularis negatiua, ut patet in subiecta forma.

Subalternans.

Omnis homo est infusus.

Contraria

Nullus homo est infusus.

Subalterna

Contradictories

Contradictories

Subalterna

Quidam homo est infusus

Subcontrariæ

Quidam homo non est infusus.

Subalternata.

His constitutis cernes duas superiores esse contrarias: duas inferiores, subcontrarias; eas vero, quæ sunt in angulis oppositis per diametrum, opponi contradiçtorie; quæ vero sunt in angulis superioribus, esse subalternantes earum, quæ in angulis inferioribus sibi subiectis col-

locantur. Dicendum fuerat hoc loco aliquid de oppositione exclusuarum propositionum, & earum, quæ exceptiue appellantur, sed de his satis dictum instituit. Dialectic. libro 3. capit. 13. & cæteris, quæ sequuntur, quare inde eorum explicatio petatur.

CAPVT SEXTVM

De regulis oppositionum.



*Q*uapropter fieri quidem non potest, ut hæ simul sint vera. At fit, ut bis oppositæ veræ nonnunquã sint de eodem; veluti, non omnis homo albus est; & aliquis homo albus est. Contradiçtiones igitur ea, quæ vniuersalium vniuersaliter sunt ita sese habent; ut altera pars earum sit necessario vera altera falsa: Bandẽ conditionem et in singularibus esse constat, ut Socrates est albus Socrates non est albus. Ad eã, quæ vniuersalium, vniuersaliter sunt, non ita se habent, ut semper altera pars ipsarum sit vera, altera falsa. Hæ namque simul sunt vera, homo albus est, homo albus non est; homo pulcher est, homo pulcher non est. Si enim turpis sit homo, pulcher non est, & si quippiam sit id profecto nondum est. At enim absurdum illico cuiuspiam hæc esse videbitur: propterea, quod hæ, homo albus non est, & nullus homo albus est, idem significare videntur. At nec idem sane significant, nec sunt simul necessario veræ. Patet autem & vnius affirmationis; unam esse negationem. Idem enim oportet negationem negare, quod affirmavit affirmatio ipsa, & ab eodem siue: singulare sit, siue vniuersale: aut vniuersaliter, aut non vniuersaliter sumptum.

Quod.

Quod si quippiam aliud ab eodem negauerit, aut idem ab alio, non erit hac illi, sed al a sane opposita. Huic enim Socrates est albus, illa aduersatur profecto, Socrates non est albus; ut huic, Omnis homo albus est, illa, non omnis homo albus est; & item huic, aliquis homo albus est, illa, nullus homo albus est; & huic rursus homo albus est, illa, homo albus non est. Dictum est igitur, vnam affirmationem vni contradictorie opponi negationi: & quae nam sint illae; & contrarias alias esse, & quae sint etiam illae, & item non omnis contradictionis alteram partem veram, alteram falsam esse: & cur ita sit, & quando rursus vera est aut falsa.

Constitutis oppositionum generibus, docet nunc quo pacto singula genera pugnent inter se, habita ratione veritatis, & falsitatis: Quod ergo attinet ad contrarias, tradit hanc regulam; Contrariae non possunt esse simul verae, adde aliquando eas posse esse simul falsas: vtrumque in his propositionibus patet, omnis homo est albus, nullus homo est albus. Secundo docet subcontrarias aliquando posse esse simul veras, adde eas nunquam posse esse simul falsas. Vtrumque probat in ijs propositionibus, aliquis homo est albus; aliquis homo non est albus. Pro contradictorijs tradit hanc tertiam regulam: Contradictoriae ita se habent, ut semper altera vera sit, altera falsa, nunquam autem simul verae aut simul falsae, siue illae constant subiecto communi, siue singulari, exempla sunt; omnis homo est albus; aliquis homo non est albus; Socrates est iustus; Socrates non est iustus. Vltimo loco tradit quartam regulam pro indefinitis, quas hoc loco apellat contradicentes improprie, dicitque eas, ut subcontrarias simul veras esse posse, adde non posse esse simul falsas, exemplum est, homo est albus, homo non albus.

Et si quippiam sit.) Ostendit has duas enunciationes, homo est albus, homo non est albus, posse esse simul veras, quia si aliquo homine existente albo, alius quidam fiat albus, utraq; erit vera, affirmatiua quidem ratione eius, qui iam albus est, negatiua vero, ratione eius, qui iam, albus sit. Nam quod sit tale, nondum est tale, quod quidem intellige in rebus permanentibus, quae sunt per motum. Nam res successiuae tunc sunt, quando sunt, res vero permanentes, quae non per motum, sed in instanti efficiuntur, similiter sunt, & facta sunt.

At enim absurdum.) Excitat objectionem, aduersus id, quod dixit eas esse simul

veras, homo est albus, non est homo albus.

Cum enim haec posterior idem valeat, atque haec; nullus homo est albus, quae non potest esse simul vera, cum illa priori, efficitur, ut duae illae non possint esse simul verae. Huic obiectioni occurrit, dicens, eas duas enunciationes, non est homo albus, & nullus homo est albus, non idem valere, quod intellige, quo ad sensum, in quo ipse prior negatiuum acceperat; nimirum, quasi dixerit, homo non est albus. Nam si negatio intelligatur praefixa initio totius enunciationis, idem profecto vtrique significabit. Cui enim dicimus: non est qui rempublicam defendat, non est qui faciat bonum, intelligimus exemplum propositionum nullum esse.

Pater autem.) Volunt aliqui Aristotelis hoc loco dicere, vnam affirmationem tantum habere negationem sibi oppositam, in eodem genere oppositionis, hoc est, non habere duas contrarias, sed vnam, nec duas contradictorias, quamuis non sit incommodum vnam affirmationem habere multas negationes, quarum vna opponatur contrariae, & altera contradictoriae: Quod etsi verum sit, tamen Aristotele, de solis contradictorijs loquitur, ut patet ex ipso contextu, propterea magis placet expositio D. Thomas, & Aegypt. qui dicunt, ne quis forte exillimaret, propterea, quod multa genera oppositionum tradita sunt, vni affirmationi posse multas negationes simpliciter opponi, idem Aristot. hoc loco dicere, vnam affirmationem habere tantum vnam negationem simpliciter oppositam, quauis praeter illam possit habere aliam oppositam, secundum quid, quod probat, quia negatio simpliciter opposita illud iam debet negare, quod affirmatio affirmare, sed in vno tantummodo fieri potest; Ergo una affirmatio vnam, tantum habet negationem. Aduerte autem hoc loco Arist. inter contradicentes numerasse

propositiones indefinitas, quia, vt ait D. Thomas, voluit eadem subiecta pro eodem individuo sumi, quo pacto sunt contradictoria. Quod si contra documentum illud Aristotel. obijcias, huic affirmationi, omnis homo est albus, opponi contradictorie has tres negationes, non omnis homo

non est albus, homo est albus; aliquis homo non est albus: Dicendum est, his tres enunciationes idem valere, ac propterea reputari pro vna tantum negatione. Quae autem propositiones de inesse idem valent, dictum est de instit. Dialectic. lib. 3. cap. 3.



C A P V T S E P T I M V M

De affirmatione & negatione vna.



E autem vna est affirmatio & item vna negatio, quae vnum de vno significat, siue, sit siue non sit vniuersaliter. Vniuersale, vt Omnis homo albus est; Non omnis homo albus est; Homo albus est; Homo albus non est: Nullus homo albus est; Quidam homo albus est; mo io album vnum significet. Quod si duobus nomen vnum est positum, ex quibus vnum non constat, non est vna affirmatio, nec vna negatio, veluti, si quispiam a quo aut homini posuerit nomen, tunica, oratio. Tunica est alba non erit vna affirmatio, nec etiam vna negatio. Haec enim, homo & equus est albus, ab illa nihil differre videtur, at haec nihil ab hisce differt, Equus est albus, & homo est albus. Quod si haec plura significant, & sunt plures, patet & primam illam aut plur. aut nihil significare, non est enim aliquis homo equus. Quare nec in his affirmationibus, negationibusve necesse est alteram veram, alteram falsam esse.

Dixerat vni affirmationi vnam tantum negationem simpliciter opponi posse; docet modo quoniam affirmatio aut negatio sit vna diciturque eam esse vnam, in qua vnum aliquid affirmatur aut negatur de vno, vt: Omnis homo est albus: aliquis homo non est albus, quas docet esse vnas, si modo albi vocabulum vnum idemque declararet: Quoniam si nomen, inquit, vnum imponatur ad significandas duas res, ex quibus non efficiatur vna enunciatio, cuius illud nomen erit subiectum aut praedicatum non erit vna. Vt si haec vox, (tunica;) Imponatur ad significandum hominem, & equum, haec enunciatio, tunica est alba, non erit vna. Cum enim ex homine & equo non efficiatur res vna, idem significabit illa enunciatio atque haec duz: Homo

est albus, equus est albus. In fine docet in contradicentibus, quae multa significant, non necessario alteram partem esse veram, alteram falsam, quod in superiori capite dictum fuerat de indefinitis: haec enim, omnis canis latrat, aliquis canis non latrat, ambae sunt verae, si in prima accipiat vocabulum pro cane terrestri, in secunda vero pro marino.

Vtrum vera sint Regulae Enunciationum oppositarum?

QVAESTIO VNICA.

Aduersus regulas enunciationum oppositarum ab Aristotel. traditas sic licet

licet argumentari. Hæ enunciationes sunt contrariæ; cuiuscunque hominis altera manus ex dextera, cuiuscunque hominis altera manus non est dextera, & tamen sunt simul ueræ; igitur contrariæ possunt esse simul ueræ. Præterea hæ sunt subcontrariæ: Quidam homo est albus; quidam homo nō est albus: & tamen sunt ambæ simul falsæ, igitur subcontrariæ possunt esse simul falsæ. Minor probatur accepto subiecto pro quodam æthiope: posterior uero, sumpto subiecto, pro quodam homine Hispano.

Tertio hæ sunt contradicentes, omnis homo uigilat; quidam homo non uigilat; & tamen sunt simul ueræ, igitur contradicentes enunciationes simul ueræ esse possunt. Minor probatur. Nam supposito, quod homines omnes, qui nunc uiuunt, hæc ora uigilent, erit uera, hæc enuntiatio: omnis homo uigilat, & hoc ipso tempore hæc est uera; quidam homo non uigilat. Nam Adamus non uigilat, & Adamus est homo; igitur quidam homo non uigilat. Postremo hæ sunt contradictoriæ, omnia elementa non sunt quatuor, aliqua elementa non sunt quatuor; sunt enim oppositæ, quarum altera est uniuersalis, altera particularis, altera affirmatiua, altera negatiua, & tamen sunt simul ueræ; ergo contradictoriæ sunt simul ueræ. Probatur minor, quia uniuersalis primum uerissima est particularem uero ex eo constare esse ueram quia aqua & terra sunt aliqua elementa, nec tamen sunt quatuor.

Nihilominus, tamen dicendum, regulas oppositarum enunciationum ueras esse, & quod attinet ad contradicentes, statuentium est tanquam primum proprium, eas nec esse simul ueras, nec simul falsas, nemo enim potuit unquam concipere duas contradicentes simul ueras aut falsas. Quod uero attinet ad contrarias, constat, nec non posse esse simul ueras, posse tamen esse simul falsas. Prior pars ita ostenditur, si enim contrariæ possent esse simul ueræ, earum etiam particulares essent simul ueræ, ut patet ex dictis; sed particularis unius contrariæ, est contradictoria alterius contrariæ, igitur darentur duæ contradicentes simul ueræ. Posterior pars exemplis ostendi potest. Nam hæ sunt simul falsæ: Omnis homo est albus: nullus homo est albus.

Cæterum dicunt nonnulli, contrarias posse esse simul falsas in materia contingenti, non autem in materia necessaria, quod tamen non est usque quaque uerum; nam & in materia necessaria possunt esse simul falsæ, quando subiectum latius patet quam prædicatum, ut si dicasi: Omne animal est homo; nullum animal est homo.

Quod autem attinet ad subcontrarias, facile ostenditur, eas posse esse simul ueras, non tamen simul falsas. Prior enim pars ostenditur: nam hæ sunt simul ueræ; Quidam homo est albus, quidam homo non est albus: Non putes tamen solum in materia contingenti posse subcontrarias esse simul ueras; Nam & in materia necessaria, ubi subiectum latius patet, quam prædicatum, possunt esse simul ueræ, ut si dicas: Quoddam animal est homo; quoddam animal non est homo. Posterior pars probatur: nam si subcontrariæ possent esse simul falsæ, earum uniuersales essent quoque simul falsæ; ex falsitate enim particularis colligitur falsitas suæ uniuersalis: sed altera illarum enunciationum uniuersalium est contradictoria alterius subcontrariæ; Ergo darentur duæ contradictoriæ simul falsæ. præterea si subcontrariæ essent simul falsæ, earum contradictoriæ essent simul ueræ; sed contradictoriæ subcontrariarum sunt inter se contrariæ, igitur darentur duæ contradictoriæ simul ueræ, cuius oppositum probatum est.

Quapropter ad primum argumentum dicendum est, eas enunciationes non posse esse uniuersales, quia signum uniuersale, cuiusque, non refertur ad totum subiectum propositionis, sed ad quandam eius partem minus præcipuam nempe ad illum casum obliquum hominis, sed esse particulares, quoniam præcipua pars subiecti, quæ est; manus, determinatur per quoddam signum particulare, nempe, altera. Alterum enim nihil aliud, quam aliquid duorum significat: sensus ergo propositionis est, altera manus cuiusque hominis est dextera; altera manus cuiusque hominis non est dextera, quæ sunt subcontrariæ & simul ueræ.

Ad secundum dicendum est propositionem particularem non posse fieri falsam, quod una singularis sit falsa, sed requirit

falsitatem omnium singularium. Si enim aliqua singularis sit vera, particularis etiā erit vera; quamvis de Aethiope falso dicatur album, tamen non erit falsum dicere, aliquem hominem esse album, cum id competat Hispano, aut Gallo; nec rursus, quod falsum sit Hispanum non esse album, propterea falsum erit, aliquem hominem non esse album, scilicet Aethiopem.

Ad tertiam distinguenda est maior. Si enim subiectum in utraque propositione accipiat pro omnibus existentibus, erunt quidem contradicentes, sed tamen nec poterunt simul esse veræ, nec simul falsæ. Si vero homo in una accipiat pro solis existentibus: erunt quidem veræ, sed non contradictoriæ, quia subiecta non accipiuntur pro eodem. Est autem maxime aduertendum in omnibus contradictorijs, imo etiam in omnibus contrarijs, ut semper affirmatio & negatio ad eadem contenta sub

subiecto referantur: alioquin hæc nec contra-dictoriæ erunt, nec contrariæ; atque adeo poterunt esse simul veræ.

Ad quartum distinguenda est maior. Nam signum, omnia, in illa propositione: omnia elementa sunt quatuor: potest sumi, aut distributive, aut collectivè. Si sumetur distributive, efficit hunc sensum: Quibuscunque convenit, ut sint elementa, sunt quatuor quo pacto efficit enunciationem univocalem, & contradictoriam illius, aliqua elementa non sunt quatuor; sed hæc est vera, illa vero falsa: Si autem sumetur collectivè, efficit hunc sensum, tota collectio elementorum est quatuor elementa, quo pacto propositio non est univocally, sed potius re ducitur ad singulares, nec est contradictoria illius, aliqua elementa non sunt quatuor, sed potius huius; tota collectio elementorum non est quatuor, quæ tamen est falsa.

CAPVT OCTAVVM

de futuris contingentibus.

In his igitur quæ sunt, quæque fuerunt, necesse est affirmationem aut negationem veram vel falsam esse, atque verum qui tem, quæ universaliter sunt, semper necesse est, alteram veram, alteram falsam esse, & singularem etiam, uti diximus. Nam earum quæ dictæ sunt non universaliter universales, non necesse est alteram veram: alteram falsam esse, atque de his etiam antea diximus. In singularibus autem atque futuris non similiter res sese habet, nam si omnis affirmatio vel negatio vera est aut falsa & omne necesse est esse aut non esse. Quare si quispiam qui dem dixerit quippiam fore, alius autem illud idem non fore dixerit, necesse est, (ut patet) alterum ipsorum dicere verum: si quidem omnis affirmatio vel negatio vera est aut falsa: in talibus enim non simul ambæ fuerint veræ. Nam si vere quispiam dicit, hoc album aut non album esse, necesse est album aut non album esse: & si est album aut non album, verum utique dicit affirmando aut negando: & si omnino non est, falsam dicit, & si falsum dicit, non est. Quare necesse est, affirmationem aut negationem veram vel falsam esse; nihil ergo aut est, aut sit a fortuna neque est quicquam, quod æquum fieri aut non fieri possit. Nam aut is dicit verum, qui affirmavit, aut is, qui negavit; quare non quicquam omnino tali natura. Etenim si esset, æque fieret, vel non fieret; ita enim quod æque fieri atque non fieri potest, non magis hoc quam illo

illo patto sese habet aut habebit: Præterea si est nunc aliquid album, vere quispiam prius affirmasset, si fore album dixisset. Quare semper esset verum, si diceretur quoduis ipsorum, quæ facta sunt, esse vel fore. Quod si semper esset verum, si diceretur hoc esse vel fore, fieri non potest, ut istud aut non sit, aut non oriatur. At quod fieri non potest, ut non oriatur, id impossibile est, ut non fiat, sed quod impossibile est, ut non fiat, id fieri necesse est: vniuersa ergo futura necesse est fieri; quare nihil est omnino, quod æque fieri atque non fieri potest: nec a fortuna quippiam euenit, sed omnia necessario fiunt. Nam si fortuna quippiam euenerit, id non necessario erit. At vero neque dicere quisquam potest neutrum esse verum, veluti neque fore, neque non fore; primo namque cum affirmatio vera non est, negatio vera non erit: & cum hæc esset falsa, sit ut affirmatio non sit vera. Et insuper, si vero quispiam dicit album quippiam esse simul & magnum, necesse est esse vtrumque: & si vere dicit cras fore, oportet illud cras fore, quod si neque erit cras, neque non erit, non erit in ratione verum, quod æque fieri atque non fieri possit, veluti naualis pugna: oportet enim neque fieri neque non fieri pugnam naualem. Ea igitur absurda, quæ eueniant, hæc sunt, & istiusmodi cætera, si necesse est enunciationum oppositarum tam in vniuersalibus vniuersaliter, quam in singularibus, alteram veram, alteram falsam esse, nihil inquam in his esse, quæ fiunt, quod æque fieri atque non fieri possit, sed esse ac fieri necessario cuncta. Quare nec consultare opus est, nec aggredi res agendas: veluti si hoc qui dem fecerimus, eueniet hoc: si vero non fecerimus, non eueniet hoc. Nihil enim prohibet in annos vsque centies centum, vnum hoc fore, alterum non fore dicere, ut necessario ipsorum eueniat alterum, quod quidem vere tunc diceretur. At vero nihil quicquam hoc refert, si quidem contradictionem ipsam dixere, vel non dixeret, certum est enim, ita res ipsas sese habere, etsi non alter quicquam affirmabit, alter negabit. Non enim quia affirmatio dicta est, aut negatio, ideo res erit aut non erit: neque magis, si post annos centies centum, quam quantocunque post tempore, fore aut non fore dicatur. Quare si omni tempore contradictio sic se habebat, ut altera pars ipsius esset vera, necesse erat hoc fieri; & vnumquodque eorum, quæ fuere, sic semper sese habebat, ut necessario fieret: nam si vere quispiam dixit, hoc fore, fieri nequit, ut non oriatur ipsum atque eueniat: & si euenit atque ortum est, semper antea verum erat ipsum dicere fore. Quod si impossibilia sunt hæc, (nam futurorum principium aliquod certum existere, videre cum a consultatione, tum ab actione ipsa licet. Atque omnino hisce in rebus, in quibus interpollatur actio, fieri non fieri aliquid possibile esse, similiter cernimus, in quibus, quia vtrumlibet, & esse & non esse per sepe accidit, etiam vtrumlibet fieri non fieri posse accidat, necesse est. Ac complures ita se res habere perspicuum est. Nam ut exemplo percipiatur, vestimentum hoc possibile est scindi & non scindi tamen, sed prius conteretur. Similiter & non scindi possibile est. Non enim esse posset prius eam conteri, si non scindi non erat possibile. Quare & in alijs item rebus, quæcunque talem subire potentiam dicuntur. Si igitur inquam, hæc fieri nequeunt: patet non omnia necessario vel esse, vel fieri: sed quædam talia esse, ut æque fieri atque non fieri possint, quæ siue affirmes siue neges, perinde sit. Quod de genere cum sic habeant aliqua, ut magis quidem, imo plerumque alterum ipsorum eueniat, posse tamen & alterum euenire, alterum vero non euenire constat. Ac necesse est quidem

quidem id quod est, tum cum est, esse: & id quod non est, tum cum non est, non esse; verumtamen aut omne, quod est, esse: aut omne, quod non est, non esse, necesse non est, non enim idem est, omne quod est, necessario esse, cum est, & simpliciter necessario esse: & de eo quod non est, simili modo; & in contradictione etiam ratio eadem est. Omne namque necesse est esse, aut non esse, & item fore aut non fore: aut tamen distincte alterum dicere necesse est: veluti necesse est quidem, pugnam naualem cras fore, aut non fore; non tamen fieri pugnam naualem, cras est necesse, neque rursus non fieri, at tamen fieri aut non fieri necesse est. Quare cum ita orationes sint veræ, quemadmodum sese res ipsæ habent, patet, & contradictionem ipsam, quæ circa res eas est; quæ sic se habent, ut æque fieri atque non fieri, & esse atque non esse possint, necessarie perinde sese habere, atque res tales sese habent; & eandem cum illis legem subire. Quod quidem in hisce fit; quæ aut non semper sunt, aut non semper non sunt; contradictiones enim rerum earum alteram quidem partem necesse est veram vel falsam esse, non tamen hanc vel hanc, sed utram contigerit, atque ut altera magis vera, non tamen vera vel falsa distincte, sicuti diximus. Quare patet, non omnium affirmationum & negationum oppositarum alteram necessario veram esse, alteram falsam. Non enim ut in hisce quæ sunt, sic res se habet, & in ijs, quæ non sunt quidem, esse vero aut non esse possunt, sed ita ut dicimus.

Douerat Arist. in contradicentibus enunciationibus, alteram partem esse veram, alteram falsam, nunc autem, quoniam quaereret aliquis, utrum in omni contradictione altera pars sit determinate vera, altera vero determinate falsa, dirimit hanc questionem in hoc cap. duabus conclusionibus, quarum prior est: In enunciationibus contradicentibus de verbo præsentis temporis aut præteriti, necesse est alteram partem esse determinatam veram, & alteram determinatam falsam quod intelligi in quacunque materia. Probat autem conclusionem a partium enumeratione, quoniã scilicet ita cernimus in contradictione vniuersalium & singularium, quæ sunt proprie contradicentes. Nam, ut statim subiicit, contradicentes indefinitæ ab hac lege sunt excludendæ quippe cum simul veræ esse possint, ut cap. 6. dictum est.

In singularibus autem] Posterior conclusio est: In contradictorijs singularibus temporis futuri non similiter se res habet, ut in cæteris, hoc est, non semper altera est determinate vera, altera falsa, quia quando sunt in materia contingenti, neutra est determinate vera aut falsa. Dicitur in singularibus, non quia non cernatur idem in contradictorijs de subiecto vniuersali, par enim ratio est in illis; sed quia in singularibus res

erat facilior & apertior, & præterea, quia prædicata contingentia prius solent conuenire subiectis singularibus, quam vniuersalibus. Quo loco aduerte, contradicentes in materia necessaria, aut impossibili, quamuis sine temporis futuri; tamen ita esse affectas, ut altera sit determinate vera, altera falsa, ut in his; Socrates erit animal, Socrates non erit animal, nec id negat hoc loco Arist. Solum enim affirmat in singularibus futuri temporis non similiter se rem habere, atque in propositionibus præsentis atque præteriti temporis, quia non in omni futuri temporis, altera est determinate vera, altera falsa, quemadmodum in omni præsentis ac præteriti.

Nam si omnis affirmatio.] Probat posteriorem conclusionem duabus rationibus, quarum prior est: Si omnis contradictionis altera pars determinate vera est, aut determinate falsa, omnia necessario euenient, sed hoc est maximum inconmodum; Ergo & illud. Maiorem probat ex conuenientia inter enunciationem significantem & rem significatam: Si enim enunciatio est vera, necessario res significata ita se habet, ut ipsa significat, & si falsa est enunciatio, debet res alter se habere, quam ipsa significat. Kursus, si res significata ita se habet, enunciatio est vera, quod si non ita se habet, falsa erit enunciatio;

ciatio; Vera igitur erat maior, quæ assererat, si omnis contradictionis de futuro contingenti altera pars esset determinate vera, altera falsa, res omnes, quæ per tales enuntiationes significantur, necessario futuras esse, aut non esse futuras.

In talibus enim.] antequam probet minorem propositæ argumentationis, docet obiter, contradicentes de futuro contingenti non posse esse simul veras, quod ostendit ex similitudine contradicentium temporis præsentis. Quemadmodum enim in illis non potest utraque pars simul esse vera, ita nec in propositionibus de futuro contingenti.

Nihil ergo aut est.] iam probat minorem scilicet absurdum esse dicere, omnia necessario euenire. nam eo dato sequeretur, nihil esse, quod raro eueniret, qualia sunt ea, quæ fortuna aut casu eueniunt; nihil etiam, quod æque in utramque partem contingeret, quod tamen experimur esse falsum. Quo loco aduerte, tria genera rerum contingentium colligi ex Arist. 1. lib. Prior. c. 12. Sunt enim quæ dæ contingentia, quæ frequentius eueniunt, seu ut plurimum, ut homines noctu dormire, interdiu vigilare: Sunt alia, quæ in utraque partem ex æquo inclinant, ut de ambulare, & sedere, quæ dicuntur contingentia ad utrumlibet: Sunt denique alia contingentia, quæ raro eueniunt, ut aliquem habere sex digitos, aut inuenire thesaurum. Arist. tamen in hoc contextu non meminit expressè eorum, quæ frequentius eueniunt, quia satis fuit meminisse cæterorum duorum generum. Nam si non sunt ea, quæ raro eueniunt, tolluntur etiam ea, quæ eueniunt plerumque.

Præterea si est.] Posterior ratio est: Si altera pars esset determinate vera, altera falsa, data re alba in tempore præsentis vera fuisset determinate ea pars, qua quispiam antea dixisset, eam fore albam, quare fieri non posset, ut res ipsæ non foret alba, & ex consequenti impossibile esset, ipsam non fore albam, & rursus necesse esset ipsam fore albam, nam impossibile non esse, & necesse esse, sunt æquali pollentes, ut secundo libro cap. 3. docet Arist. quod tamen de reliquis futuris contingentibus dici possit, efficitur ut res omnes necessario eueniant, quæ eueniunt, & quæ non eueniunt, necessario non eueniant, unde tollitur omnis rerum con-

tingentia.

At vero neque dicere] probauit iam fieri non posse, ut altera pars contradictionis de futuro contingenti determinate sit vera, & altera falsa; nunc ostendit, neque dici posse neutram partem contradictionis esse ueram, ut his duabus partibus impugnatis, propriam statuatur sententiam. Illud ergo primo ostendat, quia cum enuntiationis, quæ ueræ non sunt, sint falsæ, (est enim omnis enuntiatio uera aut falsæ) si neutra pars contradictionis de futuro contingenti sit uera, utraque erit simul falsa; quare dabuntur duæ contradicentes simul falsæ, quod est absurdum.

Deinde idipsum probat hac ratione: Si neutra pars contradictionis esset vera, sed utraque falsa, necessario aliter res futura esset, quam enuntiationes significarent. Quare tolleretur omnis contingentia rerum, tolleretur etiam consultatio siue deliberatio, non esset item opus, aggregi res agendas, hoc est, aliquid facere, unde id sequatur, quod volumus & optamus. Hoc loco aperte affirmat etiam contradicentes de futuro contingenti & de futuro contingenti eandem seruare rationem quo ad ueritatis indeterminationem, atque contradicentes singulares, ut in contextu satis patet.

Nihil enim prohibet.] Diceret fortasse quispiam alteram partem contradictionis de futuro contingenti necessario futuram, si paruo ante tempore contradictio proferatur, quod si multo tempore ante rei euentum proferatur, ut si quis dicat, ad decem annorum millia aliquid fore aut non fore, non necessario alteram partem determinate futuram esse. Hoc autem excludit Arist. docens partem referre, si prope rei aduentum, aut multo antea proferatur contradictio. Nam si altera pars determinate vera est, etiam si ab omni æternitate dicatur, euentum habebit necessarium.

At vero neque quicquam] diceret fortasse aliquis, partem alteram contradictionis necessario futuram esse, modo contradictio ante rei euentum proferatur, minime uero si non proferatur, quod quidem Arist. excludit, docens, euentum rei non pendere ex oratione cuiusque neque enim, quia oratio uera est, res ita se habet, sed uice uersa.

Siquidem hac esse] Hæcenus non ostendit Arist. esse absurda ea, quæ deduxerat

rat cum, qui fateretur oppositum secundæ conclusionis: nunc igitur probat ea esse absurdum, tum ex ijs, quæ cernimus in nobis, tum etiam ex ijs, quæ in alijs rebus videmus. Prior ratio est, ea quæ in nobis cernimus è medio tollere absurdum est, at cernimus in nobis deliberationem & actionem esse principia multorum euentuum, igitur deliberationem tollere, & actionem absurdum est. Posterior est; ea, quæ plane videmus in alijs rebus, è medio tollere est absurdum, at contingentiam ad esse scilicet & non esse perspicimus in alijs rebus, ea igitur tollere est absurdum. Minorem suadet exemplo vestis quæ & scindi potest, & non scindi. Quod. n. scindi potest, manifestum est: quod autem possit non scindi, patet, quia potest prius vsu conteri, quam scindatur: quapropter concedendam sunt contingentia in rerum natura, non modo ea, quæ habent æquabilem euentum in alterutram partem, verum etiam ea, quæ frequentius & raro contingunt.

Ac necesse est igitur Incipit iam hoc loco Arist. exponere, quid in hac quæstione sciendum sit, quod loco aduerte inter res quasdam esse simpliciter, ac sine vlla hypothese necessarias, vt hominem esse animal, alias vero esse necessarias secundum quid, & ex hypothese, vt lapidem sursum ascendere, si proieciatur. Vult ergo Arist. hoc loco, omnia, quæ sunt, esse necessaria ex hypothese, & quæ non sunt, non esse necessaria etiam ex hypothese, quia si ponimus esse ea, quæ sunt, omnia sunt necessaria, & si ea, quæ non sunt, ponimus non esse, necessario non sunt. Admonet tamen id, quod est necessarium ex hypothese, non esse dicendum necessarium simpliciter, nec ex illo hoc effici. Non enim efficiuntur omnia, quæ sunt, si ea esse ponamus. Necessario sunt; ergo absolute necessario sunt. Est enim fallacia, quæ dici solet, a secundum quid, ad simpliciter: vt si quis ita argumentetur, hæc pictura est homo pictus; ergo hæc picturæ est homo.

Et in contradictione. Colligit hoc loco Arist. quod quidem omne, quod est, necessarium est, hoc addito, quando est, & quando non est, necessario non est, hoc ad dito, quando non est, cum tamen neutrum sit simpliciter necessarium, ita etiam in futuris contingentibus, quamuis non necessarium sit ea fore, si nihil aliud addatur, tamen est necessarium fore, aut non fore, verbis causa, si quis dicat,

bellum nauale cras fore, aut non fore, necessarium dicit.

Quare cum ita orationes. Ex his, quæ proxime dixit, insert conclusionem quandam, qua totius quæstionis explicationem continet, ea est huiusmodi. In contradicentibus de futuro contingentibus altera pars indeterminate est vera, hoc est, hæc pars aut illa est vera, non tamen hæc determinate, aut illa determinate. Hanc conclusionem probat hoc modo, orationes sunt veræ aut falsæ ex eo, quod res significat ita se habeant, aut non habeant; sed res significatæ per propositiones de futuro contingentibus necessario erunt, aut non erunt. non tamē necessario erunt, aut non erunt; ergo, vt modo dictum est, in propositionibus de futuro contingentibus, aut ea erit vera, quæ dicit rem fore, aut ea, quæ dicit rem non fore, indeterminate sumendo vtramque, non tamē eam determinate, quæ dicit rem fore, neque eam determinate, quæ dicit rem non fore. Docet deinde id, quod iam superius tetigit, quod licet neutra pars contradictionis de futuro contingentibus sit determinate vera aut falsa, tamen aliquando magis altera inclinat ad veritatem, quam altera, vt omnis homo erit albus; aliquis homo non erit albus. Postremo concludit, non omnium contradicentium alteram partem esse veram determinate scilicet, alteram vero falsam, quia quamuis id verum sit in propositionibus præsentis & præteriti temporis, tamen probatum est, propositiones de futuro contingentibus non ita se habere, cum neutra determinate vera sit aut falsa.

De turne in rebus contingentia?

QUÆSTIO PRIMA.

Quoniam omnes fere rationes, quibus hoc cap. vsus est Arist. eam vim habent vt tanquam certissimum supponant, danda esse aliqua in rebus, quæ contingentes eueniant, apertum pretium erit, exquirere hoc loco, sitne incommodum ea, è medio tollere: Et quidem nihil contingenter euenire, his argumentis confirmatur.

Primo, si aliqua res esset contingens, aut esse contingens, quando existit, aut quando non existit, non quando existit, quia, vt ait

arist.

Arist. res, quando existit, necessario existit, nec etiam quando non existit, quia, ut idē affirmat, res, que non existit, necessario non existit: Ergo nulla res est contingens.

Secundo, nullus effectus, habens causam necessariam, est contingens; sed quicquid est, præter Deū, efficitur a Deo, qui est causa necessaria omnium rerum; ergo nullus effectus est contingens.

Tertio, omne, quod Deus præcognoscit euenturum necessario eueniet, sed omnia antequam fiant, præcognoscuntur a Deo euentura; ergo omnia necessario eueniunt, atque adeo nihil erit contingens. Minor patet ex illo Ecclesi. Domino enim Deo antequam crearentur, omnia sunt cognita. Maior probatur, quia si aliquid, quod Deus præcognoscit euenturum posset non euenire, licet poneremus ij. non euenturum, nullum sequeretur incommodum; etenim, ut autor est Arist. positis his, quæ fieri possunt nulla res sequitur impossibilis, at sequeretur Deum falli, quod fieri nullo modo potest; ergo quod Deus præcognoscit euenturum, non potest non euenire, ac proinde necessario eueniet: & confirmatur eadem ratio; quia si quid Deus præcognoscit euenturum, actu non eueniret, Deus actu falleretur; ergo si posset non euenire, Deus posset actu falli, quod est impossibile.

Nihilominus opposita pars questionis, scilicet, dande esse in rerum natura multa, quæ contingenter eueniant, usque adeo certa est, ut pluribus rationibus confirmari nō debeat; nam alioquin, nullum esset meritū nulla culpa, nulla ratio consilij, nulla prouidentia, frustra essent omnes cohortationes frustra omnis cautio & sollicitudo, sunt igitur in rerum natura ponendæ multæ res contingentes, ut ratio probat, & fides catholica docet. Quaro, ut primo argumento satisficiamus, aduertendum est, res contingentes semper esse contingentes, quia id, quod per se tale est, semper omnino tale est: res autē quæ sunt contingentes, per se sunt contingentes, quare non solum cum sunt, uerum etiam cum non sunt, contingentes sunt. Unde fit, ut in eo instanti, in quo sunt, possint non esse: & in instanti, in quo non sunt, possint esse. Quod autē docuit Arist. res, quando sunt, necessario esse, & quando nō sunt, necessario nō esse, solum est verum, si ea esse aut non esse supponamus, quæ hypothe-

sis non tollit rerum contingentium naturā (quamuis enim res cum eam, in aliquo instanti esse ponimus, non possit in eodē instanti non esse, tamen si per se spectatur, potest non esse).

Quod si ita obijcias, res spectata sua natura potest non esse in eodem instanti, in quo est, v. g. Socrates non sedere, in eodem instanti, in quo sedet, ponamus igitur illum non sedere, semel igitur sedebit & non sedebit, quod contradictionem continet, dicendum est; spectata rei natura posse Socratem in eodem instanti non sedere; & tunc si hypothesi repugnare, quod Socrates in ipso instanti non sedeat.

Primum igitur argumentum negatione minoris est diluendum; nam res contingentes & cum sunt, & cum non sunt, contingentes sunt: licet simul ex hypothesi sint necessaria, ut patet ex dictis.

Pro solutione secūdi dicendum est, duobus modis causam aliquam diei necessariā. Primo modo, quia necessario efficit, quo modo motus celi dicitur causa necessaria descentus lunaris, quia non potest, non illam efficere: altero modo dicitur causa necessaria, quia necessario existit, siue efficiat, siue non; Quo pacto deus dicitur causa necessaria omnium effectuum, non quia necesse a Deo perficiantur, sed quia deus necessario existit. Ad argumentum ergo dicendum est: nullum effectum habentem causam necessariā primo esse contingentem, nisi forte causam illam per sit impediri, at vero res fieri a deo tanquam a causa necessaria, secundo modo, non autem primo; nam deus cum libere agat, potest agere, & non agere.

pro solutione tertij argumenti aduertendum est id, quod iam supra annotauimus, rem aliquam duobus modis necessariam dici, aut simpliciter, aut absolute, quando scilicet, spectata rei natura non potest aliter euenire, aut secundum quid, & habita ratione alicuius alterius, quia scilicet, est ex sua natura contingens sit, ac proinde posset aliter euenire, tamen positare ut aliqua, non possit, v. c. Socratem moueri, simpliciter est contingens, sed si ponamus, Socratem currere, necessarium est, Socratem moueri. Quæ necessaria sunt hoc posteriori modo, dici solent necessaria necessitate consequentia, quia ideo sunt necessaria, quia inferuntur necessario ex aliqua hypothesi; quæ uero illo.

lo priori, appellantur necessaria necessitate consequentis quia non solum ideo necessaria sunt, quia necessario inferuntur, sed quia per se spectata non possunt aliter se habere. Atque in huiusmodi necessarijs solum numerantur ea, quae natura sua aliter euenire non possunt; in illis uero, quae dicuntur necessaria necessitate consequentiae ponuntur omnes tres futurae, siue natura sua necessariae sint, siue contingentes, quia omnes necessario inferuntur ex eo, quod Deus illas praecognoscit euenturas. Possumus etiam aliter dicere, res futuras aut cum Dei cognitione, aut cum suis causis posse comparari: quae causa interdum sunt contingentes, ut uoluntas, quae efficit, ut quis loquatur, aut non loquatur; interdum necessariae, ut qui generat petrum necessario illi tribuit naturam aptam ad videndum: ac priori quidem modo res omnes futuras esse necessarias, posteriorem alias contingentes alias necessarias; contingentes quidem illas, quarum causa sunt contingentes, necessariae uero, quarum causa sunt necessariae, atque hanc necessitatem dici solere, necessitatem consequentis, illam priorem necessitates contingentiae.

Dicendum est igitur ad argumentum, omne ne quod Deus praecognoscit euenturum, necessario euenire necessitate consequentiae. Nam recte sequitur, hoc praecognoscitur a Deo euenturum; Ergo eueniet: hoc tamen non obstat, quo minus illud quidem simpliciter & absolute eueniat contingentes, si cum sua proxima causa comparatur, & proinde possit euenire, & non euenire. Quod uero, dicitur in prima partis oppositae probatione, si potest non euenire, ponamus nunquam esse euenturum, nullo modo est admittendum. Etenim illud, quod ait Aristoteles, positum his quae fieri possunt, nullum sequi incommodum, tantum est verum, quando id, quod ponitur alicui rei, a nobis antea positae, non repugnat, nos autem posuimus deus scire aliquid euenturum, cui ponere, illud non esse euentum plane pugnat.

Secunda probatio, consecuta onis negatione facillime dissoluitur. Nam ut deus non possit falli, non est necesse re, quam deus sciet futuram, simpliciter & per se spectatam non posse aliter euenire, etsi dei scientia non esset, sed satis est, quod posita scientia Dei, aliter euentura non sit, quare quauis res aliter euenire possit, deus non poterit falli.

Verum contradictionis de futuro contingenti, altera pars sit determinate uera, & altera falsa?

QUESTIO SECUNDA.

Adversus conclusionem secundam, quae Aristoteles asseruit in futuris contingentibus non esse alteram partem contradictionis ueram determinate alteram falsam, sic licet obijcere: Ea pars, quae significat id, quod deus determinate cognoscit futurum esse determinate uera est; sed altera pars contradictionis determinate uera est; ergo uera pars contradictionis determinate altera est: aut determinate falsa. Praeterea haec enunciatio Socrates disputabit cras, significat uerum aut falsum, ut patet ex definitione enunciationis, & non significat utrumque; simul igitur significat alterum tantum: aut ergo significat alterum determinate scilicet uerum, aut falsum determinate; quare enunciatio de futuro contingenti, determinate uera est, aut determinate falsa.

Contra rationes autem, quibus illa conclusio confirmata est, ab Aristotele sic obijcitur: tota uis ea; um rationis ad hanc unam redditur; si altera pars determinate esset uera, omnia necessario euenirent; sed hoc est incommodum, quia tolleretur omnis contingentia rerum; incommodum est igitur, asserere alteram partem esse determinate ueram.

Quae quidem ratio nullius uidetur esse momenti. Nam aut Aristoteles intelligit, quod omnia euenirent necessario necessitate consequentis aut necessitate consequentis. Si necessitate consequentis, id nullum est incommodum, neque enim hinc sequitur, tolli res contingentes, aut tolli deliberationem & actionem nostram. nam reuera omnia eueniunt necessario necessitate consequentis in ordine ad praescientiam Dei, ut quaestio superiori diximus; unde tamen non fit, ut nihil eueniat contingenter, aut in alijs sit nostra deliberatio & actio. Quaquam. n. deus sciat, petrum peccaturum, & inde necessario colligatur in bona consequentia, petri esse peccaturum, tamen Petrus contingenter peccabit: & quamquam sciat determinate, Socratem deambulaturum, & inde necessario colligitur in bona consequentia, Socratem

oratem deambulaturum, tamen contingenter deambulabit, quod non tantum in enunciationibus de futuro, verum de presenti & de præterito intueri licet. Quanquam. n. ex hoc instante uideo Socratem sedentem, etiam necessario colligitur in bona consequentia, ipsum sedere; tamen contingenter Socrates sedet: Quanquam etiam ex hoc instanti, determinate uero, Socrates deambulauit heri, necessario colligitur, Socrates heri deambulasse, tamen Socrates contingenter deambulauit. Quamuis igitur omnia necessario eueniunt necessitate consequentia, non tamen tollitur proinde rerum contingentia. Si uero intelligat Arist. quod omnia eueniunt necessario necessitate consequentis, id non videtur sufficienter ostendere, immo hac ratione videtur oppositum confirmare. Nam si enunciationes de futuro contingenti essent determinate veræ, res non essent magis necessariae quam sunt modo in ordine ad præsentiam Dei, quæ determinate præcognoscuntur euenturæ, sed in ordine ad præsentiam Dei solum sunt necessariae, necessitate consequentia, & non consequentis; ergo si enunciationes de futuro contingenti essent determinate veræ, res solum essent necessariae necessitate consequentia, & non necessitate consequentis.

Propter has res Gregorius Ariminensis in 1. dict. 13 §. q. 3. art. 1. Arist. sententiam usque adeo falsam esse putat, ut eam & in conclusione & in ratione dicat turpiter errasse, existimatque contradictionis cuiusque de futuro contingenti, alteram partem determinate esse falsam, alteram determinate ueram, quam sententiam, probat priori argumento a nobis adductæ, sed quoniam Arist. sententia vera est, & satis in contextu confirmata, dissoluenda sunt argumenta, quæ attulimus. Quod ut facilius fieri possit, aduerte, propositiones duobus modis dici determinate ueras, aut determinate falsas, altero quia eorum significata iam sunt extra suas causas, eo modo, quo esse possunt cuiusmodi sunt significata propositionum præsentis & præteriti temporis. Cum enim dicis, Socrates loquitur, aut est locutus, significas locutionem Socratis a uoluntate, tanquā ab ea, aut proficisci, aut esse profectam: altero, quia eorum significata nondum sunt extra suas causas, tamen eas causas habent, ut ab his aut necessario sint producenda, ut signi-

ficata propositionum necessaria, aut nullo modo possunt produci, ut significata propositionum, quæ uocantur impossibiles; at uero propositiones, quæ significant res futuras, quæ a suis causis produci possunt, non esse determinate ueras, nec determinate falsas, sed quemadmodum significata, & esse possunt, & non esse, sic etiam ipsas & ueras & falsas esse posse.

Aduertendum est secundo respectu Dei Op. Max. nullius propositionis significatum esse futurum, cum illi, non solum, quæ a nobis sunt præterita & futura, præsentia sint, quo fit, ut quæcunq; aliquando extra suas causas futura sunt, ea semper sibi præsentia extra suas causas intueatur. Cum enim sit æternus, suæque æternitate omne tempus comprehendat, necesse est, non solum, quæ sunt in tempore præsentia, sed etiam, quæ apud nos præterierunt, & quæ consequetur suo intuitu, tanquā sibi res ipsa præsentia complectatur. Hinc fit ut respectu Dei Op. Max. omnes omnino enunciationes in quacunq; materia sint, & cuiuscunque temporis determinate veræ sint, aut determinate falsæ: quia oia omnino sibi præsentia extra suas causas, atque in sua naturali existentia intuetur, at uero comparatione causarum propositiones ex præterito tempore, aut præsentis sunt determinate ueræ, aut determinate falsæ, quia earū significata extra suas causas existentia sunt, propositiones item ex futuro necessariae aut impossibiles, quæ quamuis nondum sint extra suas causas, habet eas determinatas, at uero propositiones ex futuro contingentia, quia ea significant, quæ cū nondum effecta sint, effici possunt & non effici, nec sunt determinate ueræ, nec sunt determinate falsæ, sed ut ueræ esse possunt, sic etiam falsæ. Quod ipsum non solum uerum est in propositionibus de futuro contingentia, uerum etiam eadem ratione in ijs propositionibus quæ quamuis constāt, uerbo præsentis temporis, pendet tamen earum ueritas ab aliquo de futuro contingentia, ut in hac, v. g. Petrus est cursurus, qui quamuis habet præsentis temperis uerbum, tamen idem ualet, quod hæc ex futuro. Petrus cras curret &c. a huiusmodi.

Ad obiectionem igitur concedenda est maior, si intelligatur in ordine ad causas contingentes rei significatæ per alteram contradictionis partem, Quæcunque enim res signifi-

significata per alteram contradictionis partem est de futuro, quæ habet causas contingentes, non est altera pars contradictionis determinate uera, ut paulo inferius docuimus.

Ad secundum dicendum est, illam enunciationem significare veram aut falsam, at non significare utrumque simul, sed alteri tantum, non quidem determinate hoc, aut determinate illud, sed indeterminate hoc aut illud, quemadmodum concedimus non esse utrumque oculum necessarium ad uidendum, sed alterum tantum, non quidem alterum determinate nempe dextrum determinate aut sinistrum determinate, sed indeterminate alterum, dextrum scilicet, aut sinistrum.

Ad tertium dicendum est Arist. intellexisse, quod omnia euenirent necessario, non solum necessitate consequentis, sed etiam consequentis. Ratio uero est, quoniam nulla enunciatio de futuro, est determinate uera apud nos, nisi ea, quæ significat rem habentem causas necessarias; id autem quod habet causas necessarias, non solum est necessarium necessitate consequentis, sed et necessitate consequentis. Quare si enunciatio de futuro contingenti, esse determinate uera, certe id, quod per eam significatur necessario eueniret, necessitate consequentis & consequentis. Ad rationem uero, quæ oppositum uidetur confirmare, neganda est

maior. Nam ut enunciatio de futuro sit determinate uera, opus est, ut sit infallibiliter uera, si enim non est infallibiliter uera, non est determinate uera, sed indifferens, ut sit etiam falsa. Infallibilitas autem ueritatis enunciationis de futuro pendet ex necessitate effectus in se spectati, & non è contra, atque hac de causa dixit Arist. in contextu, [quod si enunciationes de futuro contingenti esset determinate ueræ, res euenirent necessario, illæ enunciationes nunquam proferrentur: Res enim non propterea essent futuræ, eo quod enunciationes essent determinate ueræ, quia res essent necessario euenturæ. Quoniam igitur infallibilitas enunciationis de futuro pendet, ex necessitate effectus futuri in se spectati, propterea efficitur, ut si enunciationes de futuro contingenti essent determinate ueræ, omnia euenirent necessario, non solum necessitate consequentis, sed consequentis: nam id quod in spectandum est necessario euenturum est necessarium necessitate consequentis. Quædo uero infallibilitas scientiæ diuinæ non pendet ex infallibilitate & necessitate effectus futuri in se spectati, sed potius effectus futurus infallibiliter eueniet, quia a deo est præcognitus futurus, efficitur propterea ut quanquam res futuræ præcognitæ sint a Deo, solum eueniant necessario necessitate consequentis.

Finis Primi Libri de Interpretatione.

COMMENTARI IN SECVNDVM LIB. DE INTERPRETATIONE.



Git Arist. superiori libro de Enunciatione simplici & de patribus illi subiectis, item que de oppositione propositionum, hoc vero lib. quasdam alias enunciationis diuisiones aggregitur, vt tota de enunciatione simplici tractatio absoluitur. Admonendum est igitur inter enunciationes simplices quasdam appellari, de esse scilicet, absolutas, vt homo altus; quasdam modales, vt contingens est hominem esse album, quod Arist. docet cap. 2. 1. lib. priorum. Rursus enunciationum de inesse, duplicem esse diuisionem ultra alias, quæ asserti possunt qua-

rum prior est, in enunciationes finitas, cuiusmodi sunt, homo est iustus, homo sedet; & enunciationes infinitas, cuiusmodi sunt, non homo est iustus, homo est non iustus. Posterior autem fit in enunciationes de extremo coniuncto, qualis est; Socrates est homo iustus, & enunciationes de extremo diuiso, cuiusmodi sunt hæc: [Socrates est iustus: Socrates est homo.] Arist. ergo in prioribus duobus capitibus agit de enunciatione de inesse iuxta duplicem earum diuisionem; in tertio de modalibus; in quarto autem obiter soluit quandam dubitationem, quæ potest ex dictis excitari.

C A P V T P R I M V M

De enunciationibus infinitis atque ipsarum oppositionibus.



Quoniam autem affirmatio enuntiatio est, quippiam de quoquam significans: hoc autem aut nomen est, aut id quod nomine caret: vnde vtrū id esse, atque de vno dici, quod est in affirmatione oportet: dictumque est antea, quidnam sit ipsum nomen, & quid etiam id, quod nomine caret: (ipsum enim non homo, non nomen, sed infinitum nomen appello: infinitum enim nomen vnum quodammodo significare videtur: quemadmodum & Non valet, non verbum, sed infinitum nuncupo verbum): omnis certe affirmatio & negatio, aut ex nomine & verbo, aut ex infinito nomine verboque constabit. Absque verbo namque nulla est affirmatio sane, neque ulla negatio. Est enim, vel Erat, vel Fit, & quacunque alia sunt huiusmodi verba, ex numero sunt eorum, quæ posita sunt: significat enim in super tempus. Quare prima est affirmatio atque negatio, Homo est, Homo non est: Omnis non homo est, Non homo non est: rursus Omnis homo est, Non omnis homo est: Omnis non homo est, Non omnis non homo est. Eadem est ratio & de tempore exacto atque futuro. Cum autem ipsum Est tertium in super prædicatur hoc passio, Homo iustus est (vbi ipsum Est tertium dico, quoties nomen aut verbum compositum in affirmatione est) dupliciter iam ipsæ oppositiones dicuntur, quare quatuor ob ipsum erunt hæc, quarum duæ quidem sic se ad affirmationem negationem ve, vt ipsæ priuationes

in xto analogiam habebunt: *duæ vero non*. Nam ipsum est, aut iusto addetur, aut non iusto, quare & negatio similiter eisdem addetur, quatuor igitur erunt. Intelligamus autem id, quod dicimus, ex hisce quæ hic scribuntur. Homo iustus est, huius negatio est: Homo non iustus est: Homo iustus non est, huius negatio est. Homo non iustus non est, hic, n. ipsum est, & item non est, iusto & non iusto adiungitur. Hæc igitur sic ordine posita sunt, ut in resolutionis est dictum. Simili modo habebit oppositio & si nominis vniuersaliter sit affirmatio; veluti, omnis homo iustus est, huius negatio est, non omnis homo iustus est: omnis homo non iustus est, huius etiam negatio, & omnis homo non iustus est. Attamen r. o. fit, ut similiter ea, quæ per diametrum collocantur, simul sint vera, sed sit nonnunquam. Hæc igitur duæ sunt oppositæ sibi: alia vero duæ ad non homo, tanquam subiectum quoddam additum, oppositæ sunt inuicem, ut non homo iustus est, non homo non iustus non est: non homo non iustus est, non homo non iustus non est, atque plures his oppositiones non erunt. Hæc vero si osum ab illis, ipsæ per se ipsas erunt: cum hoc in finito, non homo tanquam nemine videntur, ut patet. In quibus autem verbum est non accommodatur, ut cum dicimus val. t. amb. lat. & istiusmodi ceteræ: in ijs perinde valet, ac si adiu. Etum esset, ut valet omnis homo, non valet omnis homo: valet omnis non homo, non valet omnis n. o. homo, non. n. non omnis homo dicendum est, sed negationis nota non, cuius termino homo addenda est. Omnis enim non significat ipsum vniuersale, sed vniuersalis prædicationis est nota, quod quidem ex hisce patet: homo valet, homo non valet, non homo valet, n. o. homo non valet, hæc enim ab illis: x. r. o. differunt, quia non dicunt vniuersaliter. Quare omnis, vel nullus nil aliud significare videtur, quam affirmationem aut negationem vniuersaliter dici. Ceteræ igitur eodem posito sunt addenda. Cum autem huic affirmationi, omne animal iustum est, ea negatio sit contraria, quæ significatur nullum animal esse iustum, hæc quidem nunquam simul esse veras oppositas autem his veras simul nonnunquam esse patet: ut, non omne animal est iustum, & est aliquid animal iustum; at hæc, nullus est homo iustus sequitur hanc: Omnis homo non iustus est; hanc autem: non omnis homo non iustus est, ea quæ illi opposita est sequitur: aliquis homo iustus est: necesse est enim aliquem esse. Patet etiam in singularibus, si qui interrogatus est, vere negat affirmare etiam vere posse; veluti, estne Socrates sapiens? non. Socrates ergo n. o. sapiens est. In vniuersalibus aut non est ea vera, quæ similiter dicitur, sed est negatio vera; veluti: estne omnis homo sapiens? non, ergo omnis homo non sapiens est; hoc enim est falsum: sed illud est verum: ergo non omnis homo sapiens est, atque hæc quidem est ea, quæ opponitur, illa vero est ea, quæ est contraria. Vocis autem ea, quæ infinita sunt nomina verbaque sunt oppositæ vocibus hisce quæ sunt nomina atque verba, ut non homo, non iustus, non valet; sine r. omine verboque positæ negationes videbuntur esse: at non sunt; semper enim negationem esse veram vel falsam necesse est. At vero qui non homo dixit non magis quam is qui homo, sed minus potius verum falsumve, nisi quippiam ipsi addiderit dixit. Hæc autem, est omnis non homo iustus, n. hil idem vlli illarum significat: nec item ea, quæ est ipsi opposita: non est inquam, omnis non homo iustus, hæc vero: omnis non homo non iustus est idem huic significat, nullus non homo iustus est. At enim nomina & verba transposita idem significant: veluti albus homo est, hunc albus est, nam si ita non sit, eiusdem

dem affirmationis negationes plures erunt. At unam oppositam esse vni demonstratum est huius enim, albus homo est, negatio est: albus homo non est; huius autem, homo albus est, siquidem non est eadem cum ista, albus homo est, aut hec erit negatio, non homo albus non est; aut ista, homo albus non est, at altera quidem negatio huius est, non homo albus est, altera vero negatio huius albus homo est. Quare affirmationis vnus duæ negationes erunt. Patet igitur eandem affirmationem fieri, negationem ve, si nominis positus tantum verbiq; mutetur.

Initio huius cap. hanc propositionem per mittit Arist. [Omnis affirmatio & negatio constat ex nomine & verbo, aut ex infinito nomine, & verbo] (intellige infinito :) Quæ conelusione continetur diuisio propositionum, in propositiones finitas & infinitas, Enunciatio enim, quæ constiterit ex nomine & verbo finito erit finita, quæ vero ex nomine infinito aut uerbo infinito erit infinita, conclusionem uero probat Arist. hæc ratione. Omnis affirmatio, (idem intellige de negatione) est præcipue ali quid de aliquo enuncians, seu ut ille dicit, quippiam de quopiam significans; illud autem, de quo aliquid enunciatur est nomen, finitum scilicet, aut id quod nomine caret, id est, nomen infinitum, & præterea omnis enunciatio constare debet ex verbo finito aut infinito, vt aut ipsum enuncietur, aut aliud ipsius opem enunciarî possit, ergo omnis enunciatio constat nomine finito aut infinito, verbo item finito aut infinito. Docet obiter & ueluti per parenthesis, quomodo intelligenda sint uerba illa, [quippiam de quopiam]. ait ea sic esse accipienda quasi dictum sit [unum de uno.] Deinde uero declarat nomen finitum & infinitum eodem modo, quo superius explicata sunt. Sed quia aliquis obijceret, nomen infinitum non signare unum, cum dicitur de his quæ sunt, & de his quæ non sunt, responderet arist. nomen infinitum unum quodam modo signare, scilicet negatione alicuius naturæ concretæ sumptæ, connotando tamen tam ea, quæ sunt, quam ea, quæ non sunt, quæ in illa negatione accidentaliter conueniunt, ac præterea uniuersa conferri debeant. Vniuocatione enim penes præcipuum signatum attendi debet, nõ autem penes connotata.

Hoc loco admonendum est propositionem illam Arist. [Omnis enunciatio constat nomine finito aut infinito,] intelligi

dum esse, aut aliquid quod subeat uicem nominis finiti aut infiniti, quale est participium aut uerbum infinitiui modi, quæ aliquando ponuntur pro integris subiectis in enunciatione, vt cum dicimus, currens mouetur, currere est moueri. Quod si obijcias, hæc enunciatio, [penitet me,] non constat nomine, nec aliquo quo subeat locum nominis; Ergo falsa est propositio Arist. Dicendum est solum locutum fuisse de enunciationibus, quibus frequentius uti solemus in disciplinis, quales non sunt enunciationes, quæ constant uerbis impersonalibus; aut dicendum est, propositionem Arist. sic intelligendam esse; omnis enunciatio constat nomine, formaliter scilicet aut uirtualiter; illa autem propositio licet formaliter non constat nomine, uirtute tamen constat, quatenus scilicet resoluitur in hanc: [Penitentia est in me.]

Est enim uel erat] Declarat hoc loco Arist. se in proposita conelusione alius aliquanto nomen uerbî accepisse, quam superius in cap. de uerbo. Vult enim eo nomine & casus uerbî comprehendi, eos scilicet, qui de alio prædicari possunt, suntque notæ eorum, quæ de alio dicuntur, cuiusmodi sunt casus indicatiui modi, ex quo etiam colliges, mirum non esse, si uerbum infinitum dicamus hoc loco comprehendî; cum illud etiam sit nota eorum, quæ de alio dicuntur, vt cap. de uerbo dictum est.

Quare prima est] Vbi diuisionem enunciationum absolutarum in enunciationes finitas & infinitas insinauit, incipit tradere oppositionem earum inter se. Progreditur autem a simplicioribus ad magis composita; hoc enim loco agit de enunciationibus, de uerbo EST secundo adiacente: deinde de ijs, quæ constant uerbo EST tertio adiacente; Postremo de

enunciationibus uerbo adiecto. Propositio de uerbo est, Deus est; homo est; dicitur autem uerbum E S T secundo adiacere, quia secundo loco sumitur ad faciendam prædicationem. Propositio de uerbo E S T tertia adiacente est ea, in qua ponitur subiectum & post uerbum est ponitur aliquod aliud prædicatum: ut homo est iustus, dicitur autem uerbum E S T tertio adiacente: quia post subiectum & prædicatum tertio loco sumitur ad faciendam prædicationem.

Primo enim sumitur subiectum; deinde uero prædicatum, quod coniungendum est cum subiecto; tertio autem loco sumitur uerbum E S T, ut coniungat prædicatum cum subiecto: obtinet tamen uerbum E S T, quo ad officium uniendi medium locum: quamuis quo ad situm in primo aut postremo aliquando ponatur, ut cum dicimus, est homo albus: homo est albus.

Docet igitur Aristo. in enunciationibus de uerbo E S T secundo adiacente duplicem reperiri oppositionem, alteram, cum alterque terminus est finitus in utraque e-

nunciatione, ut homo est: homo non est; alteram cum subiectum utriusque enunciationis est infinitum, ut non homo est, non homo non est. Subiungit deinde, huiusmodi oppositionem posse fieri non solum inter propositiones indefinitas sed etiam inter enunciationes, quarum altera universalis, altera particularis, itemque non solum inter enunciationes præsentis temporis, verum etiam præteriti & futuri.

Cum, autem ipsum est J Docet secundo loco, quot oppositiones reperiantur in enunciationibus de uerbo E S T tertio adiacente, asseritque in primis duas esse oppositiones, sumpto semper finito subiecto: variato autem prædicato penes finitum aut infinitum; Altera igitur erit finitarum enunciationum; ut homo est iustus, homo non est iustus: altera infinitarum de prædicato infinito, ut homo non est iustus, homo non est non iustus. Vnde patet in his duabus oppositionibus quatuor esse enunciationes sumpto semper subiecto finito ut infra docebit, quippe cum una quæque oppositio duabus constet enunciationibus.

Homo est
iustus.

Ei ni tæ

Homo non est
iustus.

non possunt

esse simul naturæ

Homo est
iniustus.

Pri. na

ti uz

Homo non est
iniustus..

non possunt

esse simul naturæ

Homo non est
non iustus,

Iq. & ni. tæ

Homo est non
iustus.

Quo.

Quorum duo quidem] Docet nunc aristotel. quo pacto duae illae finitae enunciationes ad duas ita sint affectae, quo ad rationem conuenientiae. Aderte tamen prius quasdam esse enunciationes quae uoluntur priuatiuae, ut homo est iniustus, homo non est iniustus, sumendo iniustum, ut significet priuationem iustitiae, quae propterea dicuntur priuatiuae, quod consent praedicato priuatiui. Aut ergo duas illarum quatuor enunciationum infinitas scilicet eodem modo se habere, quoad conuenientiam ad alias duas, nempe ad finitas (quas intelligit per affirmationem & negationem) quemadmodum priuatiuae se habent ad ipsas finitas. Nam quemadmodum affirmatiua priuatiua infert negatiua finitam, non autem affirmatiuam (ut recte sequitur homo est iniustus; ergo homo non est iustus; non autem sequitur homo est iniustus; igitur homo est iustus) sic etiam affirmatiua infinita infert negatiuam finitam & non affirmatiuam (ut bene sequitur, homo est non iustus; ergo homo non est iustus; non autem homo est non iustus; ergo homo est iustus) & ut negatiua priuatiua inferatur ab affirmatiua finita, & non a negatiua (ut homo est iustus; ergo non est iniustus, non autem homo non est iustus; ergo homo non est iniustus) sic etiam negatiua infinita, inferatur ab affir-

matiua finita & non a negatiua (ut recte sequitur, homo est iustus; ergo homo non est non iustus; non autem homo non est iustus; ergo homo non est non iustus) quae omnia facile intelliges ex figura supra posita.

Duo uero non] Nunc uice uersa, considerens finitas cum infinitis, docet eas non eodem modo affectas esse ad infinitas, quae priuatiuae ad infinitas affectae esse solent. Nam ex priuatiua affirmatiua concluditur affirmatiua infinita, non autem negatiua ut homo est iniustus; Ergo homo est non iustus; non autem sequitur, ergo homo non est non iustus. At ex affirmatiua finita non efficitur affirmatiua infinita sed negatiua, quia non sequitur, homo est iustus; ergo homo est iniustus, sequitur autem bene homo est iustus, ergo homo non est iniustus. Rursus priuatiua negatiua concluditur ex infinita negatiua, non autem ex affirmatiua, quia recte sequitur, homo non est non iustus; ergo homo non est iniustus. At negatiua finita non efficitur ex infinita negatiua; sed ex affirmatiua, quia non sequitur homo non est non iustus; ergo homo non est iustus; sequitur autem bene, homo est non iustus, ergo homo non est iustus, ut patet ex subscripta figura

Homo est
iniustus

Si

ni

tz

Homo non est
iustus.

ex hac infer

tur hac

Homo non
est iustus

In

fi

ni

tz

Homo non est
non iustus.

Homo est
iniustus

Priua

ti

us

Homo non est
iniustus.

P 3

Nam

Nam ipsum est *Est* probat etiam fieri quatuor enunciationes de verbo *Est* tertio adiacente variato duntaxat praedicato, penes finitum & infinitum, quia verbum *Est* affirmatum potest addi praedicato finito & praedicato infinito, ut iustus & non iustus, & sunt duae propositiones affirmatiuae, altera finita, altera infinita, ut homo est iustus, homo est non iustus; item verbum *Est* negatum, potest etiam addi praedicato finito & infinito, & ita sunt duae propositiones negatiuae, altera finita, & altera infinita; ut homo non est iustus, homo non est non iustus. docet praeterea eas esse ita describendas, ut in fine libro 1. prior. dictum est, ita scilicet ut sub affirmatiua finita ponatur negatiua infinita, & sub negatiua finita affirmatiua infinita. Ponuntur autem priori loco finitae, quoniam simplices sunt: & propterea dignatione quadam appellantur simplicis. Non ponitur autem affirmatiua infinita, sub affirmatiua finita, sed contra propter faciliorem consecutionis intelligentiam, & propterea infinita solent appellari transpositae. Hunc Aristotelis ordinem vides propositum in priori tabella supraposita, in posteriori autem diuersum, quia ita explicatus patebat, quae propositiones non inferantur alias, id enim erat in ea tabella ostendendum, quemadmodum ex priori docendum quae sequerentur ex alijs. Ex hac comparatione finitarum infinitarumque propositionum colliges in huiusmodi propositionibus, quando earum subiecta infinita accipiuntur semper illum modum esse firmum, quo ab affirmatiua finita, ad negatiuam infinitam concludendam progredimur, & ab affirmatiua infinita ad negatiuam finitam. Vtrum autem is etiam sit firmus, quo vel ex negatiua infinita, finita affirmatiua, vel ex negatiua finita affirmatiua infinita concludatur, non docuit hoc loco Aristoteles ad finem cap. explicabitur.

Simili modo scilicet J Docet simili modo posse fieri enunciationes oppositas, quarum altera sit de subiecto vniuersali, vniuersaliter accepto, & altera de subiecto particulariter sumpto, inter quas eadem consecutionis lex se recipit, quae in superioribus inactis, quod affirmatiuae sint vniuersales & negatiuae particulares; ut recte; omnis homo est iustus; ergo aliquis homo

non est iustus. Rursus bene sequitur; dominus homo est non iustus; ergo aliquis homo non est iustus, quae quidem parent in figura subscripta.

Memento autem J dixit Aristoteles modo affirmatiuae sunt vniuersales & particulares negatiuae; nam si sumantur negatiuae vniuersales, & affirmatiuae particulares, non valdebit consecutio, ut non valet; quidam homo est iustus; Ergo nullus homo est non iustus; nec item, quidam homo est iustus; Ergo nullus homo est iustus.

Attamen non sic J. Recedit Aristoteles duas descriptiones, alteram indefinitarum enunciationum, alteram earum, quae constant in brecto vniuersaliter accepto; comparat modo utramque descriptionem, docens eas, quae per diametrum collocantur in descriptione, posse esse simul veras, non tamen similiter: nam in priori tabella, omnes posunt esse simul verae ut patet: At in posteriori solae particulares, ut non omnis homo est iustus: non omnis homo est non iustus; vniuersales vero non possunt esse simul verae, ut omnis homo est iustus; omnis homo est iustus, quod Aristoteles paulo inferius probabit.

Hae igitur duae sunt J Docet se hactenus fecisse duas oppositiones in enunciationibus, de verbo *Est* tertio adiacente, manente semper subiecto finito, variato autem praedicato, penes finitum & infinitum docet modo posse fieri duas alias oppositiones enunciationum de verbo *EST* tertio adiacente; sumpto semper subiecto infinito, variatio praedicato penes finitum & infinitum, aut subiectum finitum & praedicatum infinitum, hoc pacto: non homo est iustus, non homo non est iustus: non homo est non iustus, in quibus eadem consecutio seruatur, quae in superioribus.

Concludit a. Aristoteles quatuor tantum esse oppositiones enunciationum, de verbo *Est* tertio adiacente, habita ratione finiti & infiniti, quod ita ostendi potest; aut enunciationes oppositae habent utrumque extremum finitum, aut utrumque infinitum; aut subiectum finitum, & praedicatum infinitum, aut subiectum infinitum & praedicatum finitum; cum igitur alio modo prius non possint penes finitum & infinitum, sit, ut quatuor tantum sint huiusmodi oppositiones.

hæ vero scõisim] Confert duas oppositiones posteriores cum duabus prioribus, docetque inter has & illas nullum esse consecutionis legem; Hoc enim signant uerba illa, [hæ vero scõisim ab illis; ipsæ per se ipsas erunt.] Huius rei causam esse ait, quoniam in ijs posterioribus semper ponitur pro subiecto nomen infinitum. in illis a prioribus nomen finitum.

Quibus autem non] Nam tertio loco accedit ad tradendas oppositiones enunciationum de verbis adiectiuis, habita ratione finiti & infiniti, addit ergo duas, ut etiam tradiderat in enunciationibus de verbo Est secundo adiacente, altera est utroque extremo existente finito, ut: omnis homo ualet; non omnis homo ualet. Altera est, subiecto existente, infinito prædicato a. finito, ut: omnis non homo ualet; non omnis non homo ualet. Non fecit a Arist. plures oppositiones in huiusmodi enunciationibus, nimirum uariato prædicato penes finitum & infinitum: quemadmodum nec in enunciationibus de verbo EST secundo adiacente: quoniam in ijs omnibus fere nunquam cognoscitur esse uerbum infinitum aut negatum: aut quoniam enunciationes de verbo infinito non sunt ualde usurpatæ.

non enim dicendum] Docet obiter ad faciendam enunciationem uniuersalem de subiecto infinito non esse particulam addendam NON, signo uniuersali sed subiecto, quod ponitur signum; Ut non est dicendum; non omnis homo ualet, sed omnis non homo ualet quod probatur in littera.

Cum aut huic] Absoluit Aristot. quod præcipuum erat in hoc. nunc autem ad perfectionem eorum quæ dicta sunt nonnulla addit. Probat igitur in primis id, quod superius sub obscure dixit, quasdam enunciationes per diametrum descriptas in tabella uniuersalium, posse esse simul ueras, quasdam minime. Huius rei causâ repetit leges contrariarum & sub contrariarum enunciationum postas initio ca. 6. superioris lib. cum sic argumentatur: Si hæ enunciationes: omnis homo est iustus: omnis homo est non iustus, quæ per diametrum sunt collocatæ, possent esse simul ueræ: cum posterior inferat hanc, nullus homo est iustus: quæ est contraria prioris: da-

rentur duæ contrariæ simul ueræ: Quod cum incommodum sit, dicendum est, illas duas non posse esse simul ueras, quæ per diametrum erant collocatæ. Deinde, sic argumentatur: hæ sunt simul ueræ: aliquis homo est iustus: non omnis homo est iustus: sunt enim subcontrariæ atque in materia contingenti; sed ex illa priori inferatur hæc; non omnis homo est non iustus; quæ per diametrum collocantur possunt esse simul ueræ. Vnde patet in descriptione enunciationum uniuersalium de verbo Est tertio adiacente, quasdam posse esse simul ueras, quasdam uero non.

Patet etiam hinc] Docet quomodo ex negatiua de prædicato finito, liceat colligere affirmatiuam de prædicato infinito, dicēs: In enunciationibus singularibus ex negatiua finita inferri posse affirmatiuam infinitam. Nam si quis rogauerit, estne Socrates sapiens? aliquisque responderit; non, hoc est, Socrates non est sapiens; inde licet colligere affirmatiuam de prædicato infinito, nempe; ergo Socrates est non sapiens. At uero si quis rogauerit enunciationem uniuersalem, ut estne omnis homo sapiens, aliusque responderit; non, haud licebit inferri ex data negatione uniuersalem affirmatiuam de prædicato infinito, utpote; Ergo omnis homo est non sapiens. Nam cum hæc inferat contrariam illius, quæ interrogabatur, nempe hanc, nullus homo est sapiens: non efficitur ut ita sit uera; si illa, quæ interrogabatur est falsa; quandoquidem contrariæ, possent esse simul falsæ; Lucebit igitur inferri negatiuam contradicentem de prædicato finito, nempe, igitur non omnis homo est sapiens. Hæc enim necessario uera erit; si illa quæ interrogabatur est falsa. Hic locus fauet ijs qui dicunt ualere consequentiam a negatiua de prædicato finito ad affirmatiuam de prædicato infinito, de quo ad finem c. dicemus.

Horum autem quæ infinita] Videntur alicui nomina infinita & uerba infinita esse negationes, id est, negatiuæ enunciationes, cum continent particula negantem. Idcirco probat Arist. non esse enunciationes negatiuas: quoniam non significant uerum aut falsum.

Hæc autem est omnis] Docuerat superiorius,

ius, enunciationes de verbo Est tertio adiacente, de subiecto infinito, nullum habere habitudinem consecutionis cum enunciationibus de subiecto finito; insinuatque enunciations de subiecto infinito eadem consecutionis legem seruare inter se, quam seruant enunciationes de subiecto finito nunc autem planius virumque docet, dicens: hæc enunciationes; omnis non homo est iustus, non omnis non homo est iustus & cæteras de subiecto infinito, nul-

lam habere consecutionis legem cum alijs de subiecto finito, idque propter subiectorum diuersitatem. At uero has; omnis non homo est non iustus, nullus non homo est non iustus: quoniam idem subiectum habent: eandem consecutionis legem inter se habere, quàm seruant enunciationes de subiecto finito. nam ab illa affirmatiua de prædicato infinito inferitur negatiua de prædicato finito; quod quidem patet in figura subscripta.

Omnis
homo est
iustus.

in fi ni ta

Aliquis ho-
mo non est
iustus.

Nullus homo est
iustus.

aliquis homo
non est
iustus

priuatim

Nullus homo est
iniustus.

Omnis
homo est
iustus.

Aliquis homo
non est non
iustus.

in fi ni ta

Nullus homo est
non iustus.

Omnis
homo
iustus.

Omnis non
homo est
iustus.

in fi ni ta

aliquis non
homo, non
est iustus.

Aliquis non
homo, non
est iustus.

priuatim

Omnis non
homo est
iniustus.

Aliquis non
homo non
est non
iustus.

in fi ni ta

Omnis
non homo
non est
iustus.

At enim nomina) Quoniam in hoc capitulo sepe posuit Aristotel. subiectum ante predicatum, sepe predicatum ante subiectum: quod quidem dubitationem, aliqui asserere posset; idcirco docet hoc loco, nomina & uerba, id est. subiecta & predicata, ut Ariston. exponit, ratione solius transpositionis seruata scilicet eadem intelligentia subiecti, predicati & copulae idem significare, id est, eundem sensum efficere, quod quidem hac ratione ostenditur. Si hæc enunciationes, Petrus albus est; albus Petrus est, non essent eadem enunciatio: nec efficerent eundem sensum: sequeretur uni affirmationi plures esse negationes oppositas, consequens autem est falsum, ut probatum est capit. 6. superioris libri. Ergo & illud ex quo sequitur. Probat sequelam: quia huius affirmationis, albus Petrus est: negatio est hæc, albus Petrus non est. Negatio uero huius, Petrus albus est, si non sit eadem cum priori, aut erit hæc, non Petrus albus non est: aut hæc Petrus albus non est. Sed non est prima, ut patet, quia habet subiectum infinitum; ergo in secunda: sed secunda est contradictoria illius, albus Petrus est, repugnat enim in ueritate & falsitate; Ergo si nomina, & uerba transposita non significant idem; huius affirmationis, albus Petrus est; darentur duæ negationes scilicet hæc: albus Petrus non est, & Petrus albus non est, quod est incommodum. aduerte tamen in hac probatione perspicuitatis causa acceptum fuisse subiectum singulare: cum tamen Aristotel. utatur subiecto uniuersali.



Vtrum ex negatiua colligatur affirmatiua variatio predicata penes finitum & infinitum.

QVÆSTIO PRIMÆ.

EST in primis pro parte negatiua Aristot. autoritas libro primo, prior. cap. ultim. ubi aperte asserit, ualere consequentiam ab affirmatiua ad negatiuam, uariato predicato penes finitum & indefinitum: è conuerso tamen ualere a negatiua ad affirmatiuam. Nam inquit, hæc est uera, Socrates non est lignum album: hæc tamen est falsa, Socrates est lignum non album. Secundo hæc est uera: homo quatenus homo non est albus; & tamen hæc est falsa, ergo homo quatenus homo est non albus; Non igitur ualeat consequentia a negatiua ad affirmatiuam.

Tertio hæc est uera, Adamus non est albus; & tamen hæc est falsa: Adamus est non albus. Non igitur ualeat consequentia a negatiua ad affirmatiuam. Maior patet: & minor suadetur: quoniam, ut est communis Dialecticorum sententia, ad ueritatem affirmatiue enunciationis de predicato contingens requiritur existentia subiecti. Ratio uero est, quoniam uerbum est, enunciationibus contingentibus non absoluitur ab existentia, in aliqua differentia temporis, ut diximus cap. de uerbo. Quæ de causa dicebamus eo loco uerbum EST, in enunciationibus contingentibus de tertio adiacente esse partem predicati, quia accipitur pro existentia, quam significat, si ergo hæc est uera, Adamus est non albus; ut sit contingens, licebit inferre Adamus esse, consequens aut falsum, ergo &c.

His tamen non obstantibus, (dicendum est: semper ualere consequentiam a negatiua ad affirmatiuam,) Quæ sententia non solum uerior esse uidetur; sed etiam cum Aristotel. doctrina magis consentiens, potestque his rationibus confirmari. Primo, quia Aristot. cap. de nomine docuit, nomina infinita dici de ijs, quæ sunt, & de ijs,

ijs, quæ non sunt; Ergo ut enunciatio de prædicato infinito sit vera, non opus est subiecta existere.

Secundo Aristote. cap. de oppositis hoc constituit discrimen inter contradicentes terminos, & alios terminos oppositos, quod semper alter contradicentium affirmatur vere de quavis re singulari, siue talis res sit, siue non sit: at uero in reliquis oppositis hoc non reperitur; Ergo ad veritatem enunciationis affirmatiuæ de prædicato infinito vno requiritur ex materia subiecti.

Tertio, quia Aristot. hoc cap. asseruit valere consequentiam a singulari negatiua ad singularem affirmatiua de prædicato infinito, vt: Socrates non est sapiens; ergo Socrates est non sapiens.

Quarto aristotel. 1. lib. priorum cap. ultimo. docet: de quacunque re uerum esse dicere, quod sit æqualis, aut non æqualis, nõ autem quod sit æqualis aut non æqualis, non autem quod sit æqualis aut inæqualis, sed de re non existente, falsum est, quod sit æqualis; Ergo verum erit dicere, quod sit non æqualis: ac proinde ad veritatem affirmatiuæ de prædicato infinito non requiritur existentia subiecti. Postremo verbum EST, potest reddi infinitum atque prædicari vere a damo; hæc enim uidetur vera: Adamus non est, accepto NON EST, infinitanter. Sed hæc enunciatio resoluitur in hæc: Adamus est non existens; ergo hæc etiam uera erit, atque propterea enunciatio affirmatiua contingens de prædicato infinito non requirit ad sui veritatem, subiecti existentiam.

Illud quidem in genere fatemur posse hæc & alia argumenta, quæ pro parte affirmatiua afferri possunt, hauri difficile dissolui. Ad primum enim dici potest, Arist. cap. de nomine non asseruisse nomina infinita dici de omnibus in uniuersum quæ sunt, & quæ non sunt, quandoquidem nullum est nomen infinitum, quod ita affirmatum sit: etenim non homo cum sit nomen infinitum non dicitur uere de hominibus, & sic res habet in cæteris. Quare licet nomina infinita non dicantur uere de ijs, quæ non sunt, cum illis contingenter attribuantur, dicuntur tamen uere de ijs, quæ necessario conueniunt, ut non album de chimera, & hypocentauro.

Ad secundum responderi potest Aristot. cap. de oppositis eo discrimine locutum fuisse de propositionibus contradicentibus, quarum altera necessario debet esse uera, altera falsa. Quanquam enim infinitum ipsis esset de terminis contradicentibus differere: uoluit tamen, ut ex conditione enunciationis contradicentium conditionem colligeremus terminorum contradicentium: non ita tamen, ut credere, mus in terminis contradicentibus, qui prædicantur contingenter de aliquo subiecto, non requiri existentiam subiecti: sed ut colligeremus multos esse terminos contradicentes, quorum alter necessario uere affirmatur de subiecto, in quibus non requiritur subiecti existentia, quod in cæteris oppositis non cernitur.

Ad tertium & quartum dici potest: Aristotelem esse intelligendum illis locis superposita existentia subiecti. Ad postremum, negari potest, hanc enunciationem esse ueram Adamus non est infinitanter.

Cæterum etsi hoc modo possint hæc argumenta solui: uerius tamen uidetur opposita sententia & Aristot. doctrinæ magis consentanea. (Itaque dicendum est, perpetuo ualere consecutionem a negatiua ad affirmatiua, uariato prædicato penes finitum & infinitum; modo duo hæc obserues. Vnum est, ut si affirmatiua fuerit uniuersalis, negatiua non sit particularis.) Nam alioquin nihil efficitur. Vt si dicas: aliquid animal non est homo: Ergo omne animal est non homo, aliquis homo non est nõ iustus; ergo omnis homo est iustus. Alterum est, ut prædicatum negatiue non sit coniunctum, sed simplex.) Nam si fuerit coniunctum non semper sequitur quod uolumus; nec enim sequitur. Æthiops non est lapis albus; Ergo est non lapis albus. Si enim hoc consequens esset uerum, concedendum esset, Æthiopem esse non lapidem, & esse album, quod est falsum. Addi etiam solet, questionem hanc esse intelligendam in enunciationibus, in quibus non est particula reduplicatiua. Nam in ijs non ualet; non enim sequitur homo quatenus homo non est albus; Ergo homo quatenus homo est non albus.

Quare ad primum argumentum respondendum est, Aristoteli. eo in loco fuisse locutum

locutum de enunciationibus tum prædicationibus con-
iuncti, tum simplicibus; at vero ex negatiua prædicati coniuncti non concludi affirmatiuum: heet in infinita totum prædicatum infinitum reddatur. Nec enim sequitur: Socrates non est lapis rationis capax; Ergo Socrates est non lapis non rationis capax. Huc igitur de causa Aristotel. asserit valere consecutionem ab affirmatiua ad negatiua: non autem e contrario a negatiua ad affirmatiua. Quod si de enunciationibus prædicati simplicibus solum loqueretur: diceret, ex negatiua affirmatiua quoque concludi. At obijcies, Aristotel. eodem loco in exemplum attulisse, enunciationum quandam, prædicati coniuncti, cuius altera pars infinita est, scilicet, est lignum non album; ergo non est lignum album. In quibus propositionibus ut non valet argumentatio a negatiua ad affirmatiua, ita nec vice versa. Occurrendum est, gratia exempli adductum esse illam enunciationem: in exemplis vero non semper requiri veritatem.

Ad secundum dicendum est, non valere consequentiam a negatiua, in qua ponitur particula reduplicatiua ad affirmatiua de prædicato infinito, ut bene probat argumentum: Itaque intelligendum est, valere consequentiam a negatiua ad affirmatiua, modo negatiua non sit enuntiatio reduplicatiua.

Ad tertium negandum est, Adamo non existente, hanc esse falsam; Adamus non est albus, & ad probationem dicendum est, sententiam illam Dialecticorum veram esse, quando prædicatum est ens reale, nam cum est relatio rationis, aut negatio pura, non est opus, quod subiectum existat, ut ei prædicatum contingens conueniat. (Dixit negatio pura,) propter priuationem, quæ non signat partem negationem, sed præter negationem addit; quod sit in subiecto apto ad recipiendam formam; & in tempore a natura constituto, ut forma iustus, & quoniam forma non potest in esse subiecto eo tempore, quo subiectum ipsam non existit, propterea efficitur, ut nec priuatio conueniat subiecto non existenti; negatio autem pura conueniat.

Utum ex affirmatiua enunciatione concludatur negatiua finita variato prædicato penes finitum & indefinitum?

QUESTIO SECUNDA.

PRO parte negatiua ita quispiam argumentauit: In primis quoniam non sequitur Petrus est videns non hominem; Ergo Petrus, non est videns hominem. Nam posito, quod simul videat hominem, & equum, antecedens est verum, & consequens falsum.

Secundo, non sequitur, Petrus est non sensibilis: nam dato, quod sit quantus & albus, antecedens est verum, quia quatenus, quantus est non sensibilis, & consequens est falsum. Tertio, non sequitur, Petrus fuit non sedes: Ergo non fuit sedes: est. n. antecedit verum, & consequens falsum, posito, quod Petrus heri steterit hora septima, & sederit hora octaua. Quarto non sequitur Petrus potest esse non iustus; Ergo Petrus non potest esse iustus. postremo non sequitur, in fluuio sunt non pisces, quandoquidem sunt etiam lapides; ergo in fluuio non sunt pisces.

Pro solutione harum obiectionum aduertendum est; duo esse necessaria, ut valeat consequentia ab affirmatiua, ad negatiua variato prædicato penes finitum & infinitum, alterum, ut si affirmatiua fuerit particularis, negatiua non sit vniuersalis. Nam a particulari ad vniuersale non valet consequentia, ut Aristotel. in contextu docuit, ut non sequitur: Quidam homo est non iustus; Ergo nullus homo est iustus: nec item, quidam homo est iustus: Ergo omnis homo non est non iustus. Alterum, ut in enunciationibus de prædicato infinito totum præter verbum est, sit infinitum, aliqui non valebit consecutio, ut docet Aristotel. tum hoc loco, tum primo libro prior. capitulo vltimo, & confirmari potest hac ratione: si hæc non esset bona consequentia Petrus est non albus; Ergo Petrus non est albus, oppositum consequens posset

fer stare cum antecede ēte, vnde hæ duæ pro-
positiones, Petrus est non albus, Petrus est
albus essent simul veræ, quod fieri nequit,
quoniam fieri nequit, vt duo termini con-
tradictentes simul affirmantur vere de eod-
dem subiecto singulari, eodem modo po-
test probari, hanc esse bonam consequen-
tiam: Petrus est albus: Ergo Petrus nō est
non albus. Nam si non est bona, oppositum
consequentis, quod est Petrus est non al-
bus, stabit cum illo antecedente, scilicet,
Petrus est albus, quod fieri non potest, eo
quod duo termini contradicentes, non pos-
sunt simul affirmari vere de eadem re sin-
gulari: Valet igitur consecutio ab affirma-
tiua, variato prædicato penes finitum & in-
finitum.

Ad primum igitur argumentum, in op-
positum dicendum, eam consequentiam
non esse bonam, quia non totum prædica-
tum affirmatiue est infinitum, sed tantum
vna eius pars.

Ad secundum dicendum est, antecede-
ns non esse verum, nisi intelligas, secundum
quantitatem, in quo sensu etiam conse-

quens est verum.

Ad tertium dicendum est consequens
est verum, si verbum, (fuit,) accipiatu-
r secundum eandem partem temporis, secun-
dum quam fumebatur in antecedente.
Quod si aliter sumatur in antecedente,
quam in consequente, non erit bona conse-
cutio. Ad quartum dicendum est, non esse
bonam consequentiam, quoniam in enun-
ciatione infinita, non est totum prædicatum
infinitum.

Ad postremum dicendum est: antecede-
ns illud non esse enunciationem de prædica-
to infinito, sed de subiecto infinito. Sensus
enim illius enunciationis est; non pisces
sunt in fluuiis, ubi particulas (non pi-
sces) est subiectum; ab affirmatiua
vero de subiecto infinito
non valet consequen-
tia ad negatiuam
de subie-
cto in-
finito, vt Aristot.
in contextu
docet.

CAPVT SECVNDVM

DE ENVNCIATIONIBVS

coniunctis, & diuinis.

1637
1638



Num autem de multis, aut multa de vno, vel affirmare vel nega-
re, nisi vnum quippiam id quod ex multis illis significatur, sit
nec affirmatio neque negatio vna erit. Vnum vero dico, non si
nomen vnum quidem sit positum, non fiet autem vnum aliquid
ex illis. Velut homo, est forsitan & animal. & bipes, & mā-
suetum, at ex his etiam vnum quiddam fit: ex albo vero, & ho-
mine, & ambulante, vnum (vt patet) non fiet. Quare neque
si vnum quippiam de hisce multis quippiam affirmauerit, vna erit affirmatio; sed
vox quidem vna, affirmationes autem plures neque rursus de vno si dixerit hæc
sed similiter multa. Quod si differentis interrogatio, quædam responsionis
postulatio est, qua vel propositio, vel contradictionis pars altera exigitur, pro-
positio

positio vero contradictionis vnius est pars, ad hoc genus vna profecto responsio non erit. Neque enim ipsa interrogatio vna est non si vera sit etiam. Sed de his dialecticam esse. Nam vt interrogatio datur oportet, verum velit aliquis contradictionis partem eligere; vtque interrogans desinat verum huc homo sit, an non hoc. Cum autem eorum, quæ seorsum prædicantur, alia iunctim sit etiam prædicentur, vt vnum omnia prædicatum fiant, alia vero minime, quanam differentia est de homine namque vere & animal seorsim, & bipes seorsim dicitur, & hæc eadem vt vnum: & homo rursus, & album seorsim, & hæc eadem vt vnum: sed non si quispiam est & sutor, & bonus sutor dicendus est bonus. Nam si quia verum est seorsim vtrumque, ideo & vtrumque simul verum esse oporteat, multa absurda sequentur. De homine namque quopiam verum est dicere, & quid est homo, & quod est albus etiam: quare & totum. Rursus si album verum est dicere, & totum vere dicitur. Quare erit homo albus, albus, atque hoc in infinitum abit. Et rursus Musicus albus ambulans, & hæc sæpius coniuncta dicentur. Quorum in infinitum erit abitio. Præterea si Socrates, Socrates dicitur atque homo, Socrates, Socrates homo dicitur: & si ipse, homo seorsim; & bipes dicitur, & simul homo bipes dicitur. Patet igitur si quispiam simpliciter complexiones ipsas fieri dixerit, multa absurda inde emergere. Verum dicendum est nunc, quo nam sint pacto ponende. Quæcunque igitur, cum vel prædicari de alijs, vel alijs subiici apta sint, per accidens aut de eodem, aut alterum de altero prædicantur ea vnum non erant. Velut homo & albus quidem & Musicus est, sed vnum album ipsum & Musicum non est. Accidunt enim ambo eidem. Neque si vere dicitur album Musicum esse, album Musicum vnum quid vnquam erit. Album enim per accidens Musicum est. Quare album Musicum aliquid vnum non erit. Quo circa neque sutor bonus dicitur simpliciter, animal autem bipes dicitur simpliciter. Quippe cum non per accidens hæc de illo dicantur. Præterea nec vnum ea dicentur. Quorum alterum alteri inest. Quapropter nec album sæpius dicitur, neque homo, homo animal aut bipes est. Injunt enim hæc homini, animal atque bipes. At sit, vt eadem vere coniunctim atque seiunctim dicantur. Nam aliquem hominem, hominem: aut aliquem album hominem, hominem album dicere licet. Non semper tamen sic ista habent. Sed cum in eo quod adiunctum est, repugnant quippiam sic inest, vt ad id contradictio sequatur, ibi non verum, sed falsum dicitur, vt si mortuum hominem, hominem dixeris esse. Cum vero repugnans non inest, verum dicitur. At cum inest quidem, semper non verum: cum vero non inest, non semper verum dicitur: vt Homerus est aliquid Poëta: an ne igitur Homerus estiam non esse dicendum est potius? per accidens enim ipsum. Est de Homero prædicatur. Nempe quia est Poëta: sed non per se de Homero. Est ipsum prædicatur. Itaque quibus in prædicationibus neque contrarietas inest, (quod quidem facile discernetur si pro nominibus rationes dicantur) & per se, non per accidens prædicantur, in hisce coniunctim & seorsim vera prædicatio sit. Id autem quod non est, non eo vere dicitur esse quippiam, quia est opinabile. Nam quæ de ipso est opinio, non habet quod sit, sed quod non sit.

Explicat Arist. hoc capite alteram diuisionem enunciationum simplicium, agens de enunciationibus constantibus extremis coniuncto, & de ijs, quæ constant extremis simplicibus, poniturque ferme totum caput in declarandis consequentijs quibusdam, quæ inter hæc enunciationes fieri solent. Illud vero extremum est hoc loco coniunctum, quod constat pluribus terminis. qui possunt esse plura prædicata in diuersis enunciationibus, cuiusmodi sunt prædicata harum enunciationum, nimirum: Petrus est homo albus; Plato est animal rationale, &c. Illud vero extremum dicitur simpliciter diuisum, quod non potest esse plura prædicata in diuersis enunciationibus, huiusmodi sunt, album, homo &c.ætera.

Tres igitur partes continet hoc caput, in quarum prima distinguit & separat. Arist. enunciationem multiplicem, ad enunciationem vnam: in secunda vero docet, quando valeat consecutio a diuisis ad coniuncta in tertia tandem, quando valeat consecutio a coniunctis ad diuisa.

Vnum autem) Quoniam enunciationes, quæ constant extremo coniuncto, de quibus hoc capite agendum est, magnam habent voce tenus affinitatem cum enunciationibus pluribus habentibus multas voces, a parte subiecti, aut a parte prædicati: idcirco, nequis fallatur, sumatque huiusmodi enunciationes plures, pronuntiatione de extremo coniuncto, docet in prima parte cap. quæ sit enunciatio plures. Docet ergo eam esse plures, in qua aut vnum de multis, aut multa de vno, aut certe (quod maiori cum ratione voluit esse intelligendum) in qua multa de multis affirmantur, aut negantur. Aduertit autem illa multa eiusmodi esse debere, vt ex ijs non efficiatur vnum. Nam alioquin enunciatio potius erit vna, quam plures. Fit autem vnum ex multis, vt hoc loco Aristotel. intelligit: quando vnum ex illis est actus, seu forma determinans alterum: vt patet in composito per se quod fit ex genere, & differentia, & incompositum per accidens, quod fit ex subiecto & accidente: Est enim differentia forma determinans genus: & accidens est forma determinans subiectum. Quod si multa eiusmodi sunt, vt neutrum sit forma alterius:

quamuis vtrumque vnus tertij sit forma, non efficiet vnum: nisi forte coniunctione aliqua connectatur. Vnde patet has enunciationes non esse plures; homo est animal rationale. Socrates est homo albus: has vero esse plures. Socrates est albus Musicus; lac est album dulce, quæ quamuis (album & Musicum,) fit forma Socrates; (album vero & dulce,) sunt formæ lactis, tamen vnum non est forma alterius. Diximus, (nisi forte coniunctione aliqua connectatur,) quia si ita copuletur, efficiet vnum, vt hoc loco Aristotel. intelligit, vt si quis dicat: Socrates est albus, & Musicus, lac est album & dulce, quod quidem verum est, si modo coniunctio accipitur copulatum, idest, vt connectit partes eiusdem extremi; nam si copulatiue accipitur, vt connectit plures enunciationes simplices, tunc tota enunciatio non erit simplex, sed coniuncta.

Atque vnum dico) Docet vt aliqua enunciatio sit vna non satis esse, quod vna vox prædicetur de vna voce, sed esse opus, vt res significata sit vnum quippiam, unde si quis dicat, homo est animal bipes & mite efficiet enunciationem vnam, quia ex animali bipede & mite fit vnum. Apposuit Aristot. (forsitan,) quoniam bipes, & mite non sunt differentie essentielles, sed ponatur loco differentie essentialis hominis, at vero quia ex albo homine ambulante non fit vnum, non constituetur ex ijs enunciationibus vna licet vna uoce significaretur.

Quod si differendi) Colligit ex dictis ad interrogationem plures, idest, ad enunciationem plures cum interrogatur, non esse reddendam responsonem vnā, sed distinguendam esse, & iuxta plures sensus, quos habuerit, plures reddendas responsones. Vt Aristotel. hoc loco intelligas, aduerte hoc esse discrimen inter Dialecticum, idest, eum qui probabiliter differit de quacunque proposita questione, & demonstratorem, quod Dialecticus propterea, quod est paratus ad utramque contradictionis partem confirmandam aut refellendam (possunt enim inueniri argumenta probabilia pro utraque parte contradictionis) solet querere utramque contradictionis partem. Vt utrum omnis voluptas bonum sit nec ne: Ad vero demonstrator eam partem

tem contradictionis duxerat interrogat, quam demonstrare instituit: neque enim interrogat veramque: quoniam non sunt demonstrationes pro utraque contradictionis parte. Cum igitur interrogatio dialectica postulet & quærat vel propositionem, quæ scilicet in interrogatione exprimitur, vel contradictionem illius, utraque autem debeat esse enunciatio vna quoniam est pars vnius contradictionis: efficitur necessarium, ut responsio dialectica sit enunciatio vna. Quare cum ad interrogationem plures non sit reddenda vna responsio, sed plures: colligitur plane ad interrogationem plures, non esse reddendam dialecticam responsionem. Ex quibus colligitur, rursus: non esse dialecticam interrogationem eam, in qua quæritur, quidnam aut hoc aut illud sit: ut eam, in qua quæritur, quid est homo: sed pertinere ad demonstrationem. Interrogatio enim dialectica utramque quærit contradictionis partem, in qua quidem datur oppositio: ut respondens det, quamvis partem contradictionis, hoc non sit, cum quæritur, quidnam est hoc aut illud.

Cum autem eorum) Docet iam in secunda parte huius capit. quomodo valeat consecutio a diuisis ad coniuncta, & quando non, hoc est, quando ex enunciationibus de extremo diuiso seu simplici liceat colligere vnam de extremo coniuncto, & quando non. Sed prius hanc proponit quæstionem, quid sit in causis, ut aliquando valeat consecutio a diuisis ad coniuncta, ut Socrates est animal, Socrates est bipes, Ergo Socrates est animal bipes, Item Socrates est homo, Socrates est albus; Ergo Socrates est homo albus, aliquando autem non valeat, ut Socrates est furor, & Socrates est bonus. ergo Socrates est furor bonus.

Nam si igitur) Docet non semper valere consecutionem a diuisis ad coniuncta. Nam præter quam quod in superiori exemplo datur antecedens verum & consequens falsum, sequerentur alia incommoda, si semper diceretur valere consecutio a diuisis ad coniuncta. In primis enim fieret sæpe expressa negatio, hoc est, inanis eiusdem vocabuli repetitio, ut si quis diceret, Socrates est homo, Socrates est albus: Ergo Socrates est homo albus, ubi manifesta est nega-

tio deinde daretur progressus in infinitum in repetendis ipsidem vocabulis: nam si Socrates est albus & est muscus & est ambulans; Socrates erit albus muscus ambulans. Rursusque Socrates est ambulans & est muscus; igitur Socrates albus ambulans ambulans, muscus muscus, & ita in infinitum frustra eadem vocabula repeterentur. præterea fieret nonnunquam nugatio implicita, id est repetitio inutilis alicuius, quod actu in altero, quod exprimitur, continetur. Ut si quis dicat: Socrates est homo; Socrates est risibilis; igitur Socrates est homo risibilis, ubi communiter nugatio implicita, cum risibile actu contineatur in homine.

Quæ igitur per accidens) Tradit duas regulas, quibus intelligamus, quando non valeat consecutio a diuisis ad coniuncta: unde facile præbit quando valeat. Prior est huiusmodi: (quando a quo prædicatur diuisim omninoque accidentaliter de subiecto,) accidentaliter inquam, ita ut non solum per accidens dicatur de subiecto nunc de sumpto, sed etiam quatenus est informatum alterutro ipsorum aut (quod idem est) quando ipsa attributa de se mutuo, per accidens prædicantur, (cum non valet argumentatio, a diuisis ad coniuncta.) Ratio vero cur non valeat est, quia ex his prædicatis diuisis non potest vnum quippiam effici: ac proinde non potest fieri vna quædam enunciatio.

Præterea neque ea dicuntur) Posterior regula hæc est: (quando prædicata diuisa ita sunt affecta, ut alterum contineatur in altero; tunc non licet argumentari a diuisis ad coniuncta,) non licet inquam, non, quoniam in tali argumentandi formula, dato antecedente vero, consequens possit esse falsum: sed quia colligitur inepta & nugatoria quædam quæstio; Ut si quis argumentetur: Socrates est homo, Socrates est animal; Ergo Socrates est homo animal. Ex his duabus regulis, quibus Aristotele ostendit, quædo non licet argumentari a diuisis ad coniuncta, facile intelligi potest tertia regula, qua declaratur, quando id liceat. Regula hæc est, (quando prædicata diuisa ita se habent, ut nec alterum dicatur per accidens de altero, sed potius sit veluti forma alterius, nec alterum includatur in altero, si modo idem sensus terminorum seruetur, semper

per licebit a diuisis ad coniuncta argumen-
tari.] diximus, [si modo idem sensus
terminorum seruetur:] quia alioquin non
erit firma argumentatio. Vnde non se-
quitur, Socrates est futor, Socrates est bo-
nus; Ergo Socrates est futor bonus, quia
bonus nunc accipitur pro virtute prædito,
nunc pro perfecto in aliqua arte.

At sit ut eadem] In hac tertia parte
capitis docet, Aristotele, quando valeat ar-
gumentatio a coniunctis ad diuisa, & quan-
do non valeat; sed antequam id præster,
declarat interdum valere consequentiam,
vt si dicas; Socrates homo albus, Ergo So-
crates est homo & Socrates est albus: in-
terdum autem non valere, vt si dicas; hoc
cadauer est homo mortuus; igitur hoc
cadauer est homo; & hoc cadauer est mor-
tuum.

Sed cum in ea] Tradit duas regulas,
quibus intelligamus, quando non valeat
consecutio a coniunctis ad diuisa, quarum
prima est huiusmodi, [quando in prædi-
cato coniuncto continentur particulae ita
repugnantes inter se vt eas separatim ac-
ceptas sequatur aliqua conditio, non valet
consecutio a coniunctis ad diuisa: ut
in argumentatione de cadauere. Nam in
hoc prædicato coniuncto, homo mortuus,
continentur duæ particulae, quas separa-
tim sumptas sequitur contradictio. Nam
si homo est, essentialiter est viuens; si au-
tem mortuus non est viuens: vero & non ui-
uens sunt contradictoria. Sed obijciens duæ
illæ particulae ita repugnant inter se, ut
eas separatim acceptas, sequatur contra-
dictio; igitur si ambæ simul accipiantur,
non poterunt vere affirmari de cadauere:
dicendum est tamen illas particulas inclu-
dere contradictionem, si sumantur con-
iunctæ; Cum enim particula, [homo,]
separatim sumitur, accipitur pro suo pro-
prio significato, nempe pro vero homine,
at vero cum sumuntur duæ illæ particulae
simul: particula, [homo,] alienatur, vt di-
cunt receptiores, per particulam, [mor-
tuum,] ac proinde accipitur non pro vero
homine, sed pro cadauere.

Cum vero non] Ait Aristoteles, vide-
ri bonam consequentiam a coniunctis ad
diuisa, [cum in particulis prædicati con-
iuncti non inest contradictio: sed statim
corrigit, se dicens, non semper valere con-

secutionem cum non inest contradictio;
quod patet hoc exemplo; Homerus est poe-
ta; igitur Homerus est. In hoc enim præ-
dicato coniuncto, est poeta, non continen-
tur particulae, quas sequatur contradictio,
& tamen non recte inferitur; Ergo Home-
rus est. Hac igitur de causa tradit Aristoteli
posteriorem regulam, quæ est huius-
modi: Quandocunque particula prædi-
cati coniuncti per accidens dicitur de
subiecto, id est, ratione alterius dunta-
xat, & non per se; ac vi sua, [tum non
licet argumenti a coniunctis ad diuisa;]

Vt non valeat consequentia: est rubeus ex
uerecundia; Ergo est rubeus. Nam parti-
cula, [rubeus,] non dicitur per se ac vi
sua de subiecto, sed ratione particulae,
(ex uerecundia,) quæ adiungitur. Eadem
ratione non sequitur Homerus est Poe-
ta; igitur Homerus est. Nam illa parti-
cula est posita in prædicato coniuncto, non
dicitur ratione sui, sed ratione illius parti-
culæ, (Poeta,) quæ efficit ut uerbum
EST, non accipitur pro existentia reali,
sed pro obiectiua, quæ est in mentibus
hominum: Hæc enim sufficit, vt vere di-
camus, Homerum esse Poetam, hoc est,
esse eum, cui scripta poemata tribuuntur.
Idem utitur reperitur in ijs omnibus ar-
gumentationibus, Socrates est magnus Phi-
losophus, igitur Socrates est magnus: So-
crates est bonus futor; Ergo Socrates est
bonus, & alijs similibus, in quibus altera
pars dicitur solum ratione alterius; Vnde
patet omnia illa, quæ superiori regula ex-
cipiebantur, hæc etiam esse accepta. Nam
quando partes alicuius prædicati inuo-
luunt repugnantiam, semper altera illarum
de subiecto dicitur ratione alterius.

Quare in quibus) Colligit ex dictis Ar-
istotele hanc regulam, quæ docet, quando va-
leat consequentia a coniunctis ad diuisa,
quæ huiusmodi est; (Quandocunque in par-
tibus prædicati coniuncti nulla inest contra-
dictio: repugnantiæ: & altera non dicitur
de subiecto solum ratione alterius, cui ad-
iungitur: sed etiam ratione sui: tunc valet
consequentia a coniunctis ad diuisa. Ad-
monet autem facile discerni posse, laudem
repugnantiam aliquam in partibus præ-
dicati, si pro partibus ipsis earum definitio-
nes adhibeantur.

Id autem quod non est) Colligit rur-
sus

sus non esse bonam consequentiam, hoc re est opinabile; Ergo hoc uere est. Nam dictio, (opinabile,) efficit ut uerbum EST, non accipiat pro existentia reali, sed obiectiua, uerbi gratia: chymere uere est opi-

nabilis, non tamen uere est quoniam obiectio quæ de chymera haberi potest, est chymeram non esse: ex eo autem, quod uere opinatur chymera non esse, non sequitur chymera esse, ut patet, sed potius chymera non esse.



CAPUT TERTIUM

DE ENUNCIATIONIBUS MODORVM

possibilis, contingentis, impossibilis
& necessarij.



HIS autem determinatis, considerandum deinceps est, quomodo antiheses hæc, Possibile est esse non possibile est esse: Contingens est esse: Non contingens est esse, de impossibili necess. vique sese habeant, sunt enim dubitationes quædam. Nam si complexionibus hæc inter se contradicunt, quæcunque per esse ac esse disponuntur, ut huius, Hominem esse, negatio hæc non esse hominem, & non illas esse non hominem: & item huius, Hominem album esse, hæc non esse hominem album: non autem illa, non album esse hominem, negatio est: (alioqui cum aut affirmare, aut negare de quolibet verum sit vire quisoriam & lignum, non album hominem dixerit:) quod si hæc inquam, ita habet, etiam in his in quibus Esse non additur, idem faciet id, quod leco ipsius esse dicitur: & huius Homo ambulat, non hæc Ambulat non homo sed dicta, Non ambulat homo, negatio erit: (non enim refert, ambulare hominem, an ambulantem hominem esse dicas.) Si hæc inquam ita sunt atque ubique ratio hæc seruatur, huius etiam, nimirum affirmationis, possibile est esse, hæc erit negatio, Possibile non esse: & non illa Non possibile est esse. At idem videtur & esse, & non esse posse, omne namque quod possibile, vel secari, vel ambulare est, possibile est & non ambulare & non secari. Atque hæc causa huius est, quoniam omne, quod hoc pacto possibile est, non semper est actum quapropter ei competet & ipsa negatio. Potest enim & non ambulare, quod ambulare potest. & non videri quod videri potest. Atque fieri nequit, ut enunciationes oppositæ de eodem sint veræ: non igitur affirmatiõis huius, Possibile est esse, hæc est negatio, Possibile, est non esse. Fit enim hoc pacto, ut aut idem de eodem affirmetur negeturque simul: aut non per esse atque non esse affirmationes negationesque complexionum fiant. Quod si illud fieri nequit, hoc erit utique amplectendum. Igitur huius, Possibile est esse, negatio hæc est, Non possibile est esse: & non illa, Possibile est non esse: & huius Contingens est esse, hæc, Non contingens est esse, non autem. Contingens est non esse Eadem & de cæteris ratio,

tio, de impossibili inquam & necessario, namque ut in illis esse atque nō esse sunt additiones, cetera vero res sunt subiecta ut album, ut homo sic in illis esse quidem, atque non esse sunt ut subiecta, posse vero & contingere, additiones sunt quæ ita quæ quidem sic in ipsi verum & falsum distinguere, quemadmodum in illis esse, & nō esse solent. Huius autem possibile est non esse, negatio est non ista, Non possibile est esse, sed hæc, Non possibile est non esse, & huius, possibile est esse, nō ista, possibile est non esse, sed hæc, Non possibile est esse. Quapropter hæc possibile est esse, & possibile est non esse, mutuo sese sequi videntur. Idem enim possibile est esse, atque non esse; nō enim hæc sibi, possibile est esse, & possibile est nō esse, contradicunt: sed ista, possibile est esse, & Non possibile est esse, de eodem nunquā simul sunt veræ oppositæ namque: unt. Hæc namque, possibile est non esse, & Non possibile est non esse, nunquam de eodem sunt veræ. Similiter & affirmationis huius. Necessæ est esse, nō hæc, Necessæ est non esse, sed hæc, Non necesse est esse, negatio est; huius autem necesse est non esse, negatio est, Non necesse est non esse, huius etiam, impossibile est esse, nō hæc Impossibile est non esse, sed ista, Non impossibile est esse, at illius, Impossibile est non esse, hæc sane, Non impossibile est non esse, negatio est. Omnino autem, quemadmodum dictū est esse quidem ac non esse, ponere vii subiecta oportet, modos autem ad ipsum esse atque non esse adiungere, affirmationem negationemque; scire qui velit, hasque oppositas esse existimare decet, possibile, non possibile, contingens, non contingens, impossibile, non impossibile, necessarium, non necessarium, verum, non verum. Consequenter quoque hac ratione fiunt, si ita ponantur. Nam hanc quidem, possibile est esse, primum ea, Contingens est esse, quæ cum ea conuertitur: deinde, Non impossibile est esse, & Non necesse est esse, sequitur. Hæc autem, possibile est non esse, & Contingens est non esse, sequitur; Non impossibile est non esse, & Non necesse est non esse. Illas etiam, Non possibile est esse, & non contingens est esse, sequitur, Impossibile est esse, & necesse est non esse; & illas denique, Non possibile est non esse, & non contingens est non esse, sequitur, Impossibile est non esse, & Necessæ est esse. Atque id quod dicitur percipi de subiecta descriptione potest.

I.		III.	
A	Possibile esse.	Non impossibile esse	I
ma	Contingens esse	Non contingens esse	li
bi	Non possibile esse	Impossibile esse	a
mis	Non necessarium esse	Necessarium non esse	ce
<hr/>			
E	Possibile non esse	Non possibile non esse	Pur
dca	Contingens non esse	Non contingens non esse	pu
tu	Non impossibile non esse	Impossibile non esse	re
lu	Non necessarium non esse	Necessarium esse.	a
II.		III.	

Impossibile igitur est esse, & Non impossibile est esse, hæc Contingens est esse, & Possibile est esse, & non Contingens est esse, & Non possibile est esse, contradicunt quidem

quidem, sed verso modo sequuntur. Affirmationem enim possibilis, possibile inquam est esse, negatio sequitur impossibilis, quæ est, Non impossibile est esse: negatione autem hanc nempe Non possibile est esse, sequitur hæc affirmatio, Impossibile est esse: nam Impossibile est esse, affirmatio: Non impossibile est esse, negatio est. At necessarie enunciationes quomodo sese habeant, videndum est; patetque; non eodem modo sese habere: sed contrarias quidem sequi, contradictiones autem seorsum esse collocatas. Huius enim necesse non esse, non hæc negatio est, Non necesse est esse: quippe quas de eodem ambas contingat esse veras. Quod enim necesse est non esse, id non necesse est esse. Causa vero quod non ita necessarium, ut modi ceteri sequantur est, quod impossibile, cum idem polleat quod necessarium, contrario assignatum est modo. Quod enim impossibile est esse, id sane non necesse esse, sed necesse est non esse: & quod impossibile est non esse, id necesse est esse. Quamobrem si illæ perinde sese habent atque possibilis & non impossibilis enunciationes; eæ non eodem, sed contrario sese modo habebunt: quippe cum necessarium ac impossibile non idem significant, nisi verso modo fuerunt assignata, quemadmodum diximus. At fieri non potest, ut hoc pacto collocentur necessarie contradictiones. Quod enim necesse est esse, id possibile est esse, nam si ita non sit, si que tur sane negatio: (quippe cum necesse sit affirmare, aut negare.) Quare si non possibile est esse, impossibile est esse. Id igitur impossibile est esse, quod necesse est esse, quod quidem absurdissimum esse constat. At qui istam possibile est esse sequitur hæc, Non impossibile est esse: hanc vero sequitur illa, Non necesse est esse, itaque fit, ut quod necesse est esse, id non necesse sit esse, quod absurdum est. Iam vero neque hæc Necesse est esse, neque ista Necesse est non esse, illam possibile est esse sequitur. Et namque; quod possibile est, ambo accidere possunt. Vera autem istarum sit vera illa non erunt profecto vera; Simul enim possibile est & esse, & non esse. Si vero necesse est esse, aut non esse, non erit possibile esse atque non esse. Restat igitur ut hæc Non necesse est non esse, istam Possibile est esse sequatur, est enim vera, hæc etiam si de necesse est esse dicatur, quippe quæ contradictione ei opponatur, quæ ista. Non possibile est esse sequitur. Sequuntur enim istam hæc, Impossibile est esse, & Necesse est non esse, cuius negatio est hæc, Non necesse est non esse. Igitur & hæc contradictiones, perinde atque ceteræ sese consequuntur. Atque nihil prorsus absurdi emergere videtur, si hoc pacto ponatur.

I.

A	Possibile est esse.
ma	Contingens est esse
bi	Non impossibile est esse
mus	Non necesse est non esse

II.

Non possibile est esse.	I
Non contingens est esse	li
Impossibile est esse	a
Necesse est non esse	ce

E	Possibile est non esse
den	Contingens est non esse
cu	Non impossibile est non esse
lu	Non necesse est esse

Non possibil. est non esse	Pur
Non contingens est non esse	pu
Impossibile est non esse	re
Necesse est esse.	a

III.

III.

Ambiget autem quispiam, si hanc Necesse est esse, illa possibile est esse sequatur: nam si non sequitur, ea quæ contradictorie illi opposita est, nempe Non possibile est esse sequetur, quam si quis illi contradictorie oppositam esse negarit, eum necesse est hanc Possibile est non esse, oppositam dicere, quorum vtrumque falsum, si de hac Necesse est esse dicatur erit. Quare illa possibile est esse, hanc Necesse est esse sequitur. At vero idem rursus videtur esse possibile secari ac non secari, esse atque non esse. Ex quo fit, ut id quicquid necesse est esse, sit contingens non esse, quod quidem est falsum. Patet igitur non omne quod possibile vel esse vel ambulare est idem non esse, non ambulare possibile esse, sed esse nonnulla, in quibus illud verum non esse videtur, qualia primo sunt, quæ aliquid sine ratione possunt, quo pacto ignis calefacere potest, potentiam rationis expertem habens. Potentia igitur eæ quæ participes rationis sunt, eodem plurimum sunt & contrariorum, at quæ sunt rationis expertes, non omnes, sed ignis, ut dictum est, non potest calefacere, & non calefcere, neque cetera quęcunque semper actu existunt. Aliqua tamen eorum, quæ potentias rationis expertes habent, opposita simul suscipere possunt. Vtrum hoc quidem huiusce gratia dictum est, ut ostenderemus potentiam non omnem oppositorum esse, ne eas quidem omnes, quę eadem sub specie collocantur. Nonnullę autem potentie equivoce sunt, possibile enim non simpliciter dicitur sed aliud quidem ob hoc dicitur, quia verum est ideo quia re ipsa est, veluti possibile est quempiam ambulare, quia ambulat, & omnino possibile est esse, quia iam id est, quod dicitur esse posse, aliud autem ex eo, quia quanquam nunc quidem non est tamen possit fieri ut possibile est quempiam ambulare, propterea quod quæ nunc quidem non ambulat, tamen potest ambulare. Et hæc quidem potentia in his est solum, quę mobilia sunt; illa vero & in ijs est, quę sunt immobilia. Atque horum vtrumque & id in quantum quod iam ambulat, ac agit, vel est, & id quod ambulandi, vel essendi quidem potentiam habet, sed nondum ambulat, aut est, vere dicere licet, possibile esse ambulare, aut etiam esse. Quę cum ita sint, quod hoc modo possibile est, non vere dici de necessario simpliciter potest alterum autem vere dici potest. Quare cum ad particulare sequatur vniuersale, ad id quod necessario est sequitur hoc profecto. Possibile est esse; non omne tamen, ut patet. Est et fortassis id quod vel esse vel non esse necesse est, alijs omnibus ut vel sint vel non sint, seu principium ac fundamentum itaque ut cetera ad hoc sequantur, videre decet.

I.

a	Necesse esse
pur	Non possibile non esse
pu	Non contingens non esse
re	Impossibile non esse

III.

Non necesse esse	li
Possibile non esse	e
Contingens non esse	den
Non impossibile non esse	tu

Cc	Necesse non esse
i	Non possibile esse
li	Non contingens esse
a	Impossibile esse

Non necesse non esse	Mus
Possibile esse	a
Contingens esse	ma
Non impossibile esse	bi

II.

III.

Patet autem ex his quæ diximus, id quod esse necesse est, a se etiam existere quare si perpetua priora sunt, scilicet etiam potestate prior est. Eorum porro quæ sunt, alia quidem actus, absque potestate sunt, quales ipsæ sunt primæ substantiæ, alia vero cum potestate actus, quæ natura quidem priora, tempore vero posteriora sunt. Sunt insuper quæ nunquam sunt actus sed potentiæ tantum.



Disseruit Aristoteles hæcenus de enunciationibus absolutis, nunc aggregatur de interpretatione modalium. Sed antequam exponamus, quæ Aristoteles in contextu docet: operæ præteritum erit nonnulla explicare: quibus cognitis nullo negotio, quæ Aristoteles dicit, intelligi poterunt. Primum est, de quibus enunciationibus modalibus hoc loco Aristoteles disputat. Secundum quæ sit qualitas & quantitas, ac materia modalium. Tertium, quo pacto huiusmodi enunciationes æquipolliceant. Quartum, quænam sit earum oppositio. Quibus explicatis contextum ipsum, quam brevissime fieri poterit exponemus.

De quibus enunciationibus modalibus disputat hoc loco Aristoteles.

Modalis enunciatio tam late sumi potest, ut eas comprehendat, in quibus verbum determinatione, modove notatur; quo modo hæc omnes enunciationes modales appellantur; Socrates sapienter disputat; honestum est virtutem diuitijs præferre; utile est, viros sapientes Reipublicæ præesse. Sed cum verbum est (ut docuimus capit. 3. superioris libri multa significet: nam præter formale significatum & certam temporis differentiam importat etiam copulam, connexionemve prædicati cum subiecto) animaduertendum est, quosdam esse modos: qui determinat verbum, quoad connexionem prædicati cum subiecto, ut si dicas homo necessario est animal; cuius enunciationis hic est sensus: animal inest necessario homini, ubi connexio animalis cum homine determinatur per particulam (necessario), alios vero, qui non determinant copulationem prædicati cum subiecto, sed vel formale significatum verbi, vel signifi-

catum totius propositionis, vel aliquid aliud: ut patet in exemplis superius propositis. Nam in hac enunciatione, Socrates sapienter disputat, particula (sapienter,) determinat actum disputandi, quoniam verbum formaliter significat.

Modi, qui determinant coniunctionem prædicati cum subiecto sunt numero sex: scilicet, possibile, contingens, impossibile, necesse, verum & falsum: alij vero sunt prope modum infiniti; Sed quoniam enunciationes, quæ constât hisce modis, qui non determinat connexionem prædicati cum subiecto nihil fere habent diuersum ab enunciationibus absolutis: non instituit Aristoteles de ijs disputare: imo vero nec de illis, quæ constant illis duobus modis, (verum & falsum:) quia (verum & falsum,) non mutant sensum propositionis absolute; idem enim est dicere, Socratem disputare est verum, & Socratem disputare; item Socratem disputare est falsum, & Socratem non disputare. Super sunt igitur hoc loco explicandæ enunciationes modales, quæ constât quatuor reliquis modis, possibile, contingens, impossibile & necessarium. Vnde fit, ut in quatuor genera distribui solent, in enunciationes ex possibili, ex contingenti, ex impossibili, & ex necessario.

Sed rursus admonendum est, huiusmodi modos dupliciter sumi posse in enunciationibus, aut enim sumuntur vt aduerbia, ut cum dicimus Socrates contingenter disputat, homo necessario est animal, aut vt nomina, ut cum dicimus Socratem disputare est contingens, hominem esse animal est necessarium. Est autem hoc discrimen inter eas, quod in quibus modus est nomen, totum significatum enunciationis absolute manet, ut subiectum, de quo modus ipse prædicatur assumpta de nouo alia copula verbali; Vt, in illa propositione hominem esse animal est necessarium, significatum enunciationis, pro quo ponitur illa oratio infinitiua, (hominem esse animal,) est subiectum, de quo (necessarium) prædicatur affirm-

assumpta de nouo copula EST. In quibus vero modus est aduerbium, manet idem omnino subiectum enunciationis absolutæ: neque assumitur de nouo alia copula verba-
lis, sed illa eadem, eadem determinatur ac cessione modi, ut constat in illa enunciatione: homo est necessario animal: ubi manet idem subiectum, quod huius absolutæ (homo est animal,) manet etiam eadem copula, sed terminata per particulam (necessario.) Hisiis constitutis dicendum est Aristote: hoc loco solum agere de enunciationibus modalibus, in quibus modus est nomen, non tamen de ijs omnibus. Contingens enim duobus modis sumi potest, altero pro eo, quod potest esse, & potest non esse, quod proprie & presse dicitur contingens, quomodo hominem sedere dicimus esse contingens, altero modo sumitur coniungens litteræ & minus proprie, ut significat id quod potest esse: siue ita possit esse, ut possit non esse, quale est contingens presse sumptum: siue ita possit esse, ut non possit non esse, quale est necessarium. Quo modo sumptam contingens idem est, quod possibile, quod superius quippiam est. ad contingens possibile & necessarium: verumque enim sub se comprehendit. Aristotel. igitur non differt hoc loco de enunciationibus ex contingenti presse sumpto, quia nullam seruant æquipollentiam, aut oppositionis legem cum cæteris modalibus, ut patet cap. 3. l. lib. priorum. Solum igitur hoc cap. traditurus est æquipollentiam & oppositionem propositionum modalium, de possibili, impossibili, necessario, coniungenti late sumptæ, atque ita patet, de quibus enunciationibus modalibus agendum sit, id quod prior loco fuerat explicandum. Illud tamen præterendum non est, hoc loco modalem. Enunciationem duplicem sensum habere posse, diuisum scilicet & compositum. Tum dicitur sensum habere diuisum, quando modus declarat, quo pacto prædicatum conueniat mentali prædicato subiecti secundum se spectato: Tum autem dicitur, habere sensum compositum, cum modus declarat quo pacto conueniat prædicato mentali subiecti, dum sit sub significato formali. Sed quoniam in solis nominibus cōnotatiis cernitur materiale & formale prædicatum, idcirco hi duo sensus reperiuntur tantum in ijs enunciationibus modalibus, in quibus sit

biectum dicti, aut subiectum enunciationis, in qua modus sumitur aduerbialiter est nomen cōnotatiuum. Exempli causa hæc enunciatio, possibile est sedentem stare, in sensu composito significat, fieri posse, ut is qui sedet aut dum sedet, stet, quod est impossibile atque proinde enunciatio dicta est falsa in eo sensu: in sensu vero diuiso, significat fieri posse, ut is qui sedet, stet, aut dum sedet, aut quouis alio tempore, in quo sensu est enunciatio vera. Neque vero parum differt sensum compositum reperi solum in enunciationibus modalibus, in quibus modus est nomen, sensumque diuisum in ijs tantum, in quibus modus est aduerbium. Vterque enim sensus in eadem reperi potest, quamquam prioris commodius efficiat sensum compositum, posterior vero diuisum. Est & aliud genus sensus compositi & diuisi, de quo 3. cap. lib. 1. priorum commodius dicetur.

De Qualitate, Quantitate ac materia modalium enunciationem.

Quoniam in materialibus enunciationibus, de quibus Aristol. loquitur duo sunt subiecta, & duo prædicata, necessario efficitur, ut duplex sit copula, altera, quæ coniungat modum cum dicto altera, quæ conueniat subiectum & prædicatum dicti. Vnde sit, ut duobus modis modalis enunciatio dicatur affirmatiua aut negatiua, altero, propter affirmationem aut negationem modi, altero propter affirmationem aut negationem prædicati, quod in dicto continetur. Prior tamen præcipuus est: Hinc orta est diuisio illa modalium, in affirmatiuas de modo & dicto, ut hominem esse animal est necessarium, in negatiuas, de utraque, ut hominem non esse animal non est contingens, in affirmatiuas, de modo, & negatiuas de dicto, ut hominem non esse grammaticum est possibile: & in negatiuas, & affirmatiuas de dicto, ut hominem esse grammaticum non est impossibile. Quia tamen affirmatio & negatio modi in modalibus præcipue est: enunciationes, quæ modum affirmauerint affirmatiuas, quæ eundem negauerint, negatiuas simpliciter appellandæ sunt: siue dictum affirmatum sit, siue negatum.

Hæc-

Haecenus de qualitate essentiali enunciationum modalium. Quod vero attinet ad qualitatem accidentalem, hoc est, ad veritatem, & falsitatem: hoc dicendum est. Modales quidem esse veras aut falsas, quod quidem omnes participat naturam enunciationis. Ceterum eas, quae verae sunt, esse necessarias, quae vero falsae sunt, esse impossibiles. Quoniam quae verae sunt non possunt esse falsae: & quae falsae, nunquam verae esse possunt. Exempli causa, haec omnes sunt necessariae: (hominem esse animal est necessarium, hominem esse album est contingens, hominem esse grammaticum est possibile, hominem esse lapidem est impossibile,) quia ita sunt verae ut non possint esse falsae. Haec vero: Hominem esse animal non est necessarium: hominem esse album non est contingens, hominem esse grammaticum non est possibile, hominem esse lapidem non est impossibile; haec inquam sunt impossibiles: quia ita sunt falsae, ut verae nunquam esse valeant. Sunt igitur modales enunciationes aut necessariae, aut impossibiles, quamquam earum dicta contingentia esse possint, id est, ita esse, aut non esse.

Quod vero attinet ad quantitatem, dicendum est, triplicem reperi in modalibus de quibus Aristoteles loquitur. Prima sumitur ex parte totius dicti: Secunda ex parte subiecti, quod in dicto continetur; tertia ex parte modi. Quantitas, quae sumitur ex parte totius dicti, ut est subiectum, de quo praedicatur modus reducitur ad singularem, eo quod significatum totius dicti unum est tantum. Sensus enim huius enunciationis, hominem esse animal est necessarium, est; quod huius orationis, hominem esse animal (quod est unum tantum) est necessarium. Itaque hac ratione omnis modalis enuntiatio, de qua nunc loquimur, est singularis. Quantitas autem, quae cernitur ex parte subiecti, quod in dicto continetur, eo modo reperitur, quo in enunciationibus absolutis. Potest enim subiectum dicti esse singulare aut uniuersale affectum signo uniuersali particulari, aut nullo signo. Itaque hac est parte modales dici solent aut uniuersales, ut hominem esse animal est necesse, aut particulares, ut aliquem hominem esse grammaticum est contingens, aut indefinitae, ut hominem esse album est possibile, aut singulares, ut Socratem esse lapidem est impossibile.

Quantitas denique, quae cernitur ex parte modi, dicitur quantitas temporis, quae per modum designatur. Quemadmodum quantitas multitudinis in absolutis enunciationibus designatur per Syncategoremata, omnes, nullas, quidam, aliquis, &cetera. Duplex uero est quantitas temporis, uniuersalis nempe, aut particularis. Uniuersalis significatur modis, necessarium & impossibile: particularis, duobus reliquis. Nam necessarium de notat praedicatum dicti perpetuo conuenire subiecto, impossibile nunquam conuenire; possibile enim & contingens ita rem ponunt, ut quantum in ipsis est permittant rem aliquando non esse; neque enim, ut uera sit enuntiatio, de possibili aut contingenti, opus est ut praedicatum dicti, conueniat semper subiecto. Ut autem in enunciationibus absolutis, signa uniuersalia praeposita negatione finit particularia: & particularia uniuersalia: nam non omnis, & non nullus sunt signa particularia, at uero non quidem & non aliquis, sunt uniuersalia, sic modi uniuersales, praeposita negatione sunt paraiculares, & particulares uniuersales, itaque non necessarium & non impossibile sunt modi particulares, non contingens autem & non possibile uniuersales. Quoniam uero haec tertia quantitas praecipua est in modalibus, non immerito Aristoteles consuevit collocare modos initio huiusmodi enunciationum, ut statim quantitas earum ex ipso principio cognosci possit, quemadmodum in absolutis, & signis praepositis quantitas earum intelligitur. Itaque hoc modo fore profert Aristoteles. modales enunciationes, necesse est hominem esse animal; contingens est Socratem esse grammaticum, possibile est Socratem esse album, & ita in ceteris, non quidem ut efficiat ex modis subiecta, & ex dictis praedicata, sed & qualitas earum propria, ut diximus, atque adeo praecipua quantitas statim appareat, proinde non hoc loquendi genere deinceps utemur.

Quod tandem attinet ad materiam, altera cernitur inter modum & dictum altera inter praedicatum & subiectum dicti. Et haec quidem posterior triplex est, necessaria contingens, & impossibilis, quemadmodum in absolutis enunciationibus. Illa uero, quae propria est modalium est duplex necessaria inquam, aut impossibilis, nulla

uero est contingens, contingens, cuius ratio est quoniam materia dicti non potest mutare suam naturam, ita quod ea, quæ est contingens, fiat aliquando necessaria aut impossibilis, aut quæ est necessaria aut impossibilis, fiat contingens: Ac propterea modus qui semel conuenit alicui dicto, nõ potest ei non conuenire: & qui aliquando non conuenit, non potest unquam eidem accommodari. Vnde efficitur id, quod paulo superius diximus, omnem modalem enunciationem esse necessariam aut impossibilem. Vide pro hac re ea, quæ continentur in lib. 3. inst. dialect. cap. 4. §. & 10.

De æquipollentia enunciationum modalium.

Enunciationes modales fieri possunt æquipollentes inter se, si seruentur hæc documenta, alterum est, ut modi omnium sint eiusdem quantitatis, id est, ut omnes sint uiuersales, aut omnes particulares: alterum est, ut dicta enunciationum de contingenti possibili, & impossibili sint eadem inter se, & opponantur contradictorie dicto enunciationis de necessario. Quibus documentis seruatis, cuiuscunque modalis enunciationi, cuiuscunque modi sit, assignari possunt tres alie æquipollentes,

quæ constant cæteris modis, uerbi causa huic propositioni, possibile est Socratem sedere, assignabuntur hæc tres æquipollentes.

Contingens est Socratem sedere.

Non impossibile est Socratem sedere.

Non necesse est Socratem non sedere.

In quibus uides illa duo documenta seruari. Quoniam uero enunciatio modalis, quatuor modis uariari potest, ut superius diximus, (aut enim constat modo, & dicto affirmato, aut modo affirmato & dicto negato; aut contra modo negato & dicto affirmato, aut denique utroque negato) describendæ sunt quatuor tabellæ, quibus omnes æquipollentes contineantur, eo ordine, ut in prima constituatur enunciatio ex necessario, quæ constat modo & dicto affirmato: in secunda enunciatio ex necessaria, quæ constat modo affirmato & dicto negato: in tertia, enunciatio, quæ constat modo negato, & dicto affirmato, in quarto enunciatio ex necessario, quæ constat utroque negato, unicusque uero harum subijciatur alie tres æquipollentes ex possibili, contingenti & impossibili, ut patet in subscripta figura.



Neceſſe eſt, Socratem eſſe hominem.

Neceſſe eſt Socratem non eſſe hominem.

Non poſſibile eſt Socratem non eſſe hominem.

Non poſſibile eſt Socratem eſſe hominem.

Non contingens eſt Socratem non eſſe hominem.

Contrariæ Non contingens eſt Socratem eſſe hominem.

Impoſſibile eſt Socratem non eſſe hominem.

Impoſſibile eſt Socratem eſſe hominem.

Contradictoria.

Subalternæ

Subalternæ

Contradictoria.

Neceſſe eſt Socratem eſſe hominem.

Non neceſſe eſt Socratem non eſſe hominem.

Poſſibile eſt Socratem non eſſe hominem.

Poſſibile eſt Socratem eſſe hominem.

Contingens eſt Socratem non eſſe hominem.

Subcontrariæ

Contingens eſt Socratem eſſe hominem.

Non impoſſibile eſt Socratem non eſſe hominem.

Non impoſſibile eſt Socratem eſſe hominem.

Necesse est, omnem hominem esse animal.

Impossibile est, aliquem hominem non esse animal.

Non contingens est, aliquem hominem non esse animal.

Impossibile est, aliquem hominem non esse animal.

Necesse est nullum hominem esse animal.

Non possibile est, aliquem hominem esse animal.

Non contingens est, aliquem hominem esse animal.

Impossibile est, aliquem hominem esse animal.

Contradictoria

Subal

Subal

Non necesse est, omnem hominem esse animal.

Possibile est, aliquem hominem non esse animal.

Contingens est, aliquem hominem non esse animal.

Non impossibile est, aliquem hominem non esse animal.

Non necesse est, nullum hominem esse animal.

Possibile est, aliquem hominem esse animal.

Contingens est, aliquem hominem esse animal.

Non impossibile est, aliquem hominem esse animal.

Contradictoria

Solent vero recentiores quidam alia documenta tradere, quibus doceant, cuiuscunque enunciationis æquipollentes inveniri. primum est de quocunque dicto affirmatur possibile & contingens, de eodem negatur impossibile, & de eius contradictorio, negatur necesse. Secundum est, de quocunque dicto negatur possibile & contingens, de eodem affirmatur impossibile, & de eius contradictorio affirmatur necesse. primum documentum inseruit tertiæ & quartæ tabellæ. posterius vero primæ & secundæ, quæ ideo attulimus quia apud recentiores frequenter vsurpantur. Excogitata sunt præterea quatuor dictiones appendentes quatuor tabellis scilicet, (argutula, velligia, sine me-

tu, mutabatis,) qui facile reuocantur in memoriam omnes enunciationes cuiuscunque tabellæ. Quod ut percipiatur animaduertendum est, quatuor uocales in his dictionibus reperiri A, E, I, V: nam consonantes nihil faciunt ad rem; A indicat enunciationem de modo, & dicto affirmato: E, enunciationem de modo affirmato & dicto negato; I, enunciationem de modo negato & dicto affirmato: V, enunciationem de modo & dicto negato, quorum uocalium significatio hoc uersu continetur.

E dictum negat, Ique modum, nihil A, sed V, totum.

Prima

Prima igitur dictio (argutula) inseruit primæ tabellæ: indicatque primam enunciationem ex necessario constare modo & dicto affirmato, secundam ex possibili; & tertiam ex contingenti constare modo affirmato, dictoque negato: quartam denique ex impossibili, constare modo affirmato, dictoque negato.

Secunda dictio, vestigia, accommodatur secundæ tabellæ, indicat primam enunciationem ex necessario constare modo affirmato, & dicto negato, duas vero sequentes ex possibili & contingenti constare modo negato, & dicto affirmato; & quartam ex impossibili constare modo, & dicto affirmato.

tertia dictio, (sive metu,) attribuitur tertiæ tabellæ, indicatque primam enunciationem ex necessario constare modo negato & dicto affirmato, duas vero sequentes ex possibili & contingenti constare modo affirmato, & dicto negato.

Quarta, dictio (mutabatis,) respondet, quartæ tabellæ, significatque primam enunciationem ex necessario constare modo & dicto negato, duas vero sequentes ex possibili, & contingenti constare modo & dicto affirmato: & quartam ex impossibili constare modo negato, & dicto affirmato.

De oppositione modalium enunciationum.

QUOD attinet ad modalium oppositionem illud in primis sciendum est tot oppositionum genera in eis reperiri, ac in absolutis, easdemque omnino servare leges, quod ad veritatem & falsitatem (contradictoriarum enim nec simul veræ, nec simul falsæ esse possunt,) contrariarum simul falsæ, non tamen simul veræ, subcontrariarum simul veræ, non tamen simul

falsæ; subalternarum denique ita se habent, ut ex veritate subalternantis, colligatur veritas subalternatæ, & non e contra, ex falsitate vero subalternatæ colligatur falsitas subalternantis.

Secundo notandum est in modis (cum potissimum habent rationem qualitatis ex parte modi) illas oppositiones, quæ modo habuerint universales, esse contrarias (sive dicta sint singularia, sive communia) quæ particulares esse subcontrarias illas vero, quarum altera modum habuerit universalem, altera particularem, esse contradictorias.

Ex dictis colliges: contrarias modales, in solis duabus prioribus tabellis collocari primam scilicet, & secundam: quoniam modi universales in his tantum reperiuntur, subcontrarias vero in solis duabus posterioribus, tertia videlicet & quarta: quoniam in his tantum reperiuntur modi particulares: contradictorias vero, ita dispositas esse, ut altera sit in prima aut secunda tabella: altera vero in tertia & quarta: Quod ut facilius memoria teneatur, describatur primo loco, prima tabella, è regione vero secunda, sub prima autem collocetur quarta, sub secunda vero tertia: Ita enim habet, quemadmodum in descriptione oppositarum enunciationum de esse, ut contrariæ superius disponantur, subcontrariæ inferius, contradictoriæ vero sint

angulares per dia-

metrum di-

sposti-

te:

& contra superiores sint subalternantes inferiores: ut patet in hac figura.

Subalternans.

Necesse est Socratem esse hominem.

Non possibile est Socratem non esse hominem.

Non contingens est Socratem non esse hominem.

Impossibile est Socratem non esse hominem.

Subalternans

Necesse est Socratem non esse hominem.

Non possibile est Socratem esse hominem.

Non contingens est Socratem esse hominem.

Impossibile est Socratem esse hominem.

Contrariæ

Subalternæ

Contradictor

Contradictor

Subalternæ

Non necesse est Socratem non esse hominem.

Possibile est Socratem esse hominem.

Contingens est Socratem esse hominem.

Non impossibile est Socratem esse hominem.

Non necesse est Socratem esse hominem.

Possibile est Socratem non esse hominem.

Contingens est Socratem non esse hominem.

Non impossibile est Socratem non esse hominem.

Subcontrariæ

Verum ut tradamus regulas: quibus facile tum oppositæ enunciationes, tum etiam subalternæ cognosci possint: illud in primis animaduertendum est; (Cum dux quælibet enunciationes sunt inter se oppositæ aut subalternæ: enunciationem, quæ æquipollet uni earum, esse eodem modo affectam ad alteram, quo est illa, cui æquipollet,) hoc est, æquipollentes cuiuslibet enunciationis eodem prorsus modo opponi alteri, quo opponitur earum æquipollens. Verbi gratia, quia hæc dux enunciationes, necesse est Socratem esse hominem non necesse est Socratem esse hominem, sunt contradictoriæ inter se, omnes æqui-

pollescentes prioris, contradicentes erunt posterioris; & omnes æquipollentes posterioris, eodem modo priori opponentur. Hinc fit, ut oppositæ & subalternæ aliæ sint quæ constent eisdem modis, eiusmodi sunt contradictoriæ assignatæ; aliæ vero, quæ constent diuersis, eiusmodi sunt hæc contradictoriæ, possibile est Socratem non esse hominem, necesse est Socratem esse hominem, & ita in cæteris. Nos tamen ut ea, quæ dicenda sunt, facilius intelligi possint, in tradendis earum regulis, solum habebimus rationem earum, quæ constant eisdem modis: cætere enim ex æquipollentiâ omnium inter se facile intelligi poterunt.

Quod

Quod ergo attinet ad contradictorias, prima regula sit (ut aliqua enunciationes sint contradictorie, opus est, ut altera habeat modum vniuersalem, altera particularem; dictum uero in utraque sit idem. Facillimo autem negotio eas assignabis, si enunciationi, modo negato, negationem abstruleris, affirmato autem praposueris. Exempla sunt, possibile est Socratem sedere; non possibile est Socratem sedere, simili modo in alijs modalibus exempla assignantur.

Secunda regula: (ut aliqua enunciationes ex possibili, contingenti & impossibili sint contrarie, opus est, ut utraque habeat modum vniuersalem, dicta uero pugnent, uel contrarie, uel subcontrarie. Verbi gratia huic, non possibile est aliquod animal esse hominem, opponuntur contrarie hæ duæ, non possibile est nullum animal esse hominem, & non possibile est, aliquod animal non esse hominem, & ita in cæteris. Dixi, dicta debere esse contradictoria vel subcontraria, quia si huiusmodi modales habuerint dicta contraria: ipsæ non erunt contrarie, possunt enim reperiri simul veræ, ut patet in ijs, impossibile est omne animal esse hominem, impossibile est nullum animal esse hominem: sunt enim ambæ veræ, quod tamen in contrarijs fieri non potest.

Tertia regula, (ut aliqua enunciationes ex necessario sint contrarie: opus est, ut utraque habeat modum vniuersalem: dicta uero pugnent, vel contradictorie, uel contrarie.] Verbi causa huic, necesse est omne animal esse hominem, opponuntur contrarie, hæ duæ, necesse est nullum animal esse hominem, & necesse est aliquod animal non esse hominem. Dixi dicta debere esse contradictoria, vel contraria: quia si fuerint subcontraria, non efficiuntur enunciations contrarie: quia poterunt esse simul veræ, ut patet in ijs, necesse est aliquod animal esse hominem, necesse est aliquod animal non esse hominem, quæ ambæ veræ sunt.

Quarta regula sit: (ut enunciations ex possibili, contingenti & impossibili sint subcontrarie, opus est, ut utraque habeat modum particularem, dicta uero pugnent intra se contradictorie aut subcontrarie. Exempla sunt, possibile est aliquem hominem se

dere; possibile est aliquem hominem non sedere. Oportet autem dicta esse contradictoria, aut subcontraria; quia si fuerint contraria, non efficiuntur modales subcontrarias. Poterunt enim duæ eiusmodi esse, simul falsæ, ut possibile est, omne animal esse hominem; possibile est nullum animal esse hominem, quod tamen subcontrarijs repugnat.

Quinta regula sit: [ut enunciations ex necessario sint subcontrarie, opus est, ut utraque habeat modum particularem, dicta uero pugnent inter se contradictorie aut contrarie.] Verbi causa huic, non necesse est omnem hominem sedere, & non necesse est, aliquem hominem non sedere. Oportet autem dicta esse contraria, aut contradictoria, quia si fuerint subcontraria, non efficiunt enunciations subcontrarias, poterit enim esse simul falsæ, ut patet in his, non necesse est, aliquod animal esse hominem, non necesse est, aliquod animal non esse hominem; hæ ambæ sunt falsæ.

Quod attinet ad subalternas ex possibili, contingenti & impossibili, sit sexta regula, ut huiusmodi enunciations sint subalternæ, oportet ut altera habeat modum vniuersalem, altera particularem, dicta uero contradictorie, aut subcontrarie opponantur: ut huic, non possibile est aliquem hominem sedere, subalternantur hæ duæ: possibile est nullum hominem sedere, & possibile est, aliquem hominem non sedere. Necesse est autem dicta esse contradictoria aut subcontraria: quia si fuerint contraria, non constituunt enunciations subalternas, poterit enim vniuersalis esse vera & particularis falsa, ut patet in his, non possibile est nullum animal esse hominem, & possibile est omne animal esse hominem: quarum prior vera, posterior falsa.

Septima & vltima regula sit huiusmodi, ut enunciations ex necessario sint subalternæ, oportet, ut altera sit vniuersalis, altera particularis, dicta uero sint contradictorie opposita.] Verbi causa huic enunciationi; necesse est omnem hominem loqui, & non necesse est, aliquem hominem non loqui, subalternantur hæ duæ, non necesse est nullum hominem loqui, & non necesse est aliquem hominem non loqui: Debent autem dicta esse contradictoria quia si fuerint subcontraria, non constituunt subalter

nas; poterit enim vniuersalis esse vera & particularis falsa, vt patet in his, necesse est aliquod animal esse hominem non necesse est aliquod animal non esse hominem, quarum prior vera est, posterior falsa.

Hæc in tam multas regulas diuisimus, vt facilius possent intelligi, quænam enunciationes modales sint contradictoriæ inter se, quæ contrariæ, aut subcontrariæ, quæ denique subalternæ. [Possunt autem omnes in has duas reuocari: Prior est, contrariæ debent constare modo eodem vniuersali, subcontrariæ modo eodem particulari, contradicentes & subalternæ modis contradicentibus. Posterior est, contrariæ, subcontrariæ, subalternæ si fuerint ex possibili contingenti, aut impossibili, opus est, ut consent dictis contradicentibus, aut subcontrarijs; si vero ex necessario, opus est, vt consent dictis contradicentibus aut contrarijs, at contradicentes debent idem omnino dictum habere.] Et hæc sunt, quæ de modalibus enunciationibus dicenda erant: nunc quæ Aristot. in contextu docet, ita explicabimus; vt omnia in breuem quædam summam redigamus.

His autem determinatis] hoc caput in duas partes diuiditur, in priori agit de oppositione modalium, potissimum vero de contradictoria: in posteriori de æquipollentia eorum. Quod igitur ad posteriorem partem attinet, proponit initio huiusmodi dubitationem; siue contradictio modalium attendenda penes affirmationem & negationem modi: hoc est, siue contradicentes enunciationes illæ, quarum dicta sic affecta sint, vt alterum constet verbo negato, & alterum affirmato: an potius il-

læ, in quarum altera affirmatur modus, in altera negatur. Priorem partem, quæ falsa est, probat similitudine propositionum absolutarum: in quibus negatione & affirmatione verbi fit contradictio, & non affirmatione & negatione, cuiuscunque alterius particulæ. Quod confirmatur, inductione facta in enunciationibus ex verbo EST, & ex verbo adiectiuo. Posteriores vero partem, quæ vera est, probat: quia si non modi, sed uerbi; quod in dicto continetur affirmatione & negatione contradictio fieret, darentur duæ contradictoriæ simul veræ; ut patet in his; possibile est Socratem sedere, possibile est, Socratem non sedere. Quibus argumentis pro vtraque parte positis, docet posteriorem partem quæstionis veram esse, contradictionemque attendi debere penes affirmationem & negationem modi. Quod & exemplis verum esse ostendit, & hæc inspectione confirmat; quia vt verbum EST, & ea, quæ post verbum sequuntur, sunt additiones, id est, tenentur se ex parte prædicati: cætera vero se tenent ex parte subiecti, ac propterea vt in enunciationibus absolutis contradictio spectatur penes affirmationem & negationem verbi; ita in modalibus penes affirmationem & negationem modi. Hæc de priori parte capitis.

Consequentiæ quoque] Sequitur pars secunda capitis, in qua Aristot. de modalium æquipollentia disputat. Ac primo quidem ostendit: quo pacto constituerint veteres Stoici tabellas scilicet quadratas æquipollentium: eas igitur ita disponebant, vt in subscripta figura continetur.

1.

Possibile est, Socratem esse hominem.
 Contingens est, Socratem esse hominem.
 Non impossibile est, Socratem esse hominem.
 Non necesse est, Socratem non esse hominem.

3.

Non possibile est, Socratem esse hominem.
 Non contingens est, Socratem esse hominem.
 Impossibile est, Socratem esse hominem.
 Necesse est, Socratem non esse hominem.

In qua quidem descriptione docet Aristoteles omnes quidem enunciationes ex possibili contingenti & impossibili recte dispositas: at vero enunciationes ex necessario non omne esse recte collocatas. Nam, quæ sunt in tertia & quarta tabella, scilicet, [necesse est non esse, & necesse est esse,] recte quidem sunt dispositæ: quia sequuntur enunciationes ex possibili, contingenti & impossibili, quæ sunt in iisdem tabellis: harum vero enunciationum contradictoriarum scilicet, [non necesse est esse, & non necesse est non esse,] quæ sunt in prima & secunda tabella, sunt extra sua loca collocatæ. Etenim, quæ in prima tabella describenda sunt, posita est in secunda, & quæ in secunda collocata est in prima. Probat autem hæc enunciationem, [non necesse est esse,] non posse in prima tabella recte collocari: quoniam si sequeretur unam enunciationem infirmi a sua contradictoria, hanc videlicet,

2.

Possibile est, Socratem non esse hominem.
 Contingens est, Socratem non esse hominem.
 Non impossibile est, Socratem non esse hominem.
 Non necesse est, Socratem esse hominem.

4.

Non possibile est, Socratem non esse hominem.
 Non contingens est, Socratem non esse hominem.
 Impossibile est, Socratem non esse hominem.
 Necesse est, Socratem esse hominem.

[non necesse est esse,] ex hac, [necesse est esse.] Etenim ex hac, [necesse est esse,] colligitur hæc, [possibile est esse,] ut ex hac, possibile est esse, efficitur hæc: (non necesse est esse,) ut ait, quandoquidem ponis esse eius æquipollentem in prima tabella, igitur ex illa, (necesse est esse,) infertur hæc, (non necesse est esse,) quæ est eius contradictoria. Quare dicendum est, hanc enunciationem, (non necesse est esse,) non posse in prima tabella disponi. Cumque neutrum eorum, quæ sunt in tertia & quarta, possit cum ea loco commutari, ut etiam Aristoteles confirmat; superest ut loco illius ponatur, quæ in secunda tabella descripta est, scilicet, [non necesse est non esse, ipsa vero pro illa in secundam rejiciatur: Quod si ita fiat, omnia incommoda, quæ contra illam descriptionem inferebantur facile vitari ostendit. In his igitur duabus enunciationibus ex necessario mutatis ita relinquatur descriptæ tabellæ.

Possibile

1.

*Possibile est, Socratem esse hominem.**Contingens est, Socratem esse hominem.**Non impossibile est, Socratem esse hominem.**Necesse est, Socratem esse hominem.*

2.

*Possibile est, Socratem non esse hominem.**Contingens est, Socratem non esse hominem.**Non impossibile est, Socratem non esse hominem.**Non necesse est, Socratem esse hominem.*

3.

*Non possibile est, Socratem esse hominem.**Non contingens est, Socratem esse hominem.**Impossibile est, Socratem esse hominem.**Necesse est, Socratem non esse hominem.*

4.

*Non possibile est, Socratem non esse hominem.**Non contingens est, Socratem non esse hominem.**Impossibile est, Socratem non esse hominem.**Necesse est, Socratem esse hominem.*

Quibus quidem quatuor tabellis signandis excogitauerunt recentiores quatuor distinctiones eis respondentes, scilicet (amabimus, edentuli, eliacem, purpurea in quibus idem est obseruandum, quod in quatuor a nobis superius adductis obseruandum esse diximus.

Ambiget autem quispiam) Postquam Stoicorum descriptionem correxit, reuocat in dubium modum illum, concludendi, quo paulo superius usus est, scilicet, (necesse est esse; ergo possibile est esse,) quem primo confirmat eo pacto, quo paulo ante confirmauerat. nam si non sequitur contradictorium consequentis, poterit simul esse uerum cum antecedente, scilicet (non possibile est esse,) quod est falsum. Vel si neges hanc enunciationem esse illius contradictoriam, dices esse hanc (possibile est non esse:) quod etiam non potest simul esse uerum cum illa (necesse est esse.) Quod tamen modus ille concludendi uiciosus videatur probat: quia, quod possibile est esse, potest etiam non esse: Ergo si

ex hoc, (necesse est esse,) infertur illa, (possibile est esse:) aliquid necessarium poterit non esse. Hanc questionem ita soluit Aristot. ut concedat, modum illum concludendi firmum esse: ad argumentum uero respondet, non omne quod possibile est esse, posse etiam non esse, sed aliqua esse possibilia, quæ aliter se habere non possunt.

Atque forsitan hæc) Ad finem capitis docet Aristot. tabellas æquipollentium melius posse ita describi, ut enunciationes ex necessario primo loco ponantur: deinde cæteræ ita subsequantur, ut enunciationes ex possibili secundum locum habeant, tertium ex contingenti, postremum ex impossibili. Quem ordinem maxime conuenire docet cum eo, qui cernitur in rerum uniuersalitate, in qua perpetua, & necessaria, (cuiusmodi sunt, substantiæ primæ, hoc est, substantiæ a materia separate,) priora sunt dignitate cæteris rebus. Eum uero non seruauimus: cum de modalium æquipollentia superius disseruimus.

CAPVT QVARTVM.

Quæ magis apte enunciationes contrariæ dicantur.



Cum *VM* autem per sepe affirmationi & negatio & affirmatio aduersentur, ut huic, Omnis homo iustus est, hæc, Nullus homo iustus est, & Omnis homo iniustus est: & item huic, Callias iustus est, hæc, Callias iniustus non est, & Callias iniustus, aduersantur, consideremus oportet, utra istorum sit illi contraria. Cum ea quæ sunt in voce, ea quæ sunt in mente sequantur, si illic opinio contrarij sit contraria, ut quæ dicit, Omnis homo est iustus, ei quæ dicit, Omnis homo iniustus est: necesse est similiter se se & in his affirmationibus, quæ in voce consistunt, habeat. Sin vero illic contrarij opinio contraria non sit, nec ibi affirmationi affirmatio, sed dicta negatio contraria fuerit. Quare considerandam est, qualis nam opinio falsa opinioni veræ contraria sit, utrum affirmationis opinio, an ea quæ contrarium opinatur. Dico autem hoc pacto; Est una vera de bono opinio, bonum esse: alia autem de eodem falsa, bonum non esse, & insuper alia, malum esse. Harum igitur duarum opinionum utra sit contraria vera, & si una sit, secundum quam sit contraria. Equidem si quis putet contrarias opiniones ex eo definiendas esse, quia de contrarijs sunt, falsum profecto putabit. Nam opinio, quæ quispiam opinatur bonum esse bonum, & ea quæ malum opinatur esse malum, eadem fortasse est ac vera, siue plures sint, siue una, quæ contrariæ cum sint, non ex eo sunt, quia contrariorum, sed ex eo potius, quia contrario se modo habent. Quod si opinio de bono hæc quidem sit, bonum esse: alia vero sit, bonum non esse: & item alia, quæ bono tribuit id, quod ipsi nec competit, neque competere potest. Cæterarum quidem nulla est ponenda contraria, nec quæ competere quod non inest, nec quæ non inesse, quod competit, putat, nam infinitæ sunt ambæ & quibus competere quod non inest, & quibus non competere quod inest, existimatur. Sed illæ sunt ponendæ, in quibus inest ipsa deceptio, hæc autem sunt, & quibus generationes crantur. At ex oppositis generationes sunt, quapropter & deceptiones ex ipsis erunt. Quod si bonum, & bonum & non malum est, & alterum quidem illi per se, alterum vero per accidens competit (accidit enim ipsi, non malum esse) atque ea uniuscuiusque opinio vera est magis, quæ est per se, & item falsa magis, quæ est per se: (quippe cum & ea vera sit magis, quæ conditionem hanc subit) & bonum utraq; falsa est, & ea inquam quæ bonum bonum non esse, & ea quæ bonum malum asserit esse: illa quidem respectu veræ per se, hæc vero respectu veræ per accidens: magis erit ea opinio falsa profecto, quæ est negatio boni, quam ea quæ est contrarij affirmatio. At qui is circa unumquodque maxime opinatur falsum,

qui contrariam opinionem habet. Contraria namque circa genus item plurimum differunt, si igitur harum opinionum altera contraria quidem est, magis autem est ea contraria, quæ est negationis, patet hanc porro sine controveisia contrariam esse. Ad hæc quæ bonum malum asserit esse, superiore comprehenditur, necesse est enim forsitan eundem bonum non esse bonum putare. Præterea si in cæteris etiam rebus similiter sese habere oportet, & tum hoc argumentum erit, de hisse fuisse dictum bene. Aut enim ubique, aut nusquam contradictionis lex servetur oportet. Quibus autem non contraria sunt, in his falsa est, quæ est opposita veræ. Nā qui hominem hominem non esse putat, falsum is nimirum opinatur. Si igitur hæ contrariæ sunt, erunt & in cæteris modo simili contrariæ, quæcunque opinionationis contrariæ existunt. Præterea opiniones hæ, quarum hæc quidem bonum bonum esse, illa vero non bonum asserit bonum non esse, similiter sese habent. Et insuper hæ, quarum hæc bonum bonum non esse, illa non bonum bonum asserit esse. Et igitur quæ dicit non bonum bonum non esse, quæ quidem est, ut patet, vera opinio, quæ nam erit contraria? Non enim ea, quæ non bonum malum asserit esse, quippe quæ nonnunquam simul cum illa est vera, nunquam autem sit, ut vera veræ contraria sit, etenim est quippiam non bonum malum, quare sit, ut istæ sint simul veræ. Nec item ea, quæ non bonum dicit non esse malum, est enim & ipsa vera, nam erunt nonnunquam & ista simul. Restat igitur, ei, quæ dicit non bonum non esse bonum, contrariam eam esse, quæ non bonum bonum asserit esse, hæc enim est falsa. Quo fit, ut ea etiam quæ bonum bonum non esse dicit, sit ei, quæ bonum bonum asserit esse, contraria. Atqui perspicuum est, nihil interesse, etiam si affirmationem uniuersalem ponamus, nam uniuersalis negatio contraria erit sane, ut opinioni ei, quæ omne quod est bonum, bonum esse dicit, ea est contraria, quæ nihil bonorum bonum asserit. Ea namque opinio, quæ bonum bonum existimatur, si bonum uniuersaliter intelligamus eadem cum ea est, quæ quodcumque est bonum bonum asserit esse; hæc autem nihil ab ea differt, quæ omne quod est bonum, bonum esse existimatur, similis est & de non bono ratio. Quæ cum ita sint, si in opinione ita esse habet, quemadmodum diximus, affirmationes autem atque negationes symbola sunt eorum, quæ sunt in anima, patet & affirmationi contrariam quidem negationem eam esse, quæ uniuersaliter de eodem est, ut hæc. Omne bonum est bonum, aut, Omnis homo est bonus, hanc, nullum bonum esse bonum, aut, nullus homo est bonus: contradictione vero oppositam hanc, non omne bonum est bonum, aut non omnis homo est bonus. Patet etiam fieri non posse, ut veræ contraria, vera aut opinio ratio sit illa, nam contrariæ sunt, quæ sunt circa opposita, circa quæ recte quidem sentire pronunciareque eundem contingit, eidem inesse simul opposita nunquam contingit.

FVerunt, qui hoc caput crederent non esse Arist. sed ipsum locutionis genus plane ostendit ab Aristor. fuisse compositum. Quoniam igitur contrariæ enunciationes dicuntur non solum ex, quæ ita sunt affectæ, ut una neget prædicatum de subiecto, altera idem prædicatum affirmet de eodem subiecto verum etiam ex quæ de eodem subiecto contrariæ aut oppositæ prædicata af-

firment: (vnde etiam Arist. superius has dixerat esse contrarias, omnis homo est iustus; omnis homo est non iustus) docet hoc capite eas, quæ hoc potteriori modo contrarie dicuntur minus proprie contrarias esse: ne quis forte querat, quod cum de cæteris copiose dictum sit, de his nullum omnino verbum fecerit. Diuiditur hoc caput in tres partes, in prima, quæ actionem ipsam proponit,

nit, eiusque difficultatem exemplis ostendit: ex quibus constat, Arist. hoc loco non solum de contrarijs enunciationibus, sed et de contradictorijs agere: subcontrarias enim prætermisit, quia, ut superiori libro dictum est, non sunt proprie oppositæ. Deinde quæstionem ab enunciationibus vocalibus, transfert ad opiniones, quæ sunt in anima, id est, ad enunciationes mentales, ut, quod in ijs probatum fuerit, in vocalibus etiam, quæ sunt signa mentalium, confirmatum existimetur. In secunda parte, quæ eo loco incipit, [existimare itaque,] docet primo, non satis esse, ut enunciationes mentales sint contrariæ, si sint de rebus contrarijs, ut patet in ijs; bonum est bonum, malum est malum: quæ cum sint simul veræ, contrariæ esse non possunt, cum tamen sint de rebus contrarijs. Addit [nec satis esse ut sint contrariæ

quod non possunt esse simul veræ,] quia vni veræ opponerentur innumeræ, quæ, cum illa in veritate pugnant, ut huic; (iustitia est bona,) opponerentur hæ omnes [iustitia non est bona,] iustitia est mala; (iustitia non est expetenda,) & aliz, quæ cum illa veræ esse non possunt. postremo docet enunciationibus affirmatiuis verissime opponi negatiuas eiusdem prædicati, quod quatuor rationibus in contextu confirmat. In tertia vero parte, quæ incipit eo loco, (Quæ cum ita sint,) dissoluta quæstione in enunciationibus mentalibus accommodat determinationem vocalibus, duocetque verissimam oppositionem positam esse in affirmatione, & negatione eiusdem prædicati de eodem subiecto, non autem in affirmatione contrariorum prædicatorum de eodem.

Finis secundi libri de Interpretatione.

